






E.V. n° 12

14. g. I. 21.

OPVSCVLA  
DE VOLVPTATE  
ET DOLORE

De Rifu, & Fletu; de Somno, & Vigilia;  
De Fame, & Siti

NICANDRI IOSSII VENAFRANI.



R O M Æ  
Apud Franciscum Zanettum. M D LXXX<sub>e</sub>  
Cum Licentia Superiorum.

OPUSCULA  
DE VOLVPTATE

ET DOLORI

De Ritu, & Elit; de Somno, & Vigiliis;  
De Tame, & Sui

NICANDRI DE EPISTOLARUM



ROMA  
Vaticana Bibliotheca  
MUSEUM  
Vaticanae Bibliothecae



ILLVSTRI AC REVEREND.

D. IOANNI BAPTISTÆ BILLIO  
Saronis Comiti a Cubiculo Sanctissimi  
D. Nostri GREGORII XIII.



NICANDER IOSSIVS S. P. D.

**H** A B E T laudandarum artium  
procreatrix philosophia, Illust-  
ris, & præstantissime Comes, y-  
cum ipsa per se res obscuras, & a  
communi hominum intelligen-  
tia remotas explicet, & in lucem  
proferat, tum pro sit studiosis, tum incredibili e-  
tiam eorum animos, qui res a natura occultatas  
sagaciter venâtur, vbi ad alicuius implicitæ qua-  
stionis enodationem venerunt voluptate perfun-  
dat, ita cum duabus potissimū rationibus mens,  
quæ nunquam expleri potest in hoc statu, ad vnu  
aliquid cupide persequendum rapiatur, siue cum  
utilitatis, siue cum voluptatis lux aliqua ostendi-  
tur (utilitatem namque cum honestate coniun-  
go) mirum dictu est, quanto pere in earum re, um,

de quibus doctrina est quædam subtilior pulchritudine, ac fructu conquiescat. Hinc ab ipso ferme constituto orbe, excellentissimi viri, omnibusque omnino bonis instructissimi fuerunt, qui illud ingenij acumen, quo assequi quiduis facile potuissent, in hoc vnum opus a quo cætera splendore, & gloria vinceretur, contulerunt, nimirum ab hoc fonte deriuari credebant (neque eos fallēbat opinio) omnia quæ tum ad rerum perreconditarū, causarumque, quibus ea continentur naturalem cognitionem, tum etiā ad prudentem negotiorum susceptionem, accuratam administrationem, celeremque confectionem pertinerent, ut vix satis laudari possit ea vox plena grauitatis, qua vir ille vnus Græciæ sapientissimus, longeq; doctissimus Plato rerum publicarum felicitatem in philosophorum hominum virtute collocauit: Qua etiā cāsa adductos non paucos existimem, ut quamquam magno rerum gerendarum onere premerentur, quicquid tamen otij superesset, id totum in eorum, qui de Philosophia aliquid scripserunt, lectione consumerent, non solum ut in ea animus, deposita prope curarum mole, interquiesceret, ac propemodum interspiraret, sed etiam ut ad alia, quæ instarent negotia paratior, ac doctior fieret. Quippe sæpe etiam naturam magistrā, qua duce errari haud potest, secuti, quantum

1  
tum hominibus datum est, ita effecerūt, ut eius  
solertiam non admirati minus quam imitati fuis-  
se videantur: Ad quam summam Principum vi-  
rorum laudem tu generis claritate, studio, & in-  
genij splendore quam proxime accedis, virtutem  
namque & sapientiā cū nobilitate fœliciter con-  
iunxisti, ut inter viros omnes utraq; ratione splen-  
deres, & antiquam illam maiorum tuorum digni-  
tatem conseruares; hinc ego, & illo etiam quo  
teneor tibi aliqua in re inseruiendi desiderio rem  
non indignam facturum existimaui, si hosce labo-  
res qualescunq; de rebus ad philosophiam perti-  
nentibus, meos, tibi vni, cui nihil neq; a natura  
denegatum, neque a fortuna non delatum est, of-  
ferrem, quod etiam vehementer optabat Illustis  
Cæsar Marius, ratus fore, ut in ista tua fructuosa  
hominum vita, tuisque occupationibus, cum re-  
laxare animum voles, recreare illum, ac reficere  
paululū possis, si ad nostrarū disputationū quasi  
suburbanos quosdam hortos diuerteris nō magni-  
ficos quidē illos, atq; vberes, sed salubres, ut puto,  
& amenos, ac forsitan eo iucundiores quod eius  
manu culti sunt, cui nihil optatius est, quam ut  
possit, nihil antiquius, quam ut cupiat ex se exta-  
re aliquid, quo eius insignem erga amplitudinem  
tuam obseruantiam omnes non modo, qui nunc  
sunt, sed qui futuri sunt etiam homines, atatesq;  
cogno-

cognoscant. Quod tu, si munusculum tua illa;  
 qua rebus etiam minimis magnum pondus affers  
 humanitate, ut spero, complecteris, non ve-  
 reor, ne quemadmodum tu animum,  
 sic ceteri omnes munus, eiusque  
 offerendi causam vehe-  
 menter non pro-  
 bent. Vale.



7  
A D E VOLVPTATE  
ET DOLORE

OPVSCVLVM PRIMVM.

B Explicatur quæ sit differentia inter dolorem, displicentiam, tristitiam, siue mœstitiam, atque etiam inter voluptatem, & lætitiã. Caput I.



VONIAM vitæ nostræ plurimam ferè partem circa dolorem & voluptates absumimus, atque videntur primæ affectiones sensuû & intellectus, vt censet Arist. in lib. Ethicorum, propterea nō erat consentaneum, vt eorum nullam habētes sollicitudinē,

C tractationē hanc animastico necessariā perperam dimitteremus, à nostro illo iam pridem suscepto munere desistentes: Cum vero affectus animæ, aut animati corporis viderētur, nemini obscurū esse arbitror, quòd vegetatiuæ parti non cōueniant, nisi fortassis placeat per quandam translationem sumere voluptatem pro consueta & familiari operatione rerum naturaliter operantium, à qua scilicet perficiantur, quemadmodum videtur latiorum calidiorum corporū, frigidiorum autem quies, vnde consueuerunt dicere naturam ignis, & cognata illius gaudere motu, terram autem quiete, siue immobilitate in centro vniuersi, atque ita videntur gaudere, quoniam sic bene ipsorū naturæ sese habeant, & conseruentur; ex oppositis autem tristari nempe ignem quiete, terram vero motu secus locum, quoniam contrario modo, ac naturæ illorum postulant, afficiuntur, itaq; vt gaudet ignis mo-

tu

tus secundū illā analogiā, ita propter quietem tristatur, & **A**  
emarcescit, sed vere neq; voluptas est, neq; etiā dolor: de  
illo igitur dolore atque voluptate habendus est sermo,  
qui sentienti, aut omnino intelligenti animæ parti, vel  
ipsi cognoscenti ascribatur corpori, ac primū volumus  
explicare quandam differentiam nominum, ne illis for  
taſſe neglectis cuncta reddantur obscura, deinde per  
quam potissimum animæ partem obtingant, quæ sit eo  
rum natura, quæ deinceps necessaria esse videantur ad  
voluptatis & doloris generationē, & quibus modis con- **B**  
tingere possit aliquem gaudere vel trīstari, quid tum fiat  
in ipsa anima, ex quibus postremo explicabitur finis &  
obiectū vtriusque. Primum itaque sciendum est placuisse  
Arist. decimo libro Ethicorum omnes tristitias appel  
lare dolores, & gaudia voluptates, tametsi perauſta &  
multiplicata sint nomina, hoc enim factum est ab alijs  
cuiusdā distinctionis gratia, itaque vsitato more loquen  
di consueuerunt omnes illū dūtaxat appellare dolorem  
qui fit in sensu tactus per tristem videlicet ipsius sensa- **C**  
tionem corruptiuam organi, siue qualitatum eius con  
uenientium, quæ sunt vitæ propriæque saluti necessariae,  
alios vero nequaquam illi appellant dolores, sed trīsti  
tias quasdam, & eorum opposita voluptates & gaudia,  
quasdā insuper trīstes & iniucundas cognitiones, admo  
tionesque aliorum sensuum nempe visus & auditus, gu  
stus, & olfactus appellant displicētiās, & iniucundas co  
gnitiones, vtpote si visiva facultate, quædam turpia &  
foeda suspiciamus, si forsitan asperas quasdam voces, **D**  
illasque in musicis dissonantes, seu prauos odores, sapo  
resque ingratos quomodolibet sentiamus siue inepte  
aliquem dicentem auscultemus, ac certe videntur dolo  
res non esse neq; mœstitiæ, quoniam eo tempore posse  
mus esse in lætitia cōstituti, absurdum autem est, mini  
meq; possibile vt idem tempore eodem possit esse latus  
& mœ-



- A** & mœstus. Lætitia vero videtur esse effectus voluptatis mentis, aut potentia cuiuspiam interioris tanquam effectus ab ipsa cognitione, doloreue proficiscens, seu tanquam finis, non sæcus, atque mœstitia cuiusdam doloris soboles, & finis, sunt enim è regione oppositæ: itaque videtur lætitia non esse mentis gaudium, sed animi tranquillitas aut alacritas, & vacuitas curarum cum existimatione, aut saltē præsuppositione status optimi, quasi videatur huic homini se esse cunctis solutum curis, &
- B** nullius mali opinio, memoriaue suppetat, aut tanquam euicta extinctaq; despiciatur, ita ut expeditum ipsum faciat ad omnes voluptates facillime suscipiendas, ac ferme gestiat, atque hinc sequitur curarum solutos ut plurimum esse lætos, atque illos etiam qui ad pauca respiciunt, & propter desipientiæ notam nulla premuntur sollicitudine, atq; illos qui propter celerem sensus motum, & caloris vbertatem spiritus habent alacriores, & principium minus compressum, unde etiam vinum lætos efficit potatores, quoniam calefacit, motum auget, & confidentiam parit, spiritus facit alacriores, soluit compressiones, & suspensiones dolorum, & vim addit principio: quapropter frequentes huiusmodi lætitia potissimum sine causa obortæ desipientiâ referunt, & animum auertentem seria & honestiores curas, atque cogitationes, & studia melioris vitæ: At contraria mœstitia, quam alij etiam tristitia appellant, videtur esse remissio quedam, & tristis animi suspensio referens dolorem & angores,
- D** tanquam effectus doloris proprius, qui partem internam animæ occupauit, aut intrinsecus ipsum principium: sic enim spontanei quidam mœtores efficiuntur, & quandoque tum propter principij occupationē & molestias, tum etiā confusas quasdam alioqui tristes existimationes exoriuntur potissimum natura, & temperamento melancholicis: sed mihi videretur, eam ad voluptatem aptis-

si me referri: hanc autem ad ipsum dolorem, dico autē A  
 intrinsecū, quem alijs visum est appellare tristitiā pro-  
 pter distinctionem: per se enim lætitia est sicut habitus  
 quidā voluptatis perseverans propter existimationē aut  
 præsuppositionē optimi status vacuitatis inquam cura-  
 rum & malorum omnium; vnde simul fit animi tranquil-  
 litas & alacritas quædam, ac nos subinde id solum sole-  
 mus appellare lætitiā, quod est diminutum: mœstitia  
 vero est sicut habitus quidā doloris perseverās propter  
 existimationem saltem confusam, aut præsuppositionē B  
 mali status à causa nimirum extrinseca, vel intrinsecus  
 officiente, vt onus quoddam nimis molestum videatur  
 animo impendere propter illam existimationem, quod  
 sit in misera fortuna, & statu admodum remisso, idque  
 perseverat quousque non solvatur, sedeturque existima-  
 tio, aut alia quæpiam recens inducta opinio priorē eici-  
 at & obruat, vel bonum aliquid siue oblectamentū ani-  
 mū auertat ab illa existimatione, & solvat compressio-  
 nem, suspensionemque illam dolorificam. C

In qua parte animæ proxime, & immedia-  
 te fit voluptas, & dolor. Caput II.

Magna difficultas videtur esse quibusdam philoso-  
 phis, in qua scilicet parte animæ sit proximè repo-  
 sita voluptas & dolor, ac quidam inepte arbitrarentur,  
 utrāque affectionem esse propriā facultatis appetitiuæ, D  
 ac nullam præterea gaudere, tristariue nisi vt est appetēs  
 siue amans amore concupiscentiæ & fruitionis, aut con-  
 tra persequēs odio, nam voluptas & dolor odio & amo-  
 ri familiarissime sunt coniuncti, quasi vero hoc ita fiat;  
 vt quando facultas aliqua cognoscens quidpiam perce-  
 perit, quod plane bonum, siue apparens, vel alterutrō  
 modo



- A** modo iucundū videatur, mox ab illa cognitione nuda subeat opus appetitus, & oblectamento perfundatur, itaque si sit eadem facultas quæ appetit, & cognoscit, ratione tamen diuersa, vel omnino alia, illa profecto ut appetēs bonis hisce subiectis, & iucūdis delectetur, quod multis rationibus probāt: quoniā ubi est amor & odiū, ibidem sane voluptas & dolor esse deberet, sed amor & odium consistit in appetitu, igitur in eodem fit dolor & voluptas. Secundo hoc confirmatur ab obiectis prout
- B** sunt causæ istorum, porro bonum & iucundū sunt obiecta appetitus rationalis & sensitiui: sed voluptas à bono siue iucundo proficiscitur; dolor autem ab oppositis, igitur in alterutro appetitui consistūt: Præterea ex ipso actu, nam dolor & voluptas sunt affectus quidam: neuter enim cognitio est, sed affectus à quibusdam exorientes cognitionibus, ergo in affectiua ipsa parte animæ consistunt: hæc autem est appetitiua, in qua cæteri affectus similes efficiuntur, scilicet odium, amor, ira, & illorum cognata: Id denique confirmatur, nisi enim per appetitum fierent, felicitas profecto, quæ, ut videtur omnibus, est præstantissima, voluptas non cōsisteret in actu voluntatis, quod est absurdum, namque amor ipse fruitionis, qui videtur esse tota substantia illius felicitatis manet in appetitu: attamen si voluptates quæcunque excipi possunt ab obiectis ipsis essent in potētijs cognituius felicitas cōsisteret in actu intellectus, cognoscens autem ita videtur facere quemadmodum si ostendat, at
- D** que indicet bonum, quod deinde ut bonum est, aut delectabile delectat appetitum, unde ex illius oblectamēto exoritur amor; hic autē non fit nisi ea parte quæ voluptate afficiatur, sicut odium à dolore, & tristitia proficiscitur. Hæc autem opinio sine vlla difficultate repugnat Aristoteli, rationi, & sensato experimento, quapropter ab ipsa potissimum veritate coactus fateor, voluptatem

& dolorem fieri in omni sensu, imaginatione, & memo-  
 ria, quin etiam in intellectu, ac demum in ipso appetitu  
 tam sensitivo, quàm rationali; cuncta enim manifesta  
 sunt sigillatim per singula discurrenti. Siquidē dicebat  
 Aristoteles decimo Ethicorum cap. quarto ex professō  
 quòd dolor & voluptas in omni efficiatur sensu, & intel-  
 lectu; sic enim ait ad verbum: In omni namque sensu  
 voluptas est, & in mente simili modo cōtemplationeue,  
 hoc etiam aliàs tum illo, tum sequenti capite confirma-  
 uir. Sed ratione hoc ipsum patet, & est ratio ipsius Arist. **B**  
 qui arguebat hoc modo, nam perceptio iucundi & mo-  
 lesti per se dolorem & voluptatem efficit, sed omnes sen-  
 sus interni aut externi, intellectus & uterque appetitu,  
 in proprio genere subiectorū singuli habent nonnulla  
 quæ sunt per se iucunda & conuenientia, alia contra in-  
 iucunda igitur in cunctis efficitur dolor & voluptas, &  
 certe hoc altera ratione videbatur necessarium, nimirū  
 ab ipso fine propriaque functione, quoniam debebat  
 natura aptare dolorem & voluptatē illis potentijs quæ **C**  
 ad vitæ tutelam erant substitutæ, ut custodiam hanc sibi  
 creditam dolore pariter instante ac voluptate quamopi-  
 time rueretur, porro nisi gustus proprias haberet vo-  
 luptates, propriosque dolores nō eligeret magis vnū quàm  
 alterū, sed omnia viderentur patiter conuenientia, siue  
 incouenientia citra delectum, quòd etiam alijs eueniret  
 potentijs, sed quid oportet plures afferre rationes? valde  
 enim futile est, tantam habere curam rerum manifestis-  
 simarum; quis enim non experitur in se ipso in cunctis **D**  
 sensibus, cæterisque potentijs cognoscentibus dolorem  
 æque & voluptatem fieri sub ea qua cognoscūt ratione?  
 Cum propterea renocatum esset in dubium apud vete-  
 res si dolor & voluptas esset ipsa formaliter tristes, blāda-  
 que cognitio, vel aliud quidpiā ab ipsa cognitione in-  
 separabile, de quo iam iam sumus tractatūri, an non for-  
 tasse

- A** tasse censes dolorem qui ex soluta efficitur vnitate con-  
currente dumtaxat appetitu fieri, quasi vero vel sponta-  
nea res sit ille dolor, & non fiat antequam appetitus se co-  
uertat odio id quod soluit prosequens, non ne vides quod  
dolor praecedat odium, & voluptas praecedat amorem, &  
appetitum? effectus autem nullus est antequam sit causa  
in actu, sed pro maiori dilucidatione sciendum est oēs  
voluptates & dolores esse proprias affectiones facultatū  
cognoscentium, nam appetitus vel est alicuius earū ope-  
**B** ratio, vel saltem illamet facultas ratione tantum distin-  
cta, quamobrem & hic est ordo in operando, cum sen-  
sus aut intellectus bonum aliquid siue iucundū cognou-  
erit, continuo si bonum est illud auct atque amat, vel  
amore concupiscentiae, vel amore amicitiae & fruitionis,  
cum autem amat, siue desiderat, fortasse magis gaudet:  
hinc enim actiones spontaneae ioci, relaxationes, somni  
quietes, studium, & cognata istorum delectant, ea nam-  
que si sponte & cum desiderio facimus, sunt magis iucū-  
**C** da, attamen proprie sub ea ratione qua cognoscunt, ob-  
lectantur, aut dolent, & quemadmodum amor est effe-  
ctus cognitionis iucundae siue alicuius boni veri vel appa-  
rentis, eodem etiam modo appetitus, dolor, & gaudiū,  
& si cum illo amore sit voluptas, hoc etiam sit propter  
cognitionem: quod enim amat, hoc etiam amando co-  
gnoscit: visus enim cum viderit aliquod pulchrum, vi-  
dendo afficitur voluptate, inde procedit amor, & desi-  
derium fruendi: illa tamen fruitio nequa & lasciuia pa-  
**D** riter blanda, & suauissima est cognitio, & consueuerunt  
appellare fruitionem iucundas quasdam & claras cogni-  
tiones non dimittentes, cum commoditate & possessio-  
ne quadam, amorem vero fruitionis illū appellant qui  
ab ea profisciscatur cognitione, ipsique existat coniun-  
ctissimus, minimeque separabilis: patet igitur quae nā  
potentiae gaudeant, & doloribus afficiantur, ac quomo-  
do per

do per appetitū & voluntatem obtingere possint, quip- **A**  
 pe qui voluptatem & dolorem augere valeat in ea, quæ  
 cognitionis est compos, facultate, vel contra obtūdere  
 vires, & existentiam pro apparente mutare, ac certe non  
 est modica vis, & propterea dicebat Arist. secundo Ethi-  
 corum cap. tertio, virtutes oēs & vitia ex dolore & volup-  
 tate proficisci, & hæc illas vicissim comitari. Nunc ve-  
 ro superest vt dissoluantur illorum rationes: Ad primā  
 autem respondeo concedens assumptum, illud videli-  
 cet quod in eo fit dolor & voluptas, in quo amor & odiū **B**  
 generatur: etenim hæc in ipsa quæ cognoscit facultate  
 fiunt: cum enim iucundum & conueniens aliquid noue-  
 rit à quo delectari senserit, statim amore illius accendi-  
 tur, aut contra in odium & inimicitias se conuertit, si tri-  
 stem fecerit sensationem: attamen voluptas amorē præ-  
 cedit, quamuis fieri potest vt intendātur illius vires sub-  
 crescente pariter amore, nequaquam vero vt amat vel  
 odio habet, præcise gaudet vel dolet, sed potius quia do-  
 let vel gaudet, insuper appetit & amat, aut auersatur & **C**  
 odit. Secūda deinceps ratio quæ ab obiectis desumitur,  
 multo facilius diluitur: supponūt enim facultates per  
 obiecta differre vt censet Arist. secundo de Anima: itaq;  
 vt differt bonum & verum, bonum iucundum & senti-  
 bile, tantum etiam differt intellectus & voluntas, sensus  
 & appetitus sensitivus, sed, aiunt dolor, & voluptas ap-  
 petitū sectantur obiecta, igitur in appetitu dumtaxat  
 fiunt, minor videtur esse manifesta, quoniam à singulis  
 procedūt obiectis, vt sunt iucunda, ac modo aliquo bo- **D**  
 na. Respondeo quòd intellectus est per se veri & boni:  
 voluntas autem est boni tantum cogniti, ac similiter in  
 sensu: is enim vbi conueniēs aliquid cognouerit, ab illo  
 tāquā iucūdo & bono afficitur voluptate, & iucūdū hoc  
 censet bonū ac cupit: quis enim neget ne fiat dolor, ve-  
 lit aut nolit quispiā soluta vnitate, aut ne fiat voluptas  
 tactui

- A** tactui cum multa frigiditate doleret, ab ipso calore? omnis plane virtus si appetere & amare aliquid debeat, ea dūtaxat ratione amat & cupit; quia bonū & conueniens sit vel tale saltem videatur, & contra nihil auerfetur, ac odio prosequatur, nisi illud perspexerit esse malum, minimeque iucundum: itaque ad hanc pertingit ipsa cognitio, ac talia cognoscenti cum esset in actu, fiebat dolor & voluptas. Ad tertiam quia nondum manifestum est quid sit vtraque affectio si concedā affectus pro maiori parte fieri per appetitum, haud tamen necessariū omnes, nam quidam manifeste ab alijs procedunt facultatibus, ipsa namque verecundia est quidam affectus, sed minime ab appetitu proficiscens, at potius ex sensu & opinione, sed de hac re paulo post dicemus vberius. Postrema etiam difficultas nullius est momenti, nam etsi concedam felicitatem optimam consistere in actu voluntatis, nequaquā sequeretur ob id omnes dolores, voluptatesque per hanc fieri potestatem animæ, sed aliquas tantum & fortasse omnium præstantiores: at neque illud verum est, quoniam Aristoteles cum antea diuisisset felicitatem in actiuam & contemplatiuam, hanc postremā & optimam decimo Ethicorum cap. septimo reddebat intellectui, & in contemplatione putabat consistere, quæ est vt clara visio, quod in sequenti capite multo explicatius confirmauit sumpto argumento à primo intellectu, primaque rerum causa, quæ est Deus optimus maximus: siquidem ipse totus est felicitissimus, ipsique
- D** tota æque vita beata per æuum: attamen non quia formidolosæ res substat, neque cætera secundum virtutes morum efficiendo substinendoque, qualis profecto est actiua felicitas, sed intelligendo tantum, quippe qui sola felicitate potiatur contemplatiua per seipsum à se ipso in se ipso, & ad se ipsum sine vlla dependentia, pariter inquit & homo illa sua prope diuina parte animæ sibi

sibi creditā, operatione potissimum illā efficitur foelix, **A**  
 quæ huic maxime est cognata & proxima, nimirū ipsa  
 intelligentia, contemplationeue rerum præsertim opti-  
 marum in latitudine totius entis, at qui subcrefcit gau-  
 dium si clare videat & cognoscat, nullaue formido  
 suppetat amissionis.

Quid sit obiectū voluptatis, & doloris effectiuū,  
 an singula ratione quadam, & figura com- **B**  
 muni hæc faciant, ac quomodo  
 & cuius finis gratia existant.

Caput III.

Quoniam constitutum est in præcedenti capite dolo-  
 rem, ac voluptatem fieri apud omnem cognoscen-  
 tem facultatem, non immerito aliquis existimaret nullū **C**  
 esse determinatū genus, quod in se ipso contineat om-  
 nia, quæ effectus illos cient: nullum enim commune est  
 genus sensibilem, & intellectuū rerum, ab his antem  
 nullo discrimine fiunt: attamen si rei naturam diligen-  
 ter animaduertamus, nulla præterea relinquetur difficul-  
 tas nam vna est cōmunis figura, & quasi formula, cuius  
 ratione gaudiū cietur, & voluptas, altera deinceps qua  
 dolor & tristitia generatur, ob id dicebat Aristoteles de-  
 cimo Ethicorū cap. quarto, esse quādā pulchra in omni  
 genere rerum sensibilem, & earum quæ per intellectuū **D**  
 cognoscuntur proportionem scilicet respōdentia pulchro  
 secundum aspectum, nōnulla etiā deformitate tristitia,  
 & quemadmodum ab illis gaudium, ita ab his dolor ge-  
 neratur, siue displicentia: sed quoniam pulchrum & tur-  
 pe secundum quādā analogiam dicuntur, propterea  
 ex cogitandum est, quale nomen possumus accommodare  
 proprium



- A** proprium alterutro rerum, & obiectorum genere, sed neque hoc tacuit Aristoteles: dicebat enim conueniens & incōueniens esse per se causam doloris & voluptatis. quod enim aliquo modo conueniens est sibi & accōmodatum, id voluptatem affert, contrarium autem dolorē, hoc etiam erit si dicamus bonū & malum, & certe hoc potest illa ratione demonstrari, quoniam per se dolor parit odiū, & voluptas parit amorem: eadem igitur sunt causæ doloris & voluptatis, per quæ generatur amor, &
- B** odium, sed horum subiecta sunt bonum & malum, ut visum est omnibus: ergo bonum, & malum sunt per se causæ doloris, & voluptatis, bonum autem, siue malum non accipimus hoc loco secundū formam: sic enim fortasse vel neutrum mouerent effectum, vel saltem ad hoc bonum non attingeret facultas sentiens: accipimus igitur vtraque concrete, bonum enim & malum sunt in rebus, sed hoc est duplex alterum ratione perceptibile, quod nomine hoc nudo bonum appellatur, alterum
- C** autem bonū, & malum ad sensum, & hoc bonū, & malū iucundum & iniucundū secundū sensum nuncupatur: voluptas autem fit ab his conuenientibus & bonis, quoniam iucunde & blande mouent, at contra efficitur dolor cum mouent iniucunde & importune ut læsionem & incōmodum, siue inconueniens aliquid referant: solent autem iniucunde mouere, sensum quidem si sensitium corpus, illiusque temperiem, & propriam naturam corrumpant, aut saltem læsionē aliquam afferant,
- D** si vero sint cognata & familiaria, vel modo aliquo conuenientia delectant, nempe si congruant saluti, temperaturæ, totique substantiæ, & in omni sensu sunt quædam voluptates propriæ, propriique dolores, quædam vero communes, propterea quod ipsis conueniant ut coniunguntur phantasiæ & opinioni, proprios dolores & voluptates illos appello, qui fiunt à propriis subiectis sensibilibus

libus, prout sunt talia, voluptas nimirum quæ à colore A  
& luce, alijsque uisibilibus sit propria censetur visus, ut  
pote si uiridem colorem aspiciat, quia moderate ipsum  
cōgregat, si congruentes inter se colores, & analogiā  
habentes optimam, tum in mouendo, tum in repræsen-  
tando vicissim, intueatur, moderata quoque lux in opa-  
co, quia potentiam vegetat, mouet, ac modo quodam  
perficit, aut post tenebras non admodum intensa, cum  
videre per illam incipiat: actus enim est perfectio potē-  
tiæ, si vero repente lux nimia in visum irruat, virtutem B  
illam in diasano pupillæ mouet, & disgregat: itaque do-  
lorem parit, quia sensorium lædit, & uisum heberat,  
atque hinc nimia albedo dolorem facit visui, quoniam  
est color illum disgregans, hinc etiam & intensa nigre-  
do, quippe quæ nimium congregat, sed minus displicet,  
nam congregatio minus, quàm disgregatio nocet: inter-  
dum autem sensus videntur affici dolore, ac voluptate,  
si coniungantur phantasæ, aut opinioni: cum enim visu  
cernimus aquam tempore sitis, vel esculenta tempore C  
famis, vel pulchram mulierem, optimas quasdā pictu-  
ras, porticus, & ædificia immensa, quasdam etiam facies  
ridiculas voluptate afficimur, & visus oblectamento vi-  
detur recreari in illa susceptione; attamen phantasæ, &  
opinionem conuinctus delectatur, quoniam imaginamur  
aquam & esculenta tristem illam posse appetentiam  
sedare, ac prope naturæ vacuitatem replere: itaque sub  
imaginatione quod possint proficere, grandemque illā  
appetentiam & tristem sensationem explere cum spe in D  
super fruendi voluptas aduenit, excidit autem & pro vo-  
luptate fit dolor, si formido, vel diffidentia non habēdi,  
fruendique contingat, quemadmodum Poetæ fingunt  
Tantalum poena talionis propter concupiscētiā vexari,  
cum sit prematur intensa, & aquas vsque ad mētum  
habeat pertingētes, quas tamē potare nec magnos pos-  
sit



- A** fit adhibendo conatus, ac dolor perpetuo vires acquirit & euadit intensior, nec sc̄cus plane fit in ceteris; cū enim uiderit aliquis pulchrā mulierem sensus hic mouet sensum concupiscentiæ, & imaginatio refouet actum: itaq; mouetur ad concupiscendum, nisi ratio, quæ secundum naturam debet esse domina appetitū illum moderetur, & refrangat, ita quoque delectant picturæ, uel iudicio rationis adhibito quod artis peritiā, & ingenium referant, uel si spectaculum aliquid nempe animalium fagam, nemora & confessus uirorum, uel ridicula quædā non inepte præferant: In ipso etiā hoc modo fiunt dolores, & tristitiæ, nempe si uideat ouis ad se proficiscentem lupum, uel fortasse etiam depictum, ut illum perperam delusa cognoscat, partim timet, partim etiā dolet, & cunctis hoc accidit hominibus cum uidēt aliquē inimicum, nisi fortasse gaudeant ulcturi, gaudet enim qui ulciscitur: Eandem dolorum & uoluptatum differentiam facit auditus; in hoc enim soni inter graues & acutos mediū uoluptatem efficiunt, quoniam mouent suauiter, & sensorium non lædunt, nam ualde acutum uidetur ut acus pungere; grauis autē ut pistillus impellere, commensuratum igitur mouet blande, & quoniam homo sensus habet, ut ita dicam; rationales propter rationis antiquam societatem ob id quodam altiori præditus intuitu, & facultate gaudet quadam uocum & sonorum pulchritudine, nimirum uoce clara nequaquā aspera inter acutum & grauem media nō obtusa, neque inter-
- C** tercisa, quamobrem etiam gaudet illa proportionē, & numero, quem rithmum appellant tam in singulari uoce, quā in compositis: cum enim talis optima uox aures demulcet, sensus se ipsum admouet & applicat obiecto sentiendo, ut neque diuelli, neque turbari cupiat, sed si uox numerum amittat, uidetur intercisa, & non amplius una: sensus autem & iucunda applicatio uult

unitatem sine interceptione gaudet etiam suo altiori in A  
 dicio, quia comprehendit artificium non uulgare, eam-  
 que ob rationem multæ simul uoces in musicis delectât  
 si sint consonæ, & claræ admodum, quoniam multa pro-  
 pter numericam proportionem in unum coeunt haud  
 modica peritia, quamobrem auditus facile cum uolup-  
 tate substat illam applicationem, at si inter eas corrû-  
 patur proportio laborem pariunt, & displicentiam, nã  
 unitate corrupta uidentur multæ uoces seorsum, at sen-  
 sui præsertim auditui molestum est pluribus simul in- B  
 cumbere, quoniam applicatio præsertim facilis & iucû-  
 da uult unum non multa: hoc etiam facillimum est ob-  
 seruare in sensu gustus, tactus & olfactus penes propria  
 subiecta, atq; hinc patet illius difficultatis solutio, quã-  
 obrem cõmensurata cunctis sensibus suât iucunda, ex-  
 cessus autem omnes molesti, etenim cõmensurata blan-  
 de mouent, & cum salute, idcirco sunt iucunda, alia ve-  
 ro uehementius mouent, & forsitan corrumpunt, aut sal-  
 tem lædunt: an forsitan sensus in mediocritate cõsistit? C  
 sed hoc, ut mihi uidetur, non fieret in omnibus, sed in  
 ipso solum tactu, si nempe concedatur esse quandã for-  
 mam siue potentiam ex optima, purissimaque *συμμετε-  
 ρα* primarũ qualitatum profecta, nequaquam uero ex *συμ-  
 μετερε* constat saporum, odorum aut sonorum: Cæ-  
 terum gaudet intellectus tum cognoscendo multa, hæc  
 enim est sua perfectio, tum meliora, præsertim difficilia  
 ualde, ac nimis optata, ac si ratione cognoscat se habitu-  
 rũ aliquid, uel homo per ipsum, quod summo sit illi ho- D  
 nori, summamque afferat utilitatem, uel spe quomodo-  
 libet futuri boni corripiatur, uel existimatione præfẽtis  
 uel saltem honesti: cum enim uir studiosus habitũ exer-  
 cet uirtutis alicuius, mens ipsa & practicus gaudet intel-  
 lectus, nam iucundum est esse bonum, aut existimari, fa-  
 cere quæstum, ueris abundare diuitijs, atque alijs ad faci-  
 lem

- A**lem commutationem utilibus, iucunda res est honor, digniorē esse ac cæteris præstare: itaq; non immerito gaudebit intellectus aut homo, cum se non esse illorū expertem opinatur, sed vbi contrariam habeat opinionē & scientiam oritur dolor & tristitia: sequuntur etiam vt plurimū voluptates & dolores quasdam corporum naturas, temperamenta & mores, siue consuetudines, & existimationes proprias longe in hominibus diuersas: itaque pigris quibusdam hominibus veluti desidia, & otii placet, ita displicent omnia, in quibus opus est labore, & valida corporis exercitatione: quapropter ex ipsis rari admodum sunt venatores, aut milites, nisi vel necessitate quadam coacti, aut spe faciendi lucrum, vel opinione maioris boni, & honestæ gloriæ consequendæ cum aliqua vtilitate alliciātur: his vero ludi vt plurimū placent, nisi contraria quædam obstet opinio, aut mores & exercitium, atque illis potissimum qui ad pauca respiciunt, & minori curarum studio tenentur, aut quos minima
- C**etiam cura fatigar, & rem istam vel saltem consuetudine magno prosequuntur amore, atque illis primum indulgent ludis, & oblectamentis, qui nullo prope egent labore mentis aut corporis, & in quo opinētur se maius lucrum efficere posse, & in quo fortassis sibi videatur esse magis fortunatos, magisque peritos, tametsi non existāt, atque alijs alij ludi placent, prout eis vel magis victoria vel magis vtilitas arridet, & ludendi quædam forma honestior, vel ista simul coniuncta: itaque alios alij ludi delectant, prout vel magis idonei ad eos sunt, quàm cæteros, vel magis in eis victoriam affectant: ob id enim solent plurimam iucunditatem afferre, & voluptate perfundere, vt ait philosophus, secundo Rethicorum: alij vero cæteris magis arrident propter consuetudinem, alij propter alias quasdā opiniones, illasque varias, vtpote quibus magis prosperitas fortunæ placet, ijs ludi magis arrident,

dent, in quibus minus requiritur ingenij; plurimū autē A  
 fortunæ, alijs contra arrident alijs, in quibus ostenditur  
 maius acumen, namque in his maior & præclarior victo-  
 ria est, quippe quæ per virtutem propriam obtingat, ibi-  
 que magis in quo splendor quidam & ingenij præstantia  
 demonstratur, & victoria quædam præclarior in vsu ra-  
 tionis, quæ est homini, vt homo est, propria: in hac enim  
 est longe præstantior, quàm in cæteris vbi parta victoria  
 videtur esse aut propter fortunam, aut optimam corpo-  
 ris habitudinem, & robur naturæ: hoc enim neq; adeo B  
 præstat, neque hominibus est proprium, omnino tamē  
 videntur omnes ludi qui potius lucro, quàm victoriā de-  
 siderantur esse familiares auaro hominum generi, quē-  
 admodū inquit Arist. quarto Ethicorū cap. primo de libe-  
 ralitate & auaritia, tamen si nimis auari propter formidi-  
 nem faciendi iacturā vel omnino abstinēt, vel ludunt  
 res minimas, arbitrati hoc modo se parū posse è re pro-  
 pria absumere, multum autem, si fortuna volet, lucrari,  
 aut relaxationis tantum gratia, etenim ludi relaxatione C  
 quædam sunt, & oblectamenta vitæ, & alij si debite  
 suscipiantur ad robur corporis plurimum valent, tuen-  
 damque valetudinem, alij etiam animo conferunt: sic  
 enim prope deposita curarū mole videtur interspirare,  
 & subinde ad reliqua, quæ impendent negotia, & gra-  
 ues cogitationes reddi paratior, longeque magis ido-  
 neus, tamen si excipere oporteat quosdā honestos ludos,  
 & quantum ac quomodo oporteat. Alijs contra qui cali-  
 diores sunt, magisque robusto corpore & longe mobi- D  
 liores venatio placet, præsertim si in ea fuerint assueti,  
 & victoria illa, atque certamen placet; hinc videretur  
 militibus arridere, quamuis non omnes æque existimāt  
 bonum hoc modo vincere, & feris insidias parare falla-  
 cibus, aut celeres immanesque vincere, nec magnum  
 aliquid esse aut honestum solatium, idque si compense-  
 tur

- A** tur labore videtur quibusdam non esse rem admodum iucundā nec prosequendam, & nonnullis, qui valde misericordes sunt displicet videre hæc animalia indigne pati, ac minime videbis omnes venatores esse milites, quamuis venatio sit militiæ species, vt censet Aristoteles primo Politicorum, nonnullis enim placet hoc militiæ securissimum genus, aliud autem displicet, utpote non satis tutum nec fortasse admodum utile, quamuis honestum & magno dignum honore: viris autem ingenuis,
- B** & acumē maius obtinentibus arrident in primis studia, & animi diuitiæ, atque in his voluptatem sentiunt, præsertim si opinentur se in ea re videri omnibus præclarissimos, efferrique ad summos honores, ac demū immortalitatis nomen adipisci: omnino autem opinionum existimationūque varietas in hominibus facit alia alijs apparere iucunda & molesta, quod magis ipsis videmus accidere, quàm cæteris animalibus, cum obtinuissent facultatem illam minus penderem à corpore, & plura
- C** cogitantem, opinantemque varie: quamobrem patet quæ sint obiecta doloris, & voluptatis, & quomodo singillatim in omnibus potētij tales producātur effectus, nunc superest vt ipforum vsum, propriosque fines explicemus, ad quos potissimum illis vtatur natura; hoc vero palam explicauit Aristoteles primo Politicorū cap. primo, partim etiam in fine tertij de Anima: cum enim fecisset animal, ipsique sensum, alijs etiam intellectum tradidisset, vt futuri essent custodes vitæ, & curā haberent totius animalis, opere pretium erat vt dolore ac voluptate afficerentur, quoniam sic oneri imposito satisfaciunt, cū ad hæc duo se flectant, & accommodent secundum illam necessitatem, ad prosequendum scilicet, & fugiendum: deinceps autē in humano genere illis abutitur ad alium finem, scilicet ad virtutes; quamuis hinc etiam orta sint vitia, quemadmodum declarauit Aristo.
- secundo

secundo Ethicorū cap. tertio : tria etenim sunt, quæ in A  
 electionem, ac totidem in repudiationem cadunt, hone-  
 stum, vtile, & iucundum, & tria contraria, turpe, inutile,  
 & molestum, & circa hæc probus vir bene agit, malus  
 autem perperam, fortassis etiam dolor & voluptas in cō-  
 muni non modicum momentum habēt ad scientiā, ita-  
 que tum hoc, tum illo etiam modo videbatur necessa-  
 ria perceptio doloris & voluptatis, siue cum dolore &  
 voluptate: dolor enim non est obiectum, quemadmo-  
 dum nos loquimur de illo. B

### Quid sit dolor & uoluptas. Caput III.

Nunc altera emergit quæstio ad naturā illorum perti-  
 nens de voluptate & dolore quid sint, primū autem  
 per prædicata negatiua, quemadmodū fecit Arist. quid  
 non sint explicabo, vt subinde quid vterque sit prōprius  
 longeque expeditius appareat : etenim nonnulli opina-  
 bantur voluptatem esse quādam speciem generationis, C  
 dolorem contra corruptionem: Alij putabant dolorem  
 esse indigentiam eius quod est secundum naturam, vo-  
 luptatem autem repletionem illius: Alij dolorem & vo-  
 luptatem censebant esse motum: Alij eandem animæ  
 primam operationem, nempe uisionem iucundi esse vo-  
 luptatem, dolorem contra iniucundi, molestique aspe-  
 ctum, quarum opinionum illæ duæ primæ si secundum  
 verborum faciem accipiantur nimium videntur futes, D  
 idcirco in earum oppugnatione nō faciam temporis ia-  
 cturam, conuertam nihilominus eas paulopost in sen-  
 sum meliorem, quemadmodum fortasse ab illis accipie-  
 bantur, & cum illas recenseret Arist. per initia decimi  
 libri Ethicorum tertiam plurimis oppugnauit rationi-  
 bus. Enimuero motus omnis efficitur cum tempore,  
 cum ex sua definitione successionem contineat, vel saltē  
 ut pro-

- A** ut proprium quoddam ad naturam eius, quam proxime accedens; voluptas autē & dolor in instanti, & quem admodum aiunt, subito nobis obtingere solent, ergo non sunt motus: hoc deinceps confirmatur, nam omnis motus est gratia alicuius, cum ad aliquem proprium terminum sit processio & via: necesse est enim ut intra duos terminos collocetur, videlicet terminum à quo, & terminum postremum, in quem pro sua natura deficiat, dolor autem nullus, & voluptas termini alicuius gratia
- B** videntur esse, ergo voluptas & dolor non sunt motus: præterea ex motuum qualitate, nam singuli velocitate, tarditateue donantur, quemadmodum idem explicauit Aristoteles tertio & quarto Physicorum, voluptas autē & dolor omnino velocitatis, ac tarditatis sunt expertes, ergo non sunt motus, minor propositio non eget vlla probatione, quoniam manifestum est dolorem dolori comparatum, aut voluptatem voluptati, neque huic illum, esse alterum altero velociorem, vel segniorem,
- C** & quamuis dicere consueuerunt nonnullos cito à dolore in lætitiā conuerti, aut contra, aliosque cito dolere, aut lætari, vel plane signius, hoc nullam affert difficultatem: illud enim breue tempus esse significat, quod inter dolorem & voluptatem intercipitur, alterum vero facilitatem quandam, & maiorem promptitudinem arguit, secundum quam bene, maleue dispositi facillime dolent, & leuissima occasione lætantur, illę tamen affectiones semper eodem modo in instanti sunt, siquidem
- D** dolor & voluptas, aut ipsa cognitio est, vel ab illa nequaquam separabilis; cum igitur cognitio fiat sine tempore, rationabile quoque est illos esse in instanti, sed quandoque cum perseveret applicatio facultatis circa obiectum conueniens & bonum, tum permanet voluptas, tum etiam solet intendi, ut quandoque pro moderato gaudio fiat, immensa lætitiā, quemadmodum si pauca



- A** fit, si idem sit operatio, & voluptas, non tamen ipsa voluptas mentis esse videtur operatio, neque sensus, est enim absurdum, sed quia non separatur, idem quibusdam videtur, hinc equidem multa colligo, primum autem quod sensus, mentisque operationibus longè proximior & cognatior est dolor & voluptas, quàm cupiditates, quippe quæ etiam ab his proficiuntur, ut enim superius dicebam, cum fiat in aliqua cognitione dolor, & voluptas ab his procedit amor & cupiditas, siue odium
- B** & cupiditas absentia, alterum vero est, quod voluptas, & cognitio sunt natura distinctæ, quamvis perperam antiqui deciperentur existimantes esse idem propter vicinitatem, arguit eos philosophus illa ratione, nam voluptas operationem ipsam cognoscentis, ut cognoscens est, perficit; uigorat, & confirmat, ac dolor è contra deficit, & submittit; nullum autem se ipsum confirmat, aut intercipit, igitur uoluptas & dolor ab operatione differunt: Amplius omne prius differt à posteriore, atqui cognitio est prior dolore & uoluptate, cum non conuertantur, igitur uoluptas seu dolor & operatio cognoscentis res est omnino diuersa: Insuper res una eademque modo uoluptatem affert, quæ tamen antea tristis erat cognitio, tamen eadem est secundum naturam quamuis numero differens: præterea quodcumque ab aliquo procedit non est ipsum, sed uoluptas & dolor à cognitione procedunt, igitur neutra est cognitio: Amplius definitione conuenirent, sed definitione, sine ac natura differant, ergo non sunt idem, immo præterita nonnunquam facultatis cognitione, applicationeque circa bonum aliquid, uoluptas nihilominus permanet, illa inquam uacatio curæ, & animi tranquillitas: quid igitur erit uoluptas & dolor? respondet Aristoteles citato loco ijs uerbis, perficit autem operationem uoluptas non ut habitus, sed ut pullulans quidam finis, itaque censebat do-



lorem, & uoluptatē esse quendam finem necessario pul- A  
 lulantem à quibusdam cognitionibus, & sequenti capi-  
 te appellabat proprietatem operationum; ab illa enim  
 perfectissima cognitione rei conuenientis pullulat uo-  
 luptas necessitate sequelę, ab opposita uero pullulat do-  
 lor; est autem perfectissima ipsius bene dispositi opera-  
 tio ad illud quod est pulcherriimū eorum, quę sibi subij-  
 ciuntur, ac propterea consueuimus appellare hilares,  
 & uoluptuosas cognitiones illas, unde uelut finis neces-  
 sario pullulat gaudium, alias contra tristes & iniucun- B  
 das: At si finis pullulans est, qualem induit naturam? ar-  
 bitror non esse affectum, sed affectionem & alteritatem  
 ipsius potentię cognoscentis, ac propterea non esse a-  
 ctionem, sed passionem, uel potius neutrum, sed quem-  
 admodum antea dicebam affectionem proficiscentem  
 à prima cognoscentis alteratione: Itaque Aristot. tertio  
 Rhetoricorum ad Theodect. capite decimo definebat  
 uoluptatem & dolorem inquitens: Voluptas est animę  
 affectio tota simul sensibiliter in naturam proficiscent, C  
 dolor autem in contrarium naturę statum, quod etiam  
 sensisse mihi uidetur illi seniores philosophi, qui puta-  
 bant uoluptatem esse quendam generationis speciem,  
 dolorem uero corruptionis, siquidem ut uera generatio  
 radicatus ad naturam perducit, nimirum ad speciem,  
 corruptio uero ad naturę huius non esse, ita etiam uo-  
 luptas, cum ad illud quod est secundum naturā sit pro-  
 fectio, non immerito quædam appellatur generatio, at-  
 que pariter obscuris nominibus hoc ipsum sentiebant, D  
 dicendo uoluptatem esse repletionem, dolorem uero  
 indigentiam eius, quod est secundum naturam, qui de-  
 nique motum illos esse asseriebant, profecto illas cogni-  
 tiones quasdam esse arbitrabantur: sunt enim alteratio-  
 nes quædam, aut si alteritates quædā sint ab ipsa cogni-  
 tione proficiscentes, eodem modo motus totus simul &  
 necessatio

- A** necessario pullulans uiderentur. Aristoteles autem oppugnabat eos, qui in reprobū sensum abutebantur illis opinionibus, Mihi uidetur optima hęc esse definitio uoluptatis & doloris. Voluptas est iucunda cognitio, dolor autem cognitio tristis, & sunt de genere illarum definitionum, quas Aristoteles propter quid reddentes appellat secundo libro de Anima, uel aliorū more causales, quoniā, ut dicimus, quatratum esse medię inuentionem, & Lunę defectum esse terrę oppositionem inter Solem & Lunam per eandem diametrum alterutrū astrū contingētem, ita uoluptas dicitur blanda cognitio, uel rei conuenientis, utpote quòd ab ipsa tanquā finis pullulans necessario proficiſcatur, & dolor contra cognitio rei tristic, quòd inde procedat, sed proprie affectio est formaliter, ac propterea definitione magis exacta: oportet dicere hoc modo, Voluptas est cognoscētis affectio, uel delectatio propter cognitionem boni, & conuenientis, dicitur autem in naturam proficiſcens,
- C** illud enim quod ab excessu aliquo ad naturalem statū perducit, aut omnino naturę conueniens est, & familiare per se ipsum delectat, & uoluptate afficit, contraria uero efficiunt dolorem, ac propterea definitio illius erit per opposita prædicata quantum ad differētiās pertinet, proximo namque genere citra difficultatem cōueniunt.

De tactus dolore sit ne ille dumtaxat uere dolor,

- D** & quapropter hic sensus maiores experitur dolores, & voluptates. Caput V.

**O** B plurimas difficultates & controuersias, quę circa sensus huius dolorem obtigerunt, ego proprium caput, propriamque de illo tractationem institui, quoniā, ut paulo antea dicebam, existerunt plurimi, qui cense-

bant

bant dolorem esse proprium tactui, nullamque facultatem; hac vna dumtaxat excepta, doloris esse participem, tametsi alia pro doloribus quasdam displicentias, tristitiasque sentiant ob ea, quæ in subiecto genere videntur turpia, minimeque conuenientia, ac propterea citra vllā distinctionem doloris, coeperunt dubitare, vtrum dolor à solutione vnitatis, vel ab intemperie fiat, quasi vero nullus dolor sit præter eum, qui sit in tactu, sed quoniā satis in superioribus demonstraui hoc esse absurdum; propterea hic nolo sine vtilitate fimbrias dilatare, potissimum quia diffuse admodum hoc explicauit Arist. primo Rhetoricorum ad Theod. quarto & quinto capite, nonnulla tamen breuiter attingam: cum enim dolor & voluptas sint affectiones cōtrariæ, quomodo fieri potest, ne in subiecto eodem fiant, vt inquit Aristoteles decimo Metaph. cap. de oppositis, attamen voluptas fit in omni sensu, in mente & opinione; igitur in eis quoq; efficitur dolor: Id etiam confirmatur definitione iucundi & molesti; ait enim Aristoteles primo Rhetoricorū ad Alexand. iucunda sunt ea, quæ voluptate afficiunt, iniucunda vero quæ dolorem afferunt, sed in omni sensu, ac mente sunt propria quadam iucunda & molesta: igitur voluptas & dolor per omnes reperitur sensus, omnemque potentiam cognoscentem istorum corporum: Verumtamē consueuimus propter acerbitatem & naturam excellentem dolores potissimum appellare, quos tactu patimur insolentiores, atque adeo nomen commune translatum est ad vnā speciem, sed quare non sit alius dolor animalis, neque voluptas, qualis dolor est, & voluptas tactus, eget explicatione, huius autem scire oportet, non vnā modō, sed multiplicem esse causam: primam autem esse illam, quia, vt antea demonstraui, dolor & voluptas sequuntur cognitionem, quapropter vt certior est cognitio, ita intensior fit dolor, & voluptas, sed

tactus

- A** tactus est sensuum omnium certissimus, igitur consentaneum erat, ut dolor eius, atque voluptas præstaret cæteris, ratio est ab operatione desumpta: Secunda deinceps ex modo ipsius operationis desumitur: tactus enim proxime afficitur à suis sensibilibus obiectis, utpote cum contactu vel corporis, vel virtutis agentis; igitur consentaneum erat clarius tum gaudere propter iucunda, tum acrius propter molesta dolere: Tertia sumitur ab obiecto, hoc enim agit realiter & materialiter in sensorium
- B** tactuum, maioremque adhibet agendi potentiam cum vel toto corpore agat citra medium, vel agentibus omnino qualitatibus; alij vero sensus, vel remotius patiuntur, vel nequaquam à toto corpore, aut à qualitate non actiua, ac propterea dolor qui fit in tactu, efficitur cum quadam corruptione organi, seu qualitatum ipsius, vel saltem cum graui passione reali, qualis fit ex solutione continui, aut ab inæquali intemperie confertim facta, vel ob insignem aliquam passionem comprimendo, cōuellendo, asperique fortiori attactu: præterea id ratione potentiæ potest euenire, quoniā hic sensus est vitæ essentialior, quandoquidem consistit in *omnitéra* primariū qualitatū elementorum, quæ corpus viuētis animalis constituunt, quapropter ea quæ tactui sunt molesta, minime que conueniunt, illa quoque vitalem substantiam realiter afficiunt, & vitæ sedem perturbant, ac maiores à natura faciunt recessus, iucunda vero & conuenientia tum conseruant, tum proxime ad naturā accedūt,
- D** censebat etiam Arist. hoc esse propter sensorium; quod enim assignatur tactui, est finitimum cordi, quod alioqui, ut ipse existimat, est prima sedes doloris, & voluptatis, accedit præterea quod maiore concretionē ad subiectum patitur hic sensus, sunt etenim vere passionēs ipsius materiæ, itaque caro, aut aliud sensorium tactuū vehementius dolet: præterea videbatur hoc opus esse  
ratione

ratione finis, quoniam hic sensus tactus dicitur sensus vi  
 tæ, cum propterea nullum animal hoc vno possit carere;  
 quapropter hic primum est lucis huius & vitæ custos, ac  
 non immerito opus erat eum habere ante alios acutissi-  
 mum actum sentiendi doloris, & voluptatis, vt vitæ illā  
 custodiam sibi in primis creditam longe melius, ob ani-  
 malis salutem rueretur, cum vero sensus hic, suumque  
 sensorium sit fufum per omnia, tunc magnæ in illis fiūt  
 passiones, atque dolores, cum sensus hic tactus illos ex-  
 cipit, nempe si magna lux pupillam lædat, si saporosū  
 aliquid linguæ videatur molestum, quòd sicut acus pun-  
 gat, conuellat, aut asperitate quadam dolorifica deter-  
 gat: vehemens autem compressio, detentioque caloris  
 in dolore mentis & imaginationis profundo, facit vno  
 etiā die canitiē, quia siccat & digerit humorē propriū.

Quæ sit causa doloris secundum tactum.

Caput VI.

Magna est etiā controuersia de propria causa ge-  
 nerationis dolorum, nam medici inter medicos,  
 philosophi inter philosophos, omnesque demum inter  
 se dissentiunt, cum alij censeant dolorem ab intempe-  
 rie sola generari, alij contra à solutione continui, vt per-  
 inde res ista per se sensatissima visa sit ardua, & perrecō-  
 dita: Illi vero qui existimant dolorem proficisci ab in-  
 æquali intemperie, primum arguunt experimento sen-  
 suum, quoniam in horroribus hibernis circa solstitium  
 hyemale ob magnam frigiditatem dolores fiunt, illam  
 enim inæqualem intemperiem partes omnes ægreferūt  
 magno admodum à natura factō recessu sensibiliter, ac  
 præsertim illud experimur circa radices vnguium, vbi  
 intemperies frigida vehementius agit propter eius par-  
 tis

- A** tis sensus alacritatem, & caloris inopiam, ac prædenso vngue nimium refrigerato, qui sua natura est frigidiusculus & pene osseus, & pars est illa satis neruea, ut prope detectum neruum, aut illi simillimam possimus existimare, frigidum autem mordax, & inimicum est nervis, idem etiam acerrimus calor efficit in contrariam qualitatem. Nec recipienda, ut aiunt, sunt aduersantiū verba, qui fatentur calore & frigiditate interdum fieri dolores, & illos quidem insignes, eos tamen non esse acceptos referendos intemperiei, quoniam neque frigiditas, neque etiam calor dolorem efficiunt, nisi dissoluāt continuum; calor enim dilatando, & frigiditas contrahendo nimium, conuellendoque dissoluit, & quamuis non efficiant solutionem ad sensum maiorem & manifestam, satis tamen est ut fiat quædam immanifesta secundum minutissimas fibras: eos nimirum arguunt, quòd videantur futilia dicere, nam partes ipsæ in ingenti frigore unitatem seruant incorruptam, nulloque immutatam modo, neque fit illa minuta solutio latens sensum, quoniam processu temporis intemperie nimirum diutius perseuerante partes illæ omnino lacerarentur, & nulla fibra maneret incolumis, & mirum est de ipso calore, nam si per illum tanta fieret extensio partium dubio procul in omnem dimensionem vehementer augerentur: præterea moderate calidum, ut calidum est, facit voluptatem & iucunditatem sensui, ergo immoderatus calor parit dolorem: illud enim in cunctis fieri solet, ut cum mediocri & *σύνεσθον* est causa voluptatis excessus causet dolorem: præterea dolorum hoc genus est cum aliqua reali passione, igitur ab ipsis primis qualitatibus fieri potest, efficique debet, probatur cōsequētia, nam passionēs propriæ & alioqui vehementiores ab alterantibus, & actiuis qualitatibus efficiuntur, actiue autem propriæ ac per se sensibiles sunt calor & frigus,

per quos intemperies inæquales fiunt: præterea dolor <sup>A</sup>  
huiusmodi est cum passione, & corruptione saltem dis-  
positiue partis sentientis, nam propterea dolet, quia ad  
corruptelam afficitur, sed calor & frigiditas per viam al-  
terationis sunt causæ per se cuiuscunque naturalis ge-  
nerationis & corruptionis, vt ait philosophus quarto  
Metheo. in principio, igitur ob inæquales ab his factas  
intemperies efficitur dolor: præterea hic alicuius obie-  
cti sensibilis perceptionem sequitur, conuenientius est  
autē ab ijs fieri quæ sunt sensibilia & obiecta tactus per <sup>B</sup>  
se quàm ab illis, quæ sunt per accidens, aut saltem com-  
munia, sed dictæ qualitates sunt tactui per se, ac primo  
sensibiles, vnitas vero vel solutio est sensibile commune  
igitur ab earum inæquali intemperie per se ciatur om-  
nis dolor, cum autem viderent quandoque animalia  
dolere propter solutionem continui, compressionē ero-  
sionem, conuulsionem, & eorum similia, dicebant ea  
non per se immediatā esse causam doloris, cum illū po-  
tissimum efficiant quatenus illis coniungitur intempe- <sup>C</sup>  
ries, nam solutio & contusio cum motus sint confestim  
facti calorem mouent vrentem, qui propriam naturam  
partis dissoluit, itaque res potest esse valde molesta & in-  
iucunda. Alij contra posuerunt causam doloris imme-  
diatam esse solutionem continui in ipsis sentientibus  
partibus, intemperiem autem esse causam mediatam,  
quoniam non omnis intemperies dolorem parit, quem-  
admodum omnis solutio, quamuis læuissima & mini-  
ma, ab acus nimirum punctura aut alio quocunque le- <sup>D</sup>  
niter soluente corpore, quamobrem illa sola intempe-  
ries erit causa doloris, quæ ad vnitatis solutionem per-  
ducit, quod visus est dixisse Galenus in libro de inæqua-  
li intemperie. Ego tamen satis mirari in hac re nō pos-  
sum, quomodo tanta opinionum varietas sit exorta in  
eo quod est valde sensatum, certum enimvero est, dolo-  
rem



- A** rem non modo sub sensum esse, sed illum etiam impotente extimulare, & nihilominus aut cupiditate contradicendi, aut propria mentis acie consili plerunque dimittunt sensum, & mentis quarunt rationem, quod est infirmitas intellectus, ut ait Aristoteles octauo Physicorum contra Zenonem: itaque nec prima classis opinantium, neque, ut arbitror, secunda propriam doloris causam esse affecuta, nam & si recte huculique dicant, quod inæqualis intemperies est causa doloris, aut illum esse
- B** sobolem solutæ continuitatis, cum vero hanc, aut illam esse causam adæquatam proferunt, apertissime decipiuntur: idcirco ad mentem Aristotelis septimo Ethicorum & primo Rhetoricorum ad Theodecten pono illam conclusionem, causam doloris esse illud quod tactiuo sensorio grauem aliquā potest afferre læsionem, unde emergunt multæ particulares conclusiones; prima nimirum est, quod inæqualis intemperies potest esse doloris causa: altera deinde quod potest fieri ab vnitate soluta: tertia quod ab alia quadam causa, quæ neque continuum soluit, neque intemperiem facit, nonnunquam obtingat, quæ quidem, ut magis manifesta fiant, & res tota, quod nostrum institutum est, dilucidetur: sciendum est in primis quod sicut dolor, & voluptas in communi ad inuicem sunt opposita, eodem modo voluptas & dolor tactus: itaque propter istud principium non est ambigua prima conclusio, nam quemadmodum voluptas ab his qualitatibus generatur, quare non etiam dolor
- D** effici potest? ac mihi, ut ingenue fatear, videtur superfluum amplius insudare, si dolor ab intemperie & vnitate solutione fiat, nam erubesco demonstrare illud quod est sensui manifestum. Verumtamen ambigere hic solent viri perspicaces, cum plerunq; videamus fieri quosdam abscessus & tumores, humida nimirum, frigidaq; effluente materia, quos medici ædemata vocant, in quibus tam-



et si pars ipsa affecta humidam patiatur intemperiem **A**  
 nequaquam dolet, vel forte fit quidam dolor stupidus  
 vix sensu perceptibilis, nonnulli etiam fiunt, quos scir-  
 rhos appellant ab humore dicto melancolico, humore  
 inquam crasso & glutinoso in carneam prope ipsam na-  
 turam coherente, qui etiam indolentes sunt, & tamen  
 ex intemperie fiunt. Secundo videmus quotidie febres  
 accedi in hisce corporibus, præsertim heticas nuncupa-  
 tas & habituales, in quibus fit calida & sicca intempe-  
 ries citra dolorem: plurimæ sunt etiam particulares qua **B**  
 rundam partium intemperies calidæ non intensæ admo-  
 dum quæ vacant dolore. Tertio si dolor ab intemperie  
 natus est fieri propterea quod à naturali statu facit reces-  
 sum, quamobrem refrigerata manu maior suppetit do-  
 lor potissimum circa radices vnguium, ubi calor confer-  
 tim accedat, quippe qui facit repletionem, & restituit in  
 naturalem statum. Ob primam difficultatem dixerunt  
 plurimi, & potissimum Galenus octo esse simplices in-  
 temperies, quatuor nimirum sine materia, ac totidem **C**  
 materiales: propterea dicunt earum intemperiarum,  
 quæ sunt absque materia calidam & frigidam vehemē-  
 tes ciere dolores, siccam mouere quidem illos, sed exi-  
 guos: humidam autem esse omnino sine dolore, alias  
 vero omnes illum efficere si fuerint cum materia, nam  
 intemperies humida materialis eo saltem perducit, vt  
 distendendo partium soluat vnitatem, illos autem esse  
 dolores exiguos, quoniam humiditatis affusio sensum  
 ipsum obtundit, & illius proprium vigorem refringit. **D**  
 Sed illorum pace mihi videretur absurdum esse, vt detur  
 humida intemperies sine materia: quomodo enim fieri  
 potest, vt illa fiat nisi humor aliquis recens accedat, par-  
 temque ipsam repleat: ob id dicebat Aristoteles secun-  
 do de Anima tex. centesimo decimo tertio, si quidpiam  
 tangat alterum in aqua, suasque habeant superficies hu-  
 mectas

- A** mectas fieri non posse ut se ipsa tangant immediate, quoniam humiditas non est sine corpore, itaque non est humiditas aquea sine aqua, & propterea nullum humidum posse alteri proprium communicare madorem nisi corpus etiam una commisceat, hoc etiam confirmavit vigesima quinta problematum quaestione tertia & quaestione decima. Illud praeterea quod intemperies sicca possit esse causa doloris, arbitror esse pariter absurdum, nam siccitas est proprie huiusce fluoris quaedam priuatio, & cum sit qualitas sicut humidum passiva, non potest per se ipsam causare dolorem, & ita neque humidum, ut humidum, est doloris effectuum: quam enim efficiunt sensationem: melius itaque fuerit existimare humorem ratione substantiae partem intendentis, & siccitatem conuellendo, rodendoque ob qualitates corporis, aut simpliciter sicut in nervo, ex accidenti ciere dolorem, siccitas enim contrahit, quemadmodum fidi-  
bus accidit igne siccatis & nervis eadem ratione, & quoniam humida substantia pene calorem obruit & sensitivum spiritum, propterea sensum obtundit, & in edemate dicto tumore modicum parit dolorem, in alijs vero, duris tumoribus scirrhis fortasse fiunt remissiores, quoniam lentus ille humor & tenax carni adheret, & videtur adnasci. Ad secundam praeterea difficultatem respondeo, quod multae conditiones requiruntur, ut ipsa intemperies sit causa doloris, prima ut confestim fiat: sunt enim celeres istae mutationes naturae admodum obnoxiae & permolestae, secunda ut non sit habitualis, ex quibus sequitur ut dolor potius oriatur, cum sit, tertia deinceps ut sensorium sit bene affectum, & sensus non sit alio fortassis aversus, quemadmodum ipsi contingit frenetico, nunc facile patet solutio ad argumentum, nam febris hectica est habitualis, & intemperies omnino facta, & sensim genita, ut propterea febrientes illi existiment se febrem

febrem non habere, in cæteris etiam partibus, si sensim **A**  
 intemperies fiat, vix dolor sentitur, & quandoque dolo-  
 ris sensus non adest, quoniam facta iam fuit, & non ha-  
 bet amplius resurgentem causam, quemadmodum non  
 nullæ habent inflammationes, in quibus est mordax ca-  
 lor, qui dolorem non desinit mouere, quousque in na-  
 turam partis non cesserit, & quemadmodum mordax  
 calor, & insolens frigiditas semper sentitur, ita semper  
 faciunt dolorem. Ad tertiam respondeo, quòd ibi do-  
 lor fit, quoniam confestim fit transitus, & celeriter mul- **B**  
 tumque simul calefaciendo facit quandam antiparasta-  
 sim, illaque frigiditas propter occlusionem & penetra-  
 tionem fit intensior. Quid tum de continuatis solutio-  
 ne, potest ne aliquis dubitare ne ab illa etiam fiant infi-  
 gnes dolores? cum illud pateat experimento, videmus  
 enim siue per incisionem, aut puncturam, erosionem,  
 vel contusionem, aliove quouis modo fiat haud medio-  
 cres, sed pene intollerabiles fieri dolores, quorū nemo **C**  
 est, ut arbitror, qui in se ipso periculum non fecerit, ra-  
 tio vero illa, quoniam soluens continuum realem pas-  
 sionem inurit sensitivo corpori, grauemque lationem  
 corrumpentem partis naturam, quippe quæ sua natura  
 est vna: Quamuis multi dubitant, nam dolor aut cogni-  
 tio est tactus, aut eius sequens cognitionem, quodcun-  
 que autem sit, fieri non potest, ut aliquid sit causa dolo-  
 ris, quod per se ipsum non sentiatur, sed vnitatis solutio  
 non est res cognoscibilis tactu per se, quia non videtur  
 esse proprium sensibile, ut cunctis patet, nisi fortasse sit **D**  
 commune, & nisi sensus hic cognoscit suam vnitatem,  
 quomodo potest cognoscere solutionem? relinquitur  
 ut per se ipsam vnitatis solutio dolorem efficere non pos-  
 sit. Secundo quamobrem fit, ut facta solutione conti-  
 nui, non amplius permaneat dolor, sed erat tantum cū  
 fieret, aut paulo post, in ipsa vero intemperie dolor fit  
 semper

- A** semper à principio ad finem, at vero si unitatis solutio est per se causa doloris, nequaquam fieri posse videtur, ut sensu bene disposito, & causa existente in actu, effectus qui natus est ab illis provenire nullo modo fiat. Tercio videmus in ipso certamine nonnullos excipere magnos ictus, magnasque pati solutiones continui, eos tamen nequaquam dolere, cum alioqui solueretur vnum: consequens igitur est solutionem continui per se ipsam non esse causam doloris. Quarto ex antiquorum
- B** monumentis habemus exemplum Mutij, is enim cum dextera cremaretur ignibus, videbatur non dolere, nec signum aliquod quod etiam minimum sit doloris referebat, quod mihi confirmarunt recentiores historix: cum enim hispano cuidam nobili, & fortissimo ad viuum secaretur brachium nullum doloris sensum habere demonstrabat, cum tamen pars ipsa esset sentiens. His omnibus difficultatibus si modica adhibeatur diligentia, non erit arduum respondere: à prima vero, quem
- C** admodum decet, exordientes interponemus quorundam solutionem, qui quidem asserunt unitatis solutionem esse reducibilem ad numerum, qui ponitur inter sensibilia communia: sensus enim apprehendit vnum negatione diuisionis, & numerum solutione continui (sic enim habet generationem) aut negatione continuitatis, unde patris exitus in hanc diuisionem per dualitatem fit sensibilis in modum numeri, quamuis non ut numerus intentionaliter perceptus in rebus extrinsecis, quoniam
- D** ille ab omni sensu percipitur, sed tanquam numerus substantiæ membri corruptius, qui ex ipso tantum tactu percipi potest. Hanc vero solutionem, ne ipsi quidem fortassis intelligunt, nam numerus, neque ante solutionem, neque cum fieret, erat, sed omnino post factam, dolor autem erat, cum fieret: ergo præcedit numerum, quomodo autem hoc fieri posset ut effectus propriam

propriam præcederet causam? præterea hoc videtur val- A  
 de irrationale, vt propterea qui incidit, dolorem faciat,  
 quia multiplicet numerum, faciens nimirū ex vno mul-  
 tiplex, siue ex vnitatis binarium, nam & si numerum nō  
 animaduertat, aut omnino non cognoscat, vel ab eo  
 præscindat, nihilominus ob eam solutionem doleret,  
 atque punctura non facit ex vno binarium, præsertim  
 si leuiter pungas, & pars ipsa sit valde sentiens, quemad-  
 modum est oculus, & recens caro vulnere, quæ sensū  
 habet insolentiorē, præterea numerus abstractus nō B  
 cognoscitur à sensu: concretus autem est sensibile com-  
 mune, & ab omni sensu percipitur in ratione numeri.  
 Quarto non vnitis adhuc labijs vulnerū assidue dolor  
 eam partem vexaret: neque enim abesset numerus, qui  
 dolorem per se ipsum potest generare, vt ipsi existimant.  
 Propterea dicerem continui solutionem causare dolo-  
 rem ob realem passionem corruptiuam, siue afflictiuā,  
 & acriter lædentem sensuum ipsum instrumentum: id  
 enim quod reales istas passiones afferre potest, natum C  
 est etiam generare dolorem, id quidem magis, alterum  
 autē minus, prout maiores vel minores inferunt passio-  
 nes cunctis partibus, & quid peius contingere potest  
 sentienti parti, quàm eius laceratio, vel magnæ intention-  
 nes? immo hoc aliud dico, quòd si fuerit aliqua res in-  
 cisiua, siue contundens ex cælesti materia confecta, aut  
 alia fortassis nobiliore nihilominus efficeretur dolor, si  
 talem tantamque haberet resistantiam, agendique po-  
 testatem, vt partem illo modo laceraret, & naturā eius D  
 corruperet vnā. Dices omnis dolor sequitur cognitio-  
 nem, cognitio autem obiectum, attamen hic nullum  
 obiectum tangibile potest assignari, nam cælum caret  
 omni tangibili qualitate. Respondetur sensibilem esse  
 illum renixum corporis, & ob id illam actionem, com-  
 pressionemque magnam afferrentem læsionem afflicti-  
 uam

**A** uam organi, per quam hoc patitur, & dolet à quocunq;  
id fiat corpore, atque hoc est de sensibilibus priorū  
numero sicut graue & leue, asperum, & lene, quod  
enim est siue obfistens, siue cedens hoc tactus confestim  
animaduertit, ac si obfistendo, comprimendoque orga-  
num, aliquo modo conuellit, dolorem parit, cum vero  
diceret, Cælum carere qualitatibus tangibilibus, dico  
ipsum carere alterantibus & motiuis, nimirum grauita-  
te & leuitate: hinc est quod si quispiam infra Lunam po-  
neretur, si manum attollat, cognosceret renixum, si for-  
**B** tasse obniteretur, & non cederet, aut si fortasse cederet  
renitendi priuationem cognosceret, nos etiam si verita-  
tem dicere non grauamur, plerumque cognoscimus ali-  
quorum resistantiam nulla in eis cognita caliditate, fri-  
giditateue, aut alia eiusdem generis qualitate, cognosci-  
mus sæpe in aere cedendi facilitatem sine aliarū qualita-  
tum adiumento, sæpe etiam manuum altera tangit alte-  
ram, & mutuū cognoscunt renixum, cum alioqui ca-  
**C** lor & cætera sint similia, sæpe etiam calceatis pedibus  
nonnulla renitentia cognoscimus, quando iam nullus  
calor, nullaue frigiditas in tactiuū illud peruenerit  
corpus. Ad secundam difficultatem principalem res-  
pondeo solutionem, unitatis nō posse causare dolorem,  
nisi cum sit, cum enim facta est, non amplius mouet,  
nam ipsum dissoluens erat quod mouebat dolorē, hoc  
autem continuo abest, in ipsa vero inflammatione cau-  
sa quæ facit dolorem, perpetuo manet, calor in quā mor-  
**D** dax & molestus sensui, fieri tamen potest, vt cum recens  
est, vulnus, aut contusio dolor adhuc maneat, nam par-  
tes adhuc recens vexat solutio & laceratio, præsertim si  
calor, in ipsa solutione cōcipiatur. Ad tertiā dico quod  
vulnus celeriter inflictū doloris sensum non facit, quo-  
niam propter celeritatem sensum later, tum etiam illo  
quia sensus eorum, mentisque acies tota est alio conuer-

sa, & valde, vt aiunt, extraneata, itaque non possunt A  
 alijs rebus animum appellere, vnde neque ipsi frenetici  
 dolorem sentiunt, de quibus ait Hippo: dolere quidem  
 illos, dolorem autem minime sentire, ad hoc enim re-  
 quiritur applicatio, conuersioque facultatis cognoscen-  
 tis. Ex his pariter diluitur quarta difficultas, multi nã-  
 que viri fortissimi honori, qui propter fortitudinem de-  
 betur, tantopere student, vt sensum, mentemque alta co-  
 gitatione retrahant à rebus illis dolorem inurentibus,  
 quapropter videntur non dolere: vel censendū est illos B  
 sentire quidem, sed magna fortitudine vigoratos vim  
 doloris substinendo, continendoque superare. Cate-  
 rum quòd aliæ quædam causæ neque per intemperiem  
 neque ob solutam vnitatem dolorem pariunt, manife-  
 stum est, quoniam vidimus detectum neruum, qui ab  
 omni læuissimo, minimoque contactu corporum dolo-  
 rem sentiebat, eoque magis erat intensus, quo magis  
 comprimeretur: attamen neque intemperiem, neque  
 continui solutionem efficiebat, nam quomodolibet il- C  
 la calida sint vel frigida, nihilominus dolorem cient,  
 hoc idem vidimus in recenti vulneris carne quæ tum il-  
 lo quod recens est & tenella sensum habens insolentio-  
 rem, tum etiam altero quod modica quædam inflam-  
 matio ibi adest sensum acuens, vt propterea si vel solo  
 capillo eam leuiter tangas, doleret acriter, sed absur-  
 dum est credere quòd eiusmodi contactus intemperiem,  
 aut solutionem faciat: neque enim intemperies fit su-  
 bito, neque continuum capillus soluit, id etiam vide- D  
 mus si solo gossipio, quod est mollissimum, tangatur pu-  
 pillæ, illa enim propter partis tenuitatem, & sensus ex-  
 cellentem virtutem nullius fert contactum extranei ci-  
 tra dolorem, dummodo resistentiam quandam referat.  
 Videmus etiam venena ciere dolorem, nequaquam ve-  
 ro intemperiem faciunt, neque solutionem, neque e-  
 nim



- A** nim omnia calorem agunt, & frigiditate, tactus etiam pi-  
peris dolorem parit in lingua, continuum autem solue-  
re non potest, quemadmodum neque vnguis ubi cum  
illo comprimitur caro, quapropter rationi consenta-  
neum est ut credamus, eas non esse causas adæqua-  
tas dolorū, sed potius id omne quod ipsi sen-  
sitiuo corpori potest aliquam realem  
passionem afferre corruptiuam,  
vel saltem grauiter  
**B** lædentem.



# DERISVOPVS<sup>A</sup>

## ALTERVM.



### Proœmij Caput primum.

B

**N**ULLA propemodum affectio videtur adeo familiaris humano generi, quemadmodum est risus, & fletus, nam omnes homines qualescunque sint ad ridendum, & plorandum sine vlla disciplina sese flectere possunt, ut propterea maiores nostri cum rerum naturas explorarent proprietatem hominis præcipuam ex ipso risu depromendam esse censerent, nihilominus præclaram huiusce rei tractationem cunctis alioqui peroptatam ferè omnes uti neglectam, aut rem prorsus inutilem dimiserunt, vnus tamen ille admirabilis homo Aristoteles communis magister, cui nihil videtur occultatum esse à natura semina quædam sparsim proiecit, tradiditque concise: at mihi de anima pertractanti subijt in mentem, ut de affectione hac præcipua pertractarem, quam non immerito visum est aptare ad præcedentem tractationem, magna enim est familiaritas risus & fletus cum voluptate atque dolore, quoniam alteruter effectus, motiue ab illis proficiscitur causis, & quamuis videretur negotium nimis arduum, illud tamen non recusavi, ne nostrum opus de anima mutilatum efficeretur, ac nisi fortassis ipsum ad exactum perduxero,

C

D

- A** duxero, satis erit vt præbeam cæteris occasionem vt diligenti-  
 gentius, longeque accuratius perficiant. Perscrutabor  
 itaque cuius affectio sit animæ vel corporis, & si fortasse  
 ad animam, vel per eam ad corpus referatur, quam par-  
 tem sectetur illius, an soli conueniat homini, vel risum  
 communem is habeat cum cæteris animantibus, quid  
 sit obiectum risibile, propriaque illius materia, quo in-  
 strumento corporeo fiat, ac quomodo perficiatur, quid  
 sit, & gratia cuius, nam si hæc omnia declarentur, vide-  
**B** bor fortassis suscepto muneri satisfacisse.

Cuius affectio sit risus corporis, aut animæ,  
 vel coniuncti. Caput II.

- A** Grediamur iam ad primum propositum, nimirum  
 si sit affectio corporis tantum, aut animæ: initio ta-  
 men illud videri potest omnibus manifestum, quod ri-  
**C** sus non est corporis operatio tantum, nam si conueniret  
 corpori qua corpus est, dubio procul omni corpori esset  
 communis, dicebat enim Aristoteles primo Post. idem  
 esse de omni, per se & secundum ipsum: id vero mihi vi-  
 detur adeo manifestum, vt probationis omnino non e-  
 geat, quis enim ignorat risum hunc necessario præce-  
 dere cognitionem, ac lætitiæ sobolem esse? quæ vel ipsa  
 est cognitio, vel parum ab illa dehiscens propter vicini-  
 tatem, itaque videtur operatio procedens ab anima: sed  
**D** actionū, ac passionum omnium, quæ pertinent animali  
 nonnullæ ascribuntur corpori, utpote quæ ipso non ni-  
 hil patiente fiant, quemadmodum inquit Aristoteles de-  
 cimo Ethicorū cap. tertio dolorem tactus esse affectio-  
 nem corporis, quoniam realiter illo patiente fiat, non-  
 nullæ insuper operationes ab eodem appellantur corpo-  
 rez, siquidem corporis commendatione fiant, quemad-  
 modum

modum ait de somno & vigilia, ipsaque etiam verecun- **A**  
 dia, nulla tamen earum vere cōuenit corpori ut corpus  
 est, eadem igitur ratione nec ipse risus corporis est ope-  
 ratio tantum. Neque vero est res animæ dumtaxat pro-  
 pria, eam enim nullam propriam habere operationem  
 dicebat Aristoteles primo de anima tex. duodecimo ex-  
 cepra dumtaxat intellectu, quæ ab ipso corpore de-  
 pendet solum obiectiue, aut mediate, cum intellectus  
 utatur phantasia utente organo ut foris ad operandum,  
 quemadmodum ibidem declarauit philosophus, ac ter- **B**  
 tio de anima tex. trigesimo secundo: quamobrem cense-  
 re oportet risum esse operationem totius coniuncti, ac  
 proprie corporis huius animati, idem namque Aristot.  
 primo de anima text. decimo quarto ait, videri animæ  
 passionibus esse vnā cum corpore, ut ira, mansuetudo, ti-  
 mor, gaudium, amor & eorum cognata, ac præterea in  
 tex. sexagesimo quarto dicebat, si quispiam asseueraret  
 animam gaudere, tristari, amare & irasci, idem profecto  
 esset, ac si diceret illam texere, & ædificare; melius enim **C**  
 fortassis est, non dicere animam, sed hominem, aut ani-  
 mal, cum autem manifestum sit risum esse operationem  
 affectionemue corporis cuiusdam animati, quoad ani-  
 mam, quippe qui corpori per hoc principium commu-  
 nicetur animale, seu rationis particeps, difficultas est,  
 quoniā proxime citato loco primi de anima inquit phi-  
 losophus: animalis operum alia initium habere ab ip-  
 so corpore & ad animam terminari quemadmodum est  
 ira, cognitio & earum affines, alia contra ad corpus ter- **D**  
 minari cum cœpissent ab anima, sicut est motus & eru-  
 bescentia, quam ergo naturam risus induit fateor esse  
 se opus quod initium habet ab anima, & terminatur  
 ad corpus, nam cognitione quadam & perturbatione  
 facta videlicet voluptate aut dolore in humano sensu,  
 animaue ipsa rationali, mox risus procedit, aut fletus  
 pertingente

**A** pertingente motu ad corpus & corporea instrumenta, præsertim illa, quæ ad perennem motum spirationis substituuntur, & quoniâ conuenit homini vt est cognoscens & gaudens, manifestum est, eum non dependere ab anima vt est natura, sed potius vt est animale principium, aut particeps rationis.

**B** Ad quam partem animæ referendus sit risus, vbi afferuntur & confutantur aliorum opiniones. Caput III.

**Q**uoniam vero ab anima pendet, maior difficultas est, per quam partem animæ fiat, an per eam, qua homo intelligit, & sapit, vel per aliam ab illa distinctâ: alijs namque videretur conuenire homini per sensum proprium, alijs per intellectum; alijs per virtutem mouentem, alijs per quandam aliam huic muneri potissimum conscriptam. Ac videretur manifeste ab ipso sensu dependere, quoniâ Aristoteles tertio de partibus animalium cap. decimo inquit risum esse quandâ sensus dilationem, & agitationem hilarem, quæ celeriter fit propter voluptatem, quod etiam confirmauit trigesima quinta sectione problematum quæstione sexta: hoc etiam experimur quotidie, nam sola præcedente sensus cognitione & voluptate adducimur ad ridendum, ergo ipsius sensus est functio: confirmatur, nam reddendus **D** est illi potentie cognoscenti, gaudentiq; cui non repugnet dilatarî, & modo quodam dimoueri, sed hoc non potest conuenire intellectui, igitur est proprium sensus, is enim est longe materialior, & corpulentior: præterea confirmatur ab obiectis ridiculis, quoniam sensibilia sunt, sicut igitur obiecta per quæ cietur risus, sunt sensibilia, ita sensus est illius principium, ita tamen, vt accipiatur

cipiatur sensus, vt comprehendit omnem sentiendi fa- A  
 cultatem: inter quas est sensus communis, imaginatio,  
 & memoria, porro cuique manifestum est, nos sentien-  
 do, imaginatione, ac memoria alicuius præteriti quod  
 ridiculum esset, ridere: præterea si quidpiam sub alas &  
 plantas pedum titilletur, confestim risus allicitur, ergo  
 sensus est operatio, & illius dumtaxat virtute proficisci-  
 tur: videmus insuper hunc sequi corporis temperaturā,  
 nam qui sensum habent alacriorem seu magis mobilē,  
 & temperamento corporis sunt tepidiore, nimirum ex B  
 sanguine, cuius calor est blandus & non mordax illi cē-  
 teris paribus sunt ad ridendum magis procliues, alij cō-  
 tra qui sua sensoria potissimū prima habent retorrida,  
 & sensus, vt ita dicam, veluti corneolos, & duros, hi ne-  
 que ridere admodum conspiciuntur, nec fortasse pati,  
 vř alij rideant. Mihi tamen videtur istorum opinio fu-  
 tilis esse, nam si sensus esset virtus adæquate risiva, cun-  
 cta profecto animantia riderent, vel saltem illa, quæ res-  
 pirationis motum propter caloris salutem obtinuerūt, C  
 sensum etenim habent, & instrumenta necessaria. An  
 fortasse dicent risum esse actum proprium sensus hu-  
 mani, & illius secundam quandam operationem, seu  
 procedentem ab illius affectu, quippe qui valde diuer-  
 sus est à sensibus aliorum animalium, quòd sicut totū  
 ad totum, ita pars ad partem habeat, vt ait Aristoteles  
 primo Metheo. cap. tertio, itaque cum tota anima ho-  
 minis differens sit à tota brutorum, eodem modo par-  
 tes erunt diuersæ, ac si sensus vnus bruti ab alterius sen- D  
 su differt, quanto magis ab eis humanus sensus erit di-  
 uersus? ob id enim Aristoteles secundo libro Ethicorū  
 sensum humanum tamquam rationalem existimabat,  
 quippe qui rationi soleat obtemperare, eiusque nutum  
 sentiat, quod huic proprium est, & nulli aliorum com-  
 mune, ac tertio de anima text. quadragesimooctauo &

- A** tex. quinquagesimosexto & quinquagesimoseptimo sensum hunc siue phantasiam, nam de humana loquitur, censebat intellectum appellari sub quadam analogia: vel quoniam fortassis homo carnem habet viuacorem, primumque sensitivum & sanguinem magis sincerum, ut ait philosophus secundo de partibus animalium, magisque illum uberem spiritu, & calore, ac sensum ipsum alacriorem, longeque vegetiorem habeat, ut perinde celeres has motiunculas exercere, seu pati libere possit.
- B** Ea tamen solutio nullius est momenti, quantumvis enim sensus sensui præstet substantia & opere, nunquam profecto ad illud perveniret ut ridicula sub specie propria cognosceret, quoniam turpitudine, vel facetudo, aut si quidpiam aliud est, sensum later: accedit etiam quòd sæpe ex voluptatibus mentis & virtutis dianoytica risus alliciuntur, & in colloquijs elegans quædam ratiocinatio, & discursus facetus movet risum tum dicenti, tum etiam audienti, discursus autem neque per sensum fit, neque à sensu eodem percipitur, ergo qui dicit, neque qui audit per sensum primo ridet: Amplius ex parte finis, utpote quòd nostra civilis vita, & rationalis societas non est propter sensum qualiscunque existat igitur neque per eum tantum nobis obtigit risus: quid præterea posset efficere illa viuacitas carnis, multitudo spiritus, puritas sanguinis, & sensus alacritas, ut perinde risus in homine tantum fiat? profecto hæc non perducerent nisi ad facilem sensum gaudij & voluptatis, sed lætitiæ & gaudia non exiguas videmus quotidie in alijs fieri, ut teneriora præsertim gestiant, & ioco sese recreent, cur itaque non rident si talem habent temperaturam carnis, & instrumentorum concinnitatem, ut sæpe gaudere & iocari valeant? causa vero illa est, quia non cognoscunt ridicula, illamque formam concrete per quam talia fiunt. Alijs autem videbatur risum esse operationem fac-
- G** cultatis



cultatis motiua, neque enim est intellectio, neque sen- A  
 satio, neque voluptas sensus aut mentis, sed motus qui-  
 dam, qui voluptates sectatur eorum, nam manifeste vi-  
 demus esse motum thoracis, in quo septum mouetur &  
 pulmo vsque ad musculos qui buccas mouent, & quem  
 admodum varij efficiuntur motus illarum partium, ita  
 multiplices dicuntur esse differentia risus: id etiam for-  
 tasse volebat Aristoteles cum diceret esse motū sensus,  
 hic enim vt sensus est non mouetur, neq; dilatatur vlllo  
 modo, quamuis mouetur primæ sensuum sedes, & illo B  
 modo philosophus sumebat sensum: videmus insuper  
 respirationem, quæ est motus spiritalium partium esse  
 quasi materiam risus, ex qua scilicet generatur, vnde fit  
 illa succussatio pulmonis, & agitatio septi, cum ita que ri-  
 sus motus sit, nulli dubium videri deberet, ne ad virtutē  
 mouentem sit referendus. Attamen isti se ipsos latent,  
 nulla enim controuersia est an sit quidam motus, sed à  
 quo principio hic motus dependeat, siquidem inopina-  
 to efficitur, & præter voluntatem, vt ait philosophus, C  
 motus autem qui ab appetitu dependet, est spontaneus,  
 illaque facultas nequaquam homini propria. Ac pro-  
 pterea visum est alijs primum principium esse intelle-  
 ctum, quoniam vt risus est operatio, affectione homini  
 propria, ita potentia risiua debet esse quædam pars ani-  
 mæ, propter quam homo ab alijs segregetur animalibus,  
 huiusmodi vero est intellectus in primis vt ait Ari-  
 stoteles decimo Ethicorum capite septimo, ergo per ip-  
 sum datum est nobis esse idoneos ad ridendum: præte- D  
 rea hoc patet ex obiecto risibili, quoniam sensus turpi-  
 tudinem & facetudinem nō cognoscit, ergo intellectus  
 est prima & propria causa ridendi, illeque potissimum  
 facietæ, quæ in primis alliciunt risum non sensum, sed  
 intellectum mouent, illuc enim vis sensus non attingit,  
 sed potentia superior & melioris conditionis, quemad-  
 modum

- A** modum est intellectus, hoc etiam congruit fini, sicut patet intuiti. Sed quoniam intellectus valde simplex est ac separatus à materia, nulloq; modo sequens corporis temperaturam per se, ob id videtur illorum sententia valde diminuta, tum vel magis, quia videmus recens natos subridere, quibus intellectus velut iners delitescit: ac titillatos sub alas, & amicos quosdam suspicientes confestim ridere citra discursum intellectus, igitur non videtur solus esse facultas risiva. Aliorum postremo, qui multiplicant entia sine necessitate, nulla videbatur esse habenda sollicitudo, satis enim manifestus est error illorum.

Ponitur vera conclusio, & dilucidatur proposita difficultas, ac solvuntur implicite rationes eorum. Caput III.

- C**Um itaque (ut arbitror) satis sit demonstratū, neque virtutem motiuam tantum, neque seorsum sensum aut intellectum esse causam, & principium animæ ad ridendum sufficiens, neque ullam potentiam ab his distinctam, consentaneum est modo ut ipsum principium primum, & adæquatum, quale nam sit, explicemus, id vero per obscurum videretur, nisi præcedat vnius explicatio, atque illud est, quid intelligamus per risum, hoc enim ita peracto per se ipsum patebit principium: iam enim manifestum est ridentes affici quadam motione pulmonis, septi, & musculorum mouentū buccas, itaque arbitramur hominem ridere, cum ex arbitrato, vel quomodolibet aliàs ad eiusmodi motiones earum partium sese accommodat, nonnūquam etiam fit quidam remissior risus, ex solo illorum lacertorum motu, & modica septi retractione citra manifestum motum gurgu-

lationis, vt credere ob id debeamus aut risum per se esse A  
 se talem motum, vel saltem pro maiori parte hanc esse  
 illius naturam, at vero cum hæc omnia possint simulari,  
 & erit potius risus imago, præcedat igitur oportet  
 aliquid in anima, primoque sensitiuo, vt verus nume-  
 risquæ absolutus risus efficiatur, cum enim talis & mi-  
 nime simulatus erit, præter voluntatem oritur, & sæpe  
 ob vehementem occasionem, tametsi homines conen-  
 tur, ipsum non possunt cohibere neque compescere,  
 nisi vel ratione laboris, vel sedato impetu conquiescat, B  
 ob id ergo ille motus manifestus supponit quendam  
 affectum primi sensitui & rationalis animæ partis nem-  
 pe voluptatem ex ridiculo susceptam, & quandam in-  
 super hilarem perturbationem sensus, & quemadmodum  
 verecundia non solum est ille rubor in vultu, nec sola  
 perturbatio, alteratioque facta in principio sensu aut  
 vitæ, ita nec risus si perfectus est, motus ille, dumtaxat  
 erit manifestus, neque inchoatus motus in primo, vt a-  
 iunt, sensitiuo, & spiritibus eius, nam sæpe hoc fit, & ta- C  
 men risus supprimitur, vt vere videatur esse dimidius in  
 medio scilicet interceptus, vtrunque igitur habet verus  
 risus, & illud erit principium eius quod tum subit dila-  
 tionem, tum voluptate afficitur, at illud hoc habet,  
 quod ridicula cognoscit, & quoniam perturbatio fit in  
 principe illa parte, quam visum est Aristoteli appellare  
 primum sensitiuum, ac principium totius motus, hic  
 nullo pacto referendus est illi, quatenus est principium  
 motus, sed sensus, animæ cognoscentis prima sedes, D  
 & quoniam in superioribus demonstratum est non fieri  
 per sensum solum, neque per intellectum nudum, & se-  
 cretum ab omni alio, hoc est neque conuenire sensui se-  
 orsum ab intellectu, neque intellectui seorsum à sensu,  
 propterea dico illum conuenire intellectui prout con-  
 iungitur cum sensu, vel sensui vt est coniunctus cum in-  
 tellectu,

- A fellectu, ob hanc sane antiquam familiaritatem multo-  
rum compos efficitur alteruter & homo: aut potius si  
illo modo lubeat, quod risus est operatio, affectioque  
propria rationalis animæ, quæ sensu potitur, & intelle-  
ctu, non secus atque verecundia, ea enim nec solo sensu  
nec solo efficitur intellectu, sed vtraq; subseruiente po-  
testate, hinc minime videmus illum fieri ratione con-  
templabiliū, sed ob ea quibus sensus etiam adhibetur,  
hinc patet eos quodā modo recte dicere quod risus sit
- B operatio procedēs ab affectu virtutis intellectuæ, quip-  
pe quæ primo loco sit causa illius, & prima radix, nam  
vel ipso inchoante, suscipiente tamen sensu, vel saltem  
huius motu & operatione ad eum procedente, allicitur:  
recte etiam sentirent illi qui reddebant risum sensui, si  
dixissent illum oriri ab hac facultate vt est coniuncta cū  
intellectu, ea nimirū ratione qua fouetur & illustratur  
ab illo, vt supra vires proprias, eo coadiuuante, valeat,  
itaque in toto risu intellectus erit vt radix prima, sensus
- C perturbationem & dilatationem quodam modo sub-  
stinens, vis autem motiua id cuius commendatione po-  
stremo perficitur, itaque in discursu rerum, & facitorū  
vfu non fieret risus, nisi voluptas etiam sensui esset com-  
munis, ac proinde primum sensitium ut sentiens mo-  
ueatur, illamq; turbationem secundum sensum excipiat  
& patiatur, Et sic arbitror dissolutas esse omnes ratio-  
nes aduersantium: hinc etiam patet quod risus est actio  
quædam, si uidelicet pro risu accipiamus illum, quem
- D diximus, motum, quodam autem modo est passio, si su-  
matur principium eius nempe affectus animæ, & per-  
turbatio præcedens in sensu. Nonnullæ tamen huc  
spectant difficultates, prima quidem est, nam satis uide-  
retur esse alterutra potentia, sensus inquam aut intelle-  
ctus, quoniam uel sensus natus est cognoscere ridicula,  
ipsumque primum sensitium aut uitale principium  
tales

tales affectus, motionesque hilares subire, aut non, si **A**  
 siquidem satis est, frustra igitur desideratur societas in-  
 tellectus, si uero non, quomodo potest trahi in consen-  
 sum? non enim per sensum fieret nisi uoluptate affice-  
 retur etiam ipse, at non afficeretur uoluptate nisi cogno-  
 sceret, uoluptas enim uidetur ipsamet cognitio iucundi,  
 ob id quòd minime separantur, ut declarauimus in præ-  
 cedenti quaestione, pater igitur nullo modo sensum esse  
 facultatem risuam. Secundo uideretur esse operatio so-  
 lius sensus, nam pueri nuper nati cum paululum adole- **B**  
 uerint, rident, in eis tamen vis intelligens uidetur sopi-  
 ta, ac pene humorum affusione obruta, quod etiam ob  
 titillationem confirmatur, quæ solum ad tactum perti-  
 net, nequaquam uero ad intellectum, & nihilominus ri-  
 sum allicit, non scæus atque mutuus amici congressus,  
 qui risum mouet præter uoluntatem absque operatione  
 intellectus: præterea una & eadem operatio ab uno dū-  
 taxat principio per se actiuo debet proficisci, ut inquit  
 Aristoteles octauo Physicorum & colligitur ab eodem **C**  
 duodecimo Metaph. ubi ex numero operationum uenit  
 tur numerum intelligetiarum operantium, cum itaq;  
 risus sit operatio quædam una ab uno dumtaxat princi-  
 pio deberet oriri, cur ergo multiplicantur principia in  
 eadem coordinatione? Amplius ea potentia, quæ neq;  
 est actus corporis, nec sequitur illius temperaturam, nō  
 potest esse causa suarum motionum, & corporalium af-  
 fectuum, sed intellectus, ut censet Aristoteles est huius-  
 modi, ergo non potest esse prima causa ridendi. Præte- **D**  
 rea risus est rerum singularium, ut sunt singularia, intelle-  
 ctus autem est rerum uniuersalium, ut ait philosophus  
 octauo Physicorum tex. quadragesimo octauo: igitur nō  
 potest esse opus intellectus: præterea non uidetur satis  
 esse intellectus & sensus, nam sæpe sola memoria corū,  
 quæ uidimus, audiuius, aut fecimus hic risus allicitur,  
 attamen

- A**ttamen memoria & imaginatio plurimum differt à sensu, ut ait Aristoteles secundo de anima in fine, & in libro de memoria, & reminiscencia. Diluitur prima difficultas, ac primum illo modo quòd ridicula cum sint sensata quodam modo; & si diminute cognoscuntur à sensu, exacte tamen, & perspicue ab intellectu, idemq; sensus talem, tantamque familiaritatem habet cum intellectu in operando, ut propterea quòd omnia prope referat, & indicet fieri non possit, ne consentiat, sunt enim & hæc ipsi iucunda, immo sunt quædam ridicula, quæ modico lumine intellectus siue rationis sensum ipsum afficere videntur, sicut inveniendi patebit, tæti quædam alia inveniuntur, in quæ sensus ipse minus momentum habet, itaque tanta est præstantia sensus humani, ut rationis nutum sentiat, eundemque affectum excipiat, ut propterea rationalis quodam modo uideretur etiam Aristoteli. Vel altero etiam modo dicamus quòd una existente rationali anima, quæ sensum continet & intellectum, ipsa est causa risus utraque subseruiente potentia, nulla enim satis est sola. Ad secundam dico pueris illis satis esse ut habeant sensum, & cum eo comitem in intellectum, ita ut sensum foueat, & illustret præsentia mentis, uel animam rationalem ytraque præditam potentia: Ob tertiam autem difficultatem dico omnem operationem unam pendere ab una prima causa in eadem cognitione, aut à multis subordinatis, aut partialibus, sicut eadem tractio naui, quæ per multos simul trahentes efficitur subordinatos tamen, & habentes se singuli tanquam agentia diminuta, ex quibus vnitis fit unum agens totale per se sufficiens, eodem modo efficitur risus, vel ab vna anima rationali duabus his prædita facultatibus, vel ab eis tanquam agentibus seorsum diminutis & imperfectis: Ad quartam dico magis affici corpus per intellectum, quàm contra, semper enim principium



pium & agens dominatur materiæ, at vero cum simplici naturam habeat, satis esse videtur, cum esse coniunctum, & concretum cum sensu, ob eam namque societatem hæc & maiora posset efficere: Ad quintam vero respondeo quòd intellectus cognoscit singularia, ut singularia sunt prout coniungitur sensui, non solum ut aiunt reflexe, verum etiam directe, quod apertissime declarauit Aristoteles tertio de anima tex. decimo, concedendum est tamen intellectum differre à sensu, quoniam hic solum singularia cognoscat, ille vero etiam vniuersalia, immo per intellectum cognosci singularia magis in profundo, quoniam sensus de his cognoscit ut corticem de arbore, intellectus vero sicut medullam, quippe qui ad quidditates eorum, & immanifestas quasdam proprietates se ipsum insinuat: cum vero tradidisset natura hanc partem homini utentem, ratione consentanee fecit, ut subinde proprijs afficeretur voluptatibus, & sese ioco recrearet, ut deposita prope curarum mole, tum ad cætera, quæ instarent negotia, tum ad disciplinas ipsas paratior esset; nihil enim à natura fit temere, nec frustra aliquid molitur.

De proprio subiecto, propriaque materia risus secundum aliorum sententiam perperam sentientium. Caput. V.

Cum accessissem ad examen illius questionis pertinentis ad propriam materiam risus, è vestigio mihi occurrit eorū sententia, qui suspicantur illam esse obiectum latificum, & iucundum, propterea quòd risus operatio quædam est à voluptate proficiscens. sensus & intellectus: cum enim voluptas esset causa illius, videbatur eis voluptuosum, & latificum obiectum esse materiam



- A** teriam conuenientem ad ridendi actionem ; tum etiam illo quòd risus & fletus sunt contrarij, quàm ob rem subiecta quoque illorum debent esse contrarijs modis affecta, sed flendi materia est dolor siue dolorificum obiectum, ridendi igitur propria & familiaris debet esse lætificum, & voluptate afficiens, quod insuper eo confirmatur, quia si velint homines sponte ridere sine vlla disciplina voluptatem affectant, & simulant, singuli namque illo modo erumpunt in risum, vt videantur læti, &
- B** pro re quapiam concepisse voluptatem, quemadmodum assentatorum turba secundum plurimum facit, itaque si risus per se est index lætitiæ, videretur manifeste à lætifico obiecto proficisci, talemque illius esse propriam & conuenientem materiam, voluptatem vero potius causam, per quam pullulat. Ipsi tamen mihi videntur nequaquam esse affectui materiam proximam risus, sed illam remonissime ac satis diminute summo, vt aiunt, digito, indicasse, quamuis enim iucunda esse debeant ridicula necessario, illa tamen non sunt ridicula propter voluptatem, quam præferunt, multa nimirum sunt iucunda, quæ risum non mouent, iucundissimum enim etiam est, vt inquit Aristoteles in Rhetoricis, parentibus cum ante oculos habent defunctum filium, fratrem aut affines, & illorum narrare aut audire ægregia facta, vitæ ingenuam, & virtutum præconia, nihilominus risum non alliceret, sed potius fletum augeret, multa quoque sunt aliorum quæ voluptatem non exiguam afferunt sensui, vel intellectu, aut ambobus, per quæ tamén risus non efficitur, quorum historiam non est opus afferre, nam singulis inducentibus per se ipsa patent, & hoc modo ruunt rationes illorum, nam per eas cogimur tantum credere quod necessarium sit, si verus risus sit futurus, vt à ridiculo proficiscatur lætitiæ non experte. Ob id visum est alijs propriam & proximam materiam risus esse læ-

rificum nouum exiguam quandam afferens admiratio- A  
 nem, quæ enim iucunda sunt noua, & non vulgaria sa-  
 lis nonnihil habentia, & quorum miramur leuiter, illa  
 singulis risum mouent, nisi aliena perturbatione, aut  
 quomodolibet occasione alia impediamur, oportet ta-  
 men leuem illâ esse admirationem, quæ satis sit facere  
 suspensionem animi, non grauem, neque de re graui,  
 nã maior admiratio est effectus ignorationis perfectæ,  
 quæ potius retrahit animum ab huiuscemodi actu ridē-  
 di, siquidem animi affixionem quandam supra suspen- B  
 sionem, & incumbentem attentionem postulat, quapro-  
 pter videretur eis dictum quodlibet aut factum, & res a-  
 lias ob id risum allicere, quoniam sint iucunda, eadem-  
 que non vulgaria, sed noua, leuemque admirationem  
 afferentia, atque per hunc modum facerias ciere risum,  
 & delectare, & reliqua similiter eiusdem cognationis,  
 vt per singula inducenti fieret manifestum, quasi vero  
 his positis aut remotis viderentur eis constitui, adimi- C  
 ridicula, quod etiam confirmant, nam pueri, sine ado-  
 lescentes minus alioqui exercitati, atque prudentes, plus  
 cæteris rident, & omnino qui de singulis magis miran-  
 tur, quod etiam pari ratione desipientibus, ac deliranti-  
 bus obtringere solet, sed è contrario minus rident senio-  
 res, aut magis sapientes, prudentesque, quia minus his  
 afficiuntur nouis & leuiter mirandis, melancolici quo-  
 que aliena perturbatione animi præoccupati, & pene  
 laccessiti non rident, aut multo quidem segnius, & è re-  
 bus nisi vehementer ridiculis. At neque istorum sen- D  
 rentiam possum recipere, quoniam non inuenerunt ha-  
 ctenus adæquatam materiam risu, nec illam proxime  
 vt debuissent, attigerunt, multa nanque risum alliciunt,  
 quæ non sunt noua, quemadmodum audire easdem fa-  
 cerias foras se sapius consueuimus, & nihilominus sem-  
 per risum mouent, si elegantia, quædam adhibeatur  
 narrando,

- A narrando, dicendoque, aut si quispiam iocando repræsentet, & ante oculos ponat alterius incessum grauem non sine gratia, aut inconcinnā ambulationem, flexiones crurum, garrulam, loquelam, aut tale aliud risum pene incompscibilem mouere poterunt, illa vero quæ imitantur & pulchre simulant, non sunt noua, nec fortasse tunc primum eisdem simulata, & visa, non est itidem noua res titillatio sub alas, nec nouum videre aliquem cadentem, immo si eundem ter, aut quater cadē-
- B tem spectemus maior erit risus post primos casus: amplius illa admiratio, quæ videbatur eis necessaria propter suspensionem animi vt facilius subinde laberetur, & motiuncula illa fieret, mihi videtur temere posita, & adiecta, primum quia putant esse dumtaxat leuem, saepe enim cum risu coniungitur ingens admiratio, tametsi reor non esse necessariam, vtpote si in comœdijs audiamus aliquem histrionem, qui perelegantissime cuncta simulet, & repræsentet, adeo vt illius omnes actiones,
- C omnia verba, gestaque & motiones omnes sint facetissimæ supra aliorum methodos, ob id sane non leuiter, sed maxime admiraremur illius gratiam, & artificium supra humanum ingenium, attamen cietur risus, & ille quidem non exiguus: multa insuper sunt, quæ risum proritant, & neutrum illorum habent, cum manifestū sit, pleraque risum ciere, quæ aliquis cogitabat se esse facturum aut dicturum, si memoret quoque præterita, illa non sunt noua, neque admirationem afferunt, cum
- D essent cognita & perspecta: multa etiam vtrumque obtinent, & nequeunt esse causa ridendi, videlicet si in tripudijs videamus saltus quosdam difficiles, & corporis quandam agilitatem pene incredibilem, vel tale aliud tametsi nunquam antea visum & auditum, risum ciere non potest, sales vero si adiungantur, perperam fiet, quoniam non sunt in omnibus, sed in facetijs tantum, vt

suo videbimus loco. Hinc aliquis perperam existima-  
 ret asserendo propriam materiam risus esse iucundum  
 ludicrum, quod nouum sit, & leuem quandam præse-  
 rat admirationem & gratiam, dicente nimirum Aristo.  
 oportuisse hominem quosdam motus habere lætitiæ vt  
 ioco sese recreet, per iocum autem intelligit ludicrum,  
 quod alijs appellaretur inane lætificū, quandam dum-  
 taxat referens gratiam dicente Arist. subesse quandam  
 gratiam in ridiculis, propter quam ridicula fiunt, risus  
 enim ab inani voluptate procedit, ac tale lætificū men-  
 tem & sensum celeriter mouet, alia vero quæ voluptatē  
 afferunt, & sunt bona, vtilia, seria, graua quietant ani-  
 mum, & requirunt immanentem, stabilemque applica-  
 tionem, animique intentionem efficiunt, in ceteris cū  
 inania quædam sint & ludicra, nequaquam seria sensus  
 quasi per inane suspenditur, talique genere puerilis læ-  
 titiæ dimouetur, quia non habet obiectum terminans:  
 Nihilominus si inductione vtamur per ea quæ sunt ridi-  
 cula, dubio procul erit manifestum eorum opinionem  
 esse pariter inanem, id enim si verum esset, sequeretur  
 risum ab ijs tantummodo quæ ioco fiunt proritari, sed  
 hoc est absonum, quoniam citra iocum fit congressus  
 amicorum, & risum nihilominus mouet, eodem modo  
 si turpiter incedentem aliquem videamus, si ridemus ex  
 alterius ploratu, ex casu, indignatione, loquendi incon-  
 cinitate, aut motuum incompositione, ex casu aliquo, &  
 inopinato euentu non vulgari, alijsque plurimis in qui-  
 bus non est iocus, nec ludicri figura, quæ ne nimis in  
 longum mea producat oratio, libenter sileo, accedēs  
 iam ad aliam opinionem, quæ me uellicat: Nonnulli  
 siquidem perspecta tanta rerum varietate, tantoque di-  
 scrimine illorum quæ risum alliciunt, censerent uanum  
 esse eorū laborem, qui conantur assignare aliquod en-  
 tium cōmune genus tanquam materiam adæquatam,  
 & pro-

- A** & propriam risus, non sæcus atque si quispiam omnium rerum quæreret unum genus, quod alioqui esse non potest, cum prædicetur æquiuoce, atque de suis propriis differentiis, ita dicunt impossibile esse ridiculorum quærere unum genus commune uelut uniuocum, & proximū, cum obiecta ipsa, & causæ multiplici ratione separantur, quod alioqui persuadetur quibusdam rationibus apparentibus: iam enim in rebus tantūmodo tangibilibus impossibile est assignare unum genus eorum, cum genera tactilium multa existant, nisi fortasse communissimum nomen sibi ab actu uendicent, adeo ut dicamus ipsum esse tangibile: Similiter ipsius sensus communis non potest assignari unum genus proprium, quod quidem uelut unum genus rerum dicatur proprium subiectum huius sensus, sicut color dicitur obiectum uisus, tametsi communissimo nomine consueuimus dicere illud esse sensibile pariter ab actu, ea enim omnia quæ sunt sensibilia uno genere complecti non possumus: at
- C** multo minus poterit esse aliquod genus sensibile, & intellectuale, plus enim differt sensibile ab intelligibili, quàm sensibile à sensibili in quantum talia, sed risus pariter uidetur fieri circa sensibilia, & intellectalia, ergo materia ridendi non potest cōplecti uno genere: Amplius coniunctorum & simplicium non potest esse aliquid commune uniuocum, aut analogum, sed risus ex simplicibus & coniunctis proripitur, ergo non potest habere designatam materiam, illamque definire & circumscribere determinatis cōditionibus, ac differentiis est impossibile, uerum sicut in sensu dicebatur obiectū sensibile communi nomine, eodem modo dicemus materiam communem, per quam fit risus esse ridiculum: quod etiam confirmatur ex parte potentiarum, quibus hic actus ridendi accomodatur, nam supra dicebamus illum referri ad sensum & intellectum, cum igitur intellectus

lectus & sensus nequeant habere cōmune subiectum, **A**  
 minus etiam possibile est hoc assignare risui: amplius  
 hoc inductione confirmant afferentes nonnulla ridicu-  
 la, quæ talem, ac tantam præferunt diuersitatem, ut  
 non solum uideatur impossibile, quod possint sub uno  
 genere ac nomine comprehendī, uerum etiā ut illa pro-  
 portione aliqua possint conuenire, etenim ab ipsis ta-  
 ctilibus generatur, utpote facta titillatione sub alas  
 aut plantas pedum iis hominibus qui titillantur, uide-  
 mus insuper aliquē ridētem, & nos cum illo ridemus **B**  
 ignorantes forsitan causam ridendi, ut uideatur inter-  
 dum citra causam & obiectum proficisci, ridet quis ob  
 fletum alterius, uel si cadentem uideat aliquem turpi-  
 ter potissimum ex asino, atque ita propter mala & infor-  
 tunatos casus aliorum, similiter uidendo aliquem deli-  
 rescentem in luto, aut sponte solis ardoribus, atque im-  
 bribus expositum temere, similiter propter ignauiam, &  
 stoliditatem aliorum, propter inconcinne facta si sint ci-  
 tra dolorem, ac denique propter opposita istorum, ri- **C**  
 demus insuper si turpe aliquid, aut pulchrum, quod est  
 illi contrarium uideamus, & mirum mehercle uidetur  
 quomodo contrarijs ex rebus risus alligi possit, ac pro-  
 pterea longe mirabilius uideri possit ingenium illorū,  
 qui frustra, ac temere niterentur inuenire proprium  
 subiectum risus, eaque accommodare determinato gene-  
 ri, quæ sua natura sunt indeterminata, & generum diuer-  
 sorum: solent præterea homines ridere cum uiderint  
 alios furore percitos, atque indignatos, & quo magis eis **D**  
 subcrefcit furor & indignatio, sic illis risus magis inten-  
 ditur, fit etiam pro rebus æque animatis, atq; inanima-  
 tis, quāuis risibilia uideantur esse faceta, quæ audi-  
 untur, & aspiciuntur in mutuo congressu, atque usu uer-  
 borum & rerum, quorū numerus est pene infinitus,  
 cum itaque sint toto cælo distincta, quæ non possunt in  
 unum



- A** vnum genus coire, sat erit si dixerimus subiectum risus esse ridiculum, quærenes autē quid est hoc, frustra quæ-  
rere: id etiam confirmatur altero experimento sensuū,  
etenim nonnulla alicui mouent risum, cæteris autem  
non mouent, quod videtur esse manifestum argumen-  
tum quod risus non habeat aliquam certam, & determi-  
natam materiam, atque hoc volebat dicere Aristoteles  
quarto Ethicorū cap. octauo sequentibus verbis (is ne  
igitur dicendus est recte facetijs vti, qui dicit ea, quæ li-  
berum hominem decent, an is qui eum, qui audit dolo-  
re non afficit, uel etiam delectat: an & hoc indefinitum  
esse constat: est enim aliud alijs odio & iucundum) si ue-  
ro quæras quid opus est obiecto ut euadat ridiculū: re-  
spondent ex mente Aristotelis, ut talem afferat inanem  
læritiam, qua sensum, mentemque dilatet, ac celeriter  
moueat, itaque titillatio non immerito facit risum, &  
naturam induit ridiculi, nisi quia illud ipsum facit, tā-  
etsi sua natura sit molesta, sensusque illam ægreferat, ar-  
gumento siquidem est projectio corporis, immo affert  
Aristoteles tertio de partibus animalium cap. decimo  
historiam militis, qui suscepto vulnere in sede præcor-  
diorum perpetuo ridebat, & eandem attulit rationem  
eiuscemodi risus, utpote quod calor affatim accensus  
erat in illa parte propter naturam vulneris, calor enim  
mentem aperiebat, acciebat motum sensus, quamobrem  
hoc etiam cum alijs poneretur inter ridicula. Mihi ta-  
men uidetur illorum opinio esse fuga propositæ diffi-  
cultatis, ea enim negatione responsionis utitur ad re-  
spondendum, quapropter dimittit intellectum in ma-  
iori perplexitate, & magis inquietum, ac satis absurdū  
videtur, ut omnes aliæ determinatæ actiones, seu pas-  
siones, & affectus determinatum genus habeant, cer-  
tamque materiam, risus vero illam non habeat: acce-  
dit præterea quod si risus esset generis indeterminati, se-  
queretur



queretur hominē æque de singulis ridere, quod est ab- **A**  
 surdum, immo etiam manifeste videmus ea, quæ risum  
 mouent habere quosdam gradus remissionis & inten-  
 sionis, ut risibilia nonnulla conspiciantur, quæ ad na-  
 turam quādam proximius accedunt, igitur forma quæ-  
 dam est, ac veluti figura, qua cum obiecta fuerint in-  
 gnita ridicula fiunt, & risum subinde mouent, nisi ali-  
 unde cohibeatur, talisque est illa forma, atque figura,  
 ut cum adsit, hæc omnia fiant, cum adimitur non fiant,  
 & quo clarius ipsa participatur, atque elegantius, eo e- **B**  
 tiam clarior efficitur risus, & quoniam omnis figura,  
 omnis actus, omnisq; differentia superaddita cōstituit  
 aliquam speciem, seu genus entium, propterea cense-  
 mus fieri aliquod genus vnum, & determinatū ex om-  
 nibus obiectis configuratis huiusmodi sigillo, & ca-  
 ractere. Cum vero strenue arguerent respondendum  
 est rationibus illorum, non enim absurdum est aliqua  
 sub vna ratione esse generis indeterminati, aut carētis  
 nomine, sub altera vero determinationem subeant, nō **C**  
 est itaque mirum si sensibilia & intellectilia simul ut  
 sunt subiecta cognoscentium facultatum non sint eius-  
 dem generis, quæ tamen in vnā naturam & formā  
 coeant, ut risum alliciunt, oportet enim ut omnia su-  
 scipiant illam formam, per quam euadunt ridicula: il-  
 lud autem quod non omnes de eisdem rident, declara-  
 bimus postea, sed titillatio aut per accidens risum mo-  
 uet, aut certe naturam induit ridiculorum, quæ est sibi  
 communis & alijs, ac de militis historia censerem illud **D**  
 factum esse propter delirium ex inflammatione illius  
 partis, nam *σπίρας* antiquis ea pars dicebatur, & illius  
 inflammationes phrenitidas pariunt, nonnullæ autem  
 desipientiæ utpote quæ ex sanguine, qui est blandus hu-  
 mor cum risu fiunt, quamobrem dicebat Hippocra-  
 tes, desipientiæ, quæ sunt cum risu minus periculosæ,  
 quippe

- A** quippe quæ melioris, longeque benignioris humoris inflammationem referunt. Ob id postremo visum est quâdoque etiam mihi formam illam, atque figuram, quâ inducere oportebat cuncta ridicula esse quandam facetudinem, ipsaque ob id ridicula nuncupari faceta cognomento formæ, ita tamen ut non ignoretur quod facetum reperitur in duplici differentia, alterum quidem magis proprie, longeque contractius sumptum, quomodo intelligitur esse dictum vel factum hilare verbum
- B** num citra scurrilitatem, sic enim ad verbum de facetis inquit Aristoteles quarto Ethicorum cap. octauo, quæ admodum ipsum descripsimus, altero modo sumitur magis communiter, magisque profuse, & hoc pacto dicemus facetum esse illud, quod sane ubi dictum, vel factum sit, aut quomodolibet aliter, quendam præferebat leporem, quandam gratiam, & alacritatem, idem vero sit non serium, neque graue, nec admodum visitatum, aut vulgare, & sic accipiendo facetum pro eo quod
- C** harum conditionum est particeps, id proprie fuerit vera materia, propriumque subiectum risus, quod illa ratione confirmatur, ea enim quæ nos apposite facetias appellamus maxime omnium ratione facetudinis risum mouent, illud itaque ridiculorum est verum genus, propriaque forma, cuius plane species vna est primum ridiculum, sed facetiæ sunt in primo gradu ridiculorum, ac ratione facetudinis risum alliciunt, ergo facetum in communi est commune genus istorum subiectorum, &
- D** quoniam illæ nuncupatæ facetiæ sunt in illo eminentiori gradu: propterea visum est antiquis accommodare nomen totius generis vni dumtaxat speciei propter excellentiam: quod etiam altero medio confirmatur, cum enim circa ridiculorum usum fiat virtus quædam, & vitium, utendo videlicet ipsis, aut quemadmodum oportet ex debito fine, aut sicut non conuenit, sine dubio

illa erit materia risus, circa quod dicta virtus, vitiumq; <sup>A</sup>  
 consideratur, sed ex usu facietorum oritur, cum prout  
 conuenit, aut contrarie fit usus eorum, & risu ipso mo-  
 derate aut sine moderatione vtuntur, ergo facietum est  
 subiectum commune risus & proxima eiusdem mate-  
 ria, accipiendo tamen facietum vt diximus cōmuniter,  
 quo quidem modo æque ad animata atque inanimata  
 refertur, nam si pressius acciperetur, vere facietus dice-  
 retur ille qui talem habitum esset assecutus, vt ad recte  
 iocandum sese flectere posset, non actiue tantum, verū <sup>B</sup>  
 etiam passiue, quemadmodum contra diceretur scurra  
 qui sine moderatione iocatur, vtiturque actiue vel pas-  
 siue ridiculis profuse & indecore, ac rusticus demum  
 qui neq; ridiculis gaudet, nec alios vti, gaudereue pate-  
 reretur, itaque facietæ actiones, & verba, res quoque aliæ  
 animatæ, aut animæ expertes in quibus talia conside-  
 rantur, nata sunt risum citre, hoc plane modo faceta  
 facies visa dumtaxat est causa risus, facietæ actiones quo  
 modolibet consulto, aut inopinato fiant, obtutus & cō <sup>C</sup>  
 gressus facietæ amici, neque enim de quolibet ridemus,  
 sed si alacrem, & gratiosam faciem præferat, & quā-  
 uis nōnulla sæpe contingunt, quæ cum risum moueant,  
 non videntur posse nuncupari faceta, hoc accidit secū-  
 dum præsentem opinionem ob usum cōmunem nun-  
 cupandi tantum faceta illa, quæ in primis sunt talia at-  
 que omnium maxime, quemadmodum sunt dictæ face-  
 tiæ: & quoniam inter eas conditiones, quæ facieto con-  
 ueniunt duæ potissimum erant negatiuæ, altera quidē <sup>D</sup>  
 vt res illæ non sint seriæ nec graues, altera vt non sint  
 admodum vtitæ atq; vulgares, prima earum videtur  
 valde necessaria, nam res seria & grauis addit animæ  
 grauitatem, & mentem non mouet, sed potius sistit,  
 redditque illam incumbentem sibi, vt antea dicebam,  
 altera quoque non modicum ad hoc ipsum habet mo-  
 mentum,

- A** mentum, siquidem præcognitum & minus vſitatū tam etſi natura ſua eſſet ridiculum, mentem non admodū moueret, niſi fortaſſe aliquid facietū ſit, quod tanta polleat gratia, tantumque ſalis habeat & leporis, vt ſerme ſemper valeat animum commouere, & dilatare ſenſum, oportet etiam eſſe de genere illorum, quæ nō ſemper, nec frequentius accidunt, an vero id ſit, quia præcognitio & conſuetudo illam modicā admirationem auferat, quæ videtur per ſe ridiculis eſſe coniuncta? an
- B** riſus vt fraudatio quædam eſt, & celeriter facta motio, quæ à non præuiſo, & conſueto fieri deberet: an conſue- ta & præuiſa vt vulgaria ſiunt, ac tanquam res domesti- cæ & ordinariæ, vt propterea mentem mouere non poſ- ſint quaſi facetudinem illam refrangant, & vires illius obtundant? an quia riſus celer motio eſt, quæ à celeri & cum ſit, procedit impreſſione, non autem cum facta eſ- ſet, aut ſenſim inducta. Quamuis iſta opinio probabi- lis uidetur non ſecus atque illa per quam ponitur ridi- cula in genere eſſe ludicra, quæ gratiam aliquam refe- rant, vel ea quæ ſub ludicri figura mouent, ac volupta- tem illam inanem afferentia, nequaquam tamen vera eſt, primū quia facietū proprie eſt illud quod ab Ariſto. deſcribitur quarto Ethicorū cap. octauo & per quan- dam translationem poſtea refertur ad nonnulla alio- rum, cenſebat namque Philoſophus facetudinem eſſe quendam medium habitum inter ruſticitatem & ſcur- rilitem cōgruentem viro urbano, quippe qui cū qua- dam moderatione iocatur, & ſicut conuenit. vtitur ridi- culis citra exceſſum & defectū, hinc poſtea factum eſt, vt illorum hominum actiones dicerentur facetæ, uer- ba quoq; & geſta, ſed quoniam facetus tanquam cauil- lator eſt, uidenturque etiam ſcurræ elegantes faceti, il- loque modo nuncupari ſolēt, propterea inquit Ariſto- teles illi medio habitui accommodatam eſſe urbanita-

rem, quasi uero facetus urbanus dicendus sit ille, qui modicum est habitum affectus ad recte iocandum, utendumque ridiculis sicut conuenit, & scurra dicendus sit facetus tantum, is enim risum modo facere studet, itaque facetus in communi est quidam cauillator, sed hic quidem modestus, & cum quadam moderatione, ille uero profusus, hinc faceta facies solet illa nuncupari quae illius est hominis, qui gratiam quandam refert in iocando, hinc etiam per quandam translationem solemus dicere faceriam quaedam entia, quae videntur aut ioco facta, aut simulatione cuiusdam rei satis concinne & eleganter. Si praeterea consideremus singula eorum quae risum alliciunt inducendo, quam facile patebit nequaquam esse faceta omnia quae illum mouent, pleraque enim serio fiunt, ut casus quidam infortunati, & multa eiusdem cognationis quae risum asserunt, itaque nec bene congruunt illae conditiones cunctis ridiculis, nec ita sunt faceta.

Ponitur uera materia risus ex mente Aristotelis. Caput VI.

**H**Actenus reiectae sunt omnes opiniones perperam sentientium de materia risus, propterea videbatur modo acceptabile tempus, ut qualis ea esset; explicaremus: quod quidem nullo, ut ita dicam, suscepto labore, consequemur, si Aristotelem consulamus, is enim citra initia operis de arte Poetica dicebat hoc modo, comedia autem est, ut diximus, peiorum quidem imitatio, non tamen secundum omne uitij genus, quamquam ridiculum a turpi proficiscitur, ridiculum enim aliquo modo peccatum est, & turpitudine sine dolore, minimeque noxia, perinde uero ridicula statim appareat deformis facies distorta sine dolore, quibus uerbis, ut uides, manifeste,

- A** manifeste, & expresse admodum constituēbat materiā. risū esse turpitudinē citra dolořē, vel illa dicas obiecta, quā illius turpitudinis non sunt expertia, ad quā plane spectant ludicra, ioci sacra, & errores, eam vero doloris expertem esse debere, nam si pro tristi accipiarur, dolořēque afferat, profecto non risū, sed potius cōmiserationē, aut fortasse etiā fletum proritarēt, ac necesse est animum posse gaudere, & ab inanibus hisce oblectamentis affici, sacus enim minime rideret.
- B** & stulti nisi eos aut humoris prauitas, vel caligo, & inepta frigiditas cum siccitate, vel ipsa retortida offēdat sola plurimū ridēt, nam singula prope censent errores & turpitudines sine dolore, aut iocos falsa nimirū imaginatione delusi, atq; hoc turpitudinis genus haud necessario secundum naturam esse oportet, sed quocūque modo ipsum consideretur ac fiat, aut secundū naturam, aut ipsa dumtaxat simulatione, consulto, vel prater opinionem, in rebus quoque tum rationalibus, tum rationis expertibus, atque omnino inanimatis, sēpe enim brutorū nouæ formæ, & actiones non vulgares ciēt risum, elegans quoq; motus & forma, aliaque id gentis, nempe si caprarum mōre exilia quædam arundinum frustra non inepte fabricata, formamque animalis referentia prosilire videamus, ob id sane risū plerunque vidimus factum insignem, atque per illius cognata, cum alioquin esset actio corporis inanimati.
- C** Quispiam tamen hic dubitaret, sunt enim nonnullæ turpitudines, & errores, siue peccata, quæ ex sui natura dolořē non afferunt, risum tamen ob id non mouēt, propter quæ solemus dicere nos neque gaudere, nulloque affici dolore, quam obrem mallent ponendam esse turpitudinem potius afferentem laticitiam, quā citra dolořē, præsertim quod ab hilari procedit affectu, ac voluptate ludicra & inani. Ego tamen dico ex mente
- Aristotelis



Aristotelis eiusmodi turpitudines, aut saltem obscu- **A**  
rum afferre dolorem, ac displicentiam, aut nullam re-  
ferre gratiam, aut esse admodum vulgares, & tanquā  
res, vt ita dicā, ordinarias, oportet enim si futuræ sint  
ridiculæ, vt talem induant naturam, hinc neque opus  
est vnā facere contrarietatem veluti sufficientem ad  
explicandam vniuersim materiam risus, quemadmodū  
fortasse aliquis existimaret, vt non sola satis sit turpitu-  
do, sed pulchritudo etiam adiungatur illa quidem sine  
dolore, hæc autem hilaris & faceta, tanquam propor- **B**  
tione respondeat hæc vna cōtrarietas, quæ est circa ma-  
teriam risus ijs contrarietatibus, quæ in omni sensu, at-  
que omni fortassis potentia reperitur, nam si pulchre,  
& argute aliquis respōdeat, per se ipsum dicat & loqua-  
tur, canat, aut tripudiet, illa quidem risum mouent,  
propterea quòd sunt pulchra in suo genere: hoc inquā  
non est opus, quoniam eiusmodi pulchra quæ risum  
per eos alliciunt, quandam alacrem turpitudinem refe-  
runt, & inconuenientias quasdam non vulgares sine **C**  
dolore, quas non immerito liceret appellare pulchras  
turpitudines, vtpote quæ non vulgares sint, nec admo-  
dum consuetæ, & ingenium præferant, seu gratiam  
quandā, vtpote si responsum sit, & modo aliquo mor-  
deat cum lepore, & obtundat alterius dictum respon-  
dendo, vt aiunt, per cōsonantias, valde ridiculum erit,  
semper enim alicubi debet fundari, considerariq; talis  
turpitudinis, & indecentia citra dolorem, eodemq; modo  
cantus cū mutationes quasdam interponit, & vocis mu- **D**  
tationes, gurgulationesque varias ciēt risum, tum quia  
suspendit animum, quem mouere facilius est, vt ait Ari-  
stoteles vigesima nona problematum quæstione octa-  
ua, tum quia vt res ludicra, & puerilis iocus considera-  
tur habens illam pulchram turpitudinem, itaque men-  
tem celeriter mouet, & hoc modo mouent cætera, quæ  
cum



- A** cum hoc habent affinitatem: quòd autem singula, per quæ risus allicitur, possimus referre in eam turpitudinem elegantem non est immanifestum, sed numerum sigillatim eorum, ut res ipsa postularet, recensere est nimis arduum, & nostra isthæc nimis produceretur oratio, & forsitan non esset utile, nostræq; tractationi conveniens, sed rhetori magis accommodatum, aut poetæ, qui de comœdia est tractaturus, ea tamen leuiter, & quasi in superficie, prout mea interesse videtur, attingā.
- B** Fit ergo in rebus inanimatis cum quadam animi reflexione, siue collatione, cum elegans quæpiam actio ab illis procedit, quæ animato conveniret corpori, illud enim indecens est sibi, ac propterea turpitudinem referens sine dolore, eoque gratior est turpitudine, quo ab inanimato, cum animantis esset, optime simulatur, ita etiam si inanimatorum figura æmuletur, ac referat figuram aliquam animalis inconcinnam, ob id sane fieret ridicula, & in illa imitatione indecenti utriusque re spectu consisteret turpitudine, unde deinceps efficeretur risus, eodem modo sicut in rebus inanimatis, se haberet in plantis, aut in brutis, ut intuenti patet: In communi vero usu verborum & rerum siue actionum homines mutuo sibi risum alliciunt ob illam turpitudinem, quæ in sermone, in actione, in extrinsecis, & omnino ijs quæ accidere solent in moribus, & figura: In actionibus quidem si indecentiā referant eo respectu, qui est ad agentem, ad locum, ad tempus, ad modum, aut occasionem, porro videretur ridiculum, quantum ad primum pertinet, si mulier induat habitū virilem, aut accincta ense proficiscatur ad forum, si ludat, tripu diet, aut alia eiusdem cognationis faciat, pariter si vir senex erubescat, & vestiat ut iuuenis, ac miles gloriosus pileum scilicet plumatum gestans, si ludat troco ut puer, si canat, aut sedeat cum pueris in schola discens grāmaticam,

grāmaticam, si princeps vt rustica gens vestiatur, aut exercitijs se immisceat rudioribus, si seruis seruiatur grauius, aut agrestes homines de rebus ad philosophiam pertinentibus inter se differant: Sic sane ratione loci multa sunt ridicula concepta ob illud turpitudine, quæ alio in loco naturam hanc exuerent, quemadmodū si quis in mensa nobilium loquatur de vomitu, ac de rebus prauis odoribus, ijs enim quibus videretur hoc indecens & turpe sine dolore fieret risus, eodem pacto si in loco vbi adsunt honestæ mulieres quis inhoneste de rebus veneris temere incipiat loqui, si in aliena domo quis ea faciat, quæ vix faceret in domo propria: deinde respectu temporis multe obtingunt ridiculæ turpitudines, nempe si quæ ad ver, aut hyemem pertinent, quis faciat in æstate, quæ ad noctem in meridie, aut è contra, nempe si ad solstitium æstiuum, vel canis exortum, quis induat pelliceam vestem: in modo autem consideratur turpitudo si quispiam inepte aliquid faciat, ac præter cōmunem vsum, & consuetudinem aliorum, utpote si cum ridet, videatur plorare, & turpem oris figuram assumat, si cum loquitur, videatur sibilare; si dum sibilat, videatur canere; si dum orat, videatur latrare; si dum vult suadere, reprehendit, & accusat; si dum vult accusare, demulget; si semper hiat, vt prope luxentur mandibulæ; si inconcinne vtatur in cessu quomodolibet facto dummodo non afferat dolorem, & displicentiam; si balbutiat, & verba nimium confundat, & permutare videatur, aut prope la cerata proferat, nec solum vbi ex proposito hæc fiunt, & secundum naturam, verum etiam, ac forsitan magis si ex accidenti aliquo fiant, & errore, nempe si per lapsum lingue transponat verba, & significatum orationis turpiter peruertatur, vel in alium errorem incidat non loquendo solum, sed in cæteris etiam actionibus, in quibus exempla afferre non est opus; ne longius

- A** longius nostra protrahatur oratio : In occasione vero sumuntur ridicula in non debite utendo , quemadmodum si peracto iam prælio, atque certamine, miles aliquis gloriosus occurrat quasi magna facturus, aut si præterita quis illaq; manifesta omnibus, nempe præteritos ventos, aut pluias vaticinetur, quemadmodum fecit ille, qui multo post cometis exortum vaticinatus est præteritos ventos. Hucusque igitur patuit quomodo ex ipso sermone fiant ridicula propter errores tum naturales, tum etiam ignoratione, aut ex accidenti & lapsu quodam commissos, in eo tamen præclarissima ridicula fiunt ad quempiam alium simulando, uel citra ullam simulationem, ioco aut serio dicendo, & illorum uel facetudo est in rebus, aut ipsis uerbis, hinc narrando tantum ludicra, seu fabulas & dicendo alacriter fit risus, præsertim ob ea quæ celerem cognitionem pariunt non difficilem, neq; uulgarem, quin etiam ob id quod dicunt minime expectatum, cum mordicus pungunt
- C** uerba cum multo lepore & dexteritate, ac non inepte, præsertim uero si præter id quod ingenium referunt & insignem alacritatem plures offendunt simul, & peccatum aliquod occultum opportune & eleganter aperiât quadam dexteritate uerborum, uel propter repugnantiam si blandiendo accusent, aut maledicendo uideantur misereri, & laudare, si præcedens alterius dictum, celer & ingeniosa obtundat responsio, quin etiam ob prauam interpretationem, secundum allegorias, pro uerbia, & metaphoras, aut ἰλλεῖν, ὀρθολύ, καὶ ἰαφ-βολύ, atque omnino propter concinnam applicationem ludicram, præsertim si motuum conformitate innitatur, ob fraudem & deceptionem, aut etiam ob quendam modum insinuationis, hinc itaque processit usus facetiarum utilis quidem in hac laborum & misera uita, & quoniam singulæ continēt aliquam turpitu-

dinem ob errorem & defectū, propterea videretur face  
 A  
 tia esse turpitudinis alicuius simulatio fando aut agen  
 do, hinc enim translatus est nomen, Aristoteles vero  
 quarto Ethicorū cap. octauo inquit facetias esse conui  
 tia quædam, aut cauillos, id quod etiam videbatur in  
 nuere in libro artis poetica, cum diceret non omnes fa  
 cetias excipiendas esse in comœdijs, sunt enim conuitia  
 quædam, quapropter videntur semper aliquem affice  
 re, ac propterea inquit legum latores nonnulla conui  
 tia, atque facetias dicere vetant, ne seditiones fiant in  
 B  
 ciuitate, hinc scurras & importunos illos reprehendit  
 affectantes omnino ridiculum, & magis coniectantes  
 facere risum, quàm honeste loqui, & non afficere eum  
 dolore, in quem facete dicunt, sunt etenim quidā, qui  
 adeo à ridiculis vincuntur, vt cum sibi videatur posse  
 mouere risum, amicos parum existimant, & eorū quo  
 que facere iacturam, honestatis denique, & modestiæ  
 frangunt iura, eoque deueniunt insolentiæ, vt ne dum  
 alijs, verum etiam nec sibi ipsis parcere velint, quo fa  
 C  
 ciant risum, eos vero qui sibi ipsis lex sunt in ioco lau  
 dat plurimum, quemadmodum sane est vir comis &  
 vrbani, ac dexter, quippe qui recte facetijs vtitur, cum  
 dicat ea, quæ liberum hominem decent, atq; cum qui  
 audit, dolore non afficit, vel etiam delectat, itaque dif  
 fert facetus simpliciter, & facetus vrbani & comis, nā  
 simpliciter facetus est qui fando potissimum, agendo  
 que vti loqueretur, & omnino iocando mouet risum,  
 illi vero vt coniungatur vrbani, talem oportet habi  
 D  
 tum, adeptum esse, vt ad recte iocandum sese flectere  
 possit, illeq; hunc medium affectus habitum, ea, quæ  
 solum fert audiendo videbitur facere, eiuscemodi nō  
 nunquam facetias Aristoteles sales appellabat nomi  
 ne potius formæ, & proprii characteris, sal enim est con  
 uinitas, & gratia in simulanda, aut narranda turpitu  
 dine,

- A** dine, & omnino in vſu facietorum, & in iocando gratia & ingenium, etenim oportet neque facetias, neque facietum hominem eſſe inſipidū, ſed huiuſmodi ſales habere per quandā tranſlationem dictos, quaſi vero ſint eorum condimenta alioqui neceſſaria, vt facetiæ huiuſmodi ridiculæ videantur, neque vero latet, in quo ſales iſti conſiſtant, ſi paulo diligentius ea, quæ ſuperius dicebamus, animaduertantur, quibus autem vti deceat facetijs & qualibus, ac quibus non conueniat vti, non eſt meum determinare, ſed rhetoris, aut ethici hoc indiget elocutione, nunc itaque ad reliquos modos accedamus è quibus ridicula proficiſcuntur. Ab extrinſecis porro ſunt riſus & ridicula, ſi turpitudinem aliquam, & inconuenientiam alacrem referant, ideſt ſine dolore & non vulgarem, aut è toto genere eorum quæ accidunt, vel ratione alicuius particularis conditionis, quorum exempla patent in moribus quoque corporis, atque animi latent ridicula, in quem modum referuntur quædam inconuenientiæ morum, quemadmodum turpis quodam auaritiæ genus & actiones, timor cuiuſque rei, aut iſtorum cognata, quorum prope infinitus eſt numerus. Ac in iſtis figuris ſi turpitudinem quandam ſine dolore præſeferant, hinc nouæ quædam formæ inconcinnae, & pene ludibrio factæ delectant, & videntur ridiculæ, pariter etiam faceta facies, & vultus hilaris, aut conceptione ludicri, & memoria, aut per conſenſum & ſympathiam, cum ridere alterum uideamus, hinc ergo fieri uidetur ut animalia tantum rationem habentia rideant, quoniam turpitudinem iſtam ipſa ſola cognoscunt, ſub hac deinde figura titillatio riſum mouet, & tanta eſt eius potentia ad hanc actionem, ut ſubintellecta ſola & proxime imaginata ſenſū moueat, & mentem aperiat præter uoluntatem, ſic etiā ludicra & ioci omnes, & inanes huiuſmodi uoluptates

affectum hunc proritant, & quo maior est turpitudine ex A  
 pers doloris, & maiorem gratiam refert, eo intensiorē  
 excitat risum. Oportet autem diligenter animaduerte-  
 re ne dictæ turpitudines sint admodum uulgares & cō-  
 suetæ, nam fortassis uideri possent mediæ naturæ; quin  
 etiam nosse debemus, quòd obiectum mouens risum  
 debet esse, aut ex se ipso tale, aut saltem tale uideri, im-  
 mo in hoc magis potest existimatio, quàm propria il-  
 lius natura, nam si per se ipsum esset facerum, ac turpi-  
 tudinem illam præferens, tale autem non uideretur B  
 ei qui audit aut uidet, idem plane esset, ac si nullo mo-  
 do esset ridiculum, itaque nihil refert si consulto sit fa-  
 ctum aliquid, aut dictum, aut non ut tale uideatur, et-  
 enim cadente aliquo, uel fugiente, aut acclamante tur-  
 piter ridemus, quoniam singula eorū apparent nobis  
 sub specie turpis citra dolorem: Amplius oportet ab  
 anima cuncta secerni, quæ obicem ponunt, & quæcū-  
 que nata sunt risum cohibere, scus enim nullo modo  
 succederet, ipsū enim intus existens prohibet extraneū, C  
 & obstruit, quemadmodum sunt nonnullæ peregrinæ  
 perturbationes animi, ut ira, mœstitia, & similia, quo-  
 modo enim fieri potest ut iratus aut mœstus rideat: ni-  
 si fortasse ingens fuerit ridiculorum uis, ac perturba-  
 tiones illæ essent paulo remissiores, quomodo itidem  
 cogitabundus, & alijs sollicitudinibus occupatus? so-  
 lent etiam homines instante quodam habitu grauis  
 prudentiæ, & maiestatis ab hisce ridiculis, utpote ina-  
 nibus abstinere: Sed dices quare illos non mouent ri- D  
 dicula? nam fortasse hæc ipsa tanquam facera cogno-  
 scunt & ludicra, illamque in rebus ipsis turpitudinem  
 non ignorant, sensumq; præterea & animum obtinent  
 expeditum: Respondeo quòd risus non solum præsup-  
 ponit materiam conuenientem, uerum etiam animæ  
 debitam præparationem, & concianitatem, itaque si  
 impræ.



- A** impræparatus est animus, non rident, actus enim sit in  
pauiente disposito, diximus autem risum esse motionē,  
quæ necessario præsupponit motū, & dilatationē sen-  
sus, quæ quidem fieri non possunt, quando ab alijs affe-  
ctionibus præoccupatus est animus, atqui grauitatis &  
magnanimitatis habitus merito obstitit, & obicem po-  
nit, quoniam uelut onus animo instare uidetur, quod  
retrahit illum ab omni re non graui, & inani tanquam  
puerili, neque satis est ut cognoscant, concipiantque
- B** illas turpitudines modo contemplabili, sed concrete,  
ut res indecentes & dignas aliqua irrisione: Oportet e-  
tiam eosdem non esse quopiam humore lacescitos, qui  
molestiam afferat, quoniam his ridicula displicent,  
mœstitiæque accessionem faciunt, cum enim bilis pri-  
mum sensitiuum occupat, ille efficitur anxius, molestia  
circūplectitur, & audire non sustinet, nam manifestū  
est non posse simul in eodem esse uoluptatem & dolo-  
rem: Sed tamen huc spectant multæ difficultates, pri-  
ma quidem est, nam multi desipientes de singulis pene  
rident: uel errores sint, aut nullam referentia turpitu-  
dinem, ac nonnulli de ijs quæ uere sunt ridicula non  
rident, immo uidemus sæpe eundem pro eodē aliquo  
rerum genere interdum ridere, aliàs uero minime qua-  
si uero eadem res modo sit ridicula, & postea naturam  
illam exuat: præterea uidere amicū non est res turpis,  
attamen sæpissime ob id risus allicitur: præterea non-  
nulli rident cum uiderint alios ridere, & nulla ijs sup-
- D** petit materia ridendi, quoniam fortassis ignorant qua  
ratione riderent: Amplius solemus audire nonnullos  
serio ratiocinantes ac differentes, & cum lætemur etiā  
ridemus, atque etiam propter alia, quæ sunt seria, &  
nullo pacto turpia, iucunda tamen & dilecta, utpote  
si bonum aliquod nouum afferatur, res scilicet dome-  
sticas esse recuperatas, litis euentum fuisse cum uictor-  
ria,



ria, & nimia vtilitate hostes esse refractos, vel turcas fuisse debellatos in certamine nauali, seu parentes, filios, fratres & affines fuisse euectos ad maximos honores, & virtutum præconia, eosq; etiam esse in optima omnium existimatione, ob illa inquam ridemus & non sunt turpia, neque errores: Præterea ridemus propter titillationem, ipsa tamen non videtur esse res turpis, immo est expers voluptatis, cum illam substantes ægreferant. Respondeo primæ difficultati, quod illis desipientibus singula videntur turpia ludicra, & res quodammodo pueriles; & propterea ferè de singulis rident falsa imaginatione delusi, & quoniam existimatio, opinioque in his tantum momentum habet, propterea satis est ut talia videantur, quo risus procedat, hinc fit ut eadem res alicui videatur ridicula, alijs vero non item, idemque mutata opinione pro eodem genere rerum non semper rideat. Sed dices illud quod est per se tale est semper illo modo, si fuerit igitur aliquid per se ipsum ridiculum, erit profecto id semper eiusdem immutatae naturæ, semperque mouebit risum, quoniam præsentem obiecto, & potentia non impedita, necessario procedit operatio, quæ ab illa facultate nata est fieri. Respondeo, quod ridiculum quemadmodum omne obiectum bifariam consideratur, vno modo in actu, alio modo in potentia, hinc fateor quod est per se ridiculum semper esse tale saltem potestate, non procedit tamen operatio, nisi præsens sit obiectum in actu, simul enim est sensibile in actu & sensus, ut inquit Aristoteles secundo libro de anima, potissimum autem quia ridiculum magis est in apparendo, quàm secundum naturam. Ad secundam dico ex amicorum conuentu fieri potius rictum quendam, quàm risum verum, nisi fortassis præsupponatur ridiculum, is autem rictus, qui ex modica oritur sensus dilatatione potest fieri sine turpitudine, sed à lætitia confestim

- A** festim obtingente, plerunque etiam ob facilem quandam consuetudinem ostentandi lætitiā homines ridentis modo intendunt faciem, rictuque ora diducunt. Tertiæ difficultati satisfecit Aristoteles quarto Ethicorum cum diceret illo modo, quibusdam verborum obsecnitas, quibusdam potius subintellectio ridiculum erat, unde colligimus manifeste ad risus generationem satis esse subintellectionem ridiculi, quod quidem vel præsupponere oporteat definite, aut saltem indefinite,
- B** & ideo cum videmus alium ridentem si præsertim illū amamus, nos imitatione quadam facili illecti, & præsuppositione ridiculi indefinite, sensuumque sympathia confestim ridemus, eodem modo cauta gestuatio cum concinnitate & dexteritate quadam, & verborum mutatio non inepta & vulgaris cum præsupposito obsecnatio, quod est turpe absque dolore facit risum; nisi velimus etiam dicere quod elegans ridendi forma quædam leporem, & alacritatem præferat, quam obrem
- C** sub ratione faceti, & ridiculi moueat, risumque allicitat. Ad quintam dico propter eas res serias posse fieri quosdam rictus, ac modicam sensus dilatationem, quæ potius est risus effigies, & incohatio illius, viderur enim esse quædam intentio sensus, quasi vigore assumpto, & alacritate moueatur ad faciem, vti foras erumperet, postrema insuper nullius est momenti, quoniam titillatio sub figura ioci, & turpitudinis mouet, nam manifeste cognouimus quod ipsa per se, vt titillatio est, tantum
- D** non facit risum; quoniam nonnulla animalia titillationem sentiunt; attamen non rident, quoniam sub figura ioci & ludicii illam non concipiunt.

De primo corporali principio, & instrumento <sup>A</sup>  
 materiali quo risus efficitur. Caput VII.

**Q**uoniam inuentum est (vt arbitror) verum subiectum, & conueniens materia risus, iam proxime accedendum erat ad explicandum modum, quo talis operatio, affectioque humana efficeretur, quapropter initio hoc opus esse duxi, vt vestigetur, quæ nam pars corporis sit primum principium eius, seu primum instrumentum materiale. Democritus existimabat primam illam partem, primumque principium esse lienem, reliquas autem partes esse instrumenta deinceps subseruientia ad perfectam operis absolutionem: eo nimirum argumento desumpto, quoniam videbat lienosos homines, & melancolia hypocondriaca laborantes fieri ad ridendum ineptos, vrpote quod primum instrumentum, primumque ridendi principium non esset expeditum, sed male affectum, eos autem, quibus illius visceris natura nullo modo esset grauata promptiores esse, magisque idoneos ad eandem affectionem, cum itaque potentia & impotentia per hanc partem fiant, consentaneum esse videtur vt lien existimeretur primum principium ridendi. Attamen ipsius opinio mihi videtur absurda, nam risus quodam motu inferuiente perficitur, lien autem neque moueri conspicitur, nec motus aliquis est principium, videmus tamen moueri partes illas quæ sunt in thorace, & medio ventre, nullius preterea facultatis animæ prima sedes ponitur, ac potissimum cognoscentis & animalis, igitur non potest esse primum principium risus, hic enim ab ala cri quadam lætitia proficiscitur: ac deinceps respiratione perficitur, ad quam profecto lien nullum momentum habet: Amplius censebat Hippocrates ex bile & quodam frenitidis genere fieri <sup>D</sup>

- A** fieri impotentias ridendi, ex morbis etiam ventriculi, hepatis, atque aliorum viscerum, liceret igitur affirmare hæc omnia esse principium ridendi, nec minus fortasse potuisset dicere illam partem principem esse femur, aut calcaneum, utpote quòd iis læcessitis, ac præ dolore grauatis risus intercipiatur, inculpatis autem prompte & expedite fiat, quod etiam (ni fallor) ad pecunias referre multo libentius poterat, cum enim illis ego, nullis possum affici ridiculis, dum autem affluunt; omnes in me partes rident & gestiunt: Ob id Alexander Aphrodiseus primo suorum problematum quæstione centesima trigesima sexta meminit huius opinionis, & causam erroris attulit, dicebatque hoc modo: Lien non proprie ac per se, sed ex accidenti risus causa censendus est, quando enim est sanus omnino fœculentum & melancolicum succum ex iecinore trahit, atque ita dum sanguis purus & defœcatus totum corpus, cerebrumque peruat, naturam simul & animam non aliter quàm vinum oblectat, atque ita patet solutio ad rationem illam, qua utebatur Democritus. Alij crediderunt primam partem, per quam risus generatur, esse diafragma, ipsum enim musculus quidam est latus admodum prope mentem positus, sensus polles alacritate, ad motiones agilis respirationi per se primo subordinatus; tale ac tantum habens momentum ad animæ functiones, ut eam ipsam partem veteres de communi consensu *epîra* appellarent, quasi mentem
- D** vel mentis sedem, ibique crediderunt frenitides fieri atque deliria, itaque mirum non est, si etiam risus ab hac etiam parte primum efficiatur, nam ad celeres motiones celer est, & expedita, cum sit musculus latus, sensuque affatim abundans, & spiritu, qui per illam æqualiter est dilatatus, risus enim ut dilatatio quædam esse censetur, quin etiam spirationis primum est instru-
- L . . . mentum,

mentum, quæ ut substantia prope apparet risus: hoc etiam videbatur affirmare Aristot. tertio de partibus animalium cap. decimo, & ob eam causam titillatione alarum mouere illam affectionem, quoniam septum in ea parte alligatur, ex quo facile huius musculi sensum aperit & mouet præter voluntatem, quod insuper experimento militis, ut aliàs diximus, confirmauit, id quod demum patet ad sensum, nam pro minimo quolibet risu septum manifeste dimouetur, & retrahitur, ibique factò principio motus, cæteræ subinde partes, ut pulmo & faciei musculi dimouentur. Quoniam vero septum transversum non est aliquo modo pars corporis princeps, nec animæ prima sedes, aut alicuius facultatis, ideo neque videtur consentaneum eandem partem censere primum principium ridendi, potissimum quia risus lætitiæ soboles est, & conueniebat, ut in ea ipsa parte, in qua vigerent lætitiæ & alacritates, ibidem quoque fierent exordia risus, talem vero partem nemo statueret esse diafragma, sed corpus ipsius cordis, quem admodum visum est Aristoteli, & omnibus serè naturalibus philosophis: Videbatur etiam consentaneum ut ibi à prima, ut dicunt, origine fieret risus, per quam etiam partem alij affectus, operationesque ab affectibus prodeuntes generantur, huiusmodi tamen non est septum, sed cor, in quo lætitiæ, alacritates, dolores, mœstitiæ, timores, iræ, & illorum cognata fiunt, igitur corpus cordis est primum instrumentum corporeum, seu prima pars unde risus efficitur, utpote quod ipsum est primum sensituum, ut censer Aristoteles, omnesque peripathetici, & inter medicos Erasistratus, & forsitan Hippocrates Coss, si ipsius est ille liber de virginum morbis, vel saltem primo sensitiuo consentientissimum, ut censebat Galenus: ponendum est itaque cor esse primam partem, primumque principium ridendi proximum,

- A** mum, quod quidem omnes ab ipsa veritate coacti farentur inopinate, cum enim profusius rident, lætatur, & gestiunt, aiunt se ex corde ridere, lætari, & gestire, aut in eo ridere tantum, si risus in apertum non exeat, sed per vim cōprimatur, hinc animi defectus, & syncope sunt ijs qui plus æquo rident, euacuato scilicet nimium ex corde spiritu, vel ipsum trahendi facta quadā impotentia: Sed necessariū est hoc loco uti distinctione, quoniam aliud est esse primum principium proximum, aliud autem est esse primum instrumentum manifestationum, & perfectiū formæ, fateor equidem cor esse primum principium proximum, quod sensus ibi incipiat gestire, & labatur, septum autem esse primum instrumentum manifestationum, ac formæ perfectiū, quapropter Aristoteles ipsum risum quandoque ascripsit diafragmati, à quo incipit propriam effigiem sumere, & sic soluerentur omnes rationes superius adductæ. Medici tamen qui existimant cerebrum esse primum sensitivum bipartito diuiderentur, nam alij censerent primum principium ridendi esse cerebrum, in quo cum assideant principes animi facultates sunt cognitiones & volūptates ab illis inseparabiles, hunc autem affectum fieri communem per consensum diafragmati, ipsumque ob id esse primum instrumentū, quod per hanc partem formari, & apparere incipiat, ac cæteris deinceps partibus ad operationem hanc subseruientibus, quemadmodum sternutatio, quæ tamen si à capite procedat, hisce nihilominus partibus fit cōmunis, atque per eas manifestatur, quoniam respiratio cerebri (si alia est) coniunctissima videtur cum respiratione istarum partium. Alij censerent quidem cerebrum esse primam radicem & principium remotum, tum huius, tum aliorum affectuum & operationum, quæ ab illis proueniunt, illos tamen in corde potissi-



mum vigere, quòd sensus eius partis vegetior est & con-  
iunctus parti animosæ, ac vitali cum multo calore, &  
spiritu, quorum sententia mihi magis videtur consen-  
tanea vero, etsi melius succederet, si quemadmodum  
censet Aristoteles & Hippocrates faciant cor esse totius  
animæ principiū, operumq; ab illis prodeuntiū, quem-  
admodū verecūdiā videtur ab ipso manifeste depēdere.

Quomodo generatur risus. Caput, VIII. B

**A**ristoteles, aggressus est huius quæstionis explicatio-  
nem trigesima quinta sectione problematum quæ-  
stione octaua, & plane inquit risum esse quandam cele-  
rem emissionem spiritus similem sternutationi cū pro-  
pter lætitiā redundaret, corde nimirum, ac præcor-  
dijs vnā gestientibus, ait enim lætitiā gestiēns concale-  
factio quædam est, spiritum autem cum redundarit, for-  
as emittimus vniuersū, & sternutamenti ratio eadem C  
est, supponit ibi Philosophus rideatē lætitiā gestire,  
ex hoc autem deinceps fieri in illis partibus internis ca-  
lorem, nam lætitiā gestiēns concalēfactio quædam est,  
idque vel minuta agitatione spiritus in se ipso facta,  
vel totius primi sensitiui vnā cum spiritu, & calore pro-  
prio, suspensa præsertim spiratione, vt subinde vtraq;  
ratione accessio fiat ad calorem, conclusio spiritus, &  
propensio ad motum, ex eo deinceps calore soluitur  
humor in vaporem, & spiritus, cum redundarit tum D  
hoc, tum illo etiā quòd spiratio est intercepta, foras  
illum emittimus vniuersim, quemadmodum etiā fit  
sternutatio, calefacto enim cerebro, ac venulis ipsius  
soluitur humor in vaporem, qui cum redundet, excer-  
nitur affatim, itaque videtur existimare hanc spiritus  
vbertatem fieri propter vim caloris ob intrinsecam vo-  
luptatem



- A** luptatem, hilaremque affectum concepti, cum vero spiritum hunc contentum emittere non esse aliam viam præter motum spirationis, quam ob rem statim septum contrahitur, & pulmões succussantur suscipientes eandem motionis speciem à diafragmate, hinc præterea fit retractio musculorum; qui mouent buccas, quippe qui & ratione officij, & consortij neruorum, qui à sexto pari descendant magnam cum hisce thoracis partibus, habent affinitatem, & videntur simul tum conari, tum.
- B** parare viam, vel quia ne spiritus fermè totus eructet laryngis muscoli vehementer nituntur contractione, quiquidem si contrahantur, necesse est etiam contrahi buccarum musculos, quemadmodum experimento patet, ac dicebamus illis fieri, qui Sardorum rhanunculo vescuntur, est enim rhanunculi quodam genus apud Sardos copiosissimum sacus aquas exorians nimium mordax, quæ si comedatur, vescentibus neruos contrahit, rictuque ora diducit, quoniam laryngis musculos suam mordacitate statim conuellit, & per consensum retrahuntur etiam muscoli pertinentes ad buccas, ut qui mortem oppetunt, veluti ridentiū facie intereant, propter quam profecto analogiam risus omnes eiusmodi figuræ Sardonici appellantur. Ego tamen arbitror ibi locutum esse Aristotelem ex mente aliorum, aut illud problema fuisse ab alijs additum, nam reliqua tamen si possent probari, illud tamen absurdum videtur, ut virtute caloris soluatur humor in vaporem, & cum redundaret foras excerneretur, si quidem calefactio est alteratio quædam, & non potest subito fieri, risus autem ut plurimum confestim efficitur, ac forsitan opus esset septo, aut corde inflammationem patiente insigniores effici risus. Neque etiam videri potest ut risus sit communis quædam retractio partium versus principium animæ, in quo læticia ipsa viget, volunt enim contrahi & coadunari

coadunari in locum illum, quapropter faciei retrahuntur musculi gutturis & septum ad cor. Hoc enim absurdum est, quoniam eadem fere species motus efficitur in fletu, quod quidem fieri non deberet, nam dolor potius repellit: quin etiam videmus potius impetum fieri ab intrinseco foras, nam sepe inchoato risu in partibus illis penitioribus cohibetur quasi truncatus in medio nec explicatur in facie. Ob id Aristoteles trigesima quinta sectione problematum questione sexta dicebat risum esse lapsum quendam, & fraudationem, eo quod spiritus ex ipso corde labatur, & erumpat alacriter gestiens latitia ob inane ridiculum per ipsa prae cordia, sic enim, illo allabente, atque impetum faciente necessario septum impellitur ad motum, nam etiam illius spiritus una dimouetur, facitque impetum ut tandem pars illa moueatur & vibrantis modo succulsetur, aut saltem intendatur, itaque facto illo apparatu, ac tur gentia illius partis ad motum fit aeris, quem dicunt spiritum, celer excretio, & quo maior est lapsus, eo etiam insignior risus, hinc fit ut qui partes has alacriores habent, sensuque praeditas insolentiores, illumque magis mobilem & serijs minus affixum, minori que grauitate donatum, longe magis sint, ceteris paribus, ad ridendum proclives, atque adeo non immerito cessit illud prouerbiu, quod nimius risus est argumentum delipientiae, prudentes autem, & viri gratiores ob rationes contrarias minus rident, quia serijs plus student, & ipsum animum, atque cor habent magis affixum, immotumque habent illum, humoreque molesto laces situm, tum sensoria prima, partesque omnes quasi inflexibiles & ad omnes celeres motiones ineptas, sed pigerimas quidem illas, & veluti onere pressas: at prudentiorem animum & negotio contemplatiuo, rebusque serijs solitum incumbere, & in istis habituatam diffici

lius

- A** lius est ridiculis dimouere, & exturbare turpiter ridendo, nam ridicula inania sunt, & puerilia quædam, sed quare labatur spiritus, vel partes ipsæ spirituales conceptione ridiculi nequaquam declarauit Aristoteles, possumus tamen huic satisfacere, quod spiritus aut partes spirituales conceptione ridiculi non possunt se continere ni gestiant, & modo quodam turgant, itaque tum labendo intenduntur, & secedunt, tum spiritus illa ratione foras confertim excernitur: huc possumus referre
- B** quod ipsius ridiculi conceptione fit quædam alacris & conclusa agitatio spiritus, vt perinde partes illæ spirituales talem motum suscipiant, & modo quodam vellicare contrahantur, aut vibrentur, dum causa magis imprimit, cum autem pruriantur, & hilari quodam modo titillationi non absimili moueantur, necessariū est, vt partes aliæ consensum illis habentes conuellantur, vnde videmus fieri illam contractionem in muscūlis totius pectoris, ilium gutturis, & faciei, succedit autem
- C** quandoque motus & gurgulatio tum aggregatione spiritus, tum soluto partium motu propter impotentiam sustinendi pruriginem & turgentiam à ridiculo concitatam, quemadmodum videmus fieri titillationem sub alas, & motū huic similem. At vero in tertio de partibus animalium cap. decimo dicebat risum esse sensus dilatationem, nostis enim quod intima pars animæ nostræ intus assistens cognitioni in ipsa primo sensitivo, quod est cor vt censet Aristoteles, satitias & dolores
- D** primo suscipit, & ab illis afficitur ac mouetur, sed qualis sit, & quomodo fiat hæc dilatatio, sensus non satis est manifestum: sensus enim non est corpus, cum alioqui dilatatio sit proprietas eius, fortassis decet existimare illum ratione corporis dilatari, vtpote spiritus in quo est, & cordis in quo primo viget; ita vt cor dilatetur, ac spiritus emittantur per præcordia, septum vero ob id
- contra-

contrahitur, tum quia ad cordis dilatationes hunc mo- **A**  
 tum suscipit, tum ut contra enitatur in hunc sensus &  
 spiritus motum, ne cum magno vitæ discrimine uacue-  
 tur & evanescat, aut quia sic niti oportet has partes ob  
 robur faciendæ motionis, quæ instat, hinc etiam con-  
 nituntur musculi totius gutturis, & faciei, quippe qui  
 laryngis musculis adeo consentiunt, ut nisi simul isti cō-  
 trahantur, illi nequaquam contrahi possint, gurgula-  
 tio autem fit aucta necessitate, & motu illarum partiū,  
 quoniam hunc eundem motum suscipit pulmo, & suc- **B**  
 cussatur, cum etenim septum contractionem sustine-  
 re conetur, & motus iteruat, efficitur motus minutus ve-  
 lut in medio fractus, unde procedit gurgulatio, quem-  
 admodū si fistulam aeris plenam manu contrectes, sit  
 inde sonitus gurgulanti & cachinno similis, cachinnus  
 enim est risus cum gurgulatione: sed quoniam non est  
 valde manifestum, si cor in hoc affectu dilatatur, ob id  
 potius dicerem risum esse dilatationem, hoc est impe-  
 tum quendam celerem, emissionemque sensus & spiri- **C**  
 tus æquabiliter usque ad faciem, ad quam partem sen-  
 sus aspirat, & animus, ita namque videtur se ipsum de-  
 clarasse Aristoteles trigesima quinta sectione proble-  
 matum quæstione decima quinta, dum causam vestiga-  
 ret, quamobrem ridentes flentibus ipsis vocem edant  
 grauiorem, ait enim hoc modo: an qui flent, intenden-  
 do, contrahendoque os vociferantur, unde propere aer  
 interior corpore ipso intento mouetur, cumque per os  
 angustum transeat, ferri velocius potest, qui vero ridēt **D**  
 ē contrario emissio corpore, hianteque ore rident, cum  
 igitur ob eam rem late, tardeque profundant aerem,  
 merito vocem edunt grauiorem, quibus apertissime si-  
 gnificauit ridenti fieri quandam emissionem corporis,  
 seu spiritus inchoatam scilicet ab interna parte ventris  
 medij ubi sedet animosa facultas, desinentem vero us-  
 que

- A** que ad extremum faciei, quoniam pars illa est sensus emunctoria, per quam animus noster recipit, reddi tque affectus, cum per eam partem sentiat, sibi que credita sint sensoria, quapropter ad eam totus sensus, totusque insuper animus conspirat, hinc ergo procedit æquabilis emissio, intentioque sensus in facie velut foras prominens, hinc aer confestim excernitur, hinc septum cōtrahitur, & muscoli faciei, quoniam æquabilis emissio cum sensus alacritate pertingens ad sensum faciei
- B** non potest fieri citra retractionem illorum lacertorū, & si remissior est actio, fit sola retractio illarum partiū, sed vbi ridiculum vehementius imprimit, hic motus repetit, & sensus magis soluitur, itaque interponitur gurgulatio cum succussatione pulmonis & septi: Cæterum cur illa efficiatur emissio conceptione ridiculi causa est multiplex, etenim voluptas per se ipsam nata est facere dilatationem, cumque etiam lætitia gēstiat motum sustinere non potest, itaque solvatur motus
- C** earum partium necesse est, quasi prurigine sint vellicatæ, & fit aeris emissio celer: tum etiā quia ridicula inania quædam sunt, vnde nec animum quietant, nec firmam requirunt applicationem; quo fit vt foras secedat: at seriæ voluptates non generant risum, nam talia bona, & iucunda nolunt motum, sed fixationem, & permanentem, animi applicationem, accedit etiam spiritus gestitio, & partium illarum principum, atque aeris respirati agitatio, contentioque, sic enim excernitur
- D** confestim, quapropter non erit aliud præterquam impetus quidam celer, emissioque aeris, & spiritalium, vt sentientium partium ad exteriora propter inanem voluptatem ridiculi, ac potissimum ad faciem, ad quā fit aspiratio sensus, & animosæ partis, & gestiunt adeo vnā cum sensu, vt prope ad exteriora procumbant, neque tamen isti modi inter se pugnant, nam si vario mo-

do accipiatur risus & affectus, motionesque singuli in  
 ter se congruunt, vt diligentius intuenti fiet manifestū.  
 At neque superuacuum erit si dixerimus, quòd risus est  
 lapsus sensus, emissioque ob voluptatem, hilaremque  
 irrisiōem turpitudinis, satis enim est conspicuū quòd  
 virūque illorum fiat in risū, voluptas scilicet & irrisio,  
 nam propterea mouemur quasi irridento alacriter tur  
 pitudinem. quippe quæ posita est esse materia risus, &  
 quoniam illa non potest fieri citra conatum, & fit equa  
 biliter respondens vsque ad faciem, in qua sensus pro  
 pter sensoria plurimū viget, propterea fit illa retractio,  
 & si ridiculam vehementius mouet, fit etiā gurgu  
 lario, tremulusque cachinnus: interdum vero fiunt  
 quædam leues solutiones; & lapsus sensus ob serias vo  
 luptates, præsertim celeres, & lepore quodam obtin  
 gentes, sunt enim oblectamenta quædam, in qui  
 bus animus quodam pacto recreatur, sed exi  
 gui tantummodo, ac per obscuri rictus  
 erunt quasi risus imago, quales e  
 tiam ex sola cōsuetudine, dū  
 gaudemus, efficiūtur, &  
 nunquam clari at  
 numeris ab  
 soluti.





# A DE FLETU OPVS

## TERTIVM.



**B** An plorare sit proprium hominis, & per  
quam animæ partem efficiatur, &  
obtingat. Caput primum.

**C** **V**M haetenus de risu, qui à voluptate proficiscitur tractatum esset, videbatur iam consentaneum, & nostro muneri necessarium, ut de fletu, qui dolorum est soboles, theoriā faceremus, nam diminute ad modum scire, ac docere videntur illi, qui suscepta ridendi materia, alteram huic familiarissime coniunctam, quæ de fletu est, temere dimittunt, vel illa saltem ratione quod ab omnibus desideratur, ipsumque opus (ni fallor) est naturæ nostræ familiarissimum. fletus enim tanta familiaritate humano generi est coniunctus, ut ortus nostri primitias in cunctis excipiat, multa tamen hic satius est prætermittere, rāquam vberime declarata & exposita in præcedenti tractatione: quædam autem necessarium est in examen ponere, & quoad fieri poterit declarare, illudque in primis, si fletus est proprius homini, & in quam partem animæ sit referendus. Quibusdā enim videtur ploratū esse secundam operationem perfecti sensus procedentem ab illius dolore, ipsum tamen esse proprium homi



ni, quoniam sensus humanus concretus, implicitus. **A**  
 que suis instrumentis, ac partibus præsertim primis  
 quadam propria substantia præditis, propriaque figu-  
 ra, & coalterna analogia nonnullas habeat prompti-  
 tudines, & naturales potentias sibi soli accommodatas,  
 operationesq; itidem multas prope dixerim secundas,  
 vixote à cognitionibus & affectibus ipsis tanquam pri-  
 mis prodeuntes, qualis mehercle est fletus, de quo est  
 nostra hæc institutio, ut exinde possint homines virtute  
 proprii sensus, & propriarum partium concinnitate ad **B**  
 plorandum se ipsos accommodare sine vlla disciplina,  
 cum naturæ opus sit, eiusque habitus secundum na-  
 turam connascatur: quod enim referatur ad sensum,  
 illiusque proprie sit operatio secunda manifestum est,  
 quoniam videmus pueros cum primum in lucem hanc  
 prodierint flere, quoniam emergsi ex loco tepidioris con-  
 trariam ambientis qualitatem ægreferunt, & dolore  
 afficiuntur, illo tamen tempore ipsorum intellectus pe-  
 ne obrutus iacet iners & stupidus, ut neque rationes ad- **C**  
 hibeat, nec vlllo pacto intelligat, quamobrem fatentur  
 peripathetici pueris nequaquam adesse intellectum quā-  
 tum ad operationem, sic enim posterius aduenit, ac  
 per id tempus brutalem vitam ducunt, quippe qui so-  
 lo vtantur sensu, & secundum illum viuunt, quemad-  
 modum brutæ animantes: ob hæc igitur videtur fletus  
 esse opus dumtaxat sensus nullo etiam ad ipsum præ-  
 sente vsum intellectu: Id etiam confirmatur, quoniā  
 per se pendere uidetur ab illis acerbissimis doloribus **D**  
 tactus, & natura liuius finis gratia visa est illum gratis  
 dedisse, cum igitur è sensuum dolore exoriat, mani-  
 festum est, reddendum esse sibi, nec oportet assumptū  
 probare, nam singulis patet non esse exiguos illos fle-  
 tus, quos hominibus affert tristis sensatio tactus. Alijs  
 autem visum est ploratum esse communem homini &  
 multis

- A** multis alijs animalibus perfectis quæ respirationem obtinuerunt ad tutela in caloris, nam motu hoc perfici, & instrumentis ad eum inferuentibus videtur absolui, exceptis etiã nonnullis eorum quæ propter naturæ imperfectionem, & instrumentorū ineptitudinem, aut metum, vel alium quempiam affectum vehementem plorare non possunt: ipsosque homines nunquam flere virtute intellectus ob ea, quæ ad illum pertinent, nisi affectus communicetur sensui, qui natus est intime
- B** corpus, & corporea instrumenta mouere, ac tales suscipere affectiones, quæ à natura intellectus videntur extraneæ, cum sit prope diuina pars ipsius animæ, illum vero non esse traditum omnibus, quibus conuenit in eadem ratione, eodemque modo quantum ad operis actum propter diuersitatem corporis & instrumentorum quò ad figuram, compositionem, naturam & muniam analogiam; quamobrem neque etiam voces inter se conueniunt, vt propterea sicut metrum & mensura constituatur fletus humanus, quippe qui magis est exactus, numerisque omnibus per se ipsum absolutus, aliorum vero magis obscurus, minusque perfectus esse videtur, ac propterea dicunt alios existimasse ploratū dumtaxat esse illum qui familiaris est homini. Ac certe si ploratus non est aliud præterquam à dolore facta perturbatio in anima, aut lapsus sensus ab eodem propter impotentiam sustinendi, dubio procul videretur cunctis perfectis animalibus conuenire, postquam singula istorum in illis præ doloribus fiunt, & motionibus potissimum sensus primarij afficiuntur, non ne in illis apparent quotidie motus & affectus huiusmodi cum vociferatione clangosa non dimittente? Ac si natura ob vitæ necessitatem repensum hoc flendi dedit, videbatur necessarium cunctis animalibus perfectioribus, quorum habenda erat maior sollicitudo, ipsumque
- sensui

sensui credendum erat, cui magis immediate ac proxime, tradita erat custodia vitæ illique inter sensus potissimum qui quidem est vitæ magis affinis, quemadmodum est tactus, ob id vitæ sensus nuncupatus ab Aristotele. Ac si cætera intueamur animalia, nonnulla sane conspiciemus habere ploratum humano simillimum, ut pudeat negare illum esse fletum, cum enim cedantur, aut aliter doleant, egeantque in luctum, & voces erumpunt valde querulas, quemadmodum pſitaci turtures, columbæ & aues quidam nocturni, & quidam B  
insuper canes, ut quandoque illas gurgulationes non dimittant, & clamosas voces repetentes, & quandoque aiunt complura illorum in lachrymas prorupisse, ut propterea vere ac numeris absolutissimi ploratus viderentur. Ego tamen arbitror utrumque absurdum esse, illud quidem in primis quòd fletus sit opus & passio communis homini, ac multis alijs animalibus, ac deinde alterum quòd fletus sit affectio solius sensus percipiens dumtaxat virtutem obtingens: quod enim ad primum attinet, manifestum est, quoniam risus & fletus aut ratione contrarietatis, aut ratione cuiusdam familiaritatis in modo motus, & lapsu partium ex necessitate debent esse in eodem: dicebat enim Aristoteles in libro de somno, in eodem esse somnum & vigiliam cum sint oppositi, sed risus (ut antea demonstrauimus) est proprius homini, ergo fletus non egreditur humanam speciem: Præterea proprietas ploratus est lachrymarum effusio, sed nullum aliorum profundit lachrymas, nullum igitur plorat, neque ipsos decet respondere, quòd homo lachrymas solum profundat, quia cerebrum habet ratione totius corporis maximum, illudque laxum & valde humidum, ut stillare facilius, & humorem hunc possit oculo subministrare: hoc enim absurdum est, nam vidi ex oculo equino quodam acri consperso puluere,

tam

- A** tam insigne factum esse lachrymarum profluvium, ut prope fons scaturientis aquæ videretur: quamobrem si lachrymarum materia ipsis non deest, mirum profecto esset si plorarent, cur lachrymas etiam gemendo non effunderent, id vero non fit, quoniam uacant illa intrinseca passione usque ad animum perstringente; itaque non efficitur illius suspensio tristis, & molesta contentio cum spiritus attritione, neque retracta emissio sensus dolorosa: Præterea qui stendi facultatem habet, potissimum plorat ob illa, quæ sunt in primo gradu rerum flebilium, sed animalia bruta ob illa nequaquam plorant, nempe si uideant parentes, filios, aut cognatos, defunctos, uel etiam si præceps eat Vniuersum, nullo inquam modo ab istis dimouentur, nec vlla ipsis efficitur commiseratio, nisi fortasse naturalis existat, uelut habitus cōnatus: neque illud refert quòd pueri tametsi plorent, illorum non concipiant commiserationem, nec etiam lugeant, sed è rebus tantum dolorem afferentibus sensui secundum singulas ipsius facultates, nam paulo post ubi adoleuerint, incipiunt misereri. & illorū causa magis plorare, cætera uero quamuis senescant, nunquam pro rebus istis miserrimis plorant, igitur fletus est functio, operatioque hominum propria. Hinc ego etiam arbitror nequaquam ascribendum esse soli sensui, ut sensus est, quemadmodum enim risus non est functio illius dūtaxat facultatis per se, sed eius prout coniungitur intellectui, & intellectus prout coniungitur sensui, aut animæ rationalis prout utramque obtinet facultatem, nam neque intellectus solus, neque sensus ab illo segregatus idoneus esset huic muneri: eodem modo ploratus ab utraque procedit facultate, & est unius cum altera, nam nulli dubium est, quandoque initium sumere ab intellectu, interdum autem ab ipso sensu, cum è rebus sensibilibus, atque intellectis, & utrius-

utriusq; dolore proficiscatur pariter: Atqui videbatur **A**  
 necessarium hoc, nam quemadmodum à natura tradi-  
 tum erat homini quodam principium proprium ad o-  
 stendendas proprias quasdam voluptates, illud inquā  
 propter quod ridemus, eadem ratione ad indicandos  
 proprios dolores videbatur esse necessarium, & certe si  
 pro eodem quemadmodum censeret Aristoteles secundo  
 Ethicorū potest sensus & intellectus dolere, sicut etiam  
 affici voluptate, consensaneum erat esse quandam pro-  
 priam functionem seu motū & perturbationem ab il- **B**  
 lo proficiscentē, atq; hæc meo iudicio est fletus, idemq;  
 sequetur, si cum eadem sit anima dolens, aut gaudens  
 rationis particeps sensu simul, & intellectu prædita, pa-  
 titur enim quasdam intrinsecas dolorū reuocationes,  
 præsertim ad caput: quapropter sit magis retractus la-  
 pius; & emissio sensus velut impedita, nam sicut hîc a-  
 nimus est molioris conditionis & cognitionis. profun-  
 dioris particeps, ita in hisce doloribus spiritus magis  
 mouetur ad partem anteriorem capitis, quæ vergit ad **C**  
 faciem, vnde procedit fletus propter laborem, quem  
 sustinet idem animus ob vim doloris. Arbitror tamē  
 potissimam erroris causam fuisse terminorum ignora-  
 tionem, ab his enim quasi modicus in principiis error  
 factus est deinde summus in fine, nam si scirent quid  
 sit proprie fletus, & qualem habeat generationem, cer-  
 te ab hac puerili desisterent opinione, alia namque res  
 est fletus ab ipso gemitu, aut clamorâ voce, fletus enim  
 remissio quædam est cum profluvio lachrymarum, at **D**  
 gemitus est acclamatio querula, lamentatioquē ob sen-  
 sum doloris citra effusionem lachrymarum, huiusmo-  
 di sunt illæ agrotantium voces clamorâ earū quæ sunt  
 in anima passionū notæ, talis etiam est tristis acclama-  
 tio dolorum index aliorum animantium, non autem  
 fletus vti illi perperam existimabant, nihilominus verū  
 est

- A** est quòd ipforū gemitus analogiam quandam habet, cum vero humano fletu, siquidem vterque tum à dolore exoritur, tum etiam ad auertenda vitæ incommoda substituitur, differunt autem illo potissimum, quòd gemitus ad inducendos primum dolores sensuum est institutus, quemadmodum etiam simplices illæ voces, quæ emittuntur ob doloris acerbitatem, fletus vero ad animi potius dolores est ordinatus, & quemadmodum antea dicebam fletus requirit illam profundam reuocationem animi in se ipsum, & quoniam cogitatio retrahit ac detinet, propterea fit motus retractior & ad cerebrum aspiratio maior, atque homini fit quædam remissio, projectioque totius animi, quæ quidem alijs animalibus non efficitur, vt intuenti parebit, si diligenter ista consideret. Cum autem arguerent quòd pueri vacant intellectu quantum ad operationem illius, & nihilominus plorant, respōdeo quòd pueri nuper nati haud verum obtinent fletum, sed vago, aut vagitus appellatur, propterea quòd vel lachrymarū est expers, aut illas vagitus habet exiguas, arbitror equidem propter imperfectionem totius corporis tanquam inepti instrumenti ad perfectas actiones præstantissimæ formæ, qualis est anima humana fermè diuina parte insignita, & quamuis neque obscuras eorum mens haberet actiones sub id tempus, satis tamen esset vt eius præsentia fouerēt & illustraret potentiā sensus: is enim illo modo vigoratus idoneus efficitur ad istas motiones,
- D** & tristes affectus: satis etiā videri posset si rationali per se animæ ascribatur non modo sensum, verum etiam intellectum obtinenti, nam, etsi sensuum dolores moueant, ipsa tamen suscipit affectum hunc, quia simul habet intellectum, & longe propter illum perfectior est omni anima, cæterorum animalium, itaque ploratus per eam fit, qui per vim aliarum fieri non potest.



Hinc etiam diluitur secunda dubitatio, quoniam fate-  
mur obtingere fletum propter dolores sensuum, eos  
tamen non esse per se ipsos satis ad hanc actionem, ni-  
si vel cooperante intellectu, vel ipso sensui præbente  
lumen, & vigorem melioris generis ministrante, vel  
prout est pars animæ rationalis obtinentis etiam intel-  
lectum, cuius est denique affectum hunc suscipere, &  
motibus his affici primum. Quidam vero ausi sunt di-  
cere sensum humanum esse deinceps etiam intelligen-  
tem, & per se solum auctorem immediatum cunctorum  
affectuum & humanarum actionum, sed hoc falsum  
est, quemadmodum aliàs declaravi. Aliorum deniq;  
difficultates longe facilius dissoluntur, nam ille, quæ  
putant esse ploratum non est profecto, sed gemitus  
tantum, quamvis fieri potest, ut similitudine quadam  
vō eis videatur fletus, immo sunt quædam aves noctur-  
næ, quarum voces quotidianæ, illisque familiares plo-  
ratum & suspiciosum fletum referunt, ut propterea eos  
qui audiunt mœrore afficiant sub tristis alicuius ima-  
gine; illud etiam absurdum est, & antiqua fabula, quod  
lacrymas gemendo profuderint, aut si ita est, suor e-  
rat potius redundantis pituitæ, saniei que, vel alio quo-  
piam affectu coniuncto irritatæ scilicet ex ira, vel indi-  
gnatione furenti: sæpe etiam psitaci, propterea quod  
habent linguam paulo crassiores, & latam, ac guttur  
etiam & palatum debito modo concavum, cæteraque  
instrumenta vocis recte accommodata, suntque ad di-  
sciplinam magis idonei tum partium illo apparatu, tum  
proprii sensus perfectione: ob id inquam sæpe videntur  
humanum fletum simulare, & forsitan maiora facere,  
sed vere simulatio tantum est, neque enim conveniens  
præcedit affectus, preparatio que, nec lacrymas simu-  
lando, gemendoque dolentes effundunt.



## A De subiecto, &amp; materia fletus. Caput II.

CVM animaduertentem pueros, quorum animus est magis expertus aliorum affectuum moris, minus ob grauitatem, aut prudentiam retrahit, & ob singulos dolores flere, suspicabar omnibus uideri, quod dolor seu dolorificum esset subiectum, & materia fletus quomodo libet uel sensu hominis rationali ( ut ita dicam ) aut intellectu percipiat, dummodo non sit dolor admodum levis, ac pene insensibilis, oportet enim ipsum esse aut sua natura grauiorem, aut saltem illo modo existimari, quales profecto nonnulli, tamen si leuiiores sint, eis apparent, utpote minus perfectis, aut propter immaturitatem, & consuetudinem è tota specie minus confidentibus, & uiuendi per se ipsos omnino ignaris, quasi uero post firmiore facta ipsorum natura, tum etiam illo, quod uiuendi consuetudine, & experimento multarum rerum magis confidunt, ac tandem prudentiores euadunt, timorem illum puerilem exeunt, ac meliorem induunt conditionem uiuendi, quam obrem post illas priores aetates non omnis dolor excitat fletum, sed grauissimi quidam sensus aut mentis, ac potissimum illae calamitates, & miserrimi casus; cū aut excidia quaedam ante oculos ponunt, aut uita ipsis uidetur coniungi cum extrema miseria, ac propterea foetus humano statim exortos plorare, ridere autem postea, quoniam subiectum fletus est dolor, qui per sensum tantum modo fieri potest; risus autem fit ex illa turpitudine, quae non tam cito cognoscitur ab intellectu, ac multo post illos erubescere, quoniam difficilior est posse animaduertere causam uerecundiae: at uero cum fletus non ascribitur sensui, ut sensus est, sed potius ut est talis, nempe ut sensus hominis, qui est rationis particeps, siue ut cō-

N 1 iunctus

iunctus est familiariter cum intellectu, cuius splendor  
 substantiæ ipsum fouet & uigorat, uel ut est pars ratio-  
 nalis animæ non ipsum modo, sed intellectum quoq;  
 habentis, cuius primum sunt omnes humanæ actio-  
 nes, per sensum scilicet aut intellectum suscipiendo, a-  
 gendoque; propterea sequitur ut sensuum isti dolores  
 homini dumtaxat fletum alliciant, non itidem alijs a-  
 nimantibus rationis expertibus. Videtur profecto hæc  
 prima sententia nimis uera, & sensatæ rationi consen-  
 tanea, immo uidebatur illo modo à natura faciendum  
 esse ob finis necessitatem, quoniam seruare cupiens a-  
 nimal, debebat potissimum illi præbere facultatem co-  
 gnoscendi quamprimum obnoxios dolores, potiusquã  
 ridicula, & proprium subinde modum acclamandi, dū  
 illos cognosceret, qualis ab omnibus censeretur fletus.  
 Nihilominus videretur non esse desumendam materiã  
 fletus nisi ab illis qui recte se habeant, & sicut oportet,  
 existant dispositi, nam dulce quale sit, aut amarum nõ  
 est cognoscendum iudicio febricitantis ex bile, nã huic  
 singula; quamuis dulcissima, viderentur amara, simili-  
 ter desipienti singula videri solent ridicula, quamuis  
 tristia sint ex sua natura, & dolorem alioqui possint af-  
 ferre: non igitur erat accipienda conueniens materia  
 fletus, & proxima ab ipso puero, qui est imperfectus;  
 non ab inualido, sicut est foemina; nõ ex oblatso, ut des-  
 piens, & melancolicus; sed à perfecto viro, quãuis foe-  
 mina, puer, & desipiens singuli sub specie proprii & cõ-  
 uenientis subiecti plorant, quemadmodum etiam stul-  
 ti rident præsupposito semper ridiculo, ut dicebam su-  
 perius, cum itaque vel modica facta temporum succes-  
 sione, & permutata ætate alij dolores fletum moueant,  
 alij vero non; propterea quærēda est illa forma propter  
 quam singula fletū alliciant. Propterea visum est alijs  
 dolorifica obiecta, ut dolorifica sunt cingere tantum ge-  
 mitus,

- A** mitus, & simplices quasdam acclamationes: eadem vero sub specie alicuius miseriæ concepta ciere fletum, non theoricè quidem illam concipiendo aut in abstracto, sed practice, vt ita dicā, & concretè, vel saltem obscure: indicio etenim est, quòd sæpe sedatis doloribus tactus aduenit fletus, eaque leuissimis quibusdam dolorificis coniuncta, vel sola reflexione intellectus per consensum aliorum insignes excitat fletus, ac si fuerit quispiam aut vere miser effectus, vel falsa quadam imaginatione deceptus, vt accidit melancolicis, cum proiectum, remissumque habeant animum pro exiguo dolore, & rebus quamminimè tristibus plorant, quoniam assidue resouetur, refricaturque per illas existimatio miseriæ, & modica additione facta semper videtur eis fieri miserabiliores, ac pueros ob id ipsum frequentius flere, quoniam confuse se existimant esse miserrimos, utpote nimium passibiles, & propter inertiam diffidentes per se ipsos viuere, eoque magis quo animum
- C** habent, & naturam præstantiorem, corpus autem satis infirmum, immaturum & inualidum, tanquam instrumentum ineptum ad actiones illius meliores, quapropter magis timent, dolentque, & quemadmodum nimis egent fletum oportebat illos habere familiarissimum, vt vicem loquelæ subiret: sic enim plorando, gemendoque sicut loquerentur proprios dolores, & cupiditates indicant, parentes sollicitant, quibus impender cura suæ vitæ, & flendo petere videntur, vt subinde quæ
- D** nimis cupiunt, assequantur, & quemadmodum sæpe hæc accidunt, ita illis sæpe efficitur fletus, nam indiga per se vita in immaturo corpore, quod etsi habeat animam præstantissimam, iners tamen est sibi que ipsi nullo modo sufficiens, miserrima hæc esse videtur, & modica huic facta doloris additione, quasi refricata miseria, fletus exoritur. Sed ista (vt arbitror) sententia est  
magis

magis absurda, quoniam conceptus miseriae nullo modo sit pueris nuper natis, vel etiam paulo prouectioribus, quoniam ratione quadam indiget illius cognitio & reflexione intellectus per quandam collationem, indicio huius est, quoniā nullo modo misereantur, quod aliqui ex necessitate fieret, nam si cognoscerent ob aliquod malum se esse miserabiles, illud etiam si viderent alios pati, per consensum fierent misericordes. Videmus etiam assidue homines flere, qui tamen se miseros esse haud existimant, non est igitur dolor aut malū cum miseria coniunctum subiectum proprium fletus. A

Ob id ergo visum est mihi, quod illud est ingens dolor vel malum quod aut corruptiuum videatur, seu valde molestum, vel effectiuum miseriae prout laborem intrinsecus parit in animo, & remissionem etiam illius non sensus modo: hoc autem manifestum est tum ratione tum sensu inducendo per singula, neque tamen immerito dicebam ingens dolor aut malum, quoniā leuiora quadam despiciuntur, & nullo pacto mouent, alia vero tunc fletum pariunt dum aut existimat animus, aut sensus imaginatur ab intellectu vigoratus tanquam corruptiua & vitæ obnoxia, vel si malum ingens fuerit utpote magnum afferens damnum, & miseriam quandā, hinc facile recens nati homines plorant, quoniam ob illam inertiam, & naturæ perfectionem in immaturo admodum & passibili, inualidoque corpore animus titubat, utpote quod corpus non est tam cito cōueniens respectu formæ illius præstantissimæ, nam aliorum animæ tanquam minus perfectæ, minus etiam perfectæ egent corpore, quibus etiam natura propter necessitatem repensum dedit, & magis confidunt, at fœtus humani prope singula timent, & quamuis leuissima sint, existimant corruptiua, & vitæ obnoxia, unde statim fit ille labor internus animi & impotentia sustinendi B

C

D

stinendi

- A**stinendi cum animi remissione: sunt enim ex se ipsis valde remissi & diffidentes, hinc etiam illi melancolici & afflicta corpora facillime plorant, quoniam habent principium oblaesum; hinc mulieres quoniam illud habent inualidum, sed viri alioqui fortiores, & grauiori quadam prudentia freti, non omnia existimant corruptiua, quoniam etiam magis confidunt, & secundum plurimum abstinent ab ipso fletu, quoniam ratio moderatur affectum sensus: cum enim ploratus remissum
- B** ostendat animum, ratio illos retrahit, quoniam nemo vult apparere demissus, sed quemadmodum ab intellectu procedit, ut pro doloribus quibusdam sensum, aut alijs etiam abstineant, prout rationem adhibent in oppositum, ita cum ille assentitur, uti laborem ipse quoque sentiat molestum, & remissio quaedam illius fiat cum impotentia sustinendi, tunc repente soluitur animus, & fletus obtingit, quapropter illis fletum alliciunt, aut dolores acerbissimi cum sustineri non possunt, aut
- C** miseriae quaedam & commiserationes, quoniam ille statim animum remittunt, & ad sensum desinunt: propterea dicebat Aristoteles sexto Ethicorum, & secundo eiusdem operis cap. tertio fortes viros in magnis periculis & doloribus, quos patitur sensus propter honestam mortem animo aut gaudere, aut saltem dolore non affici; itaque plorare nunquam conspiciuntur, qui si dolerent animo, & laborem illa pars sustineret, etiam ipsi plorarent; non plorant autem quoniam intellectus & ratio, delectatioque virtutis & actionis honestae quodam pacto dolorem adimit, & sensum moderatur affectus: non est igitur mirum si retrahente intellectu, & ratione quamplurimum cohibeatur fletus, quamvis praesto sit vera illius materia, nam videmus hoc idem fieri in alijs affectibus, siquidem verecundia saepius fieret, nisi ratio affectum illum compesceret, saepius etiam fieret furor & ira,
- cum

cum se se offerret occasio, nisi superior illa facultas do-  
 minaretur sensui, & furores illius repelleret: hinc pla-  
 ne fit omnis virtus & vitium penes ipsos affectus, vel  
 saltem fiunt laude, aut opprobrio digni, si ratio aut  
 perperam aut quemadmodum decet, adhibeatur, &  
 quoniam tristitia, quæ dolorem inferunt, & sunt corru-  
 ptiua, & quæcunq; possunt interimere, & mala quorū  
 fortuna est causa si magnitudinem habeant, fletum ex-  
 citant, ipso aut consentiente intellectu in eodem, vel  
 saltem non retrahente: hinc fit vt ab illis propter com-  
 miserationem maximi fletus exoriantur, quoniam sta-  
 tim remittunt animum; cōmiseratio namque tristis est  
 consensus & sympathia propter dolores & alienas cala-  
 mitates, seu dolor quidam ex apparente malo corrupti-  
 uo, ac dolorem inferente in non dignum pati, quod  
 ipse putabit se etiam pati posse, vel suorum aliquem,  
 idque sic vt propinquum videatur: quoniam vero affli-  
 ctiones tunc miserabiles sunt, dum oculis cernuntur,  
 aut sunt prope, idcirco quæ mille annis antea fuerunt,  
 aut multo post futura sunt, forsitan nullam mouent  
 miserationem, vel non similiter: signa tamen & facta,  
 vt vestes eorum qui passi sunt, cæteraque huiusmodi, &  
 verba cum morerētur, ac maxime si magno in his tem-  
 poribus animo fuerunt, nam hæc omnia quoniam pro-  
 pinquiora videntur, & ante oculos calamitates ponunt  
 simulque indignos fuisse ostendunt miserationem mo-  
 uent, & quoniam reflexio quædam fit in illo actu, & col-  
 latio cum opinione, propterea non est mirum si potissi-  
 mum homini conueniat quasi vero alijs aut non fiat,  
 aut non consimili modo, utpote quæ ab innato secun-  
 dum naturam habitu proficiscatur, & à congenita sen-  
 sus qualitate, hinc uero inter similes efficitur ualde se-  
 cundum speciem, ætates, mores, habitus, dignitatem,  
 & genus: in omnibus enim his sibi quoque, damnum  
 dari



- A** dari posse maxime videntur, ac prout naturæ & qualitates sunt magis affines, ita magis illi reciproce cōsentiūt, & quo magis in non dignum collata est passio, si forma sit præstanti, animoq; ingenuo & illustri genere natus, eo magis commiserationem mouet, aliosque trahit in consensum doloris; quædam autem maiora videntur, cum modis quibusdam & funesto apparatu videntur tū magis extolli, tum magis exposita miseria, & lamentabile malum; nonnulla etiam cum ante oculos ponunt
- B** maiora excidia & imaginem postremæ calamitatis: quandoque tamen quæ maiora sortassis viderentur, miserationem non mouent, quemadmodū aiunt, Amasim cū ad necem filius duceretur lachrymas non effudisse, quas tamen large profudit, cum videret amicum mendicare: sed nullam hoc affert dubitationem, hoc enim miserabile est, illud vero terribile, cuius ratione fletus non efficitur, sed ingens metus & terror, atque adeo res eadem numero respectu diuersorū est miserabilis, atque terribilis: siquidem patri terribilis erat ille interitus filij, amico tamen res miserabilis, nam erga propinquos ita se habet, vt in se ipsum interdum etiam affectus affectum cohibet, & moderatur, vtpote iratus, furensque non plorabit, neque potentia fretus, aut medelam meditans, vel fortasse si dolorum ipse sibi causa fuisset. Huc autem spectant nonnullæ dubitationes, quarum ea prima est quod affectus permixti non cohibent fletum, sed potius illum mouent, aut accessionem
- D** faciunt, nam fœtus humani illique potissimum prouectiores pro doloribus plorant, nempe si dolori metus coniungatur, plorant etiam si deforme aliquid ac terribile suspiciant, si quispiam fortasse illis acrius minetur, aut omnino vereantur, ne malum aliquid imminens ipsis contingat, quamobrem manifeste patet minime ex doloribus tantum allici fletum: quin etiam illi
- O
- indi



indignati atque ira perciti plorant, aut si culpentur te- **A**  
 mere, irrideantur, vel acriter obiurgijs afficiantur & cō-  
 tumelijs: Insuper solitudines, tenebræ, spectacula quæ-  
 dam, & cantus funerales fletum adducunt: hæc autem  
 cum dolorificis nihil habent commune; sequitur ergo  
 non solum id quod dolorem affert esse causam plora-  
 tus. Facillime tamen soluuntur omnes; quod enim de  
 timore obuiam attulerunt nihil est, quoniam metus  
 potest esse causa ploratus tanquam coniunctus cum o-  
 pinione rei tristici, utpote si interitus timor adsit vel ma- **B**  
 gnæ poenæ, & aliorum malorum: cum autem timor val-  
 de vehemens est talem ac tantam spirituum reuocatio-  
 nem efficit ad principium vitæ, atque illos, ita compri-  
 mit, ut quemuis alium intercipiat affectum: quapro-  
 pter in initio timore oculi caligine quadam suffundū-  
 tur, & cordis procedit tremor, seu palpitatio aut pro-  
 pter refrigerationem; timor enim refrigeratio quædā  
 est, vel propter timoris impetum qui celeriter fit hian-  
 te cordis corpore, siue illius præoccupato calore ob celerē **C**  
 retractionem. Ad sequentem dico quod illæ indigna-  
 tiones sunt remissæ admodum & molles, utpote mol-  
 lioris, atque remissioris animi, & qualescunque fuerint,  
 nulla tamen freta potentia sunt potius apparatus & di-  
 spositiones quædam ad fletus generationē præsuppo-  
 sito dolore, & obiecto aliquo tristifico: solet etiam a-  
 mor quamuis alius existat affectus ciere fletum, quapro-  
 pter fit ut matris animus dolorosa perturbatione mo- **D**  
 ueatur, & ferre non possit, quamuis minimam affectio-  
 nem dulcissimæ prolis suæ: liquidē facit amor apparere  
 grauiora, quæ sua natura sunt leuissima. Ad postremā  
 dico quod propter illos apparatus seu voces, & signa  
 in mentem subeunt tristitia, & per ea fit quædam animi  
 proiectio, remissioque cum profundo dolore, & labo-  
 re; solitudines namq; & tenebræ momentum ad hoc  
 habent,

**A** habent, vel quia timorem & moestitiam afferunt, quibus praesuppositis tristitia superpetunt, atque eodem modo tristitiam quarundam rerum spectacula fletum allicere consueverunt sub eadem specie, cetera quoque; sicut signa.

De corporeo instrumento quo fletus perficitur, & quale est illud primum principium corporeum unde procedit. Caput III.

**B** **H**Actenus ea, quae ad materiam fletus pertinebant, diffuse pertractauimus, modo consentaneum est ut proxime accedamus ad explicandum quemadmodum fiat, quod sane fieri non posset, nisi prius declararetur qua parte, seu quibus partibus corporis subserviientibus ministraretur, quod per eam, quae ab initio suscepta est, methodum facillime consequemur, quandoquidem risus & fletus sunt motiones contrariae, & quodam alio modo affines, non solum atque contrariae affectiones sunt timor & audacia, quibus igitur partibus risus exercetur, eisdem quoque fletus efficitur, quapropter ex mente Aristotelis oportet existimare partes illius primas esse cor atque praecordia, nam videmus singulos affectus referri in hoc prestantissimum principium, quem admodum est ira, timor, audacia, confidentia, fortitudo, verecundia, odium, amor, & similia istorum: igitur eadem pars una cum praecordiis est principium flendi:

**D** Accedit insuper quod ea ipsa parte dolores vigent, tristitiaque: quapropter motiones dolorum, qualis est fletus, per eandem partem obtingunt, id quod etiam per sensum possumus animaduertere, nam sine ulla controuersia morus manifeste sentitur in pectore, incipiens primum a corde, & diafragmate qui subinde communicatur pulmoni, & consentanee hoc dicendum erat

Aristoteli, cum posuisset corpus cordis esse principem **A**  
 partem tanquam animæ regiam, in quam deinceps re-  
 ferebat omnes affectus, omnesq; operationes primas,  
 atq; secundas ab affectibus ipsis prodeuntes. Sed quo-  
 niam Plato & medici, præsertim vero Galenus, & qui  
 eum sectantur, existimarunt, principium animæ quan-  
 tum ad facultates animales esse cerebrum, mirum ni  
 dicerent hanc ipsam partem esse primum principium,  
 primamq; radicem illarum operationum, & affectuū,  
 qui ad animalem facultatem pertinent, & certe videre **B**  
 tur res ita se habere, quoniam cogitationes, imagina-  
 tionesque & memoriæ ibidem fiunt, & dolores etiam  
 accenduntur, à quibus exoritur fletus; quod etiam vide-  
 tur illo argumento confirmari, nam lachrymæ, quæ  
 sunt veluti character ipsius fletus à cerebro procedunt,  
 & quandoque videmus fieri conclusos fletus, dum la-  
 chrymantur citra eiulatum, ita ut nullus thoracis mo-  
 tus appareat, sed lachrymæ tantum foras secedant ex  
 capite. Plato autem illo non obstante asseuerabat cor **C**  
 esse sedem facultatis animosæ, nam etsi cerebrum sit  
 principium sensus, & quodam modo etiam intelligen-  
 tiæ, nihilominus sensus atq; animus illius vitalis prin-  
 cipij, in quo calor & spiritus affatim abundant pars  
 quasi alia animosa efficitur, eoque modo nuncupatur,  
 quapropter potest suscipere singulos affectus, per eam  
 namque partem animal & homo ipse confidens est, at-  
 que intrepidus, fortis, & audax, timidus, & remissus,  
 verecundus, & impudens, ibidem dolorum & lætitiæ **D**  
 impetus exacerbantur: itaque motus ab his proceden-  
 tes hinc etiam exprimi est necessarium, ac propterea vi-  
 detur Plato ferè medium tenuisse, nam etsi principatū  
 illarum partium animæ in cerebrum coniecisset, ipsos  
 tamen affectus & actiones ab his prodeuntes cordi red-  
 debat, in quo viget pars animosa, cuius opinio ita mi  
 hi vi-

**A**hi videtur vera, vt erubescerem ipsi contradicere: putandum est enim initia singulorum affectuum, primaque radices ex ipso cerebro proficisci, quamuis exprimuntur tum ipsi tum actiones eorum in corde, vbi pars illa assistit animosa, & propterea efficitur vt fletus tum motum illum habeat ex pectore proficiscentem, tum lacrymas euillas à cerebro, in quo profundus quidam dolor fouet altissimam illam imaginationem, aut opinionem rei tristic.

**B** Quomodo generetur fletus. Caput III.

**C**Vm itaque ad explicandum modum generationis peruenerim, meæ nunc erunt partes, vt causa asferantur singularum motionum & accidentium circa fletum, quæ sensibus, aut sensatæ rationi cōsentiant: iam enim manifestum est quod dolor à realiqua tristi & dolorifica conceptus est prima ipsius origo, ideo cum animi intentio & robur quoddam obsistat fletui, consentaneum est vt ad ipsum efficiendum animus succumbar, & remittatur; hinc fit vt magni dolores earum præsertim rerum quæ miseriam præferunt, & remedij spes vlla non suppetit omnium maxime fletum alliciant, nā simul afficiunt sensum & intellectum, ac vtrumque remittunt, quemadmodum & illa sunt, per quæ vehemens timor ossa inuadit scilicet infamiæ, miseriam, paupertatis extremæ, morbi atrocissimi solitudinis, ac denique

**D** mortis cum prope videatur adesse: ob hæc inquam animi efficitur remissio, prostratioque, atque adeo pusilli facile plorant, & mulieres, quoniam remissos animos deicere, & conturbare doloribus facillimum est: propterea debemus supponere quod ad efficiendum ploratum opere pretium est, vt ipsum dolorificum, quemadmodum fieri potest, existimationem attingat,

aut

aut imaginationem, atque in ea existimatione, per ce  
 ptioneue doloris sit quædam sensus, animique seu par  
 tium primo sentientium compressio, nam dolor, ut  
 omnibus patet, compressionem, & angustationem pa  
 rit, & cum dolor fiat, iniucunda pariter atque molesta  
 efficitur applicatio, & suspensio quædam cum ingenti  
 tristitia: itaque dolor tum repellit, tum etiam contra  
 hit, & cum animus talem, tantamque molestiam ferre,  
 & sustinere non possit, fit quidam labor, & impoten  
 tia sustinendi, ac proinde animus quasi victus manus  
 dat, & remissus procedit: facit enim illa solutio ipsi do  
 lenti quandam voluptatem; videtur enim dolor illo  
 modo vaporare, & illius non nihil sedari molestiam,  
 ut inquit præclare Aristoteles primo Rhetoricorū cap.  
 de iucundis, & voluptatem afferrentibus, rem namq;  
 prorsus admirabilem narrat utpote quòd flere parētes,  
 aut amicos res est iucunda, ea tamen ratione confirma  
 ta videtur clarissima, quoniam, inquit, videtur illis an  
 te oculos habere quem plorant, & iucundū est recen  
 se illius ægregias actiones, & præclaros mores, ait enim  
 hoc pacto, & in luctu & fletu est quædam voluptas, mo  
 ror enim in eo est quod non adest, voluptas autē quòd  
 recordentur, ac illum quodam modo videant; & quæ  
 agebat, & qualis erat, & recenset illud Poetæ carmen;  
 Sic fatus flendi cunctis immisit amorem.  
 Sed neque hoc solo, verum etiam illo quia solui com  
 pressum, & molestia coangustatum, afflictumq; iucun  
 dum est: sic enim videtur doloris incendium sedari eua  
 porando, & intrinsecū laborem extinguī, cum etenim  
 isti labores in corde fiant, quemadmodum est manife  
 stum, aut voluptate aut impotentia sustinendi, neces  
 sitateque oportet solui, sæcus enim stupidum videretur  
 cor ac totum animal vel parum ab eo differret, si vide  
 licet tales dolorum affectus pateretur, & modum la  
 mentandi

- A** mentandi, ac remissionis non haberet, cum autem motus incipiat à corde & septo, necessarium est suscipi ab ipso pulmone, quamobrem vox illa procedit index doloris & intrinsecæ passionis animi laborem facientis, & impotentiam sustinendi, quamvis fieri potest, ut ab eis qui sunt fortiores, atque prudentiores hic motus continetur, sed in ea retractione & compressione maiori, ac suspensione animi profunda impetus sursum repit ad oculos, & lachrymæ prodeunt citra eiulatum, quod,
- B** aiunt, nequaquam indecens esse forti viro, nam satis illi est, ut puerilem hunc motum, & solutam omnino remissionem, quæ imbecillitatis, & deiectionis est signum, cohibeat: dolorem vero è magnis rebus cohibere non potest, & fortasse etiam non decet, ac propterea eximius Poeta Virgilius cum Æneæ fortitudinem laudaret, fatebatur eum quandoque in lachrymas prorupisse, quasi vero solutior motus qualis est eiulatus tales viros non deceat ut lachrymæ: cum autem necessitate
- C** quadā hic motus proficiscatur illis præsertim qui molliore sunt animo, utpote minus forti magis flexibili, atque remisso, quoniam eorum animus remisse applicat se illis doloribus, & laborem quandam patitur intrinsecum: ideo accedente cum labore spiritus attritione nimium calefacto principio, vel ob id facta impotentia sustinendi, relaxari celeriter oportet: quod enim dolor spiritus compressionem & laborem faciat, tum patet sensui, dum quisque plorat, tum etiam illud dixit Aristoteles septimo Politicorum cap. decimoseptimo; cohibitores inquit puerorū, & interruptiones ploratus, qui legibus prohibent, non recte faciunt: sunt enim utiles ad augmentum, cum sint quodam modo exercitationes corporis, spiritus enim compressio facit robur laborantibus, clare his verbis illud demonstrat, quippe qui dicit, non esse omnino interdicens ploratum



- A** dolor vim non abſimilem habeant. Secundo cur plorare turpius eſt, quàm ridere, ſi latari, & dolere eodem modo conueniat. Tertio an propter ſletum interitus poſſit accidere, ſicut accidit ridendo, & quo pacto illud fieret. Quarto quo pacto fiat ſletus, ob inſignem lætitiā, cum alioqui poſitum eſſet ſuperius illum eſſe effectum doloris, & qualis illa lætitiā ſit futura, per quā ſletus generatur. Quinto qui magis aut minus ad plorandum ſint idonei, & quomodo fiant illi ſpontanei
- B** ſletus melancholicorum & deſipientium hominū. Sexto cur homines alioqui tristes & dolentes ſape cum tacerent non plorabant, cum autem doloris cauſam velint dicere, & narrare conſeſtim plorant. Reſpondeo primæ difficultati, quærebatur enim cur fieret vt ſletus diutius perſeueret, quàm riſus, fateor equidem illud euenire ex natura ipſius obiecti, vel cauſæ mouentis, quoniam riſus ab inani lætitiā, quæ veluti per tranſitum afficit, generatur; ſletus autem à re graui & dolorifica
- C** ſerio, quæ diutius mouere poteſt: inſtat enim alta quædam cogitatio, & quo magis appellit animum, eo magis diſplicere conſueuit. Ad ſecundam dico ſletū eſſe magis turpem, quàm riſus, ac minus etiam decentem, quoniam riſus non eſt immediate contra aliquam virtutem morum, ſletus autem videtur è medio tollere magnificam illam fortitudinem, quam omnes affectare ſolent, & contra virilem illum vigorem, quem omnes habere exiſtimant, ſiquidem arguit animi remiſſionem, ac propterea qui mores inſtituunt, aiunt ſletū eſſe rem puerilem indignam viro & muliebre, animi videlicet mollioris, & paulo remiſſioris; & quemadmodum obiecta riſus, & inanes lætitiæ frequentius accidunt, propterea magis familiaris eſt illa operatio, affectioque: cum itaque nemo velit apparere demiſſus, propterea nimis abſtinent, & cenſent rem eſſe indignam.



Ad tertiam dico fletibus posse hominem mori cū mo- A  
 dū superant intemperate scilicet laxatis habenis, & so-  
 luto motu, quoniā profusus soluto diafragmatis motu  
 potest accidere difficultas attrahendi spiritum multo  
 præsertim euacuato, quapropter calor ipsius cordis suf-  
 focatur, nonnunquā apparatus aliqui & medij quidam  
 affectus generantur; scilicet lypotimia, & syncopes si  
 paulo remissius illud fiat: cum autē in risu solutior fiat  
 motus utpote celerius ac vehemētius vellicante ridicu-  
 lo quasi prurigine, nullaq; retrahente cogitatione, pro B  
 pterea mors multo facilius ridēdo, quā flendo potest  
 accidere, nam ploratus causā minus insolenter mouet,  
 & alta cogitatio animum retrahit, partesq; ipsas mobi-  
 les. Quartæ petitioni conati sunt quidā satisfacere, ac  
 dixerunt ex ingenti lætitia fieri ploratū propter teneri-  
 tatem, neq; plura his dicunt, neq; explicant, quid per  
 eam teneritatem intelligant, existimo tamen esse quā-  
 dam mollitiem animi, seu potius fluxiliore & molliore  
 naturā primo sentientiū partiū utpote magis flexiliū, C  
 & magis imbecilliū, quapropter leues motiunculas &  
 passionēs ferre, & substinere non possint: qui, ut mihi  
 videtur, satis diminute respondent, quoniā etsi animo  
 sint molliore per quandā translationē, propterea tamē  
 non sequitur ut nulla materia fletus præsupposita plo-  
 rare debeant, & multo quidem minus si pro abundāti  
 gaudio, & voluptate tristitia non efficitur, à qua fletus  
 debet oriri, sæpe etiam non mulieres tantum, sed viri D  
 qui aliās flere nisi ægre conspiciebantur ob tales læti-  
 tias soluuntur in lachrymas, & ploratus insignes. Alij  
 conati sunt etiā illam dissolvere, dicentes fletum in  
 lætitia oriri ex abundantia cordis, qui tamē per se non  
 natus est fieri nisi è rebus dolorificis: hæc autem abun-  
 dantia cordis est quidam affectus ex abundantia spīri-  
 tus & sensus in ea parte. Hoc autem non soluit ut dili-  
 gentius

- A** gentius intuenti patet. Ob id existimo quòd vehementer ac totum simul imprimens gaudium cum amore coniunctum mox spiritum corripit, ipsamque spirationem, & partes illas animosas, quæ affatim spiritibus vigent, comprimit, ac modo quodam suspendit cum quadam turgentia ad motum: itaque cum sensus & spiritus velit ob grandem lætitiā dilatari, tum hoc, tum illo etiam quòd propter magnitudinem & correptionem cohibetur, fit quædam plenitudo spiritus, turbata tamen cum passione quadam conclusa, & sentientiū ipsarum partium minutissima prope vibratio, & turgens motus cum labore, & impeditus motus cum attritione, propter contrarios conatus, quamobrem motus conuertitur sursum, & partes ob impotentiam sustinendi soluuntur, ac propter conuersionem & retractionem c. Etiam fletus efficitur, risus enim vult motum magis expeditum & solutum: retractus autem motus facit fletum quomodolibet impellente gaudio, aut dolore
- C** itra illam retractionem, quæ aut correptione aut alta efficitur cogitatione: quandoque vero remissior fletus efficitur, aut lachrymæ tantum prout causa est remissior, aut animus longe fortior, partesque ipsæ solidiores, quæ flecti, nec solui valeant, nisi maxima causa; interdum etiam istis similia quædam fiunt si misceantur affectus, nempe si gaudium vel plenitudo spiritus cum admiratione, quoniam contrarie mouent, ac proinde partes illæ spiritalis patiuntur. An fortasse tibi videtur
- D** cum fiat hic fletus, vt supponatur saltem confusa commiseratio & passio blanda, interea namq; cum propter amoris excessum miscetur cōmiseratio mollis, & blanda perturbatio, tum hoc, tum etiam gaudij magnitudo, & spiritus abundantia superant animum, itaque illum blande remittunt, & soluto motu cum retractione, & passione huiusmodi necessario fit fletus, & quem
- P a admo.

admodum mixta solet esse affectio ex molli commiseratione & lætitia, aut solutione, & retractione motus, ita quoque mixta solet apparere actio, nam quidā plorare simul & ridere conspiciuntur, interdum hæc vicissim per intervalla fiunt, prout causæ obtinent, atque movent. Caterum qui magis aut minus sint ad plorandum idonei facile est intelligere ex ijs quæ paulo superius fuerunt pertractata; cum enim efficiatur animi remissio, sequitur eos, qui remissiore, siue molliore sunt animo utpote habentes sensoria prima fluxa, & minus robusta, esse ad plorandum cæteris paribus magis idoneos, & quoniam calor necessarius est, nam dolor incedum parit, & caloris tēiginem molestam, ideo fit ut frigida admodum naturæ plorare non possint, tametsi remissiones quædam illis fiant & fletus effigies, utpote inchoati tantum, aut dimidiati fletus quales perterritis contingere solent propter contrarium conatum, pueri vero minores natu videntur plorare frequentius, nam (ut antea dixi) utuntur fletu tanquam loquela, ubi tamen paruuli sunt, & recens nati, quoniam non habent corporis firmitudinem, sed naturam valde imbecillem nequeunt expedite plorare, etenim fit cum labore, & magna corporis contentione, quapropter illos conatus sustinere non possunt, hinc etiam lachrymæ ab illis non profluunt aut raræ admodum, quia spiritus contentione sustinere non possunt, foetus enim humanus est valde immaturus & laxus, ob eandem quoque rationem valde ægrota corpora, & imbecilliora reddita aut non plorant, aut obscure, nam propter corporis imbecillitatem spiritus illas compressiones, & corporeos illos conatus sustinere non possunt, senes etiam tum vel ista ratione, tum quia frigidiores sunt, ac duriora, & veluti cornicula habeant sensoria, partesque ipsas inflexibiles, utpote siccitate retorridas, parum plorant,

- A**rant, minus quoque ad plorandum proclives sunt viri fortes, quibus aut alta mentis existimatio & affectus vehementer actionis honestæ comprimit affectus sensuum, aut quia sunt magis confidentes, partesque ipsas habent solidiores, & maiori virtute præditas. Quidam autem melancholici facillime plorant, & sunt mœsti nō ut aiunt vaporum caligine, namque intra corpus nulla fit aspectio, nec cognoscitur caligo, neque lux & perspicuitas, sed potius humoris frigiditate aliena lædente principium: cum enim sit affectum, & frigiditas calorem illius obtundat, timor excitatur, nam calor audaciam facit, & confidentiam: frigiditas autem in mœstitiam adducit & timorem, diffidentiam, ac denique in desperationem, ut quidam sibi ipsis mortem oppetant existimantes se esse miserrimos, ac melius illis fore si non sint, quàm esse in extrema miseria, vel forsitan ille humor seu densus & fœculentus vapor facit quandam molestiam primo sensitivo, & ineptitudinem cū pigritia ac prope onere, ut perinde videatur sensui esse oppressum, aggravatum, ineptum, & minime expeditum cum molestia, atque illis esse viros nequam, & ad nihilum aptos: hinc procedunt deinde mœstitiæ ipso nimirum animo compresso, & ad actiones minus expedito, nec adiuuante calore, quapropter illis calefactio iuvat. Postremæ difficultati respondeo, quod soluto in dicendo spiritu, ac partibus illis, quæ alioqui continebantur, factoque dolore magis in actu cum explicetur & forsitan aucto cum dicendo innotescat & explicetur miseria corā alijs dicunt etiam puerū si velit accusare illum qui in se, violentas & lascivas manus iniecerit non posse cōpescere fletum; cum enim propriā infamiā explicet, & infamē se esse alijs declaret, flere cōsentaneū est, qui quidē nō fleret temere accusando, nā fictio esset citra dolorē, & potius cū voluptate & alieno affectu.

De exortu lachrymarum, unde, quomodo, & a quo profluant. Caput V.

Cum susceptum esset onus agendi de lachrymis, quæ sunt ut accidens familiarissimum fletus, necessariū videbatur ut quæreretur ipsarū qua coalescunt materia quantum videlicet satis esset ad hanc tractationem, & quamobrem falsæ sint, & calidæ, quædam autem dulces, & frigidæ: præterea qua ratione mouerentur in fletu, unde & quomodo profluant, & quapropter alij alijs magis abundant; multæ igitur conspiciuntur humiditates in nostro corpore similis omnino conditionis, & naturæ, quemadmodum est sudor, vrina & lachrymæ: sunt etenim aquosum pariter corpus, & salis non nihil habent, quapropter debemus animaduertere quandā partem mixtam esse cum sanguine magis dilutam, quæ omnino à calore euinci non potuit, eaque ex petulentis, esculentisque generatur, utpote illorum parte magis aquea; illius autem floris & excrementi, partem quandam magis foculentam affatim genitam in hepatis coctione, animalis natura per renes expurgat, ne sanguis adeo impurus ad cor perueniret, quod est pars præcipua, primaque sedes vitæ, neve sanguis fortasse prauus, & morbosus efficeretur, vel ineptus optimæ nutritioni: relinquitur tamen non nihil, ac pars longe tenuior, & magis sincera propter sanguinis penetrationem ad partes angustissimas, tum etiam ne sanguis ipse forsitan concreceret; siquidem hoc serum tale quoque officium præstantissimum habet, ut mixtum sanguini vnâ cum calore naturali prohibeat quin minus densetur, & concre scat, eadem substantia serosa tandē inepta nutritioni ob suam tenuitatem, modumq; omnem substantiæ deponitur in singulas partes nostri corporis,

- A** corporis, & facit quandam irrigationem in eis, ne siccitate nimium arescant, & tabidæ fiant: ijs enim opus erat nutrimento, & irrigante quopiam humore, hoc humidum plane corpus est illud, quod misso sanguine segregatur à parte magis fibrosa, & terrena, quod ubi separatum fuerit, & extinctus proprius calor statim concrescit sanguis, hoc est etiam illud, cuius vitium non raro accendit febres, & sapor proprius ipsum degustanti ostendit humorum malitiam & prauitatem, si nimirum
- B** qualis est sanguis dulcius, aut ratione putredinis & extranei caloris falsius appareat, quemadmodum optime illud docebat Aristoteles in libris de partibus animalium, hoc etiam sero natura vitur potissimum ad utilitatem partium, quæ iugi aguntur motu, & in ipsis pro maiori parte deponitur, quapropter videmus illò plurimum abundare corpus cordis, nam valido, & perenni cietur motu: huiusmodi enim est aqua, quæ in Pericardio continetur, & efficitur illa segregatio respondens separationi, quæ fit in hepate ad ipsos renes, quoniam cor suscipit sanguinem ab hepate non satis elaboratum, & propterea in illa actione, quæ est postrema concoctio, perfectioque sanguinis calor cordis segregat etherogenea, & plurimum serosa partis in inuoluerum eius deponit, quod Pericardion appellarunt, quã perperam nonnulli existimarunt fieri ut pluuia, ex vapore sanguinis, non sæcus etiam humiditas eadem etsi nõ sola reperitur in thorace, & pulmone, pariter etiam in
- D** cerebro, & in ipsis oculis, sunt enim in continuo motu & humectationis perpetuo indigebant, & quemadmodum oculi, ac cerebrum natura erant corpora humidissima, propterea debebant humorem plurimum habere, & oculi præsertim, utpote quòd qui ratione temperaturæ motus & propriæ functionis humidiores esse debebant. Cum itaque pars ista serosa sit materia lachrymarum

matum rationi consentaneum erat vt essent falsæ; vide A  
mus enim quòd pariter sudor, vrina, & aqua in pericardio falsedinem referunt: hoc etenim corpus indigestum est, atqui indigestum omne excrementum à calore diutius passum, & à dulci potissimum corpore separatum, falsum efficitur: oportet autem hoc à dulci corpore separari, & illo modo pati ab actione caloris, & siccitatem concipere, nam serositas recens misso sanguine sub dulcis apparet, & pene insipida si corpus optime se habeat, aut sanguis non sit morbosus, ea vero B  
pars quæ in pericardio continetur, cum separata sit nō omnino est expers falsedinis: sed quoniam à calore valido non nihil digeritur, & superatur excrementi natura, propterea minus salis habet, aut forsitan etiam mixta cum potu lenta materia, quæ per arteriam descendit eam enim ebibit cor potum nimirum è pulmone surgens, vt ait Hippocrates in libro de corde. Sunt autem ex genere lachrymarum nonnullæ dulces aut insipidæ, & frigidiores ad sensum, quales profecto sunt illæ, quæ C  
in morbis profluunt ex redundante pituita, quod senibus potissimum accidit, qui pituitoso excremento ratione frigiditatis abundant: ipsa namque pituita dulcis est, & frigida, & quandoque magis acutæ, & falsiores apparent, aut falsæ & serosæ humiditatis admixtione, aut putredine, ex quibus sequitur, temperaturas humidiores magis paratas, atq; vberes habere lachrymas: itaque mulieres oculos dūtaxat extendo lachrymulas profundunt, expressa nimirum per eas caruncula illa, quæ sub angulo latet maiori perpetuo humoris plena: ea enim viam obstruit, & sua laxitate descendentem, stillantemque humorem concipit. Qua vero D  
ex parte plorantium lachrymæ prodeant, siue ipsarum materia, quomodo etiam profluere possint, non admodum facile patet, nec tamen oportet frustra laborem adhibere



- A** adhibere si fluant, prodeantq; ex ipso corde, vnde principium fletus existit, quoniam nullæ apparent viæ, nisi fingere illas velis, nec modus vllus suppetit, porro neq; per venas, aut arterias secedunt in eum locum, siquidē essent cum sanguine mixtæ, & rubrico intinctæ colore, ac fluere non possent, nisi venis ipsis per *ἀναστροφῶν* laxatis, & osculis earum solutis, itaque non esset amplius in nostra potestate illas suppressere: multi existimarunt eas à prima origine de cerebro ipso stillare, vt
- B** pote quòd ab illa etiam parte morbosæ lachrymæ secedant, & ratio eadem sit illarum: hoc autem opinantur fieri ex vehementi cōpressionē eiuscemodi partis alioqui humidissimæ, ita vt eius humor exprimatur, quoniam dōlor compressionem validam, & angustationē parit, videtur enim plorantibus fieri propter intentionem atque compressionem in ipso cerebro quidam dolor, & labor submolestus; cum igitur ille humor ad oculos exprimatur, apparent lachrymæ, quæ nihil præterea sunt, quàm fluor ex cerebro per oculos secedens.
- C** Hoc autem mihi videtur absurdum, atque impossibile, nam si totum cerebrum manibus comprimatur quem admodū in dissectione vidimus, ne tantillum quidem humoris hoc pacto exprimeretur, ac deinceps quomodo fieri posset tanta constrictio, quæ si fortassis efficetur sensuum interciperēt officia, & facultatis motiuæ: atque in magnis conuulsionibus potius fierent, cum cerebrum nititur excutere illud, quod est molestum: neq;
- D** per oculos necessario prodirent, si cerebri vis illas exprimeret, raro enim hæc pars, vbi se quopiam onere leuat ad oculos dimittit, sed potius ad palatum per infundibilum, aut nares, per aures, aut spinam, vt docet Hippocrates in libro de glandulis. Propterea existimo quòd prima lachrymarum origo procedit ab humore proprio ipsius oculi, non modicus enim manet in illis

latibulis, quamuis postea reucllatur alius humor ex cerebro per quandam continuationem, siquidem, vt manifeste apparet, simulatæ lachrymæ ab oculis tantum proueniunt: non est igitur opus, vt aliunde quæramus lachrymarū primum apparatus & principium in fletu. Sed postea (vti dicebam) ab humiditatibus cerebri noua suppeditatur materia, ne fluxus ille deficiat dum impetus & vis doloris mouet, quemadmodum ex pro-cidente papyro oleū stillatim attrahitur, & effunditur, vel oculi velut accensa flammula propter illum dolorē & laborem à remotis partibus reuellunt humores, donec sedetur impetus causæ, aut dolor remittatur, vel lassitudo cohibeat, septum enim laborat & pulmo tum propter motum, tum propter conatum intentionis, ac ipsum lachrymale humidum fuerit consumptum, quidam enim illo modo sunt repurgati ab excremento, vel caloris remittatur incendium: difficilis tamen est modus quomodo prodire valeant, sed illum assequemur recolentes quòd vbi fletus instat, fit quædam contractio, intentioque propter dolorem, & spiritus ac caloris motus repit sursum incumbente quadam tristis imaginatione, opinioneue; aspirat autem ad partem anteriorem, quoniam ibi videtur omnis vigere imaginatio, cogitatioque, propterea quòd sensoria in parte capitis anteriore manent; quamobrem in eam totus cōspirat sensus atque animus, ac potissimum ad oculos, tum quia proximiores sunt parti priori ipsius cerebri, videntur enim fermè duo processus cerebrales: quapropter nonnulli antiquorū decipiebantur opinantes, sedem animæ esse in supercilijs, tum etiam quia sunt valde spirituosī. & quasi specula ipsius animæ: cum igitur in eam partem sensus conspiret instante fletu, in ea labor fit. & contrarius quidam conatus, attritioque propter emissionem & retractionem, vnde procedit lassitudo

- A** do molesta, & turgentia quædam ad motum, itaque agitur humor & impellitur procedente impetu & conatu emissionis, vel etiam illo quod in eo laboris & doloris motu, attritioneque fit prurientis spiritus motus, atque caloris per quem omnes ibi magis turgent humores, quemadmodum fit secessio lentoris genitalis ob eiusdem spiritus pruriginem, & caloris agitationem in vasis seminarijs siue in cōceptaculis huic excremento dicatis, fit enim ob id turgentia & semen foras procedit, ibi vero turget cum labore & dolore; consentaneū igitur est, ut foras impellatur humor, & lachrymæ ob illud fiant, atque ubi propter dolorem & laborem, motumque similem horrore partes amplius substinere nō possunt simul cum earum solutione ob impotentiam substinendi, & spiritus emissionem soluitur humor: aut quoniam in illo dolore, laboreque earum partium & animi remissione fit earum calefactoria lassitudo, itaque humor ille concalescit, & cum sua natura falsus esset, falsior fit & acutior, & agitatus pruritus facit, atque ad excretionem vellicat, ac propter eandem calefactionem, lassitudinem & laborem substinendi vis ipsa contentiua vnita sensui confestim soluitur & laxat habenas; itaque profundit humorem, non nihil etiam cooperante propter dolorem coarctatione. & motu horrore simili, hic enim humorem exprimit & ad motum facit paratiorem: quamobrem videntur lachrymæ omnino proficisci ex spiritus, calorisque motu, & prurigine cum attritione quadam efficiente turgentiam illarū partium, & humorū qui in eis continentur ex labore & lassitudine, illa inquā calefactoria & impotentia earundem partium ad substinendum, ex emissionem cum retractione, & molestia, ex agitatione humoris propter calorem, & motum spiritus, aut sensu humoris agitati calidioris effecti, ac paulo acutioris: quod etenim motus

solus humoris & spiritus id possit efficere, indicio est, **A**  
 quoniam ingens lux, & calor lachrymas mouet quo-  
 tidie, ac spiritus etiam contentio, nam qui ploratum  
 cohibere nituntur, cum vis doloris sensum vicerit, la-  
 chrymas vberius effundunt, sæpe etiam tristis sensatio  
 earum partium & membranarum oculi lachrymas fre-  
 quentes allicit, itaque frigus illas mouet, non vt aiunt  
 quidam constringendo, exprimendoque, sed quoniam  
 frigidum mordax est præsertim neruosis partibus, illis-  
 que obnoxium, & maxime talis est Septentrio, frigidis. **B**  
 limus enim est tenuis valde, & cito feriens quasi acuta  
 cuspside: Ac forsitan mordax & accensus calor

qui fit in dolore propter attritionem in  
 cis partibus mordicando, mo-  
 uendoq; facit vt humorem  
 profundant & lachry-  
 mæ in fletibus  
 procedant.



DE SOMNO ET  
VIGILIA OPVS

QVARTVM.



Quibus proprium sit dormire, & in quo somnus ipse consistat. Caput primum.

**Q**UONIAM fletus somnos alliciunt, videtur iam ad rem nostram pertinere, ut illius perfecta tractatione, theoriam hanc illi coherentem alacriter susciperemus, cum autem somnus vigilię quędam orbitas sit, ut censet Aristoteles, propterea necessarium est eum, qui de somno est tractaturus, initio præcognoscere, ac perspectam illam habere: consueuimus enim fermè in omnibus prius cognoscere habitū, deinde priuationem, nam ut rectū est iudex sui & obliqui, eodem modo habitus est sui, atque priuationis index: ex hoc itaque procedit, ut ea omnia, quę vigilare conspiciuntur, ipsa quoque dormiant, & per quam partem vigilant, per eam quoque somnus abtingat; hinc perperam videtur lapsus esse Democritus, cum cēseret plantas quandoque dormire, si siquidem nullo modo vigilant, minime fieri potest, ut dormiant: illud enim manifestum est, cum sensum nullum habeant, nec motionis principium obscurū vel manifestū. Cum itaque vigilare sit proprium animalium, utpote quę à natura  
sensum

sensum & motionis principium obtinuerunt, per quos **A**  
vigilia procedit, eorum quoque proprium somnus esse  
debebat, & quemadmodū nullum est animal, cui vigi-  
lare non competat, animal enim per sensum est, pro-  
pterea nec vllum esse potuit, quod somni particeps nō  
esset, ac certe si singula consideremus animalia, affe-  
ctionem hanc plane omnibus fieri comperiemus his  
quidem clarius, his vero obscurius, & alijs breuiorem,  
alijs contra diuturniorem, quemadmodum naturæ ip-  
sorum sunt diuersæ, & aliæ alijs ad somni dispositionē **B**  
magis procliuēs, illa quoque animalia, de quibus est  
maior dubitatio propter ineptitudinem, & imperfe-  
ctionem naturæ, quæ ferè ancipitem conditionem sunt  
sortita, tamen si secundum sensum non satis constet,  
rationabile tamen est, vt somno quandoque se se recre-  
ent: virēs enim submittant, oportet ex diuturno peruir-  
gilio, & quemadmodum neque sensum vllum habent  
nisi tactum & gustum cum illo confusum, ac principium  
sentiendi minus distinctum, ita neque diuturnis, neq; **C**  
nimis altis soporibus corripiuntur, sed fortasse frequē-  
tioribus, & minutis, nam vt virtus sentiens est imbecil-  
lis, & segnis, quin etiam obscuri motus; corpusque ip-  
sum laxum, & infirmum, ita sæpe quietem ex somno  
ad vigiliam aptare debebant, sed quia principium non  
est bene distinctum, breues, & confusi (vt ita dicam)  
somnia ipsorum fiunt, ac propterea somnolenta tota,  
ac tota quoque vigil ipsorum vita esse censetur. Vt au-  
tem singula dilucidentur quoad fieri potest optime ne-  
cessarium est vt explicetur primum penes quid somnus **D**  
attendatur, & omnino in quo consistat eius naturā,  
quod, si memores erimus eorum quæ dicebamus in  
principio facillime diluetur, si videlicet cognouerimus  
in quo eidem opposita vigilia consistat: hæc autem, vt  
omnibus patet, est quedam solutio, & expedita prom-  
ptitudo

- A**ptitudo animalium facultatum, ac potissimum sensus, earumque expedita agitatio secundum actum, igitur somnus in quiete illarum operationum, & potentiarū ligamento, ac quasi vinculo consistit, ut perinde fateri liceat somnum non esse operationem, aut actionem aliquam, sed quietem actionum, & operationum quarundam ipsius animæ, est enim ut quies sensuæ, ac motuæ facultatis, dicitur autem animalis affectio, ut proprium, vel passio. Sed an non in sola quiete consistit?
- B** hoc etenim repugnat Aristoteli in suo libro de somno, cum diceret, nō in otiosos esse sensus somnus consistit, deinde repugnat sensui, quoniam sæpe fit, ut sensuum omnium functiones, & facultatis motuæ intercipiantur, somnus tamen non est, quemadmodum efficitur in defectionibus animæ, in apoplexia & similibus affectibus: potest etiā accidere, ut omnes sensus vere quiescant cum motivo principio, animal autem non dormiat, utpote si visus non videat, auditus ob somni privationem non audiat, tactus non sentiat, ac cæteri eodem pacto quiescant ab actionibus propriis. Respondeo quod uti vigilia non consistit in actuali sensuum operatione, & principij motivi, sed quadam expeditione libera & actuali promptitudine, solutioneque, qui eo modo se habeat ut si offerantur objecta, & amoveantur impedimenta, quamprimū sentiat, ille enim tametsi non sentiret, erat tamen promptus, & expeditus ad sentiendum si singulorum affuissent objecta, eodem modo non in sola vacatione illius operis consistit somnus, sed in compressione & ligamento ipsius sensus & motivi principij & in non habendo illam promptitudinem actualem expeditam ad actionem aut passionem perfectivam, utpote non existente libero sensus ipsius principio: at neque, si ita est, in omni sensus compressione, vacationeque consistit, sed in ea potissimum,



num, quæ veluti quies est, & solui potest cum sit exper- **A**  
 gibilis, non autem vt vigilandi impotentia ob aliquẽ  
 morbum effecta, per quam sensus & motus omnino  
 supprimatur, quemadmodum fit in apoplexia, & ani-  
 mi deliquio, illa enim affectio somnus est, aliæ vero im-  
 potentia vigilandi & morbi quidam, in quibus sensus  
 non potest solui, & expergisci.

Quæ actiones per se intercipiuntur in somno. **B**  
 Caput II.

**N**unc vero sequitur vt explicentur tres præcipuæ dif-  
 ficultates, prima earum est, quales operationes in  
 somno intercipiuntur, vt sicut diximus expeditæ non  
 possint apparere, si vero non omnes intercipiuntur,  
 quamobrem id fiat: altera est cuius potentia sit affe-  
 ctio: tertia cuius gratia sit homini, ac cæteris anima-  
 libus constitutus, sunt etenim animalium actiones, ope- **C**  
 rationesque variæ, nimirum opera vegetalis animæ, prin-  
 cipij sensitiui, sæcus locum motiui, & intellectus, quas  
 medici trifariam diuidunt in actiones naturales, vitales  
 & animales: nemo (vt arbitror) ignorat, hæsitatq; in  
 ipsa somni compressione liberas esse, & omnino solu-  
 tas naturales facultates quantum ad actiones illarum  
 pertinet, cum quibus coniungenda est facultas ipsa vi-  
 talis, quippe quæ, vt placet Aristoteli, non est distincta  
 nisi ratione à virtute nutritice, illarumque operationes **D**  
 non minus inter dormiendum, quam in vigilia expedi-  
 tæ apparent, nam quælibet concoctio, alteratioque nu-  
 trimenti fortasse melius in somno perficitur, & natura-  
 les quoque omnes excretiones familiares, exceptis ijs  
 quæ sponte aguntur præcedente aliquo appetitu ani-  
 mali, illæ namque in vigilia fiunt, quapropter dicere  
 solebat

- A** solebat Galenus somni concoquant, & vigiliæ digerūt, ideoque somno iam incumbente vis nutritiua, & augēs agunt, munusque exercent suum, generatiua vero suo etiam agit modo, non prout agit in aliò, sed quatenus præparat semen, quod est fermè principium generatio nis in ijs quæ ex semine fiunt, ac denique omnes illæ fa culrates agunt in somno, quæ naturaliter operantur, & ac tiones habent non spontaneas. Ac necessarium erat vt illæ potentix naturales nunquam essent otiosæ, siue
- B** quietem aliquam interponerent labori: primum ex ne cessitate operationis, quoniam vis nutritrix, & vitalis, vt censet Aristoteles, sunt idem subiecto, nam dicitur nu trrix prout formā mediante nutrimento cōseruat in ma teria, vitalis autem prout singulas partes fouet median te calore impertiens illis esse, & permanentiam, cuius virtutis interceptio interitus est, igitur quiescere non potest ista facultas si viuere debet animal: quin etiam per opus illius vita quotidie lacessita reficitur, vt perin de diceret Aristoteles, nos tamdiu viuere, quamdiu nu trimur, quapropter opus erat hanc ipsam virtutem as sidue vigilem esse, hoc est actu agentem sine intermis sione ob vitæ incolumitatem: amplius operatio ipsius sibi vigorem addit, quies saltem imbecillitatem parit, quamobrem magis agendo, quàm quiescendo refici tur, velut ignis, qui si quiescat, langueret, & flaccesce ret: si vero vel moueatur, vel etiam agat incombustibile, semper vires acquirit agendo: eodem itaque modo
- D** & animal totum, & singulæ ipsius partes, & virtus, siue instrumentum illius magis vigent, & robur maius ac quirunt si circa alimentum agant assidue, vtpote quòd ab illo reficiuntur, & vigorem assumunt, ac omnino a nima, quæ forma est, seruatur in materia, vel etiam si supra hoc aliquid reponatur, fit accessio ad magnitu dinem: præterea cum necessaria esset hæc operatio, ip

sa per se necessitas procurat assiduitatē operis & actionem sine intermissione. Deinde confirmatur ex parte potentia, siquidem facultates naturales sunt magis affixæ in membris, atque ad agendum non requirunt cōsensum & cognitionem aliquam, non mouentur ab extrinseco, sed mouent, & agunt naturaliter, suumque subiectum & passuum coniunctum est: & si cōsideremus instrumentum, uidelicet calorem natium, & influentem, hic operi semper incumbit, & quia naturaliter agit, semper est ad agendum expeditus, immo ad actionem fortasse promptior est in somno, cum calor ad infernas proluat sedes, ac uiscera illa fiant ob id longe calidiora, tametsi minor appetentia sub id tempus exoriat, quoniam corpus minus dissoluitur, & dissipatur propter quietem, & spiritus contentionem. Deinde ex parte obiecti, siquidem alimentum, quod est obiectum uirtutis nutrientis æque præsens est, & æque ad patiendum idoneum, quin etiam ex actionum ipsarū natura; illa etenim opera paucioribus indigent: at sensus & motus unius præsertim partis expeditionem, & quemadmodum imbecilliora sunt instrumenta sensuum & actiones spontaneæ, ob id facile poterat illis accomodari nonnulla quies: itaque hoc etiam opus erat ratione finis, quemadmodum superius dicebam, quapropter ex omni capite necessarium erat, ut facultas quælibet naturalis, agensque secundum necessitatē suas assidue exerceret functiones, nec minus in somno, quàm in uigilia. Sed quoniam ubi somnus obrepit, uidemus extemplo sensus omnes intercipi, ac pariter motum, adeo ut singula sensoria conniueant, aut torpida fiant, uis corporis reſtiua succumbat, & corpus ipsum animalis procidat, ac tanquam immobile, stupidumque requiescat sub quadam mortis imagine: idcirco sequitur somnum consistere in quadam uacatione & quiete

- A** quiete sensus & motus primo, sed quoniam motuum qui fiunt in corpore animalis, alij sunt naturales, quē admodum est motus arteriarum, alij sunt animales & spontanei, quorum alij sunt necessarii ad uitæ incolumitatem, alij nequaquam necessarii: hinc fit ut motus naturales, quorum principium non est in nobis, idest qui non efficiuntur sponte, & electione aliqua, nō supprimantur in somno, quemadmodum dicebā esse motum arteriarum cordis, & cerebri, qui exurgente, subsi-
- B** denteque spiritu aut calore generatur: cum etenim causa istius motus sit necessario agens nulla vis somni potest illum cohibere: aliorum uero qui ad uitæ conseruationem sunt necessarii neque etiam supprimuntur, quē admodum est motus diafragmatis, pulmonis & musculorum totius thoracis, qui quidem motus tametsi spontanei sint, cogente tamen summa necessitate semper efficiuntur, nisi aliquid uiolenter obstat: mouet enim agitque ita necessitas, ut ille motus ad quem momentum habet appetitus uideatur necessarius & naturalis,
- C** nobis etenim non eligentibus semper efficitur, inuitis autem non efficeretur, quod satis est ad naturam motus animalis, & spontanei; alij uero motus, qui talem, ac tantam necessitatem non habent, in ipso somno cōprimuntur, compresso nimirum (ut dixi) sensu, & principio illius, an uero pueri dormiant in utero ut pulli in ouo, cum neque moueantur neque sensuū ulla motione agantur, difficile uidetur esse, & non inutile ad
- D** hanc rem illius explicatio: arbitror equidem illos neque dormire, neque proprie uigilare, somnus enim atque perfecta uigilia sunt affectiones animalis perfecti, & secundum naturā absolutioris, illi uero imperfecti sunt, & nequaquam ut decet absoluti: neque enim uigilia illis conueniret eo tempore, tunc enim non nati sunt uti officio sensuum, ut manifeste patet, nam proficere

nihil possent, & fortassis non haberent conuenientē dis- A  
 positionem instrumentorū, cum igitur vigilia nōdum  
 fieret, ex necessitate debent esse expertia somni, nunquā  
 enim priuatio est ante habitū, quod insuper confirma-  
 tur testimonio Aristotelis in libro Prædicamentorū ca-  
 pite de oppositis, dicebat namq; priuationem esse ne-  
 gationē in subiecto apto nato, ac propterea catulū an-  
 te nonum diem non esse priuatum visu, quoniam eo  
 tempore non natus est videre: cum itaque animal in v-  
 tero non sit aptum vigilare, nequaquam dormit: patet B  
 autem illud non uti sensu secundum actum, vel si sen-  
 tiat, doleatque non animaduertere se sentire atque do-  
 lere, nullo etiam cietur motu, nisi forsitan obscuro, qua-  
 lis accidere solet stupidis, immo etiam neque respira-  
 tionem habet qui motus alioqui est tantopere necessa-  
 rius ob salutem caloris, atq; illa profecto ratione quan-  
 do aut in vtero sit, aut in ouo imperfectū quoddam est,  
 & tanquam ciuitas nondum optime formata, ac legi- C  
 bus instituta, primæ illius partes sunt admodum imma-  
 turæ & imperfectæ calor proprius valde profusus, ac lō  
 ge hebetior, & ab initio assuetus carere illo motu, gan-  
 dens tamen quadam transpiratione: cum autem inci-  
 pit adolefcere & maturius esse, partesq; fieri perfectio-  
 res, & calor longe validior, & magis collectus in suo  
 principio, tunc respiratione incipit egere, & quo foras  
 secedat, vel rumpit putamina, aut ipsas ambientes  
 membranas dirumpit, & lacerat, nunc autem ad illud D  
 reuertamur: cum enim tale animal imperfectum exi-  
 stens nullō vtatur sensu, nec etiam motu respirationis,  
 opinor eius vitam esse similem vitæ plantarum, & pro-  
 pter sensuum interceptionem posse appellari stupidā  
 vigiliam & affectionem quandam esse similem somno,  
 vt pote vigilandi quandam impotentiam, cum vigilare  
 tunc temporis sit ineptum, atque habere quosdam gra-  
 dus

A dus, utpote quod nonnunquam propter aspirationem corpulentam ad caput habeat principium magis aggrauatum minusque ob id expeditum, aliàs autem longe magis solutum.

Cuius animæ facultatis sit affectio per se  
primo. Caput III.

B Cuius autem potentiæ affectio sit, modo est explicandum, iam enim in superioribus demonstraui operationes nutriticis potentiæ in quolibet sapore solutas esse & expeditas: hinc ergo manifestum est somnum non esse affectionem illius facultatis, nam plantæ etiam obdormirent, & foetus in utero, atque adeo vera esset opinio Democriti, quam paulo superius confutavi: neque etiam est affectio intellectus, quoniam si modo aliquo comprimi posset, non esset utrique necessarium ex eius compressione ligari sensum, & motum: sequeretur etiam non fieri ob aliquam organi affectionem, ipse enim est inorganicus & immaterialis omnino, & quoniam impassibilis est, & per se ipsum non defatigatur, sed intelligendo perficitur ac illustratur, & à perfectissimis rebus longe magis vigoratur, ut inquit Aristoteles tertio de anima tex. septimo, ac denique somnus esset affectio hominibus duntaxat propria, nam cætera expertia sunt intellectus, & rationis. Consequens est igitur ut somnus atque vigilia sint affectiones ipsius sensus & principij motui, cuius conclusionis non oportet aliunde querere rationes, cum sit exposita sensui, videmus enim omnes vigilantes sensuum motione agitari, & ad motum esse proclives, motum inquam vel perfectum progressionis, vel imperfectum, & obscurum, qualis est motus dilatationis, & constrictionis, qui tum ratione sensus, tum ratione alimenti, ut extenderentur ad illius suspensionem

ptionem videtur esse necessarius, ex somno præterea il- A  
 los prostratos iacere, ac decumbere interceptis sensuū  
 muneribus, & motu nullo, qui voluntarius sit & spon-  
 taneus, atque omnino necessarius, cieri, vt nemini pro-  
 præterea dubiū videri possit, quin somnus sensuam præ-  
 cipue partem animæ, ac motiuam occupet, sensum au-  
 tem primo, & propterea Aristoteles primo libro de plā-  
 tis nō procul ab ipso principio cum demonstraret plan-  
 tas esse expertes somni, dicebat somnum esse imbecilli-  
 tatem quandam & quietem sensus, & quemadmodum B  
 vigilia est motionis agitatio, ita somnum esse illius mo-  
 tionis quietem. Cum vero spontaneus motus per ap-  
 petitum fiat, hic autem subiecto & natura idem sit cū  
 ipso sensu (loquor enim de appetitu sensitiuo) consen-  
 taneum perinde est, vt somnus non modo officium sen-  
 sus, verū etiam motionis hoc genus intercipiat, & quo-  
 niam intellectus coniunctus est cum sensu, & requirit  
 phantasiam tanquam sociam in operando, ipsaque in-  
 tellectio à phantasmatibus dependet, propterea effici C  
 tur, vt compresso primo sensitiuo dormientes abstineāt  
 ab opere ipsius intelligentiæ: atqui necessarium erat  
 somnum esse vinculum & quietē tam sensus quàm mo-  
 tus, tum ratione communis laboris, vt censebat Aristo-  
 teles citato loco, tum ratione principij cōmunis, quod  
 affici videtur in eo, tum ratione instrumenti, ac spiritus  
 qui communiter sentiendi, mouendique facultatē cun-  
 ctis partibus adducit, & abducit, tū etiam ratione sub-  
 ordinatæ analogiæ, ac denique ratione finis, vt paulo D  
 inferius explicabo. Sed cuius sensus, aut quorum sen-  
 suum procuratione (si modo plures habeantur) fiat,  
 hoc certe maiorem habet dubitationem, porro (vt an-  
 tea ex opinione Aristotelis declaravi) reperitur in ani-  
 mali quidam sensus primarius, quem ab ipsa functio-  
 ne, aut propria natura communem appellauit, & quin-  
 que



- A** que deinceps alij assidentes, famulantesque, qui veluti foris astant ad custodiam vitæ, tanquam emissarii & internuncij, quippe qui extrinseca intus referant, propterea emergit dubitatio si somnus est quædam passio, affectioque ipsius sensus an sit sensus principis, vel potius alicuius particularis, aut particularium omnium. Respondeo ex mente Aristotelis in suo libro de somno, cum per se primo esse passionem primi sensus, aut dicas primi sensitiui: nihil enim refert, siquidem impossibile sit comprimere sensum cōmunem citra compressionem aliorum, ait namque Aristoteles hoc modo, eiusmodi somnus comitatur sensum, qui in prima sentiendi facultate oritur, atque ibidem alijs verbis sic: itaque constat huiusce sensorij tum somnum tum vigiliam esse affectiones, easque ob id ipsum omnibus tribui animalibus, quod insuper cōfirmauit ratione validissima, illius sane, inquit, affectio est somnus qui cuncta fouet sensoria, sensus princeps est huiusmodi, ergo somnus
- C** est primum ipsius affectio, maior est satis manifesta, cū pateat in somno totū totaliter sensum esse interceptū, minor vero probatur, quia sensus ab vna prima parte in qua est sensus cōmunis per cæteras ministratur, aut cum vnus sit sicut tota natura animalis est vna, ab vna tamen primaria parte dependet totus, qua quidem parte aut non influente in alias nullū sensorium externum idoneum est sensationi, & motui, velut lumen quod à soli corpore cōmunicatur huic hemispherio ab uno cō-
- D** presso extinguitur totum, aut ipsa tanquam principio sentiendi compressa confestim interceptantur alij: cum itaque hic sensus in alios influat, siue in alia sensoria, aut principantis coniuncti analogiā habeat ad illa, & non è contra necessariū erat, vt somnus ipsum primo sequeretur, quapropter ex vacatione aliorū sensuū non efficitur sōnus, ex quiete uero, & vacatione istius, cæteri  
silent,

silent, & statim somnus obrepit, vniuerso simul compresso sensu, interceptoque. Id etiam confirmatur, nam somnus facit compressionem totius sensus & vacationem quandam, totus autem non ligatur & opprimitur nisi principio ipso compresso: consequens igitur est, ut somnus sit affectio, passioque primo conueniens primario sensitui, tale enim sensorium, si forte sentire non poterit, cætera quoque nullo afficientur sensu. Præterea eiusdem facultatis est somnus, atque vigilia, cum sint oppositi, ac proprie non sit aliud, quàm orbitas vigilæ; ea vero est passio primum huiusce principij, tanquam illius solutio, & expedita promptitudo, ergo somnus eiusdem sensus est affectio, quòd autem eadē parte tam somnus, quàm vigilia fiat, non modo ratione oppositionis est manifestum, verum etiam aliter, ut probauit Aristoteles, nam si per vnā partem natura dedisset ipsum sentire, quod est in vigilia, aut ipsamet vigilia, per aliam vero non sentire, quod est in somno, profecto accideret animal simul sentire, & non sentire, cum enim distinctæ essent potentiæ, & modo quodam contrariæ nulla ratione subordinatæ ad actionem, neque coniunctæ, possibile esset, ut per unā sentiret, per alterā autem non sentiret. Præterea (ut ad rem nostram reuertamur) probatur experimento sensato, sunt etenim plurimi, quos inter dormiendum uisa frequentant, atque perturbant, ita ut uigilantium opera uideantur exercere, uident namque & forsitan audiunt, dormiunt tamen, sed illud prorsus mirabile est, quòd uidentes se uidere non animaduertunt, nec aliud quicquid faciant, est ipsis exploratum, ut potius agi, quàm agere uideantur: alia igitur facultas est, quæ soporibus afficitur primo, atque hæc est illa facultas, quæ meritisimò nomine potest appellari facultas animaduersiuæ, illa inquam quæ est sensus communis, quoniam ueluti  
pro

- A** pro tribunali astando in sede illa regia singulis sensorijs prospicit, & eorum alterationes, motionesque discernit, & lustrat, quasi vero stupida sint cætera sensoria, nisi vel illa sit expedita, eiusque vis non foueat illa, & quasi spiritali (vt dicam) luce perlustret. Postremo in somno supprimitur sensus & motus tanquam actiones quodam pacto spontaneæ, quarum principiū non est necessarium semper agere; igitur est passio sensus communis, is enim ad motum etiam momentum habet per appetitum, qui fit in eo, sed quamuis illius dicatur primum adæquate, tamen est totius sensus, sed per illam partem principem.
- B**

Cuius finis gratia factus est somnus animalī.

### Caput IIII.

- S**ed cuius finis gratia somnus habeatur, & quales per ipsum vtilitates animalibus fiant, considerationem
- C** habet conuenientem: primum vero oportet scire, quòd somnus non est finis animalis, neq; potentiæ alicuius, siquidem natura cuncta molitur alicuius gratia, somnus autem quàm vigilia deterior est, nam melius est sentire & agere, quàm nullo modo sensibus vtī & esse otiosum, & omnino præstantius est esse actu, quàm potentia, igitur vigilia potius est animalium finis & facultatum eorū, præterea sensus, & motiua potentia ad vitæ custodiam ordinantur primum, sed illam alacriter custodiam tuentur in vigilia quando ad agendum sunt expediti: vigilia igitur est finis animalis, quin etiam propriæ operationes, functionesque potentiarum sunt earum fines, vnde dicebat Aristoteles animam esse primū principium quo viuimus, sentimus, mouemur, & intelligimus ratus istas operationes esse fines ipsius animæ, & potentiarum eius, ac plane absurdum videretur, vt
- D**

Sensus

sensus minime ad sentiendum, sed ad quietem illius o- A  
 peris esset præordinatus, potius itaque rationem finis  
 obtinet vigilia, quàm somnus. Sed quoniam animal  
 ex nimio peruigilio vires submittit, & vigor illius quo-  
 dam pacto decumbit; idcirco talem quietis tralationē  
 ad ipsam vigiliam aptare oportebat: enimvero si pro-  
 priam naturam animal seruare voluerit, quædam habē  
 re oportet, sine quibus res perperam eueniret: quis e-  
 nim satis esset diutius vitā ducere sine quietis interposi-  
 tione? somnus igitur velut quies necessarius erat, om- B  
 nia namque sensuum instrumenta, & motionis laxan-  
 tur, spiritus post diurnam actionem, celeresque mo-  
 tiones dissipantur & flaccescunt; itaque propter eorum  
 imbecillitatem, & dissipationem necessaria erat aliqua  
 tralatio quietis, vt partim vires resumerent, partim etiā  
 reficerentur, labor autem corpori potius quàm poten-  
 tiæ referatur; siquidem labores, impotentia, debilita-  
 tes, & ineptitudines ascribuntur animæ, & potentijs e-  
 ius propter instrumenta corporea, quibus familiariter C  
 sunt concretæ: quapropter dicebat Philosophus primo  
 de anima, si senex acciperet oculum iuuenis, videret vt  
 iuuenis, accipiendo tamen cum oculò singula instru-  
 menta ad hanc actionem necessaria, intellectus autem  
 neque propter se, neque ratione instrumenti corporei  
 fatigatur, aut debilitatur; nihil enim commune habet  
 ipsius actio cum instrumento materiali: ex his ergo ma-  
 nifestum est, cuius gratia somnus contingat animali, &  
 quæ sint eius utilitates: prima quidem est, vt per huius- D  
 cæmodi quietem singula sensoria & instrumenta sen-  
 suum, atque motionis post assiduos labores vigiliæ re-  
 creentur, ac subinde magis alacriter & expeditius pos-  
 sint reuerti ad proprias functiones, ac potissimum ra-  
 tione primi principij, quod cæteris dominatur, & in-  
 fluat, tum ratione spirituum animalium, qui per som-  
 num

- A** num recreati, ac denuo ad ipsos facta accessione, euadunt ad omnem actionem magis idonei, quemadmodum experimur dum expurgiscimur, ac propterea matutinae actiones, ac praesertim cogitationes & studia solent esse praestantiores: praeter has dictas vtilitates ferme omnes addunt aliam existimantes somnos ad coctionem conferre, utpote quod retracto sub id tempus calore, ad viscera & sedes infernas concoctio melius procedat tam ea, quae fit in uentriculo, quam illa, quae fit
- B** in hepate, in uenis & corde; addunt etiam omnes cruditates in uigilia derelictas, si somnus eas excipiat, concoqui, atque id non modicam afferre utilitatem ad animalis salutem; id quoque uidetur asseuerare Aristoteles in libro de somno, cum diceret, soporibus oppresso animali, solutam esse facultatem alteratricem, ac signum esse, quod nutritiua particula opus suum facit in dormiendo magis, quam uigilando; tunc enim nutritur, & augetur magis, utpote quod sensus, qui in hoc somno
- C** supprimitur, ad eiusmodi functiones proficere nihil ualeat. Ego tamen arbitror somnum esse utilem coctionibus, sed illa potissimum ratione quod per ipsum caloris substantia instauratur, quae alioqui in ipsa dissoluitur uigilia, quae si diutius citra ullam soporis quietem perseveraret, nulla concoctio bene succederet, quemadmodum experimento uidemus assidue, si uidelicet aliquis diuturna torqueatur uigilia, fit languidus, nauseabundus, & expers appetentiae; ac si quantum uis comedat, non satis concoquit, nec etiam recte nutritur: si uero uigilia fuerit moderata, & debitis compensata quietibus per ipsum somnum redditur aptior ad coctionem, ac si uigiliae labor addatur, atque exercitatio corporis longe magis, quam somnus, concoquit: sed quoniam in somno efficitur concoctio, & nutritio citra magnam dissolutionem; propterea uidemus animalia in

eo melius nutriri, ac refici, hæc omnia patent: experimento siquidem videmus illo tempore minorem appetentiam fieri; fames enim citius ac vehementius inuadit, vellicatque vigiles, quàm somnolentos, & nuper à somno excitatos, tametsi noctem duodecim horarum obdormitassent, videmus agrestes homines, & operarios omnes minus abundare cruditatibus profusius vi cibis & potu, & cibis vesci solidioribus, quoniam exercitatio & labor siue conatus calorem intendit; itaque substantiam tum dissipat, tum coctiones accelerat, at quemadmodum exercitatio si quietibus compensetur, facit robur, ita umbratilis, & somnolenta vita facit desidiam, & membrorum effeminationem; & ideo segnius agit calor animalis in hisce quietibus, quàm in vigilia, præsertim operosa; & quardamtenus iuncta labori.

Quænam pars corporis sit sedes soporis.

Caput V.

Modo consequens est, ut quæramus qua parte corporis somnus fiat, nonnullis fortasse videretur esse affectionem totius, & nullam sibi partem corporis determinatam præscribere, ac definire, nam quies est & copula totius sensus, & motus; vtraque vero potentia est fusa per totum, igitur somnus est affectio, passioque totius in quantum totum, & non per aliquam partem; denominat quoque totum animal, totum quiescit, non vna pars determinata; igitur totius est passio: quin etiam totius videtur esse vigilia, nam singulis partibus vigilare, idest sentire, & agere aliquid competit, ergo totius etiam est somnus: sunt denique nonnulla animalia, quæ carent cerebro, corde & hisce primis partibus, illa tamen dormiunt. Aristoteles autem, & Galenus deueniunt in aliam opinionem, siquidem ab ipsa rei natura



- A** natura conuicti opinabantur somnum esse affectionē torius quidem, sed per vnam duntaxat principem partem, à qua sensus pariter, atque motus cæteris partibus impertiretur, aut quæ faceret illis consensum aliquo pacto, ita vt per essentiam illi primo conueniat, cæteris autem per consensum, quemadmodum si lux huius hemisphere pendet ab vno principio, nimirum ex Sole, si principium istud obscurum fiat totus aer tenebris obducetur, ista tamen obscuratio per essentiam competeret Soli: per consensum autem & participationem, siue per modum sequelæ ascriberetur aeri, nec alio pacto extingui atque intercipi posset tota lux seu lumen, nisi lucis ipso compresso principio: eodē igitur modo sensus animalis comprimi debebat, per vnius duntaxat principis partis compressionem: hoc perbelle tetigit Aristoteles in libro de somno cap. secundo, cum diceret hoc pacto, nam si eo quòd omnes patiuntur aliquid sensus fieret ipsum dormire, incōueniens esset, quibus
- C** neque necesse, neque possibile est aliquo modo agere simul, hos vacare simul, & immobiles existere, contrarium enim rationabilius accideret eis non simul quiescere, volebat his verbis inferre quòd somnus non conuenit singulis sensorijs aut sensibus per propriā aliquā ipsorum dispositionem, sed per aliquid, quod est commune omnibus, per illam scilicet communem facultatem, quæ æquabiliter cuncta fouet sensoria, & singulis prospicit in ea principe corporis parte assistens, nam
- D** sensus per id quod proprium habent, neque possunt simul agere, ac multo minus quiescere & vacare simul, ac si necesse esset isto modo in somno simul quiescere, profecto necessarium esset etiam in vigilia simul agere, quod est absurdum, consequentia tamen est manifesta, nam ratio eadem est contrariorum, siue oppositorum omnium, ac propterea subiunxit Aristoteles, rationale



bile est, ut somnus per primam partem fiat, à qua de- **A**  
 pendent aliæ secundū virtutem; dum enim talis pars  
 aliquid patitur, necesse est etiam alias per consensum  
 pati, & si comprimatur hæc, alias intercipi, ac si modo  
 aliquo impotens fiat, illas infirmas & inualidas reddi.  
 Ac denique si somnus (ut antea probauimus) est affe-  
 ctio vnius sensus principis; consentaneū erat eundem  
 esse affectionem alicuius primæ partis corporis, quæ  
 sedes esset eiusdem facultatis, rationes aliorum facilli-  
 me diluentur, & propterea non oportet de illis curam **B**  
 habere. Verumtamen quæ sit ista pars princeps, in  
 qua somni primo fiunt, & cuius existit passio quasi per  
 essentiam non omnes inter se consentiunt, atque inter  
 cæteros Aristoteles & Galenus duo fulmina belli in  
 hac re fuerunt dissidentes: itaque cum aliter senturēt  
 de principio sensus, necessarium etiam fuit, ut seque-  
 rentur conclusiones diuersæ; Aristoteles enim censebat  
 præcipuam sedem soporis esse corpus cordis, quoniam  
 ipsum censebat esse primam sedem non solum sensus **C**  
 & motus, verum etiam totius animæ, ac reprehende-  
 bat Platonem quasi trifariam diuidentem animam, ac  
 triplex constituentem principiū, cerebrum scilicet, cor,  
 & iecur, utpote quòd cerebrū esset sedes facultatis ani-  
 malis & rationis participis, cor vitalis siue animosæ, ie-  
 cur denique concupiscentiæ, quàm obrem ille princeps  
 peripatheticorum existimabat idem cor esse neruorū  
 principium, quemadmodum ait secundo de historia  
 animalium capite quinto, quippe qui videntur esse in- **D**  
 strumenta sensus, & motus, & processus, per quos cur-  
 rules vocati spiritus emittuntur, atque in eandem sen-  
 tentiam descendit Erasistratus, ac plerique aliorum,  
 qui ex mente Aristotelis citato loco censebant cor esse  
 radicem neruorum potius quantū ad materiam, quàm  
 ratione formæ: eam enim in cerebro videtur assumere,  
 ab

- A** ab ipso etenim corde dicebat Aristoteles procedit aorta vena valde neruea in parte illius caua, & ab eodem principio exortum ducunt arteriæ, quæ statim ubi ad cerebrum ascenderint, aut dilatantur, explicanturque, & in membranas degenerant duplices illas meninges admodum nerueas, & sensu præditas acutissimo, aut multæ simul complicantur, & coalescunt ac generatur nervus teretem habens figuram, vel etiam, ut censet Erasistratus ab ipsa membrana cum in teretem figuram dehiscit scissa per substantiam cerebri, quo etiam pacto efficitur ille admirabilis retiplexus cerebralis, sensus & operationis non exigua, ac profecto videtur nervus arteriam referre in substantia & colore, nec poterat esse ex substantia cerebri, quoniam laxum est, & sensus expers, atque ita videbatur opus esse, cum enim nervi officium esset spiritus deferre & ministrare ad motus, & sensus commoditatem ex re aliqua cauum habente debebat generari, itaque ex multis arteriis cauis quidē,
- C** sed simul coalescentibus ortum ducit, & quemadmodum spiritus ex arteriali generatur sanguine, illoque sincerissimo, non immerito per easdem arterias magis unitas, glomeratasque se iterum insinuat separatus à sanguine, & à cerebri attemperatus natura, quæ & sanguinem magis sincerum obtinet, & calorem satis convenientem, itaque videntur subinde nervi omnes ex ipso cerebro generari quantum ad formæ constitutionem, vel etiam ab ipsa spinali medulla, quæ processus cerebralis esse videtur, atque si arteriæ & venæ sensum habent, videretur Aristoteles & Erasistratus optime sentire, quod tamen confessus est etiam Galenus sexta Aphorismorum commento quinto, cum enim distingueret rhene inflammationes utpote quod alia carnem ipsius afficit, quæ dolorē inuehit agrauanti similem, alijs vero partibus, quæ sunt in rhene patientibus dolor sentitur
- acutus,

acutus, appello inquit alias partes tunicam hunc obte **A**  
 genteem, & ventrem eius interiorē, & eas, quæ ad  
 hunc terminantur arterias, & venas, ac præterea pro-  
 ductiones vasorum vrinariorum, hoc etiam confirma-  
 tur illo inditio, quòd statim ubi generari occeperit ani-  
 mal animaduertitur in principio cor imperfectum qui-  
 dem, sed sensum quadantenus habens, vt perinde vi-  
 deatur ipsum esse principium sentiendi; itaque ob illas  
 rationes Aristotelis tum etiam alias, quas ego ne lon-  
 gior essem, dimisi, ait ex professo in libro de sensu & **B**  
 sensili iuxta finem, ac tertio de partibus animalium cap.  
 quarto cor esse totius sensus & motionis principium,  
 eaque ratione ob variam cordis dispositionem sensum  
 esse difformem; ait enim ea, quæ sensum habent hebe-  
 tiorem & magis ineptum, cor ipsum habere magis du-  
 rum, & spissum: at contra quæ mollius & alacrius illud  
 habeant sensu & motus agilitate pollere, & secundo  
 de partibus cap. decimo ait hoc modo, sed enim prin-  
 cipium sensuum esse cordis locum definitum iam est, **C**  
 cū de sensu ageremus, & ibidem paulo inferius inquit  
 sequentibus verbis, cerebrum vero parte capitis priore  
 continet omnia quibus hoc datum est, quoniam id,  
 quo sentiunt in parte priore corporis situm est, sensus  
 enim prouenit à corde, quod parti priori commissum  
 est, ac manifeste in illo capite demonstrare conabatur  
 cerebrum non esse principium sentiendi, quoniam est  
 exangue squallidum & insensatum, quemadmodum  
 sunt omnia excrementa: cum igitur tot, tantisque locis **D**  
 explicasset cordis molem esse principium sensus, ac præ-  
 cipuam sedem animæ, consentaneum erat illum statue-  
 re somnum, qui vt quies est & vinculum sensus ac mo-  
 tus, in corde fieri. Sed quoniam nonnulli voluerunt  
 extorquere & trahere mentem Aristotelis ad libitum  
 proprium dicentes, eum putasse cor esse principium  
 sensus

- A** sensus & radicem, sed quoniam cerebrum pars est operū manifestatiua, aut contemperans spiritus; seu pars vnde procedunt formati nerui, ob id somnum in cerebro fieri, etsi possit ascribi deinceps cordi per modum sequelæ, aut per consensum, vtpote quòd cerebrū pars est illi consentientissima; propterea non erit inutile asserre quædam ipsius testimonia, vt certiores fiant, illam non esse opinionem Aristotelis, sed propriam ipsorum fictionem; ac primum videre in opusculo illo de somno & vigilia, vbi dicebat expresse somnum esse affectionem primi sensitiui, ac tertio eiusdem operis capite cū statuisset cor esse principium sensus, mox ait (si vero est somnus & vigilia passio partis huius, & c.) & aliàs dicebat somnum esse refrigerationem primi sensitiui, cum autem explicaret quomodo efficiatur, illa refrigeratio in illo principio sensus nimirum in corde, inquit evaporationem corpulentam in cerebro refrigeratam, statim descendere ad inferiores sedes; ac refrigerare cordis calorem, vt perinde vis sensitiua, & motiua, quæ ab illa parte procedit cōprehensa non possit in opus suū incumbere, hoc etiam satis expresse confirmauit in primo libro de historia plantarum, quin etiam secundo de partibus animalium cap. septimo, vbi fatetur cerebrū esse causam soporis, vtpote quòd refrigerandi vim habeat, eam vero passionem in corde fieri, in quo est principium totius sensus & motus, sic enim ad verbum ait, somnus etiam à cerebro proficiscitur ijs, quæ illam obtinent partem animalibus, quæ autē carent, ijs proportionale suppetit, cum enim sanguinis alentis effluentia refrigeretur à cerebro, aut etiam ob alias causas similes caput aggrauatur, & quidem somno sopiti ea corporis parte solent tentari, atque efficitur vt calor cū sanguine ad ima subterfugiat, collectaque copia vaporis in loco inferiori somnum facit, itaque constat arbitratum

tratum esse Aristotelem sopores in corde fieri. Plato <sup>A</sup>  
 autem, & Galenus posuerunt illud principium sensus  
 ac motus esse cerebrum aut proportionale, & in eo fie-  
 ri somnum, siquidem manifeste ipsum est principium  
 nervorum, nec opus esse ut tangendi vim habeat, sed  
 sensum illum habere, qui singulorum motiones ani-  
 maduertat, ipsumque si paulo magis siccescat idoneū  
 fieri ad hanc sensationem, quemadmodum est nervus,  
 aut spinalis medullæ postremum, ubi siccior est effecta;  
 ac partem aliquam in illo adesse, quæ illo etiam pacto <sup>B</sup>  
 sentiræ valeat, vipote membranas per totam substan-  
 tiam implicitas retiplexum & nerveam quandam sub-  
 stantiam in eius radice, locus autem ille Aphorismorū  
 mendosus est, & forsitan temere adiectus, quoniam ip-  
 semet Galenus secundo de locis cap. secundo, & ibidē  
 sapiens, atque in decimosexto de usu partium ducente-  
 simo decimo octavo inquit, venas & arterias esse sen-  
 sus expertes, nec ullo pacto sentire si incidantur aut vin- <sup>C</sup>  
 culis excipiantur, vel forsitan si sensum aliquem habēt  
 exiguum, illum etiam ex cerebro trahunt propter con-  
 sensum vnum nervorū; & virtutis continuationem, in  
 cerebro tamen primatum obtinentis, itaque per experi-  
 menta videmus, si cerebrum comprimatur & male se  
 habeat interdū auferri sensum & motum cunctis par-  
 tibus, ut prorsus stupida; & motus expertes maneant,  
 qui quidem affectus manifeste in cerebro fiunt, cum ip-  
 si admoueantur præsidia, & in eo repertæ sint causæ mor-  
 borum, atque etiam videmus quandoque ob solam cō- <sup>D</sup>  
 pressionem cerebri ex osse depresso, aut aliquo instru-  
 mento per imperitiam medici impotentiam ad vigilā-  
 dum oriri, & partium ineptitudinem ad sensum & mo-  
 tum; ibi quoque generantur spiritus animales, & expe-  
 rimur humiditas cerebri temperaturas efficere in som-  
 num delationes, siccitas contra esse ad vigiliam magis  
 proclives

- A** procliues, & illius solam aggrauationem aut humorū aut vaporum dummodo acuti non sint & calidi nimis efficere somnolentiam, & à contrarijs causis eadem parte fieri uigilias, quin etiā refrigerato capite ex oppiatis, aut alijs rebus frigidis somnus quamprimum generatur, uel impotentia uigilandi, eadem uero si cordis regioni admoveantur, haud necessario allicitur, id etiam patet experimento, cum enim somnus instat, sentimus in capite quandam aggrauationem, & ipsum primo incipit succumbere, ac denique omnes somni morbofi in cerebro fiunt, non minor igitur ratio est, ut alij quoque salutare in eadem parte fiant, propterea ab ipsa ueritate coactus fatebor sedem soporis esse cerebrum, aut aliud proportionale in ijs quæ cerebro carent, ipsum enim principium est totius sensus & aliarum facultatū quæ animales appellantur, sed quoniam sensus cordis est unitus cum principio caloris, qui uitæ tueretur incolumitatem, propterea passiones eius subitas quasdā passiones mouent, utpote lypotimias & syncopes quandoque etiam celeres interitus.
- B**
- C**

De somni generatione, & causis, ac primum ponuntur aliorum opiniones & confutantur. Caput VI.

- D** DE generatione autem ipsius somni quemadmodū fiat, maior est controuersia, atque hinc tota pendet difficultas huius tractationis: omnes enim tam medici quàm philosophi. conuenerunt in hoc quòd somnus est quædam quies ac prope impotentia primi sensitiui, propter quā non potest in opus suum incumbere, quāobrem dicebatur ab eis primi sensus aut sensitiui compressio, & quasi uinculū, cuius compressione cætera ne-



que sentire, neque motibus sufficere possunt; sed cum A  
 non esset ex voluntate, nec quies aliqua, ut quies brachij per se ipsum spontanea, ob id cœperunt explorare modum, & causam istius compressionis, & detentionis totius sensus, & motus. Propterea Aristoteles existimavit compressionem hanc, atq; impotentiam primi sensitivi incumbendi in opus proprium, qualis in somno contingit experrectilis atque solubilis, fieri ob quandam refrigerationem, siquidem illa intemperies frigida calorem exturbat & cohibet, facitque torporem, & immobilitatem, unde in libello de somno inquit, somnum esse refrigerationem primi sensitivi, sed eam refrigerationem proprie fieri à corpulenta quadam evaporatione in cerebro refrigerata, quod insuper secuti sunt multi peripathetici, quia viderunt hoc placuisse Aristoteli præceptor, is enim existimavit ab alimento, aut alia re proportionali, humida præsertim & frigida efferri sursum ad caput vi caloris aspiratione vaporosam, & corpulentam, quæ ab eius loci frigiditate densatur, ut nubes in media aeris regione, quæ instar Euripi post densationem, & refrigerationem proprio impulsu descendit, & primi sensitivi calorem refrigerat, partim etiam vias intermedias obstruit, quas venas appellant carotidas, quasi soporarias, itaq; tum per se calorem turbat, & comprimit, partim etiam obstruendo cohibet influxum, quapropter fit somnus, ob id inquit potissimum somnos fieri post alimentorum assumptionem, quoniam vapor eo tempore non mediocriter sursum aspirat ad cerebrum ex ipsa esculenta, potulentaque materia, ob id etiam vaporosa omnia censebat somnos alligere, ut vinum, lolium, allia, capas, & cognata ipsorum, sed quoniam illa calida sunt, idcirco dubitavit quomodo fieri potest, ut talis calida evaporatio somnum alligat, quippe quæ refrigerare debeat primum sensitivum, B  
C  
D  
 aut



- A** aut calorem eius, sanguinem, & spiritum: respondet  
fatis esse ut frigida videatur respectu maioris caloris,  
quemadmodum urina quæ in balneo apparet frigida,  
tametsi propria natura existat calida, non sævus labo-  
res colliquatiui, & febres nonnullæ, in quibus ob calo-  
ris uehementem impressionem in membris & partibus  
solidis secedit colliquatio, somnos habent familiares,  
siquidem colliquamentum, ut cibus indigestus est, &  
aspirationem ad cerebrum uaporosam emittit, ijs au-  
**B** tem uaporibus inquit digestis, & à calore statim eui-  
ctis, solui sensum, & fieri somno contrariam uigiliam,  
siue expergiscientiam. Ego tamen non possum relin-  
quere sensum, & sensata experimenta, ut credam Ari-  
stoteli, is enim dicere solebat, amicus Socrates, amicus  
Plato, sed magis amica ueritas, age obsecro uideamus,  
si res ita se habeat, ut somnus à corpulenta solum aspi-  
ratione fiat & refrigeratione primi sensitiui scilicet cor-  
dis aut alterius cuiusdam partis proportionalis: primū  
**C** uidemus somnos accedere post labores, cum enim ex  
diurno peruigilio lassatæ sunt uires ac sensoria, &  
spiritus non nihil debilitati manus dant quieti, & fa-  
cta hac somni dispositione intercipitur uigilia, lassitu-  
do uero hæc cum euaporatione & refrigeratione nihil  
habet commune, neque uero fit in omni labore, & las-  
situdine colliquamentum, ut singulis patet: insuper  
sola debilitatis ratione contingunt, dum morbi homi-  
nes inidunt cito prosterntes uirtutem, eodem quo-  
**D** que modo post sudores, à quibus uirtus laceßita, de-  
bilitata que succumbit, & quietem appetit cum uigila-  
re, & laborare tum spiritus, tum sensoria cuncta diffi-  
dant, nonnullis etiam ex quadam consuetudine som-  
ni redeunt, ac temporibus certis repetunt, abeuntque  
determinatis horis, euaporationes autem ex arbitratu  
& consuetudine non fiunt, neque soluuntur, sicut acce-  
dit

dit & soluitur somnus: quin etiam singuli experimur in A nobis esse imperium, & momentum quodam vt dormire valeamus in quacunque hora, nisi quidpiam obstet, non est autem in potestate nostra, vt fiat ad cerebrū euaporatio, sæpe etiam cum decernimus contra abstinere, tamen si cupiditas aduenerit, somnum auertimus: præterea sola compressione meningæ eius inquā membranæ, quæ cerebrum inuoluit somnus generatur altissimus, aut sensus compressio, non est igitur euaporatio propria causa dormiendi, quoniam non est de omni, præterea sapissime fit somnus dum frigida quædam capiti admouentur nimirū succus mandragoræ solatri, lactucæ, papaueris, & similibus igitur fiunt interdum somni citra corpulentam euaporationem: amplius ex molesta lectione, aut concione somni solent euenire similiter ex sonis quibusdam, vnde nutrices solent puerulis somnum allicere quibusdam sonis. & cantu, multisq; etiam alijs modis citra euaporationem obtingit, quemadmodum per singulos discurrenti erit manifestum. Ac multo minus refrigeratio videri poterat ipsius cordis cum prædicta experimenta nullo pacto refrigerare valeant: sæpe etiā ipso refrigerato ex oppio & similibus, ex timore, ex morbo, ex vaporosa substantia frigida in palpitationibus cordis somni nō efficiuntur, qui tamen fieri deberent, & magis insignes vtpote principio illo magis per essentiam refrigerato: atque in nō nullis prauis febribus & euaporationem mittentibus ad caput, aut propter virtutis celerem dissolutionem somni fiunt insignes, cor autem calore aestuat, quoniā per se ipsam febris est calor accensus in corde. Ob id aliqui existimarunt somnum esse quidem vinculum, & compressionem sensus, eam vero fieri propter refrigerationem cerebri, illud enim est sensus & motus principium, itaq; illius refrigeratio facit ineptitudinem sentiendi,

- A tiendi, & impotentiam effundendi virtutem sensus, & motus, siquidem frigiditas immobilitat, calorem exturbat, & spiritus coercet, ynde talem efficit pigritiam, & prope impotentiam: comprobant hoc, quia manifeste viderunt allici somnum refrigerato hoc primo instrumento, ac principio è rebus valde frigidis, vt antea dicebam, quin etiam frigidas cerebri temperaturas esse magis somnolentas, calidas autem omnino vigiles, & soporibus fermè ineptas. Quidam autem opinantur
- B somnum esse vinculum & compressionem primi huius sensorij adeo vt virtus eius amplius effundi non possit per partes mobiles, ac sentientes, id autè ab illius partis obstructione proficisci aut propter refrigerationem aut obstruentem aliquam materiam, sic enim necessarium est, vt obstructis meatibus, per quos illa virtus effunditur, emissioni reddatur inepta, & pro vigilia somnus obtingat, itaque refrigerato cerebro cum illo pacto fiat obstructio frigiditas namque densat, & astringit, somnus efficitur, multitudo etiam vaporum in cerebro id ipsum facere consuevit, ac propterea somnū allicit, idem humores & fluores aquei, humidum enim impletium est, eos autem expertes esse debere qualitatum, quæ excitandi vim aliquam habeant, ita videlicet vt non sint nimis calidi, aut acres & mordicationē præferentes: sed quoniam non eodem pacto omnes obstructiones fiunt, existimant eas, quæ leues sunt & affectionem inducunt expurgabilem esse somni productricem, alias autem quæ affectiones generant inextinguibiles esse morbosas & malorum morborum productiones. Vtraque tamen sententia quantum repugnet sensui, & rationi superiora demonstrant, quoniā labores, lassitudines, consuetudo, lectio, soni, cantus, fastidium per auditum aut omnino agendi, nimis stabilis, hærensque applicatio primi sensus, tenebræ, solitudines,

tudines, mœstitiæque nullum ipsorum potens est refrigere, neque obstruere cerebri substantiam & vias spirituum. Bernardinus Telesius vir magni ingenij existimat somnum esse affectionem spirituum, quibus opinatur etiam conuenire vigiliã, vtpote quòd si per ipsas animalis partes effundantur, & actionibus, operibusque incumbant, fiat vigilia, cum autem ad cerebrum redeunt, quasi reuocato motu efficiatur somnus, adeo vt ille nihil aliud præterea sit, quàm retractio, reuocatioque spirituum ad cerebrum, quorum deinceps solutio, & B. celer emissio faciat expurgiscentiam, & quoniam spiritus isti dant motum & sensum singulis partibus, quæ talem habent promptitudinem, idcirco fit vt per eorū reciprocum motum sensu destituantur, & motione, ac fiat vtraque ineptitudo, ipsumque animal sopitum recumbat, ac sentire non valeat, ac propterea fieri ut omnia alliciant somnum, quæcunque possunt spiritus ipsos fugare, & modo quodam intro impellere ad primū sensitium & principium eorum, existimat etiam huius C. cemodi spiritus habere ad corpus dominicum imperium, ac se ipsos promouere, agitareque, & per se cognoscere, appetere, & in omnia pro arbitratu suo irrumperet, ut ipsi sapiant, sentiant, moueant, & cuncta denique faciāt in animalij, quasi uero essent ut porcelli intra faccum: quæ quidem de somno sententia fuit antiqua medicorum opinio, nam plerique dicebant in eo fieri retractionem caloris & spiritus ad suum principium, & corpus totum ob id maiori indigere tegumento. cum D. dormit, hanc etiam opinionem uidimus subscriptam esse à Galeno in eo libro cui titulus est de historia philosophica, si quidem ad uerbum ait hoc modo in eo capite de somno & morte. Plato & Stoici dormire putant animal quiescente spiritu illo, qui sensibus uigilantibus ministrat, non quia uelut in terram concidat: sed quia

- A** quia ad principem animi facultatem feratur, quæ intra supercilia sedē habet, occidere vero si spiritus ille prorsus omnem motum amittat, quibus verbis palam est eos arbitratos esse somnum fieri ex retractione spiritus ad suum principium, & quietem illius in eadem parte, ita tamen ut non omnino quiescat, ex quo suffocationes ipsis videbatur esse causam interitus, quoniam motum spiritus omnifariam submoueant, prohibeantq; , motus enim est prima caloris perfectio, qui sicut illum accendit, ita priuatio eundem extinguit, & de medio tollit, ut perinde calida omnia moueantur frigida contra quiescant perpetuo, & immobilitate gaudeant. Quorū sententia mehercle videtur probabilis, & cōsentanea veritati, si vero examinetur diligētius, manifeste apparebit eos non esse affecutos ad æquatam & propriam causam dormiendi, quod eorum pace sit dictum. Enimvero sæpe videmus fieri hominibus & cūctis fermē animalibus magnas spirituum reuocationes & caloris, illa tamen somnus non inuadit, vehemēs scilicet retractio fit ipsis metuentibus præsertim si timor ingens sit, & celeriter inuadat, inditium retractionis est paruum extremarum frigiditas, ut quidam etiam obtemiscant, dormituri autem, aut dormientibus nunquam tantus eius ratione apparuit contractus horror, multis etiam cum timore eos vehementior derepente aggreditur sensum officia intercipit, ut omnino non videant, & non audiant, eos tamen dormire nullus censeret. Hoc etiā
- D** confirmatur, nam sæpe contingit ut homines alta quadam cogitatione occupati, & detenti prope insensati fiant nihil videntes audientesque, quod ipse Bernardinus fatebatur effici propter retractionem spirituum ab his partibus extremis ad cerebrum, in quo alta sedet cogitatio & animæ princeps facultas, somnus autem propterea non fit, ergo non est sufficiens causa dormi-

endi spirituum couersio, retractioque in eam partem, A  
quod etiam manifestius fit exemplo delirantium freneticorum. Videtur præterea huiusmodi retractionem spiritus non esse somno necessariam, neque sub illud tempus aliquo modo fieri, quandoquidem singulae partes manerent sensu & motu destitutæ, vnde si dormienti pars aliqua incideretur vel pungeretur quæ remota admodum esset ab ipso cerebro, nullo modo animaduerneret, quemadmodum non sentit pars paralitica, vel quomodolibet stupida, eas enim partes vis sensitiva B  
non fouet, per quam sentire valeant, id autem absurdum est, nam videmus manifeste dormientes non esse expertes sensus, immo non solum grauiora, & vehementius imprimentia cognoscunt, & sentiunt, verum etiam leuiora quædam, sunt etenim nonnulli dormientes qui pulicum transitus animaduerrunt, & leuiores palmarum contactus, quæ si sensus retractus esset, minime sentirentur ab eis. Is forsitan responderet in somno fieri retractionem spirituum; sed tamen non omnium, quoniam C  
pars aliqua eorum remanet non retracta, per quam ista sopitum animal potest cognoscere. Sed hæc solutio (si ita diceret) non est alicuius momenti, siquidem leuissima est illa retractio spirituum, cum qua sensus seruatur partium, quippe quæ non grauiora tantum, sed leuiora etiam, ut dixi, sentire interdum valeant, leues autem huiusmodi retractiones vigilia potest sustinere in qua est sensus incolumis, somnus enim nequaquam est quando sensus sparsus ac fusus est per totum, ut singulae partes ad actionem hanc sufficere valeant, cum vero talis facultas, & spiritus relinquatur, somnolenta tamen existat passio, aliud profecto erat ipsi dicendum, ut illius generationem proximius explicaret, neque vero sit somnus ex difficili sensu tantum, utpote quod sentire quidem valeant, sed tamen ægre & tactus solum, non  
autem



- A** autem alij sensus, qui leuius mouentur à suis sensibilibus, nam si torpor fiat vniuerso corpori, & motus hebetudo, fortasse animal vigilaret, & sensus parum sentiret. Præterea si retrahuntur hoc tempore spiritus ad cerebrum aut sponte, aut vi, aut natura; si sponte, & electione duo sequuntur, alterum est, quod statim ubi in mentem venerit cupiditas, dormiremus, nostra enim appetitio, deliberatioque vel esset ab ipso spiritu, aut in eo ipso consistens, vel ipsi saltem communis, & ita ut statim si aduenerit, cupido effunditur, & per totum spargitur, idem à toto in illud principium confestim rediret, alterum est quod totus retraheretur, nam si sæcus fieret certe vis sensitiua non esset vna, neque spiritus totus cōsentiens, sed appetitiones in illo contrariæ, utpote quod vna pars velit retrahi ac retrahatur, alia autem velit manere ac maneat, & ideo sequeretur etiam quod idem animal simul posset dormire & uigilare, porrouigilaret per eam partem quæ non uult retrahi, dormiret autem propter aliã, nec potest dicere eam partem quæ remanet esse ineptam uigiliæ, quoniam satis est idonea sensationi, ut uidimus paulo superius: si uero per uim aliquam compellatur aut ab extrinseco id fieret aut ab intrinseco uim inferente, at certe ratio eadem est ut cōpellantur omnes idem namque ingratum, molestum, aut corrumpens obnoxium est omnibus, nisi fortasse dicat patem aliquam deponi in extrema parte tanquã custodem, sicut in exercitu, arceque munita, in qua expiatores quidam assignantur noctu, diuque ad custodiam arcis, aut exercitus totius. At si naturaliter ille motus retractionis efficeretur, dubio procul omnes cōuerterentur in eum principij locum secundum eandem naturam, postquam nihil obstat, cum enim in fornace conclusus est ignis, nisi aliquid prohibeat, totus secedit contendens ad superas sedes. Præterea cum homines
- V 1 dormiunt,



dormiūt, tametsi somnus sit profundus solent se ipsos **A**  
adhuc dormientes in alterutrū latus vertere, brachia  
interdum mouere, & iactare crura, motus autem cum  
sit actio maiori eget copia spirituum, quàm sensus, qui  
in patiēdo consistit, cum itaque motus fiat, quomodo  
potest fieri tanta spirituum retractio, vt sensus proprio  
muneri sufficere non possit? Confirmatur deinde nam  
multi de latione quadā in somnū occupati ab alijs voca  
ti solent respondere & confusa quēdā dicere, aut statim  
expergisci, ac statim iterum dormire, quomodo autem **B**  
fieri posset, vt tam cito fierent illæ spontaneæ emissio  
nes, & motus reuersui? Præterea multi dormientes  
exercent quamplura opera vigilantium, siquidem am  
bulant, clamant, vocant, respondent, & audire videntur,  
ac maiora istorum faciunt, quæ quidem si reuocatus es  
set spiritus fieri non possent, ac si spiritus non satis est  
sensationi longe profecto minus satis esset actionibus  
quippe quæ maius robur exigunt, sed vnum habent cō  
mune omnes, quibus talia contingunt quòd neque au **C**  
dire videre aut facere quidpiā se animaduertunt. Præ  
terea si sola dormiēdi causa esset retractio spirituum a  
nimalium, sequeretur quòd ipsimet in cerebro congre  
gati, vel quācūq; in alia parte ad imaginationes, co  
gitationesque essent idonei, aliasque proprias functio  
nes, ad has enim minime requiritur actualis operatio  
externorum sensoriorum, experimur tamen dormien  
tes non cogitare, si vero cogitent, aut imaginentur, id  
esse somnium, & non fieri in eo nisi interceissas quasdam **D**  
& inordinatas imaginum compositiones, diuisionesq;  
& exstimationes ineptas, cum tamen eius temporis co  
gitationes deberent esse meliores, nam si intensius co  
gitanti spiritus, in locum cogitationis assatim conspi  
rent certe ob id cogitatio melius succedit, nam virtus  
vnita est longe paratior, ac magis ad agendū idonea: cē  
terum

- A** terū si dixerit in quolibet somno fieri cogitationes earum vero nos esse immemores, diceret perperam, quoniam ipsemet omnem recordationem, actionemque omnem animalem in eundem spiritum coniecit, ac saltem in somno leuiori essemus memores quod tamen non sit: Si vero dicat cum Platone & Stoicis ab illis operationibus abstinere, quoniam quiescat ibi spiritus, cum alioqui actiones illæ non nisi cum motu perficiantur, sed ipse sibi contradiceret cum censeat calorē
- B** per se perpetuo ciere motum, & nisi alio modo mouere possit saltem circulariter, motus enim est eius propria perfectio, quomodo igitur poterit quiescere? & nisi quiescat, quomodo abstinebit? Præterea efficitur sapissime somnus, ut superius dicebam, ex sola meningē compressione, ergo fieri potest citra spiritus retractionē. Nisi respondeat Bernardinus illud fieri pariter propter retractionem, quia patiente hac cerebri membrana in eundem locū confluunt spiritus audacter propter principis partis affectionem, opem nimirum ferre cupientes: Hoc autem facillime confutatur, quoniam si spiritus vere sapiunt in nobis profecto medici alicuius si comprimatur illi membrana nequaquam contluereint, dignoscerent enim vanum esse laborem, utpote quod ferre opem non possint, ac fortassis afferant detrimentum: adhuc etiam sequeretur quod in dolore capitis vehemente, in inflammatione cerebri, atque doloribus expungente materia illuc etiam conspirarent & somnus efficeretur, nec certe vigilia fieret ob siccam aliquā materiā redundantē in capite, sed pro ratione affectus spiritus ipsi in eum locum à toto corpore profisciscerentur, quin etiam ex cordis passionibus, & compressionibus, quales sunt in eius palpitatione pariter somni euenirent frequentes, quoniam pars princeps est, & vitæ totius principium, immo si cerebrum inflammationem patitur,

riatur, aut eius membranæ; cum passio vehemens sit, **A**  
 spiritus tamen neque in principio, neque paulo post  
 illuc aspirant, nec somnus vlllo modo generatur. Præ-  
 terea ex sola humidorum irrigatione in ipso cerebro  
 facta statim somnus obrepit, spiritum tamen ob id re-  
 trahi non est necesse, nam pariter omnis humorū pro-  
 fusio in ea parte somnum alliceret, sed multæ allu-  
 ptes pro somno afferunt vigiliam. Præterea sola euapora-  
 tio somnum allicit dummodo non mordicet, vellicetq;  
 aut erodat, quapropter assumpto cibo & rebus præser-  
 tim vaporosis mox somni adueniunt inuincibiles, **B**  
 spiritum autem ob id retrahi non est opus: præterea fiunt  
 somni ex molesta lectione, ex iucundis pariter sonis,  
 quamobrè sirenas aiunt dulcissimo cantu soporem al-  
 licere nauigantibus, vt curam nauigij soporibus victi  
 prope omnes deponerent, ac si molestia facit somnū  
 quia compellit, truditque spiritum auditus intro, ne-  
 quaquam istud fieret propter iucunditatem, contrario  
 rum etenim effectus sunt contrarij. **C**

Ponitur propria sententia de generatione  
 somni. Caput VII.

**V**T autem valeamus ingenue veritatem huius quæ-  
 stionis explicare, operæpretium est nonnulla primū  
 animaduertere, vnum quidem est quod sensus, vt ait  
 Aristoteles in libro de somno cap. secundo est vnus &  
 principium vnum, tametsi per applicationē ad diuersa **D**  
 sensoria prope dehiscat in multas facultates positione  
 & officio diuersas; quapropter dicebat Themistius cū  
 dixi quinque sensus volui dicere quinque sensoria, me-  
 lius enim est dicere sensoria diuersa, quàm sensus di-  
 uersos, & eadem ratione Philosophus inquit istis sen-  
 sorijs quoddam esse illis proprium, nempe applicatio-  
 nem

- A** nem & naturam propriam, aliud commune, quod est facultas illa à principio primo dependens, & contendens etiam ad illud, cum vero cerebrum tale principium sit, efficitur ut tota sentiendi, mouendique facultas ab ipso dependeat: insuper si principium est fieri non posse, ut ista pars seu sensus eius non prospiciat singulis sensorijs, & partibus omnibus quasi pro tribunali sedens, immo si tanquā facultas animaduersua suscipiēs motus aliorū (ut ita dicam) sensuum, hæc illos non
- B** prospiciat neque animaduertat, reliqua sensoria esse per se ipsa stupida, ac si oculus videat animalis ipsum tamen nequaquam animaduertere quod videat, neque si agat ipsum agere, sensus enim est vnus & principium hoc vnum singula animaduertens, prospiciensque perfecte, atque hinc est, ut quidam influxus conspirationis ab illa parte principe in singulas emittatur pro sensu, & motu obeundo, cæteraque ab ipsa dependeant sensoria, & propterea dicebat Galenus primo de symptomatum causis capite octauo, cerebrum esse sensorium sensoriorum, & instrumentum instrumentorum, hinc pendet illa lux sensiuā & motiuā, & quia cætera fouet sensoria, cæterasque itidem partes ad motum idoneas, propterea si eius influxus intercipiatur ipsa desistunt à proprijs muneribus, & si sentire, ac vigilare pars ista nō possit, consentaneum immo necessarium est, ut consentiant aliæ, eaque insuper quiescente quiescant, & compressa modo quodam ipse simul comprimantur, hæc
- D** omnia sunt manifesta experimento sensato; illud quoque manifestum est, quod virtus quæ in alijs partibus reperitur, pendet ab ista in esse, & conseruari, quemadmodum lumen aeris sibi ab astris cōmunicatum, quod perpetuo ab ipso astro pendet in esse, & conseruari, nā uidimus in sectione canis viui rem prorsus admirabilem ligari scilicet neruos recurrentes, & statim vocem esse

esse interceptam, eisdem denuo solutis à vinculo, vocē **A**  
integre recuperatam fuisse, aut alterutro comprehenso  
dimidium vocis auferri, pariter etiam si propter obstru-  
ctionem siue mollificationem nerui, aut aliam ipsius  
imbecillitatem paralisis obtingat, vt aut influxus, aut  
virtutis continuas auferatur, aut instrumentū ipsum  
fiat inualidum, nempe ex obstructione absolutionem  
eius impediēte, aut mollificatione auferente vigorē,  
pars enim quæ relinquitur nisi sit principio continua,  
& consentiens, ab eoque non refouetur, omnino est **B**  
inepta proprio muneri, neque vero spiritus, qui subie-  
ctis partibus permanebāt, statim recurrunt sursum, nā  
si tu ponis fieri non posse vt alij descendant, quomodo  
ascensus erit possibilis? Itaq; vt per vigiliam huius par-  
tis, & sensus primarij cætera vigilant sensoria si recte se  
habeant, ita per eiusdem quietem & compressionem il-  
lius sensus cætera quiescunt, ex quo stupida illa, vide-  
buntur, nisi hæc ipsis incumbat, & prospiciat prope e-  
mittens quandam virtutis aspirationem. Cum itaque **C**  
in vigilia talis pars sit expedita adeo, vt intentionem  
quandam sustineat quam proprius vigor facit, & vir-  
tus spiritus atque conatus, cum illius agitatione quadā  
& motu (vt ita dicam) conico, & illius sit prompta quæ-  
dam idoneitas cunctis incumbendi, & animaduersioni  
non impedita neque interiecta; ita talis partis quies ac  
prope compressio, in qua deponitur omnis onanino ap-  
plicatione spiritus sermè omnino quiescūt, & vigor illius  
partis cedit, vt pars ipsa ferè conuiueat, & decumbat, il **D**  
la dispositio, affectioq; somnus est, similis prolecto oculo-  
rum conuiuentiæ, & corporis totius remissioni, aut  
proidentia manus, cum enim cerebrum expeditū est,  
manet vt brachium tensum & conatū sustinens, qui  
ascribitur rectrici facultati, & nervos intendenti, cum  
vero inexpeditum est, sed remissum quiescit, & vigorem  
atque

- A** atque conatum illum deponit, somnus est, & non abfiliis remissioni eiusdem brachii atque ita principio sensuum quiescenti cetera consentiunt sensoria, vel etiam si quidpiam agant se illud agere non agnoscunt, quia sopita est ipsa facultas animaduersiua, & cunctis prospiciens perfecte, idemque fieri si quæpiam materialis substantia aggrauationem pariat ut vel ipsam faciat conuiuere & remittere ipsius vigorem atque intentionem, aut aspirationem illam intercipiat, cohibeatque, hinc est ut merito post laborem somni efficiantur, atque post animi quosdam defectus, & spontaneas lassitudines, hinc etiam est ut quicumque cerebrum habent minus firmum, sed laxum quidem illud atque obæsum ad somni dispositionem sint ceteris paribus magis proclives, somnus ergo est quies, compressioque animalium facultatum per quietem & compressionem primæ partis, quæ primum appellatur sensitivum ac principium sentiendi, & si quis vellet sustinere nequaquam fieri sensationem per emissionem spiritus animalis non cogentur utique, ut alias explicaui.
- B**
- C**

Proponuntur nonnullæ dubitationes, ac dissoluntur. Caput VIII.

- Q**Uærentur modo nonnulla quorum explicatio maior erit totius quæstionis dilucidatio: primum quod quæritur, est, an dormiente animali impediatur influxus virtutis animalis ab ipso cerebro in subiectas partes, nam si non esset præpeditus, mirum quin aliæ partes in somno sentiant, & motui proprio singulæ sufficiant, si vero est interceptus, sequeretur manum dormientis, aut pedem nullo pacto esse ad sentiendum idoneam, postquam sensus harum partium pendet in esse, & conservari ab illa prima, sic enim videmus fieri, si
- D**



pars aliqua sit paralitica, & apoplectica certe no sentit, A  
 & forsitan est expers motus, cum cerebrum virtutem illam non impertiatur. Secundo an illa quies, & uacatio primi sensitiui sit spontanea uel naturalis, nam si esset spontanea, possemus statim dormire cum primum in mentem subiret dormiendi desiderium, quemadmodū motus brachij, quia spontaneus est, & quies illius similiter, cum primum nobis placuerit, mouemus ipsum, aut contra submittimus, ut indulgeat quieti, si uero est naturalis utique non possemus quandoque ex arbitratu captare somnos, quemadmodū sæpe facimus. B  
 Tertio si somnus est quies sensiuæ, ac motiuæ partis animaliū, uacatioq; potissimū primi sensitiui per essentiā quamobrem non dicimus apoplexiam, caros, syncopes, & similes affectus esse sopores? sunt enim similes quædam primi sensitiui uacationes. Quarto quomodo sit ut dormientes nonnulli, quemadmodum diximus, opera quædam uigilantium obeant, ac postea illorum non sint memores, somniorum autem prope omnium possunt recordari. C  
 Quinto quamobrem dormituris oculi primum cunctarum partium conuiuere incipiant, & grauentur ueluti onere pressi, ac si somnus in oculis esset; & quare frigida eis partibus illita, impetum & torporem somni nonnunquam restinguat, cum alioqui ipsa per se frigiditas potius somnum quam uigiliam alliciat, utpote quæ immobilitati, & pigritiæ momentum conferat, ac torporem per se inducat. Pro solutione primæ difficultatis recolendum est illud Aristotelis dictum quod sensus est unus & sensorium primum unū D  
 quod uel est cerebrum aut spiritus ipse ut Ioannes Grammaticus, spiritus enim est sensorium commune, & sensus qui in eo continetur dicitur communis, qui in particulatibus quibusdam sensorijs applicatus sit uariis, & in principe quadam parte tanquam primario instrumento



- A** mento est sensus princeps, ideo quamuis multa essent sensoria satis esset ad comprimendum ea sola compressio illius primæ particulæ tametsi nullo modo aspiratio esset præpedita, nam satis est esse impeditam aut interceptam eius animaduersionem, & suspensam omnino promptitudinem illam ad omnes applicationes, ac vigorem eius esse remissum, uidetur etenim somnus proprie tanquam remissio & uacatio primi illius sensitui, aut quies: hinc ergo fit ut totus homo siue animal totû
- B** dormiat aut uigilet, sentiatque, & quamuis una sit pars quæ uidet, animal tamen dicimus uidere, animal mouere pedem, hominem mouere brachium, ipsum enim mouetur, mouet autem homo per appetitum & propriam formam, est autem illud principium sentiendi, quemadmodum si poneremus telam aranearum totâ esse sentientem & ueluti animal unum, araneam uero in medio adesse tanquam in centro & principio, profecto si medium illud sentire non posset, cæteræ quoque
- C** partes sentire non poterunt, quoniam singulæ consentiunt eidem principio, quomodo enim totus sensus expeditus erit, si principium ipsum inexpeditû maneat? quo animal totum vere sentiens est, atque cognoscens, & cæterarum partium, motiones, alterationesque suscipiens, & recte diiudicans, & respondet huiusmodi consensu pro ratione affectus illius partis, quoniam si leuis est copula, & quies, vacatioque non nimis alta, certe leuissimus torpor efficitur alijs partibus, si vero maiori ex causa altius comprimatur, profecto torpidissima, & pene sensus expertia fiunt alia sensoria, possumus etiam fateri nequaquam solutum esse & expeditum illû præclarissimum influxû sensus lucis ex cerebro in subiectas partes, nunquam etenim fit nisi illo vigorem obtinente, & sustinente vigilem intentionem, quemadmodum neque nervus particulæ dat motum nisi inten-
- X 2      datur,

datur, non facus itaque ipso flaccescente cerebro mo- **A**  
 tus aufertur ab alijs partibus, & sensus etiam illarum e-  
 vadit ineptus. Ad secundam respondeo somnos varijs  
 modis allici, sæpe enim violenta est quies istius, & præ-  
 ter naturam à causis nimirum præter naturam agentibus  
 excitata, quemadmodum sunt somni morboſi: in-  
 terdum naturaliter obtingunt post laborem vigiliæ, in-  
 terdum etiam nostra cupiditas & deliberatio momen-  
 tum ad somnum habet valde opportunum, sed propte-  
 rea non est quies omnino spontanea, qualis utique est **B**  
 quies brachij, aut cruris, habet enim ad illam quietē  
 absolute imperium appetitus, pars enim quæ motum  
 habet voluntarium, potest captare quietem, cum pri-  
 mū in mentē venerit, & cessare ab illo motu, possumus  
 tamen nos indulgere quieti, conuiere oculos, suspende-  
 dere omnem actum applicationis, corpus ipsum remit-  
 tere, atq; intentionem corporis deponere, hinc vero se-  
 quitur paulo post ipsius cerebri demissio, vacatioque,  
 ea enim non statim fit, quia spiritus eius conatum sub- **C**  
 stiner, suaque agitatione & motu conico non vult di-  
 mittere actionem propriā, gaudet enim quadantenus  
 motu, ac nonnulla solent esse impedimento, nimirum  
 cogitatio alicuius quod auide moueat, imaginatioque  
 non inuicunda siue etiam necessaria, sollicitudo, & cu-  
 ra spirituum agitatio indefessa, vigilandi consuetudo,  
 & delectatio, & multa eiusmodi, complura igitur no-  
 stro occurrunt appetitui, ut propterea non statim possi-  
 mus captare somnos, cum accesserit cupiditas, nonnul- **D**  
 li vero, qui cerebrum habent mollius & quasi flaccidū  
 minus scilicet firmum & laxius, siue etiam humore ef-  
 fectum languidum & tanquam onere pressum, ij quā-  
 primum in somnum deferuntur citra vllam resistentiā,  
 nisi voluptas vigilandi efficiat ut cerebrum non dimit-  
 tat suam iucundam intentionem, nam vicissim utraque  
 iucunda

- A** iucunda est: sed dices quomodo pōtēst cerebrum con-  
tinere si perpetuo respirat aut saltem mouetur contrai-  
ctionis quōdam motu atque dilatationis propter mo-  
tum arteriarum frequentium exurgente nimirum sub-  
sidenteque spiritu. Respondeo semper ipsum illo mo-  
tu cieri, sed tamen in somno ipsi accidere sicut homi-  
ni compresso, qui moueri posset obscurius, & minus ab-  
solate, ac expedite. Ad tertiam dico primum hoc sen-  
sitium multis modis affici posse, sensumque ipsum
- B** comprimi, ac facultatem animalem, primum per mo-  
dum quiescentis, & quietem captantis post diurnam  
vigiliam; omne namque nimium laborem parit, se-  
cundo potest comprimi ab aliqua causa cogente om-  
nino præter naturam, tertio secundum modum quen-  
dam medium: quicunque innaturales sunt, & à causis  
præter naturam geniti varia & propria suscipiunt no-  
mina, cum etenim causæ sint diuersæ, affectus non  
consentiunt, itaque nec proprie somni debent existi-  
mari, neque enim omnino excitabiles sunt, sed impo-
- C** tentiæ quædam vigilandi: reliquæ dispositiones sunt  
somni, hi quidem altiores, illi vero minus profundi,  
respondet enim affectus affectui, & consensus princi-  
pio. Sed dices, quamobrem visus minus agere possit  
in somno, ac per eū minus expergisci valeamus, quā  
per alios sensus, nam tamen oculi essent aperti, obie-  
cta tamen illis oblata non cognoscunt, attamen co-  
gnoscere deberent, quia facultas non est retracta, & in-
- D** strumentum erit bene affectum, per alios tamen sensus  
expergisci possumus. Respondeo, quod istud sit ob-  
varium modum, quo mouent obiecta, siquidem visi-  
bile mouet spiritualiter tantum, & leues sunt eius al-  
terationes à proprio obiecto, itaque non stimulat sen-  
sitium, ac propterea maiori eget conuersione ad se ip-  
sum, & attentione videntis, repugnat autem sopitum  
animal

animal esse conuersum, intentumque circa rem visibilem, & quamuis videretur se videre, nullo pacto ipsam animaduerneret, quia sopita est vis princeps, quæ est principium totius sensus ac facultas per se animaduersiva, cætera autem sensibilia mouent vehementius & stimulant; igitur possunt excitare, nam somnus & vox alta impellit membranam, quæ est in concauo auris, & facit bombum in capite; cauum etenim est, itaque facillime partem illam sopitam excitat. Ad quartam dico eos homines qui à visis altius afficiuntur, aut secundum naturam, aut ex vehementi occasione, vel potius consuetudine, quales potissimum sunt melancolici, & curis circumplexi talia per somnum faciunt perperam somniando, nam vehemens aliqua imaginatio in somno, quæ somnium est, dum vehementer imprimit, tam etsi rudis sit & intercisæ, inexpeditaque potest mouere corpus ex illa occasione, & apparens illa necessitas, vel impetus validæ imaginationis suadentis vires intendit ad mortu, & actionem imaginatam, quod sensum alioqui magis reprimat, sed quia principium illud animi non erat expeditum, & per vim validæ imaginationis intercisæ magis ab omni alio extraneatum, & compressum utraq; ratione, scilicet somni, & vehementis imaginationis, propterea se illa agere non animaduertit, neque memores esse possunt eorum cum fierint vigiles, nostis enim nos esse illorum memores, quibus fuimus intenti, & animaduertimus cum obtingerent, tunc autem altissimus erat sopor, & mens tota in aliud quidpià conuersa magis comprimitur & minus est expedita, itaque cum nullo modo animaduernerent, quæ agebant non possunt recordari, quia si animaduertissent, destitissent utique, ac si quandoque fiunt memores, dicunt se somniasse, non autem egisse, nam imaginationis possunt recordari cui incurbebant, actionum vero non possunt,

- A** possunt, quia quòd agerent nullo pacto animaduertunt, nam etià in vigilia si alta inuadat cogitatio in itinere, cogitamus quidem & vnà incedimus, recordamur eorum quæ cogitabamus, sed incessisse minime, quia non animaduertebamus illum motum aut alias huiusmodi actiones, somniorum vero nisi sint admodum leuia & celerius obtingentia, nec alta nimis compressio vt plurimum recordamur, quoniam intrinsecis illis phantasmatibus quæ sibi præsentia sunt, tamen si
- B** existat inexpedita ob dispositionem indebitam instrumenti potest incumbere. Ad postremam dico ipsos oculos esse cerebro consentientissimos, hoc enim sensorium tum vicinissimū est, tum etiam solum sensoriorū omnium mouetur assidue, quapropter instante somno & cerebri quadam remissione atque pigritia, confestim pigerrimus fit oculus, & ad motum ineptus, itaque videtur sibi esse onus & palpebra uult conuiuere, ac uidetur suomet onere grauari instrumentis scilicet ad
- C** motum enervatis ob consensum principij & uicinitatem, cum autem frigida illinitur, quoniā totus aqueus est & contactu illo gaudet, sensum aperit, ac mouet.

Explicatio in particulari quomodo singula alliciant somnum, & qui magis ad somnum sint procliues. Caput VIII.

- D** Hs itaque absolutis, consequens est ut quomodo singula magis in particulari somnum alliciant, explicemus: primum igitur ex lassitudine, quæ ob diuturnū peruigilium contrahitur, adesse oportebat istam somni translationem, & quietem, ac uicissim utrumque, nam omne nimium est obnoxium, cum igitur uis sensus uel sensitium ipsum est propter uigiliam labefactatum, quietem

quietem expetit alioqui necessariam vis eius submitti. **A**  
tur ac flaccescit, & ipsum sibi ipsi videtur onustum, o-  
nus inquam molestum, & pigritia fit, itaque somnus  
obrepit, & corpus totum decumbit, primum autem  
ob id caput reclinat. Eodem modo post labores som-  
ni contingunt, nam lassitudo facit debilitatem virtutis  
& omnium instrumentorum, ac denique vigilandi, a-  
gendi que amplius molestiam, ac forsitan quandam im-  
potentiam, primum itaque motus ac sensus instrumen-  
tum, quod est sensorium sensoriorum, & instrumentū **B**  
instrumentorum ad motum inquam pigerrimum fit &  
quies ab ipso incipit primum, sensus enim ac mouendi  
agendi que facultas vna & principium dumtaxat vnum,  
non aliter ex balneo, quoniam dissoluit plurimum, &  
imbecillitatem patit, itidem ex quibusdam animi defe-  
ctibus, qui celerem lassitudinē afferunt, quanto enim  
celerius fit, tanto etiam pigritia maior & ferme vigilan-  
di impotentia procedit, eadem ratione sudores quidā  
diaforetici, quippe qui non modicam imbecillitatem, **C**  
& lassitudinem afferre possunt, & spirituum præsertim  
resolutionem: consentaneum igitur est, ut vigor qui po-  
tissimum è spiritibus dependet, flaccescat, ac primum  
ipsum principium, primumque instrumentum graue  
onus sibi met esse videatur, & impotens ad substan-  
dos vigilie conatus, tamen si aliās essent sibi gratissimi.  
Somni quoque à vaporibus fiunt, ac præsertim ab as-  
sumpto cibo, & potu, nam replent caput & calorem  
spiritumque extruunt, itaque cerebri vigorem enge-  
nant & compressionem faciunt, ac vigilandi fastidium,  
partim etiam meatus ipsos obstruunt, ut fastidium hoc  
magis subcreseat, itaque somnus non immerito ciet,  
id itaque in febribus fieri solet circa accessionum ini-  
tio. cum vapor affatim plurimus sursum respirat ad ca-  
put, pariter ex vini potu, & rebus alijs vaporem emittē-  
tibus



- A**ribus copiosiore, nam sedem illam animi præstante comprimunt, & replent, pariuntque fastidium vigilandi, cum reddant illam inexpeditam ad actiones obundas, & vires eius enervent, solent etiam vapores ibi in humorem conuerti, ac partem eandem irrigare ut pluvia, aut ros, sola enim multitudo præsertim in humido loco facit densationem, & humoris generationem, sicut in alembicco, & operculo, humor autem facit aggrauationem & obstructionem, & ideo parit pigritiam.
- B**& vigilandi ineptitudinem, itaque in ebrio nisi soluantur crapulæ, somnus semper perseverat. Pariter etiam humores tum comprimendo, tum aggrauando, obstruendo & enervando per mollificationem somnū alliciunt, quia videtur ob id cerebrū esse sibi met oneri, & vigilare non posse, quia non est expeditum, & robur eius restructum, illi vero si in partibus sentientibus fuerint ut tristis sensationem aut distendendo, aut pungendo, rodendoque faciant, vel quomodolibet aliàs dolorem pariunt, si vero etiam in cerebri substantia non exigui aut ibi solū, acres tamen, mixtam generant affectionem ex somno & vigilia, nam aggrauatio, obstructioque & enervatio illius visceris soporem parit, siue in somnum delationem, erosio vero & punctio, aut mordax calor parit excitationem sensus, quia vellicat, & stimulat perpetuo, in hunc modum sunt illæ lethargicæ phrenitides, & coma vigil, & variant affectus secundum magis & minus prout alterutra causa magis obtinet. Ex compressione meningis non est mirum si somnus fiat, & ille quidem altissimus, seu potius impotentia vigilandi, quia cerebrum velut onere pressum, inexpeditum est, & conatū illud alacrem refugit ad vigiliam necessariam, sed vires submittit, & prope enervatum decumbit, quandoque etiam solum vestigium, & nota compressionis hoc idem facit, quoniam pro eodem est, ac si materiale ali-
- Y                      quid



quid actu semper comprimeret quantum ad sensum, A  
 & hoc perseverat quousque passionis hæc soboles non  
 erit extincta. Frigida quoque omnia soporem alliciunt  
 quia sensus immobilitatem & pigritiam faciunt, atque  
 omnino vigilandi ineptitudinem stuporem afferunt,  
 aut torporem modicum qui somnum facit in cerebro,  
 nam maior torpor maiorem facit affectum. Ex mole-  
 sta lectione somnus allicitur, quia facit in anima tæ-  
 diofam & molestim applicationem, unde fit molestia  
 vigilandi & sentiendi, quamobrem pigritia fit sensui, & B  
 præsertim sensorio primo, cuius officium est singulis pro-  
 spicere, & animadvertere. Amplius ex suauißimis so-  
 nis & harmonijs, quales per fabulas produnt fuisse in  
 mari concentus Syrenarum iucundissimos, quoniam  
 blandissimi soni demulcent aures suauiter, ac totum  
 cerebri sensum, cauum enim est, & conterminum au-  
 ditivo, quapropter in illa blanda, & suaui applicatio-  
 ne quasi manus dans recumbit, ac requiescit, itaque fa-  
 cit delationem ad somnum, quemadmodum apro C  
 cidit habenti crassum coriû, & sensum eius minus ala-  
 crem & insolentem gaudet adeo prurigine, ut totum  
 se extendat, & recumbat, & decumbente totius conatu  
 somnus illum inuadit. somnus enim ut quies est, atqui  
 per sensum auditus magis appropriate allicitur homi-  
 ni, quia suum obiectum blande mouet, proximum est  
 cerebro illud sensorium, & minus distrahit, videturque  
 cerebrum intus afficere, ut superius dicebam, quietem  
 amat, & fixationem blandam, quamuis etiam calores sua D  
 ues somnos mouere eodem modo soleant. Vidimus  
 præterea motionibus quibusdam, & sonis minus blan-  
 dis somnos cieri, quemadmodum nutrices suis infan-  
 tulus sæpe illum accersunt, eos namq; in cunis positos  
 æquabiliter mouent, & canunt parum suauiter, aut so-  
 nis quibusdam ineptis obstrepunt, atque ita somnus il-  
 los

- A**los inuadit, quoniam motus ille facit videndi fastidium, sonus autem audiendi, quapropter sensitrium primum propter tedium & fastidium suspendit applicationem suam, & requiescens vires submittit, itaque somnus efficitur iure optimo. Tenebrae deinceps, & silentium soporem afferunt ob sentiendi impotentiam, sic enim facta quiete mouetur sensus illius partis in amorem & voluptatem quietis. In hac postrema parte videtur consentaneum, ut exponeremus qui magis, aut minus ad dormiendum aut vigilandum sunt idonei: dicebat Aristoteles habentes venas latiores minus esse ad dormiendum proclives, & ratio est, quia magis liberam habent transpirationem, & effluxum, quapropter minus obstructionibus corripuntur, & in his maioris est caloris impetus, qui ad vigilandum haud parum prodesse potest, hi quoque minus obæsi fiunt, & ideo magis expeditum habent cerebrum: sunt autem somnolentiores quibus cerebrum est humectius, quoniam humor facit aggrauationem, & cerebrum ipsum quominus firmum est, quale per humorem efficitur, magis prompte vires submittit, & manus dat quieti, cum autem siccus est, & durius promptissimum est ad vigilandum, prope enim inflexibile est, & remitti non potest; & quidam ob siccam cerebri temperaturam prope omnino sunt vigiles, hoc modo contingit senibus propter ætatis temperaturam sicciolem, nescit enim siccus cerebrum conuiuere, & vires submittere, nonnulli quoque sunt propter frigiditatem somnolenti, atque alij propter calorem uigiles, atque nonnullis humor quidam acutus & calidus affluit, qui perpetuam ferè uigiliam parit, quia uim habet excitandi non remissam, ex his facile est plura congregare tum de temperamentis naturalibus, tum ætatum, tum denique secundum uarios casus accidentium.

## DE FAME ET SITIA

OPVSCVLVM

QVINTVM.



De exortu famis, & sitis, atque earum distinctio<sup>B</sup>  
ne, & quibus conueniant. Caput primum.



QVONIAM natura cunctorum entiu  
non esse modo, uerum etiam con-  
seruationem affectauit, propterea  
cum sublunarium praestantissima  
constituta iam essent corpora uita  
li hac luce insignita, ut ipsa diutius<sup>C</sup>  
possent permanere, & uitam dege-  
re, somitem quendam instituit nempe alimentum ui-  
tae necessarium, quod non solum utile est ad augmen-  
tum, cum imperfecta quodam modo exoriantur, & pe-  
riodum quendam perfectae magnitudinis desiderent  
pro conuenientia formae, & operationis secundum spe-  
ciem praestantissimae, uerum etiam ad conseruationem,  
& caloris salutem, nam calor tum proprius, tum alien-  
us, ut colligitur ex Aristotele de longitudine & breui-<sup>D</sup>  
tate uitae, atque Hippocrate in libro de alimento sub-  
stantiam propriam dissipat, quamobrem fit, ut animan-  
tium illa cumulatus, haec autem minus egeant pro ra-  
tione caloris: sed quoniam uiuentium corporum, qui-  
bus est opus alimento, alia ipsum habent prope aut  
coniunctum, quemadmodum sunt plantarum genera,  
alia

- A** alia uero remotius quaritant, eo quòd separatum habeant, ideo factum est, ut plantæ, quæ tanquam in matrice perpetuo nutriuntur sugendo alimentum è terra paratum, cui sunt affixæ, nullo sollicitarentur desiderio nutriendi, neque esuriant, tametsi naturalem (ut aiunt) habeant appetitum, qui profecto non est aliud, præterquam naturalis quædam, & insita promptitudo, seu propensio, atque potentia ad excipiendum alimentum sibi conueniens, humorem inquam è sinibus terræ susceptum, quemadmodum diceremus appetere, ac trahere ad se se oleum pæpirum ardentem, aut quemuis alium succensum fomitem, ideoque satis (ut arbitror) improprie, & per quandam analogiam appetitus nuncupatur: cæteris uero, quæ habebant alimentum remotum, ac separatum opus erat sensu, atque desiderandi potentia, ut non oblita semper, quandoque famis tentigine sollicitarentur ad alimenti desiderium, ne fortasse opus naturæ factum præclarissimum
- C** momento temporis contabesceret, atque hunc appetitum famem, quendam uero alium sitim nuncuparunt, idque proprium dumtaxat est animalibus, quippe quæ desiderandi habeant facultatē uidelicet sensum, hinc præterea effectum est, ut mouendi quoque ipsis potentia ascriberetur, qua possent ad alimentum ferri, cum non habeant præsens, ac traditus est talis motus hisce quidem clarius, his uero obscurius, motum namque manifestum obtinuerunt ea, quæ ex uno in alium secidunt locum, immanifestum uero, atq; obscurum alia, quæ paulo minus, ac plantæ affixæ uiuunt, ob id sane plantamina nuncupata, sed hæc talem habent motum, ut possint se se dilatare, & cōtrahere, atq; ita sibi solent parare alimenta necessaria, nequaquam tamen credendum est, motum etiam cæteris inesse propter alimentum, quasi uero plantæ, ut animalia ad illud moueantur,
- adco

adeo ut radices tanquam manus extendant, & porri- A  
gant, hic enim non est proprie motus, sed naturale aug-  
mentum secundum viam generationis, quod nihilo-  
minus efficitur, ut per eas radices, ueluti per os sugant,  
& corpus totum nutriatur, quemadmodum inquit Ari-  
storeles in libro de plantis, & Hippocrates in libro de  
natura pueri. Empedocles vero cum nimium tribueret  
calori, & frigiditati censebat omne alimenti desiderium  
qualecunque illud sit, omnemque nutritionem calori  
referendam esse, cum seruare ipsum oporteat per ali- B  
mentum subministrato fomite, atque ipsummet cau-  
sam esse suam, ac totius instaurationis ob perennem re-  
nutritionem, nam manifeste videbat quaecunque cor-  
pora calidam vim obtinere si paulo sint crassiora, quam  
natura ignis desideret ex necessitate indigere fomite, &  
humore aliquo, si diutius debeant permanere, quod  
plane in singulis erit manifestum intuenti, & eorum quae  
magis calida sunt, aut magis etiam perfecta, minusque  
solida frequentius egent hoc dicto fomite, reliqua vero C  
minus, calor enim natus est consumere substantiam  
propriam, nam sine ratione agit, facitque ipsam con-  
tabescere, nisi reparetur humidum extrinsece, ut quasi  
pabulo refoueat assidue, frigida vero videntur cate-  
ris paribus diuturniora, & nullo egere alimento, quem  
admodum sunt lapides, metalla, & eorum cognata, quae  
vel omnino sunt frigida, & solida, vel parum obtinent  
caloris in substantia solidissima, cuius pertinacia, & re-  
sistendi potentia vincit actionem modici caloris. Quae D  
plane vera videri possent, si sumeretur alimentum latius,  
nequaquam vero si in propria, ac germana acciperetur  
significatione, sic enim ad viuientem ut viuens est, refer-  
tur, quemadmodum declarauimus in tractatu de nutri-  
tius potentia. Sitis vero minime fit cunctis viuientibus,  
quapropter minus quam esuries patet, neque etiam  
communis

- A** communis est cunctis animalibus, quoniam non est propter nutritionem essentialiter, potus enim aquæ nō nutrit, nullamque accessionem ad substantiam facit, sed tamen ipsa quoque utilitatem non modicam ad alimentum habet, cum enim siccis vescamur cibis, & sicciore sicut in ventriculo si parum tenues assumantur, idcirco videbatur necessarius aliquis fluoꝝ, ut alimentum misceretur sicciori, hic autem est potulenta substantia, cuius indigentia facit sitim, itaque prima utilitas
- B** eius est quod per ipsam ministratur talis fluoꝝ, humidaque natura, cuius ratione melius vnaquæque procedit concoctio in ventriculo. sic enim in leuiorem detrita & attenuata facilius concoquuntur esculenta, quemadmodum plane videmus in externis decoctionibus igne factis, & chimistarum genus cum soluere aliquid tentant, humorem commiscent solido, ut opus succedat ex voto, ac propterea nonnunquam in medio decoctionis alimenti efficitur potandi desiderium, & fortasse
- C** tunc potum dare aliquibus non esset inutile, nam si plus æquo siccetur alimentum, tandem corrumpitur, & foedum concipit odorem, parit grauitatem, & febrilem calorem, cum vero præclarum hoc munus peractum erit, abutitur deinceps natura eadem potulenta materia ad alium vsum, nam pro vehiculo est ipsi alimentum per angustissimas venas, id enim si relinquatur, solum obstruet meseraicas venas suo lentore, & crassitie, sed mixtum humidæ, fluidæque naturæ per eas multo
- D** facilius se se insinuat, tandem vero hoc alteratum, & sanguineæ substantiæ nō nihil obnoxium in propriam quandam excernitur regionem, pars nero altera adhuc relinquitur minus fœculenta mixta cū sanguine ne concreseat in proprijs uasis, & commodè adhuc per uniuersam corporis molem distribuatur, præterea multam affert utilitatem ad eam omnem siccitatem, quæ sit in corpore



corpore propter motum, & calorem, nec non etiam ad **A**  
 reporem excedentis caliditatis, quamobrem sitis appetitus quidam frigidi & humidi definitur, præsertim vero ob cordis calorem, & siccitatem, earumque partium, quæ spirationi momentum habent, ut latius iam iam explicabo, eaque potissimum ratione, ut ait Philosophus tertio de partibus animalium capite septimo, hinc etenim fit, ut nonnullæ animantes nullo modo sitiant; alia vero perexiguo indigeant potu ut præcedenti asserbat capite, quæ enim sunt exangues, ac potissimum **B**  
 insecta vel omnino non bibunt, aut potulentis ipsis utuntur non potus, sed cibi gratia, siquidem natura sanguinis facit feruorem, defectus contra remissionem caloris & imbecillitatem, itaque proprium illis satis est humidum cum aliqua esculentorum humiditate, quippe quæ cibus utuntur nequaquam siccis, quandoque tamen utuntur potu, ut apes, vespæ, & cognata eorum præsertim in æstiuo caumate, quando, & labor, & extraneus calor propriam dissoluit humiditatem, & interra- **C**  
 neus calor videtur accendi, plurima vero non sitiunt, & illa forsitan cibi potius, quam sitis gratia proficiscuntur ad aquas, aliorum illa inquit Aristoteles non sitiunt, quæ carent pulmone, unde neque vesicam obtinuerunt, veluti sunt pisces, qui propter humidam temperiem, & loci in quo degunt naturam, ac ciborum qualitatem & assumendi modum nequaquam egebant potu, quapropter nec sitiunt, neque vesicam habent: corticata etiam omnia tum vesica, tum potus qua potus est des- **D**  
 derio carent excepta testudine, in hac enim corticatorum omnium natura tantummodo aptauit vesicam, cuius rei causam attulit Philosophus, quod marinæ, præsertim testudines pulmonem habent carnosum sanguineum, & similem bubulo, terrestres autem proportionem maiorem. Aues præterea ex toto genere partu  
 sitiunt,



- A** sitiunt, quoniam pulmonem habent laxū, pene exanguem, spumæque non absimilem, & quorundam illorum adeo exanguis est, & laxus ut omnino non sitiant, nisi febricitent, aut præter naturam caleant, quemadmodum sunt rapaces accipitres, aquilæ, falcones, & eorum affines, atqui satis rationi consentaneum erat, ut aues parum vel nihil biberent propter commoditatem operationis, quoniam potus haud parum inutilis esset ad volatum, itaque cœpit ex necessitate hac oriri naturalis consuetudo, vescuntur præterea secundum plurimum humidis alimentis, quoniam rapaces aues vescuntur carnibus crudis cum multo citius, solidumque habent ventriculum, vnde minus humor transpirat, & parum illius dimittit, cum semel conceperit, ac potus gratia eructat in ventrem quidam humor proportionem respondens bili aut sero, qui tum coctionem accelerat, atteritque statim alimenta, tum celeriter facit ipsa prolabi, cumque humor in vesicam non excernatur, potest ille mer sufficere, ne subinde potum desiderent, cum autem pulmonem illorum aspicimus, naturam exanguem intuemur, & laxam; vnde possumus colligere in humano genere eos qui calidiores sunt & sicci, pulmonemque habent rariorem, tum magis sanguinolentum, si siccam præsertim ventriculi, ac iecinoris substantiam obtineant, esse magis potatores, alios contra exiguo egere potu.
- B**
- C**

**D** Quid sit utraque appetentia, fames inquam & sitis. Caput II.

**C**um autem opere pretium sit ante alia determinare quid est sitis & fames, suscipienda est utriusque definitio, quam tradidit Aristoteles secundo de anima tex. vigesimo octavo, cum palam diceret, famem esse appe-

ritum calidi, & sicci, sitim vero appetitum frigidi & hu- A  
 mido, vtraq; certe definitio tum methodo est assignata,  
 tum etiam ratione confirmata, omnibus namq; mani-  
 festum est vtramq; passionem esse desiderium quodam;  
 sed quoniam hoc vel sensus, aut certe ipsius mentis est  
 operatio, affectioque: propterea citra ullam controuer-  
 siam vtraq; concupiscentia redenda est sensui, quippe  
 quæ cunctis ascribatur animantibus, sensuum autem  
 proprie conuenit tactui, is enim est sensus vitæ & nutri-  
 menti, vt ait Philosophus secundo de anima, idcirco B  
 credendum erat famem & sitim esse appetitum eorum,  
 quæ tactiua cognoscit facultas, hæc autem est calidi, fri-  
 gidi, humidi, & sicci, idcirco fames & sitis est appetitus  
 istorum, atque horum potissimum, quoniam ex his cō-  
 stamus, & prout duplex efficitur indigentia calidi scili-  
 cet, & sicci, frigidi quoque & humidi, ita duplex appeti-  
 tus oriri debebat, cum vero qui calidi, & sicci indigen-  
 tiam sectatur, appellarunt famem, alterum deinde si-  
 tim nuncuparunt, satis enim id manifestum esse debet C  
 eandem facultatem, quæ cognoscit desiderare, & appe-  
 tere, nam si sacus fieret, idem esset, atque si ego cogno-  
 scerem bonum aliquod, tu vero ipsum desiderares, siue  
 Socrates haberet alicuius rei indigentiam, attamen il-  
 lam appeteret Plato, cum igitur sentiat tactus indigen-  
 tiam humidi & frigidi, vel contrariam intemperiem ca-  
 lidam & siccam, quam ægreferat, appetit frigidam, hu-  
 midamque portionem, vt indigentia hæc, quæ tristis est  
 repleatur & sentiens defectum calidi, & sicci, esculen- D  
 ta desiderat, & famis prurigne sollicitatur, id etiam op-  
 tima ratione confirmatur, nā fames debet esse appeti-  
 tus eorū, quæ corpora nutriunt; fames enim est propter  
 instaurationem deperditi, vt conseruetur substantia,  
 aut etiam augeatur quantum fieri potest, ac decet pro-  
 forma, sed calido, & sicco nutrimur, ideo fames calidi,  
 & sicci

**A** & sicci est appetitus. Hic tamen me pupugit quædam difficultas, quoniam inquit Aristoteles in libro de iuventute, & senectute, nos calido, humidoque nutriti, quomodo igitur fames erit appetitus calidi, & sicci? Quin etiam si considerentur alimenta, aut sermo erit de intrinseco alimento, aut de eo quod extrinsecum appellatur, si sumamus extrinsecum, certe neque natura hominis omnino sicca desiderat, immo pueri lac appetunt, adulescentes iuscula quædam, confusa & liquida, quæ actu, & potestate sunt humida, si intueamur alimentum intrinsecum, hoc plane humidum est, & calidum, ut inquit Aristoteles tertio de partibus animalium, quamobrem potius dicendum erat, fames est appetitus calidi & humidum, quàm calidi & sicci, aut simpliciter fames est desiderium cibi, qualiscunque is sit, dummodo videatur conueniens, sæpe enim sicca, interdum etiam humida desideramus esculenta, sitis autem dicitur potandi concupiscentia: si autem in aliorum species aciem conuertamus, pleraque tantum abest ut sicca desiderent, quod nisi humida actu habeant, omnino abstinent, & famem diutius ferunt, si vero accipiamus alimentum intrinsecum illorum etiam humidum est, itaque fames non est appetitus calidi, & sicci. Respondeo huic difficultati, quod humidum est duplex, alterum fluidum & roridum, alterum autem solidum, atqui fames appetitus est humidum solidum, id vero cum solidum sit comparatione humidum roridi, quod sitim mouet, dicitur siccum, ac fames calidi & sicci desiderium, appello nunc solidum quandam substantiam paulo crassiorem, & quantum ad modum pertinet paulo consistentiorem, quippe futura sit nutrimento solidarum partium, totumque animal, & caloris naturam refouere debeat, ac reparare id quod erat deperditum: sed quoniam hoc humidum solidum animal ipsum coniun-

Etum non habet, propterea extrinseca cupit alimenta? **A**  
 Cum autem quaritur vtrum sit appetitus extrinseci ali-  
 menti; fateor æquidem, nam manifeste id patet, at-  
 que illud est, quod appetentiam hanc sedat, dum in-  
 geritur, attamen hoc alimentum, inquit Aristoteles,  
 secundo de anima textu quatragesimo quinto in prin-  
 cipio est dissimile, & quodam modo contrarium, in  
 fine vero vi caloris efficitur simile, ac propterea cali-  
 dum, humidumque redditur, ea nimirum humidita-  
 te quale est id, quod nutritur; sic enim inquit ad ver- **B**  
 bum ( At enim interest plane si nutrimentum frigidum  
 quod ultimo tandem adiungitur, atque additur, an nō  
 hoc, sed id, quod primum ingreditur, quod si vtrumque  
 quidem est alimentum, alterum tamen est dige-  
 stum, alterum indigestum, vtroque profecto modo  
 & contrario contrarium, & simile simili dicere licet  
 nutrirī, nam si vt indigestum sumatur contrarium con-  
 trario alitur, sin vt digestum simile simili nimirum hoc  
 pacto nutritur. ) Ex his ergo satis patet famem esse ap- **C**  
 petitum calidi & humidi, id tamen aut in principio  
 tale vel saltem in fine, cum passum aliquid, atque alte-  
 ratum fuerit. Sed iam reuertamur ad propositum, no-  
 strum, vnde discessimus, nam probare nitebamur fa-  
 mem esse huiusmodi calidi, atque humidi solidioris  
 desiderium. Etenim illius est appetitus, in quo vita  
 ipsius animalis consistit, id enim nutrens est, & vitam  
 reparans, ea vero in calido & humido consistit, igitur  
 fames est talis humidi appetitus. Amplius eorum est **D**  
 fames, vt initio dicebamus, quibus etiam constamus,  
 calido autem, humidoque solido constamus, quod  
 siccum aliquo modo est cum termino proprio conti-  
 neatur, aut tale saltem in respectu. Præterea fames est  
 appetitus instaurandi deperditum: quale igitur est id  
 quod fuit deperditum, tale etiam debet esse illud quod  
 appeti

- A**ppetimus, id vero est, calidum & humidum solidum, ergo fames est quædam illius concupiscentia. Amplius tale est nutrimentum, quale est id quod ab initio generationis ministrat natura, hoc autem est calidum & quodam pacto humidum solidum, ut patet in ijs, quæ ex verme, ex ovo, aut semine generantur, quibus omnibus talem subministrat substantiam, quæ futura sit nutrimentum eius quod generatur. Caterum quia dicit etiam in definitione est appetitus calidi se se offert occasio dubitandi si sit calidi in actu, vel potestate tantum: multis plane videretur esse appetitus calidi in actu, atque ob id nos fercula desiderare actu calida: quod tamen absurdum est, ut paulo post profuse dicemus, ob id fateor ex mente Aristotelis loco nuper citato famem esse appetitum calidi saltem in fine, atque adeo si quispiam diceret fames est appetitus cibi siue alimenti, hoc ipsum fateretur diminute, siquidem Aristoteles assecutus est definitionem hanc perfectissime, alimentum enim est pro materiali solum, sed ponendo calidum, & humidum connotatur hoc, & alimenti ipsius natura, in quam conuertri debeat, & qua potissimum ratione alimentum dicatur, namque hoc modo natum est actu, & proxime nutrire, & hæc proprie est formalis definitio, quoniam hæc est natura famis, & illa sitis, ceteræ autem quas attulit Galenus sunt causales quippe quæ per causam facientem, coniunctam tamen, assignantur, cum diceret, fames est sensus suctionis, aut aliàs fames est sensus indigentia alimentorum.

Qua parte corporis, item qua parte animæ co- A  
gnoscente fiat fames, atque omnino de par-  
tibus cibo accommodatis. Caput III.

Mihi visum est semper aliquos posse suspicari, ut fa-  
mes sit passio quædam totius sensus, nullius autē  
determinate, ac singularum etiam totius corporis par-  
tium, conceptaculum tamen eorum quæ comeduntur  
esse dumtaxat vnum, etenim si fames indigentiam se- B  
quitur, & propter instaurationem fit eius quod est de-  
perditum, ut perinde seruetur animalis substantia, cer-  
te in singulis partibus nostri corporis fieri deberet;  
postquam singulæ inaniuntur, & reparationis egent;  
accedit etiam quod æque omnes habeant sentiendi fa-  
cultatem, ut gaudere valeant, & vicissim tristiari, gaude-  
re quidem propter conueniens & salutem, tristiari vero  
propter defectum, & contraria, neque videri potest, ut  
aliqua tantummodo pars corporis esuriat per discipli- C  
nam, & consuetudinem, quoniam esuries est appeti-  
tus quoad originem pertinet naturalis, & æque fit pri-  
mis diebus atq; in senio. Alij contra existimarent qui-  
dem per ynam dumtaxat partem esurire, quam ventri-  
culum appellant; sed tamen eam proprium quendam  
sensem huic rei conscriptum obtinere, cuius expertes  
sunt aliæ partes: quemadmodum vna dumtaxat parte  
videt animal nimirum oculo, quippe qui solum instru- D  
mentum sit idoneum ad hanc actionem propter sub-  
stantiam transpicuam; cum enim sensus animalis sit  
vnus, idemque applicatione ad instrumenta fiat varius  
utpote applicatus timpano sit virtus auditiva, coniu-  
ctus pupillæ sit idoneus visioni, & sic de cæteris: erit etiã  
si coniungatur ventriculo peculiaris quidam sensus ali-  
menti, & eorum omnium quæ comeduntur, ac bibun-  
tur,



- A** tur, ipse etenim ventriculus est instrumentaria pars, & proportionem habet ad pupillam, ad membranam, ad carunculam, & consimilia instrumenta; quamobrè cunctarum partium vna dumtaxat esuriret, ac sextus daretur sensus, aliàs vero si sensum haberet eundem, & ratione huius instrumenti nullo modo esset diuersus, certe non minus aliæ partes famescerent, atque adeo sumpto cibo, qui satis sit, fames adhuc instaret, non accedente iam alimento in omnes partes, neque id videtur ascribendum esse ventriculo propter sensus acuitatem, nam multæ partes sunt, quæ vel non deficiunt ab eo, vel fortasse etiam sensum habent acutiorem, & magis insolentem, neq; ratione suctionis, nam pariter fieret in hepate in quo venæ radicanter secundum opinionem Galeni, vel in ipso corde ex opinione Aristotelis; quin etiam suctio magis ad mesenterion pertingit, in quam partem lactes, seu venæ mesentericæ producuntur, neque etiam ob disciplinam, & consuetudinem; hoc enim confutauimus paulo superius: reliquum est igitur ut si in una parte fiat, nempe in ventriculo, eum proprium quendam habere sensum, utpote sextum in numero qui propterea dicatur sensus cibi & potus, siue alimenti. Mihi tamen uidetur utramque opinionem decipi: quod enim ad sensuum numerum accessionem facere non oporteat, manifestum est, nam si ex ipsa definitione fames & sitis sunt appetitus calidi & frigidi, humidi, & sicci, quomodo fieri potest ne tactus sit sensus eorum? quamobrem Aristoteles hoc ita determinauit secundo libro de anima tex. uigesimo octauo his uerbis, alimenti præterea sensum habent, tactus enim sensus est illius, nam siccis & humidis, calidis atque frigidis aluntur uiuentia cuncta, horum autem ut patet sensus est tactus, cæteris uero per accidens nutriuntur, uides hoc loco quàm clare id fateatur, & quomodo illius



lius demonstrationem auspicetur ab obiecto, quoniā A  
 inquit fames est appetitus calidi & sicci, vel humidi soli-  
 lidi, tu vero scis nequaquam augendum esse numerū  
 potentiarum, nisi sub crescat numerus subiectorum.  
 Attamen quod ad primam pertinet opinionem appeti-  
 tus alimenti diuisus est bifariam in naturalem videli-  
 cet appetentiam, atque etiam in animalem, peripathe-  
 tici fatentur partes omnes totius corporis naturaliter  
 desiderare, sed propriam indigentiam plantarum mo-  
 re nec sentire, neque cognoscere, nam si trahant, susci- B  
 piantque alimentum, si inaniuntur omnia sunt vt ha-  
 bitus quidam, & actiones naturales, vnde sicut plantæ  
 naturaliter attrahunt, primum videlicet illud alimen-  
 tum ex venis, venæ ab hepate, hepar autem ex ventricu-  
 lo mediantibus venis meseraicis, in quibus tanta par-  
 tium orta est distinctio, & naturalis secretio propter  
 commoditatem, necessitatemque naturę, & magnitu-  
 dinem corporis, vna dumtaxat pars relinquitur, quæ  
 suo sensu, & illo quidem non obtuso suctionem & in- C  
 digentiam cognoscit alimentorū, & ægrefert, quapro-  
 pter auct: sed hoc videtur Aristoteli repugnare, siquidē  
 ait tertio Ethicorum cap. quinto famem necessitate fie-  
 ri, & nequaquam esse in nobis, attamen si appetitus es-  
 set animalis contingens esset, hoc enim modo anima-  
 lis appetitus à naturali differt. Satisfacit ibidem Ari-  
 stot. quòd animales appetitus, quorū principium non  
 est in nobis non sunt spontanei, fames autem, & sitis D  
 sunt illo modo, nam causa mouet necessario, attamen  
 non sine cognitione, alij vero qui fiunt aliquo dumta-  
 xat obiectiue mouente non sunt necessarij, sed sponta-  
 nei appetitus. At credere dignum est omnem partem  
 cibo accommodatam veluti conceptaculum eius, & in-  
 strumentū ad coctionem esurire, quippe quæ alimenti  
 extrinseci sensum habeat, & cuius gaudet plenitudine,  
 eius

- A** eius quoque inanitionem ægreferat, quamobrem desiderium illud exoriat, necesse est, & certe si fames est propter alimentum extraneum, hoc autem à determinata parte suscipitur pro toto animali, dicendum est, totum quoque animal famescere secundum partem eandem, ideoque fieri ut statim suscepto cibo, qui quidem satis sit, continuo sedetur fames, tum vel magis quia sensus est vnus, & per vnā, ut diximus, partem suscipiens. quod videtur ab ipsa natura haud temere factum,
- B** nam si ceteræ etiam partes esurirent eodem modo sicut ventriculus, profecto ipsum animal incidisset in dogma perpetuæ calamitatis, quoniam perpetua cogeretur fame vexari, cum non statim assumptum alimentum per singulas partes distribuatur: partes autem illæ, quæ cibo accommodantur, non omnibus sunt eadem, nec numero, & specie pares, nam alia vnicum habent ventrem, alia vero plures; quod quidem factum est, aut propter naturam animalis, vel propter qualitatem alimentorum,
- C** magnitudinem corporis, & modum quo ingeruntur, ea enim quæ sunt utrinque dentata, vnicum dumtaxat ventrem solent obtinere, quippe quæ has partes habeant molendo cibo, & quadantenus præparando satis idoneas, nonnulla vero ob corporis magnitudinem & cibi difficultatem & nequaquam ad coctionem idonei, sed spinosi, & lignei multiplicem habent ventrem, ut camelus, qui veluti non dentatis animalibus similes habet ventres, ita dentes etiam simili modo sortitur, ut
- D** pote parum necessarios, quapropter more cornigerorum ruminare videtur: factum est autem ut ruminantia, & cornigera, ac quæcunque non sunt utrinque dentata multos haberent ventres propter inopiam dentium, ut alius ab alio suscipiat, & in postremo demum perficiatur conceptaculo satis iam in alijs attritum alimentum, atque adeo hisce ruminantibus quatuor ventres distin-

Et aliquo pacto reperiuntur, quorum nomina, ut placuit Aristoteli, sunt venter, araneum, siue reticulum, omasum, & abomasum, eademque ratione aues vel saltem geminos habent, ipsumque præsertim ventriculum solidissimum, quoniam præduris vescuntur alimentis, & nullo dentium ordine muniuntur, primam itaque partem apposite nuncuparunt ingluuiem, alteram autem ventriculum, & natura, ut dixi, in eius partis formatione robur adhibuit caloris & substantiam solidam, ut oris defectum ita rependeret, & compensaret, ac propterea non est mirum si columbarum genus parietum fragmenta, & tectoria comedat, ac digerere possit, & struictiocamelus vescatur, ut aiunt, ferro, ipsumque faciat fluxile, nam ventrem habet solidissimum, densum scilicet & crassum, multoque præditum calore, qui propter vehementis robur talia nonnunquam desiderat esculenta tum frigidiora tum valde solida, ut impetum actionis cohibeat, ac cætera non dissipentur alimentis, quæ paulatim actione diuturna in aliam inuertitur naturam: sed ego, ut ingenue fatear, non sum admodum facilis ad credendum; qui enim cito credit, levis est corde; ac propterea dubitavi ne hoc temere crederetur, res enim ardua est, ut ferrum atteratur, & solvatur adeo in fluorem, ut speciem mutet, ac fluidum, mutatumque in aliam naturam omnino permaneat ab animalis scilicet calore, quod alioqui si à calore ignis fundi & liquari debeat, id nisi diuturno tempore, & ab igne validissimo fieri posset, & forsitan non immutaretur; quã obrem vereor ne paulo post non immutatum quidem excernatur, vel si forte id non est, ne humor aliquis generetur in eorum ventriculo proportionem respondens cuidam menstruo chimistarum quod potest emollire, & attenuare ferri substantiam, quæ sic præparata facilius deinde possit transmutari ab illo calore valido, adhibita po-

- A** ra potissimum actione diuturna : atqui non est mirum si talis humor in ea parte generatur, id enim si secundū artē fit, id ipsum certe multo forsitan facilius secundū naturā fieri potest. Cum vero plures sint animalium quorundam ventres, non inepte quispiam dubitaret utrum fames æque in omnibus fiat, aut in vno tantum, videlicet primum suscipiente, porro si fiat in omnibus, non esset consentaneū rationi, ut mox ingesto cibo sedetur fames, quoniam non potest eodem tempore in omnes
- B** ventres descendere : cum itaque adhuc inanis permaneat aliquis venter, qui indigentiam natus sit cognoscere, profecto sequetur ipsum adhuc esurire, & famis desiderium non esse penitus extinctum ; sin autem fiat in primo tantum ventre, fames nequaquā fieret in ventriculo, qui maius alioqui ad alimenta momentum habet. Respondeo huic difficultati, quod sensus alimentati est æque in omnibus ventribus, sed quia sensus est vnus, & natura vna, expletur appetitus plenitudine primæ partis, & propter hanc vnitatem naturæ & conspirationem cōmunem efficitur ut torum animal mox suscepto alimento refici videatur : accedit etiam quod alimenti pars semper aliqua transcolat, & prolabitur, illæque omnes sunt partes colligatæ, & ad vnum, idemque munus consentientes, ac prope se habentes tanquā magni alicuius cōceptaculi multæ cavitates, quarum omnium membrana subcingens est vna, atque communis, cum itaque prima pars impletur cibo vel potu, consentaneè explebitur desiderium vniuersim : nequaquam igitur credendum est in primo dumtaxat ventre fieri famem, nam ingluuies, ut manifeste patet, minus momentum habet ad alimenti confectionem ; patet etiam quod fames non repetit quousque cibus non exiguus in alterutro permaneat ventre, reficitur etiam & roboratur calor, & vis aliorum ob plenitudinem
- C**
- D**

primi atque ita sedatur illa tristis sensatio, quæ erat A  
causa desiderij.

An paruula animantia cum sunt in matrice,  
esuriant, & cibum quo pacto assumant,

Caput IIII.

Magna æquidem se se obtulit difficultas, cum præ-  
cedenti capite constitutum esset famem esse pas- B  
sionem ventriculi, & omnino cõceptaculorum alimen-  
ti, quæ sunt in eadem affinitate, atque inter se tum of-  
ficio, tum communi uinculo coniuncta, hinc sane ui-  
deretur ne immatura animalia cum in matrice uiuunt  
nullo pacto famẽ sentiant, quippe quæ cibis non utan-  
tur per os assumptis, neque potibus ullis; sed omnino  
uita matris uiuant, aut potius ne fames etiam in hepa-  
te efficeretur, postquam attrahunt alimentum per ue-  
nas & arterias umbilicales, quæ radicum more inse- C  
runtur in utero, & inde adducunt alimentum sangui-  
neum in iecoris substantiam; & nisi pars illa sensum  
haberet suctionis, profecto nunquam moueretur ad  
alimenti desiderium, & frustraretur opus naturæ. Hip-  
pocrates uero ob id ait in libro de carnibus puerum in  
utero materno sugere alimentum labijs, unde sequere-  
tur ipsum esurire per partem cõuenientem scilicet ven-  
triculum postquam in illo fieret prima susceptio cibi,  
immo etiam spiritum trahere eodem tempore confite D  
tur, quod etiam dixerat in libro de natura pueri, ait si-  
quidem hoc modo (Cæterum puer in utero compri-  
mens labra ex utero matris fugit, & tum alimentum,  
tum spiritum cordi intro trahit, ubi sane matrix respi-  
rarit: hoc enim calidissimum est, & ne uideretur hoc  
temere dixisse, duabus potissimum confirmauit ratio-  
nibus

- A** nibus, quârū prima hæc est, quia pueri nascuntur ster-  
cus in intestinis habentes, & vbi nati fuerint, celerri-  
me ventrem tum homines, tum pecora exonerant, at-  
tamen stercus non haberent, nisi in vtero suxissent la-  
bijs. Cum primū etiam nati fuerint, incipiunt māmas  
sugere, & videntur os ipsum extendere & iactare, qua-  
si verò adhuc essent in matrice, nequaquam tamen id  
facerent, nisi didicissent prius. Accedit quoque & ter-  
tia ratio, quandoquidem videmus animalia quæ nas-  
cuntur ex ovo, cum alimentum proportionem quadam  
coniunctum habeant ipsum, scilicet vitellum, nam ex  
albumine animal generatur, cuncta profecto per os  
attrahunt, non sæcus atque si perfecta iam fracto pu-  
tamine foris degerent, & alimento uescerentur extra-  
neo; eodem quoque modo nutriuntur aliā quæ gene-  
rantur ex uerme, quibus natura partem quandam re-  
linquit uelut alimentum coniunctum uitæ necessariū  
quoad perficiatur, & maturum fiat animal, non sæcus  
**C** igitur credendum est, ut alia quæ in utero degunt, sus-  
cipiant alimentum sibi à natura paratum. Idem uerò  
Hippocrates ait in libro de alimento, puerum in ute-  
ro matris suscipere alimentum per abdomen, ac pro-  
prie per ipsum umbilicum, porro sic inquit ad uerbum  
(Principium alimenti & humidum, & sicci os, gula, uen-  
ter, uerum antiquius, ac primordiale alimentum per  
abdomen umbilicus.) ubi clare fatetur primordiale,  
hoc est uetus illud alimentum, quo in primitijs ætatis  
**D** nostræ utimur, in utero materno principium habere in  
abdomine, utpote quoddam per umbilicum trahatur, quæ-  
admodum diximus supra, postea uero inquit, princi-  
pium esculentorū omnium, & potulentorū siue recen-  
tioris alimenti est os & gula, itaque manifeste uidetur  
Hippocrates de eodem contraria dicere, qua in re si se-  
quamur Galeni sententiam, qui credebat librum de ali-  
mento



mento non esse germanum Hippo. hominis tamen ne **A**  
quaquam plebei & vulgaris, ac forsitan ipsius Thessali,  
vel ut alijs placet Herophili, tollitur quidem nota con-  
tradictionis in eo, sed relinquitur illa positio, quam au-  
uersati sunt omnes alij, præsertim Aristoteles & Gale-  
nus, nam manifeste videtur absurdum, ut pueri per os  
fugant in utero compressis labijs, postquam sanguineo  
vescuntur alimento confecto prius in iecore matris; fru-  
stra siquidẽ repeteretur hæc actio, frustra etiam fierent  
illæ venæ, & arteriæ umbilicales, nullum præterea usum **B**  
habentes: ac propterea credimus immaturos fœtus si  
in utero existant habere dumtaxat appetitũ quendam  
naturalem similem plantis, animale autem appeten-  
tiam non habere; quippe quæ sequitur sensum suctioni-  
nis in ventriculo, tunc autem fit suctio, attractioq; per  
venas ipsas umbilicales ab utero matris non ex ventre,  
quamobrem matris vita videntur vivere, quasi partes  
ipsius adnatæ, & appendices veterorũ fieri tamen pos-  
se existimo, si modo aliquo obstruantur hæc vasa um- **C**  
bilicalia, ut generetur fames, nam alio secundum na-  
turam auerteretur suctio, suggerent enim ab ipso ventri-  
culo, & pro tristi sensu suctionis efficeretur illa ventri-  
culi fames, quæ est appetitus animalis, nisi fortassis  
adeo imperfecta sint, & sensus adeo obtusus, ut ferè plũ-  
tarum more uiuant; cum uero adoleuerint, & uberius  
incipiunt egere alimento, ac fortasse etiam respiratio-  
ne, tunc suctio fit etiam à ventriculo, & incipiunt esuri-  
re; quapropter statim uidentur famescere, cum foras **D**  
eruperint, & pro ventris appetitu, quem antea sentie-  
bant, os adhibent paratum suctioni ob naturalem ne-  
cessitatem citra disciplinam, hæc enim & ipsius cognata  
sine ulla disciplina fiunt. Reliqua itidẽ animantia,  
quæ intra ouum generantur, sine ulla controuersia per  
os sugunt alimentum, ac propterea dignum est crede-



- A** re his fieri famem, si fortasse uenter inanitis fiat, nam succio in illis fieret, & propterea propter indigentiam tristis sensatio, ideoque deficiente, ut aiunt, coniuncto alimento frangunt putamina, & foras secedunt. Rationes autem Hippocratis facillime diluuntur, quod enim ad primam pertinet in eum statim reflecteretur, si siquidem ipsi mirum uidebatur ut puer, cum foras prodisset, sciat sugere alimentum labijs, nisi id prius fecisset in utero, & mihi uideretur etiam difficilius, ut idem puer
- B** longe imperfectior inciperet sugere in utero, nisi prius didicisset officium suctionis; sed quomodo illud fieri possit sine disciplina & consuetudine superius explicauimus. Secunda itidem ratio reflecti potest, nam si puer in utero per os sugeret alimentum, toto profecto illo tempore efficerentur foeda excrementa primæ concoctionis, quamobrem puer in utero egeret, ac fieret pro matrice cloaca, & quoniam huiusmodi excrementorum genus prauum est & putridum, diutius citra noxam contineri non potest, neque satis uideri potest, quoniam sit substantia sanguinea, nam si nos sanguine uescamur, efficitur etiam illud excrementum, ac certe si sanguis in uentriculi cauitatem descendat, mirum esset nisi coagularetur uel densior fieret & concreceret, quemadmodum uidemus fieri si uenæ aliquæ sanguinem effundant in uentrem, aut aliam huiusmodi cauitatem, illud autem excrementum, quod paulo post exortum egerunt, est pars feculenti sanguinis quæ loco excrementi seceratur, & deponitur ab hepate in locum illum satis huic excremento accommodatum, quod proportionem respondet ei, quod fit ab alimento recentiori, eaque ratione uidetur esse quædam substantia subnigra, & nullum prauum referens odorem, modicæ quantitatis, quoniam propter necessitatem nutriendi parum ex multo deijcitur, in consistentia uero est crassiusculum propter diurnam

turnam actionem caloris, atque hinc etiam patet, neq; A illud tale excrementum esse factū ex parte eius aliqua, quod per os descendit, tametsi maior pars alimenti per uenas umbilicales abeat, ut aliqui fortassis existimarēt; tertium postremo argumentum nullius est roboris, id circo ad alia, quæ magis instant, proficiscamur.

### Qua parte fiat sitis. Caput V.

Sed quo in loco fiat sitis, & in quā partem potus abeat. B  
at, differendum est, quoniam Aristoteles, Hippocrates, & Galenus præbuerunt occasionem dubitandi, & controuersias scribendo fecerunt, Aristoteles tamen tertio de partibus animalium capite tertio fatetur potum per gulam, quam esofagum appellant descendere in uentriculi cavitatem, & reprehendit eos, qui potum per arteriam prolabi existimabant, quod ascripserunt Democrito, profecto inquit irridendam esse istorum opinionem multiplici ratione, primum quia meatus C nullus de pulmone in ventrem obducitur, quemadmodum ex ore gulam tendere suspicimus, id uero necessarium esset, quoniam deiici, postquam fuerit assumptū, oportet & cum alimento adduci, postquam necessariū valde ad hoc vnum potum esse dicebamus, ut alimenti coctionem iuaret, ipsumque deinde efficeret idoneū penetrationi; itaque in ventrem oportet delabi, ut miscetur esculentis siccioribus, & elixatio illa ventriculi optime fiat humidi commixtione: præterea inquit per D vomitum & nauseam unde nam humor remeet, incertum non est, quasi uero dicere hoc uelit, si uomitus educit ex uentre, tussis autem expectorat, humor non uomitu, sed tussi tantum excerneretur; cum igitur per uomitum prodeat, ex ipso remeat uentriculo, in eum igitur etiam descendit omnis potulenta materia; itaq; locus

- A** locus idem est conceptaculum potus & cibi, atque eadem hac ipsa parte fit fames, & sitis: præterea cōfirmat hoc experimento, quoniā sæpe apparuerunt excrementa tincta foce vini atrii, & in ventris vulnere, seu quod vsque ad intestina penetrabat hoc idem paruit, cum foras ex vulneris orificio talis humida prodiret substantia, qualis antea fuerat assumpta. Accedit etiam quod portiones medicamentosæ, & laxatiuæ, quæ bibuntur in pulmonem etiam allaberentur, atq; adeo non euacuantur per secessum, neque etiam vomitu redderentur, quod sæpius accidit: tum etiam quia plerumque experimur si bibendo, aut edendo pars aliqua per arteriam descendat tussim fieri propemodum incōpescibilem, strangulatus, & tormina, quomodo igitur fieri potest ut potus vniuersim descendat in hunc locum? propterea namque videmus naturam, quæ coniunxerat gulam, & arteriam, ut incommodum hoc vitaret alioqui non exiguum, molitiā esse minorem ligulam, ut arteriam operiret, eamque singula obtinere viuipera, quibus nec cortex, neque penna est operimento, corticatis enim, pannatisque animalibus guttur vice ligulæ cooperientis ipsum contrahitur & diducitur, quemadmodum illis spiritui trahendo, reddendoque aperitur, ciboque ingerendo clauditur, ne quid illabatur cum magno incommodo. Ego tamen innixus eiusdem Aristotelis auctoritati Hippocratis, atque Galeni existimo potum prope totum descendere in ventriculū, eius vero partem aliquam prolabi in pulmonem per asperam arteriam, atque adeo sitim fieri pro qualibet siccitate & calore istarum partium, potissimum autem in ventriculo, quemadmodum ipse est præcipuum conceptaculum potulentorum, eamque ob rationem medici prope omnes ex gulæ etiam & palati siccitate existimant fieri, sitim, eā tamen esse mendosam, siquidem non fiat neque in proprio

prio viscere, neque defectum humidi roridi in toto aut A  
in ea ipsa parte sectetur, quod alioqui ad veram, ger-  
manamque sitim necessarium illis esse videtur; quod  
enim per arteriam non nihil descendat, manifeste de-  
clarauit Hippocrates in libro de corde, inquit etenim  
homo multo maximam partem in ventrem bibit, gula  
enim siue stomachus velut infundibulū potus copiam,  
& quæcunque volumus, excipit: bibit autem & in gut-  
tur, ac arteriam, minus vero & quantum latere possit  
per rimam illapsū; operculum enim exutum epiglos- B  
sis, ligula, seu minor lingua appellata, ne permiserit  
quidem aliquid amplioris potus penetrare; hoc etiam  
confirmauit experimento, signum inquiens illius rei  
hoc esse, quod si quis admodum sitienti animali aquā  
rubrico intinctam colore bibendam dederit, præsertim  
suibus (hoc enim pecus non est curiosum, neque mun-  
ditiei deditū) paulo autem post ipsius guttur reseccet,  
inueniet ipsum eodem intinctū colore, quasi vero per  
eam partem humor allapsus esset, id quod etiam satis C  
manifeste declarauit altera historia in libro de aere, a-  
quis & locis, & Galenus subscripsit eidem opinioni, o-  
ues inquit plurimas interisse simul, vnde custodes id  
quomodo euenisset ignari, secuerunt nonnulla corpora,  
& inuenerunt thoracis cavitatem, ipsosque pulmo-  
nes fluctuantes in humore subuiridi: erat autem is ex  
aqua palustri, quam biberant eadem die, & hoc etiam  
tacendo videtur asseuerare medici cū in affectibus tho-  
racis vtuntur quibusdam pastillis, ac lambitiuis, & om- D  
nino potibus cum cocleari iubentes vt sensim hæc de-  
scende re sinant ægorantes, in quibus profecto delude-  
rentur omnes medici & ægroti, nisi fieri posset vt ex eis  
pars aliqua in locum illum descenderet, sed etiam Hip-  
pocrates causam subscripsit, quamobrem pars aliqua  
potus per arteriam descendat, de corde sic dicens: (Ha-  
bet

- A** bet sane cor ipsum humiditatem tantam, quanta satis est æstuant in medelam, cæterum hunc humorem cor emingit bibendo ipsum assumens, & consumens, pulmonis nimirum potum lambens, quibus (vt videris) asserit cor potum frigidum, humidumque ad se se ex pulmonis potu attrahere, vt feruor caloris moderetur, vtque sufficere valeat ad necessarium motum, nam si contrahat siccitatem ipsum, aut pulmo, certe ad motum illum redduntur inepti; sed en im commodè potest hic
- B** humor se se insinuare per has partes, quoniam membrana, quæ illas subcingit, est vna & communis etiam cum palato, & faucibus; ac per rimulas extremæ partis arteriæ res, quæ humida est, & fluxilis potest ingredi, & sensim illabendo descendere, atque ita fatetur si potus acruatim descendat ciere tussim, strangulatus, & tormenta, quoniam contra respirationem opponitur: si vero sensim & quasi per parietem descendat nec aeris elationi instare, neque ob id tussim promouere.)
- C** Aristoteles præterea tertio de partibus animalium cap. sexto omnem prope causam sitiendi, ac non habendi sitim retulit in pulmonem, quapropter dicebat, uivipera, quæ pulmonem habent densiorem & magis sanguineum, ac propterea magis calidum, aliorum comparatione nimium sitire, ac plurimo egere potu, sed ouipara cum pulmonem habeant fungosum, ac prope similem spumæ minus sitiunt, & bibunt; quædam etiam omnino abstinent propter illorum excessum, tum etiam quia coniungitur ineptitudo & inconcinnitas rostri, multaque necessitas uolandi celeriter, quapropter (ut antea dicebam) cibus uestuntur humidioribus nempe crudis carnibus cum multo cruore, id etiam confirmauit iterum octauo capite eiusdem libri, ubi uesticam inquit nequaquam traditam esse cunctis animalibus, quoniam aliqua pulmonem non habent, alia uero exanguem &
- D**

fungosum, cætera vero propter caloris excessum qui in A  
 ea ipsa parte continetur & congenitam siccitatem, soliditatemque maiorem frequentius, vberiusque egent potu, vt refrigerentur, atque humectentur; quapropter si pulmonis ratione tota pene oritur occasio sitis, quomodo fieri potest ne ex potulenta materia aliquid in eum locum illabatur? sacus enim quæ semel exorta est sitis, nunquam deficeret, nulla re prorsus accedente, quæ possit illos excessus caloris & siccitatis quantum in B  
 modelam satis est moderari. Nisi quispiam dicat assumpto frigido ac humido potu in vëtris cavitare mox totam naturam recreari, ac totius caloris feruorem obrundi; quemadmodum sola accidit refrigerata manu, siue auricula, quoniam calor est vnus, natura vna, consensus vnus, & conspiratio vna, vt ait Hippocrates in libro de alimento, & quamquam illarum partium natura nonnunquam est occasio vel causa sitiendi, ipsam nihilominus sitim nunquam nisi consentiente ventriculo fieri. Sed hæc responsio non esset satis in proposito, C  
 quoniam manifeste videmus humore plenius fluctuante in ventriculo, sitim nihilominus fieri si caloris incendium, & siccitatis excessus in ipso fiant thorace, nonnunquam etiam quod vidi præteritis diebus in quodam egrotante, cui ex longo itinere in estate media aruerant pulmones & partes omnes spirituales, qui nunquã poterat vllis expleri potibus tametsi perpetuo biberet, & cum venter ob potum tumeret, sitis tamen erat inextincta, hinc possum colligere nec totam sitim in ventriculo generari, ac necessarium esse, vt non nihil per rimas tanquam per parietes descendendo elabatur in pulmonem; vt feruor eius partis ac cordis cõpensetur, & siccitas quantum ad motus necessitatem satis sit, obfundatur, vel totius corporis contactu, vel consensu & D  
 vapore qui per carnes sibi viam parat, inditium quoque illius



- A** illius est, quòd fistulæ quæ in thoracis cavitatē sedem habent, plurimam enuctant sanie, ac prope dixerim aquam: & mirum profecto est, ut è capite descendens pituita in thoracem descendat, eorum vero quæ bibuntur, nihil prorsus illabatur, quin etiam Aristoteles vigesima septima problematum quæstione secunda, & tertia, metuentes inquit plurimum sitire, quoniam calor eorum ad intima cordis recurat, & spiratio ijs adeò retrahatur, ut loqui non possint unde sitibi calor immensus, & siccitas, ac propterea sitis inexhausta.

**Quomodo fiat fames, & sitis. Caput VI.**

- Q**uoniam singulæ partes tempore necessitatis avidè trahunt alimentum aliæ ab alijs, quousq; tandem tota vis tractionis & suctionis perveniat ad ventriculum, quippe qui constitutus erat, ut pro cunctis totius partibus alimēta suscipiat atq; ministret, accidit fortasse, ut quandoque alimenta non habeat, quamobrem tristis efficitur sensatio ob illam deficientiam, & desiderium exoritur, ut convenientibus repleatur cibus, atq; potibus, namque si solidi tantummodo existat, atque omnino alimenti famem hanc concupiscentiam appellare consueverunt, sin autem roridi alicuius floris, non cibi, sed potus gratia tantum, hanc proprio nomine sitim nuncuparunt; attamen videtur hoc valde difficile, ut ventriculus, vel alia quævis pars illi proportionè respondens suctionem illam sentire valeat, quoniam suctio est quidam motus, hic autem vnum est ex sensibilibus communibus, quemadmodum patet, sed cōmune sensibile non cognoscitur, nisi determinetur à sensibili proprio; ut censet Aristoteles secundo de anima; hoc itaq; sensibile proprium nisi adest, nequaquā fiet, ut ventriculus cognoscat nudam suctionem.



Hieronymus Pontanus præceptor meus, quem honoris A  
 causa nomino, peregrinie satisfecit huic difficultati, ut  
 pore quòd suctio cum motus sit, calorem quendam ef-  
 ficat, motus enim, ut inquit Aristoteles secundo cœli  
 quatragesimo secundo, & primo Metheororum capite  
 quarto, natus est generare calorem, atq; hoc pacto for-  
 talis generatur ille calor uentris, quem tempore famis  
 anima duerrimus cum molestia, quapropter suctio, & si  
 motus sit, sentiri tamen potest ab ipso uentriculo: neq;  
 uero absurdum esset si nullo prorsus aggenerato calo B  
 re, suctionem tamen hæc pars cognoscat, quandoqui-  
 dem suctio uiolenta uidetur attrahere partes ipsas uen-  
 triculi, & conuellerè, non sacus ac si digitum ore com-  
 prendas, seu partem quamuis aliam & ualide sugas,  
 sentiret profecto digitus illam suctionem, attrahunt  
 etiã ceteræ partes & in primis hepar ab eodem uentre  
 proprias humiditates tempore defectus, illæ autem si-  
 bi familiares erant, ac si quis eas reuellat, & sugat ui-  
 olenter, nisi pars stupida ipsa fuerit, tum cognoscit, tum C  
 etiam tristatur, sic enim mammarum papillæ lactis su-  
 ctionē sentiunt, ipsum uidelicet sugente puero: nihil  
 autem mirū est tamen si suctio sit motus, nam si fiat in  
 parte ipsa sentiente sic ut ipsa uiolentum motum patia-  
 tur facillime cognoscit, sentitur etiam ubi inhæreat ali-  
 cui rei familiari, quæ magnis conatibus attrahatur, quæ  
 admodū dicebamus per ipsam suctionem attrahi pro-  
 prios humores uentriculi à ualida scilicet iecoris attra-  
 ctice, & propterea uenterculus agrefert istam suctionem, D  
 nam sibi uidetur etiam conuelli & extenuari, ita-  
 que pro tristi sensatione, atq; molesta tum corrugatur  
 & ad se ipsum quoad fieri potest reducit, tum etiam  
 extrinseca desiderat alimenta ut cibus repleatur, ac satis  
 faciat cunctis particulis attrahentibus, eamq; ob rem  
 dicitur fames sensus suctionis, vel sensus indigentia:  
 sunt

- A** sunt enim causales dictæ definitiones, utpote quod fames suctionis ac defectus ratione fiat, ipsa enim esurientes per se vel sitis desiderium est suctionis, defectusq; ratione profectū, ipsa quoque per se ipsam alimenti deficientia est iniucunda & molesta vetriculo, quoniam tū alimenti gaudet contactu, ut matrix semine, tum etiam ipso nutritur, & calor proprius qui quidem vehemens est, nisi alimentum habeat pro pabulo, atque concoquendo perficiat propriam ipsius dissipat substantiam,
- B** & sequitur ob id tristitia atque molestia cum imbecillitate caloris: necessarium est igitur ut pars illa vehementer appetat impleri cibis, & potibus, neque vero mirū est, ut sensum huius rei habeat, nam auditus non solū cognoscit sonum, sed silentium, visus cognoscit lucem, & tenebras; eodem itaque modo sensus ventriculi plenitudinem natus est cognoscere alimentorū, & eorum pariter defectum, assimilarem equidem hosce defectus & repletiones nummorum defectui & plenitudini, ut
- C** enim plenitudo appetitum explet eorum, & voluptatem affert insignem, ita indigentia est causa desiderij & tristitiam adducit; sed quoniam in huiusmodi defectu fit aliqua fortassis intemperies sicca, propterea non erit solum cognitio priuatiua, multoque etiam magis si suctionem coniungamus, cuius tanta vis est atque potestas, ut quandoq; inappetētia fiat, si lactes ita obstruantur, ut iecur attrahere ad se se alimenta non possit, aut si vel hoc vel illo etiam quod communis adsit obstrutio siue partium imbecillitas fiat atrophia, quam nostri nutriendi defectum appellarunt; necessaria tamen tantopere est sensus conuersio, applicatioque, ut saepe quamuis naturalis fames efficiatur ac sitis, & causæ omnes vrgeant propter uehementem indigentiam, fames nihilominus & sitis dicta animalis nequaquam generatur, sicut accidit delirantibus quibusdam, quibus adeo conuersus

conuersus est totus sensus, ac totius animi vis in vanas **A**  
 quasdam imagines & deliramenta, vt nulli præterea  
 rei se admoueat, quapropter non animaduertunt neq;  
 suctionem, neque indigentiam, itaque cum multa alio-  
 qui sit necessitas potus & cibi nunquam neque potum,  
 neque cibum postulant, desiderium enim sectatur co-  
 gnitionem, & constantem animi applicationem, non  
 sæcus etiam fit aut paulo minus si negotijs aliqui vehe-  
 menter incumbant, solent namque cibationis horam  
 obliuisci, quasi vero non egeant, ob id vero etiam fit, **B**  
 vt post consuetudinem aliquam eadem semper hora  
 nisi aliquid prohibeat, fames ipsa repetat, tunc enim  
 adhibita memoria mouetur sensus illius partis, & cum  
 indigete se sentiat, agrefert, sæpe etiam sola ipsa con-  
 suetudo satis est, nam etiam dormientes certis quibus-  
 dam horis expergiscuntur, cum sensus aliàs consuene-  
 rit eadem hora vigilare, & è somno surgere, etenim  
 consuetudo est sensui pro lege.

De his quæ comeduntur, & bibuntur, siue de  
 extrinseco alimento. Caput VII. **C**

**C**onsueuimus extrinsecum alimentū appellare om-  
 nem cibum, atque potum, qui cibi gratia assumat-  
 ur, attamen alimentum ipsum magis quàm ille patet,  
 quoniam ad uiuens ut uiuens est, refertur; itaque con-  
 uenit etiam plantis, cibus autem ad animal dicitur, ni-  
 si forsitan per quandam translationem plantarū quo- **D**  
 que extrinsecum alimentum lubeat appellare cibum  
 ipsarum, id multi qui de ipso sunt locuti in multiplicē  
 speciem diuiserunt non omnes tamen eodem modo;  
 neq; ab eodem sumpto principio; quidam enim agref-  
 si sunt diuisionē ex vario genere parparationis, loquen-  
 tes potius ( ut mihi uidetur ) de humano, quàm cōmu-  
 ni ani-

**A** ni animalium uictu : alij per diuisionē fecerē à primis  
 qualitatribus : alij ex uario modo substantiæ , atque alij  
 alijs modis , prout uidebatur conueniens. Mihi uerò  
 vnum illud uidetur necessarium, ut explicetur, quapro-  
 pter ortus est hic uarius usus in cibo & potu, etenim ho-  
 mo familiarissime nescitur pane, equi hordeo & auena,  
 quædam etiam uescuntur herbis, alia carnibus, alia  
 multiplici fruticum genere : ac præterea cur nonnullis  
 de genere cibi tum humidi, tum sicci sine fastidio uti  
 ualeamus, utpote cibo quem triticea ex farina confici-  
 mus, uino insuper, & aqua, alijs uero quamuis suauio-  
 ribus toties sine fastidio nequaquā uti ualeamus. Ma-  
 nifestum plane est, quòd omnia illud appetunt, quod  
 est propriæ naturæ familiarius, & magis accomodatū,  
 ac quemadmodum necessitate nutriendi opus fuit ali-  
 mento, ita secundum necessitatem, commoditatemq;  
 cœperunt animalia cibum captare, & ubi potuerunt,  
 magis utique gratum ac conuenientem elegerunt, sæ-  
 pe uero necessitas legem ponit, & parit quasi naturalē  
 consuetudinem, & communem habitum cōgenitum;  
 pisces enim necessitate coacti, ac potissimū quia uora-  
 ces sunt, cum cibo cito defluat, cognatis uescuntur a-  
 nimalibus; quod etiam accidit auibus qui cibum ex ra-  
 pina uenantur, nam multa cupiditas necessitatem im-  
 ponit, atque eiusmodi mihi uidetur esse singulorum  
 uictus secundum naturam, quem uenter ipsorum fami-  
 liariter amplexatur, calor conficit, & quibus optime  
 nutriuntur, quique fastidio nullo afficiat tempore, nisi  
 propter exuperantiā. Nobis porro familiarissimus  
 est cibus ex triticea farina confectus, quem panem ap-  
 pellamus, unde quærebat Aristoteles uigesima prima  
 sectione problematum quæstione secunda, quamobrē  
 cibus hic nostris corporibus est competētiore & nescen-  
 tiore, quàm hordeaceus. Responder hunc uictum me-

diocrem habere lentorem, quem cibus habeat, oportet, quippe qui adhærere, conglutinarique corpori debeat, quæ res non nisi lentore fieri potest, hordeum vero rigidius est, sed vim etiam consuetudinis hic potes intueri, neque enim omnes homines totius vniuersi vescuntur pane triticeo: quidam etiam sunt carniuori, & caro est illis pro cibo conuenienti, ac nonnulli humana vescuntur carne, quidam earent tritico, & vescuntur cibo ex farina aliorum fruticum confecto, nonnulli vtuntur maizzo appellato semine, alij hordeo, alij auena, aut horum cognatis, quidam etiam in Regno Neapolitano volebat conficere panes ex ari radicis polline atque farina, & pollicebatur hoc fore magnæ utilitati citra noxam salutis, res plane absurdissima, cum eius farina substantia & viribus adeo distet à triticea farina nobis alioqui familiarissima, & medicamento potius illa radix vim habet, quàm cibi, illumque lentorem conuenientem, qualem nobis Aristoteles familiarissimum esse, ac prope dixerim necessarium, asserbat, non habet: relinquo præterea si tanquã radix conueniat humanæ naturæ; alijs porissimum antea consuevit; hoc enim excedere videretur limites nostræ tractationis, tamen si propter necessitatem Cæsaris exercitus, aliorumque Romanorum pane vterentur ex radicum farina confecto, cum vero panis triticeus lentorem hunc dulcem ac medicum habeat, qui quidem est velut anima tritici, temporemque utilem concoctioni; propterea tum nobis placet, tum cæteris commixtus conducit, nam cuncta bene commiscet; & in vnum coit, lentumque efficit alimentum satis præterea ad nutriendum cõueniens: sed quoniam panis ipse ob id densari facillime potest, propterea non vt signū modo prauæ alicuius dispositionis panis repletio est pessima, sed quoniam densatur admodum, & in prauam abit corruptionem; hinc etiam fit,

- A** fit, vt non statim ex ventre profluat, ac si vino misceatur tum nutriat vberius, tum etiā diutius permaneat, quoniam vinum per se alit plurimum & siccatur suo calore, quoniā tennes partes in vaporem digerit, quapropter ossa panis vino diluta diutius seruare potest citra desiderium noui alimenti: habet præterea panis dulcedinē quandam neque admodum plenam, neque nimis insipidam prope similem lactis dulcedini, quod nobis familiarissimum est initio generationis, vt cibus naturalis, postea vero cum calor solidiora vult alimenta robustior factus, ac partibus ipsis effectis solidioribus incipiunt alia esse iucundiora: reliqua vero esculenta, quæ neque secundum naturam, neque ex consuetudine aliqua sunt nobis eodem modo familiaria pro tempore cupiuntur sine fastidio, præsertim si cito famem sedent vt dulcia & pingua, aut exundent in stomacho, siue reliquias ingratas deponant: ea enim appetentiam obtundere cōsueuerunt, aut si ventriculum ipsum hebetent,
- C** laxent, ac tale aliquid faciant, siue in ipsa decoctione quomodolibet molestiam afferant. Cum autem plurimæ quæstiones oriantur spectantes cibo, & potui diuidemus eas trifariam; etenim nōnulla contingunt ante cibationem, aliqua dum cibi & potus assumuntur, alia denique post ipsam assumptionem, primo nimirum ordini tres quæstiones præcipuæ accommodantur, prima earum est, quamobrem famis tempore calor quidā & ille non exiguus sentiatur in ventriculo: secunda cur
- D** oscitamus frequenter: tertia cur si nimia intercipiatur mora ita vt tempus cibationis prætereat plerunque famis sedetur, ab alijs quæstionibus abstinere, nempe cur fiat abolita appetētia diminuta aut deprauata, quoniā alterius fortassis egent tractationis. Ad eas igitur me conuerto, & quantum ad primam pertinet, aio cauitatem ventriculi, si inanis existat, plenā esse aere den-



fiore, qui quidem calidior fit in loco tepido si diutius **A**  
 permaneat & non permuretur; itaque caloris sensum  
 mouet in illa parte, eoque potissimum tempore propter  
 suctionem, quæ per se ipsam calorem efficere potest.  
 Ad secundam respondeo, quod propter ingens deside-  
 rium, & cibi auiditatem ventriculus & esofagus, ac  
 musculi omnes, qui in extrema illius parte inhaerent;  
 hiant; itaque propter consensum hiat etiam os, & oscita-  
 tio generatur: ob sitim vero non fit, quia siccitas partes  
 potius contrahit, ac dolorem parit, ac prope illatum **B**  
 partium immobilitatem; itaque anhelitus ille sequitur  
 ingentem auiditatem & molestiam, vel etiam fit ob quan-  
 dam sensus & caloris molestiam: tunc enim labores  
 patitur, & imbecilliores fieri sibi videtur alimenti de-  
 fectione non itidem potus, ac propterea partes illæ, quæ  
 cibo accommodantur, dilatant se, & pandiculantur, ut  
 molestiam prope deponant, & interdum etiam ratione  
 cuiusdam caloris qui molestus est, & remissionem, refri-  
 gerationemque desiderat, eoque magis cum sursum sub **C**  
 id tempus calidus ascendat vapor, qui partes illas tene-  
 ras, quæ in extremo sunt gutturis & esofagi replet, affi-  
 citque molesto sensu, adeo ut exonerare se dum cupiunt,  
 prope assurgant, ac se dilatent: solet etiam oscitatio hæc  
 esse præludium somni, vel quod eo tempore plurimus  
 vapor respiret ad partes superas, vel quia dum somnus  
 instat, laxitas quædam oboritur, sensusque molestia, &  
 pigritia etiam motus; itaque molesta & fastidiosa vide-  
 tur respiratio cum sensum ahibemus, & partes illæ quæ **D**  
 sunt in perpetuo labore sibi ipsis videntur esse oneri,  
 quapropter dilatant se, ut onere ab illo leuentur, ac mo-  
 lestiam illam deponant, vel si caloris salutem esse fatea-  
 mur, cum multa simul fiat intus susceptio frigidioris  
 aeris, ac vicissim calidæ fuliginis emissio, mirum non  
 erit si fiat instante somno & fame, nam somni calorem

con-



- A** concludunt, partim etiam imbecillitatem quandam afferunt, celeres autem defectiones per se ipsas hoc faciunt; ob famem vero vult corpus impleri, & quoniam partes illae extremitatis arteriae, esofagi, ac musculorum etiam; qui ibi desinunt mouentium mandibulas quadam lassitudine calefactoria perpetuo laborant, & calidi spiritus plenitudine homini potissimum propter rectitudinem figurae, & maiores corporis, animaeque suspensiones, propterea modica occasione adhibita
- B** oscitamus, nempe si alterum hiantem suspiciamus, exigua nimirum adhibita consideratione mox sensus illarum partium mouetur, & laxatis habenis se ipsas dilatant, & pandiculantur: cum enim laboramus quiescente aliquo ad eam quoque alij alliciuntur, & quoad tenus trahuntur ad quietem, & fit ille consensus, quem sympathiam appellant. Tertia difficultas facilem plane habet solutionem, nam tempore illo, quo fames instat propter alimenti indigentiam, & validam suctionem
- C** ventriculus humores pro cibo à cunctis partibus reuellit: itaque fit tenuium humiditatum plenitudo eneruans vires ipsius, ac propterea famis tentigo emarecescit, quae deinceps humido dissipato vehementius repetit. Dehinc vero tres aliae quaestiones emergunt penes ipsam cibationem. Prima quidem est si dulcia sunt adeo amica naturae, mirumque immodum placent, quāobrem cito famem explent, quamuis modice assumuntur, ut qui vescatur cibis dulcibus, confestim satietatē,
- D** ac plenitudinem sentiat, ac famis omnino desiderium obtundatur: huc etiam pertinet quare pingues cibi cito famem expleant, & satietatem quandam submolestant atque iniucundam afferant. Secunda quaestio est, cur vinum post dulcium esum ebibitum displiceat, a qua vero voluptatem afferat. Tertia demum est, quare acerbæ, & austera ciborum aueritatem augeant.
- Primam

Primam quæstionem tetigit Aristoteles vigesima secun- **A**  
da problematum quæstione tertia, & inquit (Cum a-  
cria non ualde nutrire queant, sed parū alimenti mul-  
tum uero habeant excrementi, merito amplius hæc ap-  
petimus, parumque eorum cupiditatem explemus, at  
dulcia tota ipsa cibus idoneus sunt) patet igitur cense-  
re Aristotelem ob id dulcia famem cito sedare, quoniā  
tota nutriunt: huic solutioni propter Aristotelis reue-  
rentiam nolo contradicere, quamuis facile possem, nā  
partes eo tempore non cœperunt sentire nutriendi be- **B**  
neficiū: attamen satietas fit, ac forsitan nonnulla, quæ  
magis nutrire possunt, quàm saccarū, minime hanc af-  
ferrent satietatē. Ego ob id censeo contactum ciborū  
dulcium in ventriculo esse tam blandum, & suauem,  
ut uenter ipse laxetur, quemadmodum laxatur &  
dilatur uermis attactu caloris iucundo, ac totus di-  
latatur aper prægrata prurigne in densa cute, ita uero  
satietas fit accedente etiam uaporosa per totum uen-  
trem plenitudine non ingrata, ut prope totus cibus si- **C**  
bi uideatur, uenter autem si debeat appetere, ue-  
hementer debet arrugari, & familiariter amplecti ali-  
mentum, ac robur seruare suarum partium, quod etiā  
fit ex alijs quibuscunq; rebus plenioris saporis, & opti-  
me aromatum generibus conditis, tum etiam quia ex-  
undationem quandam in uentriculo faciunt, & calori  
uberius, celeriusque satisfaciunt, & spiritus quamprimum  
atque uberrime reficiunt, ut nimium illis habere,  
quamuis modicum sit, uideatur. Cæterum de pin- **D**  
gui uictu, aiunt ferè omnes ipsum explere appetitum  
celeriter, quoniam supernatat in uentriculo cum par-  
tibus constet igneis, & aereis; quapropter minus conco-  
qui potest. quæ enim supra feruntur, propterea quòd  
minus tangi possunt ab actiuo, & à loco magis distant  
calidioræ ægre concoquuntur, & uenter ipsa auer-  
satur

- A** satur tanquam inepta ad coctionem. Ego existimo pingua cuncta renacem quādam habere substantiam, ac prope inuincibilem, & incorruptibilem ob suæ naturæ modum, itaque uirtuti ipsi alteranti & concoquenti onus molestū esse videntur: semper enim supra manet aliquid in ventriculo, essetque ipsum iniucundum, & nisi potus multus existat certe nequaquā supernarent pingua; attamen satietatem facerent: vel potius illud est, quia pingue tristem ac molestam facit sensationem
- B** ventriculo & partibus fermè omnibus per quas transit alimentum, quoniam lentum est, & lubricum, quamobrem adhæret tenaciter, & poris se se insinuat, videturque insipidum quidam, hoc autem molestū est ventriculo, & cuilibet parti, quæ uult esse expedita, ita etiā uidemus si seuum, uel tale aliud pingue illinatur palato & faucibus, præsertim uero equis satietas fit, & famis extinguitur desiderium, ipsa uero pingua si frigida sumantur magis displicent, nam frigiditas facit hæc apparere magis insipida propter frigiditatem emarcescente sapore. Ad secundam autem difficultatem respondeo quod uinum post dulcem cibum epotum facit apparere quendam saporem medicamentoſum, siue dulcem acrem: uinum enim si ualde dulcibus, quale est saccharum, aut mel misceatur ad uomitum fermè ciendum est idoneum, uel quoniam ex tota substantia pranam, atque inconcinnam efficiunt mixtionem saltem ex qua dam actione in sensum, cum unum uelit contrahere,
- D** alterum autem laxare instrumentum gustus, quamobrem fit molesta applicatio, sensatioque iniucunda, id quod etiam in aliorum sensuum obiectis obseruamus, nam quidam inter se colores non bene coeunt, neque soni aut odores. Alijs fortasse uideretur cum utrumque gratum sit seorsum, uinum non nihil displicet post dulce, quia proprius, utriusque sapor obtunditur, atqui ingra-

ingratum est sensui non posse gustare iucundum ali- **A**  
 cuius saporem sicut est in se ipso, aqua uero nullū cor-  
 rumpit saporem, & tanquam frigida post dulciū esum  
 per se ipsam placere potest. Tertia difficultas paruo  
 videtur egere negotio, quoniam manifestum est, vt re-  
 solutio, laxatioque ventriculi inappetentiam ciet, par-  
 te nimirum ipsa enervata, atque illius robore dissolu-  
 to, sic è contra illius corrugatio facit appetentiam, quo  
 niam virtutem in vnum colligit, & nervosam substan-  
 tiam intendit, additque illi robur: ob id itaque non si- **B**  
 ne ratione credimus austerā & acerba per se appetitū  
 augere, quippe quæ ventriculum contrahere, & corru-  
 gare valeant. Adhuc autē tres aliæ difficultates emer-  
 gunt, postquam assumptus est cibus: prima quidem  
 est, quæ propter post cibationem extrema refrigerentur,  
 & horror nonnunquam fiat: altera cur cibo assumpto,  
 nisi modum superet, corpus minus ponderet, cum alio-  
 qui maius pondus habere deberet propter plenitudi-  
 nem: tertia deinceps cur ficus, tametsi nouissime assu- **C**  
 mantur, per vomitum postremo respondent, quod Eso-  
 pus recenset in fabellis. Primæ difficultati medici pro-  
 pe omnes respōdent hoc pacto, quòd assumpto extrin-  
 seco alimento, calor qui actione hac & fomite per ci-  
 bum ministrato delectatur, assatim cotruit in ventris  
 locum, quamobrem extrema refrigerantur. Aristote-  
 les vero trigesima quinta sectione problematum que-  
 stione nona inquit, quòd cibus frigidiusculus admissus  
 vincit principio magis naturalem calorem, quàm vin- **D**  
 tatur; cum itaq; vētriculus refrigerationis sensu afficia-  
 tur, pars alioqui satis neruea, consentaneum est, vt quā-  
 doq; inhorrescamus, & extrema refrigerentur. Secun-  
 da etiā difficultas facile diluitur; accidit enim vt corpus  
 in defectu cibi sit debile, & caloris vis minus ipsum pos-  
 sit sustinere: huic enim motus ascribitur conicus, a  
 etioque

- A** Etioque perpetua, cum sustinere atque efferre debeat totius corporis molem, idcirco per inædiam corpus nimis grauitat debilitato calore, cum vero cibus assumptus est, calor reficitur pabulo, & vires acquirit, quæ propter fit, ut corpus minus ponderet, quantum enim magis ponderat corpus mortuum præ viuo, tantum prope cibo inanimum ac debile effectum magis ponderat pleno. Tertiam difficultatem soluit Aristoteles vigesima secunda sectione problematum quæstione prima, & ait hoc fieri propter grauitatem: ob id enim descendunt in imum ventris, & cæteris subsident esculentis, quod multis visum est ex mente Aristotelis eodem loco esse proprium cunctorum fructuum, cum dicat, cæteris esculentis pomorum genus grauius esse, ipse tamen hoc nequaquam censet, sed quærit his verbis, quæ ob causam poma non ita prius, ut postea ingesta in repletionis mole respondeant, sensus quæstionis est, quæ propter fit, ut poma si prius assumantur, postremo euomantur, ea vero si sumantur postremo, primo respondeant; causa inquit illa est, quod genus pomorum est graue, itaque in imum descendit, partemque superius relinquit inanem, ut secundo aduenientem cibum admitat: ea igitur prius euomuntur, quam poma; sed si hæc postremo assumantur, superiorem partem occupant, cum expedite non possint descendere propter alia: tunc igitur primo respondeant, necesse est. Responsio hæc (ut arbitror) non est Aristotelis, sed alterius qui forte addidit illud problema: si enim velimus eam accommodare propositæ quæstioni de ficu, non est ad propositum, & perperam ille hoc addit exemplum in corroboracionem, siquidem ait ficus etiam nouissime esitata, postremo respondere, poma autem quamuis gratia sunt nouissime esitata statim prodeunt: propterea sciendum est, multiplicem esse causam cur aliqua per

vomitū serō reddantur, prima est ratione partis ipsius **A**  
 sentientis, ea namque res sibi magis familia res seu mi-  
 nus ingratas serius euomit, altera ex parte eorum, quæ  
 assumuntur, nempe si lubrica sint & grauiā, nā vtriusq;  
 ratione in imum descenderent, & subterfugerent conā  
 rum euomentis particula: tertia si viscosam quandam  
 habeant consistentiam; ob id enim slegmatis quodam  
 genus viscosum & viscidum vix magnis conatibus po-  
 test excerni; sicus itaque cum actione caloris viscosam  
 quandam naturam assumant, quæ tenaciter adhæret **B**  
 tunicis ventriculi, propterea post cætera respondent in  
 repletionis mole; argumentum namq; huius est, quod  
 ita apparet cum reddantur, tum etiam quia dum co-  
 meduntur succus ille lacteus, qui manibus adhæret,  
 modica actione caloris eiusdem partis viscosus effici-  
 tur adeo, vt digitis quodam gluten illitum esse videat-  
 ur, id etiam interna declarat substantia, tenax enim  
 est & viscosa, cum aruerint.

Quamobrem sitis multo difficilius feratur, quā  
 fames, & quomodo fieri potest, vt eadem par-  
 te, nimirum ventriculo nos simul calida, &  
 frigida desideremus, potum scilicet frigidū,  
 cibos autem calidos, & eorum quæ comedun-  
 tur, ac bibuntur quamobrem nonnulla cali-  
 da, aliqua vero frigida desiderantur. **D**

#### Caput VIII.

**E**Xcitauit Aristoteles eam quæstionem, quapropter  
 animantes magis agreferant sitim, quā famem  
 vigesima octaua problematum quæstione quinta, & fa-  
 tetur hoc eam ob causam euenire, quoniam sitis res est  
 magis



- A** magis anxia cum aduerfetur rei fuauiori, aut quoniam calor natiuus humidū magis quā ſiccū deſiderat, aut quoniam ſitis eſt libido duarum rerum, potionis inquam & cibi, fames vero vnius tantum ſcilicet cibi, id quod etiam ſequenti quæſtione confirmauit: quoniam vero perſpicue videmus hoc non eſſe omnibus animalibus commune vt ſitim ægrius, quā famem tollerent, quædam enim potum deſiderant exiguum & raro, cibum contra vehementius auent, propterea rem
- B** non inutilem facturum exiſtimaui ſi cauſam prius huius diuerſitatis explicem, tum vel magis quoniam huius problematis explicatio non parum momenti habet ad explicationē alterius: vidimus enim in præcedentibus eſſe quædam animalia, quæ vel potum non deſiderant ob frigiditatem naturæ & modum alimentorum, quibus veſcuntur, quemadmodum ſunt exanguia, ac poſtiſſimum inſectorum genus, eaque omnia quæ pulmonem non habent, quemadmodum ſunt piſces, aut illū
- C** fungoſum admodum & exanguem, cuncta hæc parum, vel nihil ſitiunt, ciborum tamen ſunt auidiora, & cum bibere videntur, cibi potius, quā potus gratia bibunt. Alijs contra euenire debet, vt potum vehementius appetant ſi pulmonem habeant contrariò modo affectū, quemadmodum eſt homo, & aliorum plurima, vidnamque ſemel ſitientem mulam ex alto ſe præcipitem dediſſe liſtore, dummodo potandi deſiderium expleret, & febricitantes homines maiora his faciunt, non
- D** nulli etiam cum nimium abſtinere coguntur, celerem mortem oppetunt, quemadmodum obierunt plurimi cōmilitones Caroli quinti Imperatoris cum ad Africa liſtora cōmigraret, quapropter ego exiſtimaui ſitim eſſe moleſtiſſimam huic animantiū generi, quoniam ſiccantur interea pulmones, & calor cordis, earumque partium pene auctus ſuffocatur, hoc autem moleſtiam



affert, & dolorem, cum periculo etiam non vacet: ita- **A**  
 que nihil mirum si potus tantopere desideratur, talem-  
 que illius defectus afferat anxietatem, cum humidi, fri-  
 gidique indigentia sit magno incommodo huic neces-  
 sariæ actioni respirationis, atque caloris faciat molestā  
 passionem, nec alia ratione arbitror hunc esse causam  
 interitus, postquam manifeste patet, potum, si sit aque,  
 non nutrire, sic vt deperditam substantiam reficere pos-  
 sit, hoc enim præstari per cibi assumptionem consenta-  
 nec omnibus videtur, atq; his postremo accedit, quòd **B**  
 fitis est desiderium multarum partium, plures fines at-  
 tingens. Quantum uero ad cibi desiderium attinet, in-  
 quit Aristoteles quarto de partibus animalium cap. quin-  
 to, omne insectorum genus minime contentum esse a-  
 limento, quippe quæ sibi ipsa sufficere ualent non tam  
 corporis exiguitate, quàm caloris remissione, tametsi  
 nonnulla eorum, ut muscæ nunquam uideantur exple-  
 ri cibis, quoniam parum assumunt pro uice, & multū  
 absument ob uegetem motum, illud enim quod cali- **C**  
 dum est, cibū desiderat, & cito concoquit, contra quod  
 frigidum cibo carere facile potest. nam proprius calor  
 minus absument, ac propterea fatetur cicadarū genus  
 maxime omnium ieiunum esse, quoniam ipsis pro ali-  
 mento satis est humor proprius, alia uero quæ calorem  
 habent, ualidiorem uberius comedunt, quoniā calor  
 uehementius agit, ac prope substantiam dissipat: ter-  
 tio itidem de partibus animalium cap. ultimo recenset **D**  
 alia animantium genera, quæ paucò tempore possunt  
 ferre abstinentiam cibi, ea potissimum ratione, quoniā  
 cibus breui tempore manet in vētriculo, ac citius quàm  
 concoquatur, deijcitur: itaque breuis est usus fruendi,  
 quemadmodum inquit est omne genus piscium; hoc  
 enim lubricum est, quia modicus eorum calor solida,  
 quibus utuntur, ac frigida alimenta immutare non po-  
 test,

- A** test, minusq; propter ambientem aquam transpirant, & coniungitur ventris, atque intestinorum lubricitas propter innatam humiditatem, quibusdam etiam sola intestinorum natura id facit, utpote si recta sint & laxa, siquidem illorum laxitas aviditatem auget cibi, rectitudo autem accelerat, quapropter animalia, quæ continentiora esse oportebat ad cibi desiderium, hæc in sua aluo anfractus, orbisque plures continent: atque hoc modo patet quomodo in genere animalium nonnulla magis sitim alia potius famem ferant, & omnino ciborum quæ sint avidiora. Nunc explicandum est, quapropter potus desideratur frigidus, quæ vero comeduntur calida, & quomodo pars eadem contraria simul desideret: omnes videntur in hac re consentire, quòd sitis est appetitus frigidi & humidi, fames autem calidi & sicci (ut ait Aristoteles) ac propterea nihil mirum esse si esculenta optentur calida, potus autem frigidus, atque in eadem parte posse fieri eodem tempore desiderium contrariorum propter duplicem indigentiam, ac respectu, ut aiunt, diversorum, porro ob defectum humidi roridi, quod frigidum esse debet ob refrigeriū & salutem caloris appetitur potus frigidus, ob indigentiam autem humidi solidi quod sua natura calidū est, desiderantur calida esculenta. Mihi tamen videretur huic rei diligentius incumbendum esse, etenim neque omnia esculenta desiderantur calida, nec omnia potulenta optantur frigida, siquidem panem non cupimus actu calidum nisi exhibeatur in iusculo fructus omnes desiderantur actu, & potestate frigidi, bellaria, caseus & aliorum plurima potius frigida, quàm calida comeduntur, cucumeres, etiam pepones, & citreoli, quibus salutarium conficimus, quemadmodum sunt potentia, & actu frigidi sic etiam cupiuntur, eoque eduntur modo quomodolibet assumpti, si  
vero

vero etiam consideres cætera animalia, quæ opus hoc **A**  
 comedendi, & bibendi nobiscum habent commune, vi  
 debis ea non uti calidis cibis, sed optare calida seu fri-  
 gida, qualia illa sint, citra delectum, & fortasse potius  
 frigida autem comedere: quam obrẽ mihi videtur hunc  
 varium usum alimentorum esse propter consuetudinẽ;  
 & quandam peritiã, cœpimus namque assuescere in  
 utero vefei alimento sanguineo calido, deinde calido  
 etiam lacte, atque sub id tempus cœperunt nobis pa-  
 rari iuscula calida propter utilitatem caloris & coctio- **B**  
 nis, scilicet ut tũ alimenta ab igne alterata facilius con-  
 coqui possent, tum etiam pars ipsa concoquens ab ex-  
 trinfeco adiuta calore multo facilius cōcoqueret, nam  
 calor extraneus innatum fouet & adiuvat, & quoniam  
 aliqua desiderantur alimenti tantum gratia, alia vero  
 etiam ut refrigerent, quæ sunt in primo ordine consue-  
 uerunt optari calida, cætera autem frigida ut fructus, a-  
 lia itidem calida optantur, quoniam sic magis sapiunt,  
 alia vero frigida: sic enim videntur gustui suauiora, pro **C**  
 ut calor proprios immutat saporẽs, aut saltem in actio-  
 ne ad sensum præualet, ut proprium rei, quæ comedi-  
 tur, obtundat saporem, & rem faciat alio modo appa-  
 rere; sic itaque facillimum erit satisfacere huic propo-  
 sitæ difficultati, animaduertendo tamen desiderium ca-  
 lidi & frigidi, & in ventriculo non esse passiones contra-  
 rias, oportet enim esse respectu eiusdem, at tamen hoc  
 desideratur calidum, aliud vero frigidum.

**D**  
 Quod nam sit magis proprium, atque con-  
 ueniens obiectum sitis, aqua, vel vinum.

#### Caput VIII.

**A** Quam vero proprium, ac naturale obiectum esse  
 ipsius sitis, mihi videtur lyppis, ac tonsoribus esse  
 mani-

- A** manifestum, quoniam Philosophus demonstrationem huius conclusionis auspicatur à definitione: etenim sitis est appetitus frigidi & humidi, aqua vero per se frigida est & humida, vinum autem calidum secundum formam, tametsi frigidum sit secundum materiam, participatione videlicet aquæ, ut ait Aristoteles quarto Meteororum, patet igitur aquam primum esse obiectum sitis: quod etiam eo modo confirmatur, nam longe melius aqua potest explere omnem defectum, & indigentiam unde efficitur sitis, quam vinum; igitur ipsa est magis conueniens & accommodatum obiectum, probatur antecedens, quoniam siccitati per se ipsam optime satisfacit, nam humidissima est, & cuiusdam lentoris particeps, ut partim harere, partim etiam diutius seruari possit, vinum autem potius exsiccat in fine, tametsi initio humectandi vim habeat, caloris etiam feruorem multo quam vinum præstantius sedat, nam sua ipsius natura frigida est, vinum autem calidum, & propterea
- C** ad intrinsecum calorem accessionem facit; aer autem, tametsi humidus, & forsitan ipsamet aqua humidior, frigidusque euaserit, qualis in hybernis horroribus est, nequaquam tamē idoneus est ad sedandam sitim; quoniam oportet humorem esse paulo crassiores, & lentum: aer enim ob id non humectat, ut declarauit Aristoteles in problematibus, neque etiam sicca potest congregare alimenta, & fluida facere, & quemadmodum hic nequit satisfacere desiderio potus, ita neq; famem
- D** sedat, neque etiam odor, quamuis aliqui perperam existimant Chameleontem aere nutriri, & nos odoribus refici: illud enim falsum est, gaudet quidem aere, cum sit tanquam cavitās plena spiritus, ac perpetuo ob id videtur hiare, sed ubi necessitas urget, vescitur cibis sibi conuenientibus: alterum quoque absurdum est, nam odor recreat & consolatur calorem, & forsitan vapor
- so

so permixtus corpori, fumidæque ( vt aiunt ) exhalatio- **A**  
 ni posset instaurare spiritus, solidiores autem partes  
 haud posset nutrire, earum quippe nutrimentum mul-  
 to crassius esse deberet, interdum autem quod ad sitim  
 attinet, videmus eam sedari si iuxta fluuios, & fontes  
 maneamus, aut venti spirent ab austro, namque ijs in  
 locis & australi constitutione vel pluuia tum frigidior  
 est, tum densior multo vapore; is autē est aquæ disgre-  
 gatio, vt ait Aristoteles primo Meteororū, quapropter  
 sitim potest conciliare humectando, & caloris obtun- **B**  
 dendo feruorem, cum enim spiratione attrahitur, to-  
 tum humectat corpus, primum autem partes ipsas spi-  
 ritales, quæ nimium calent, & refrigerationis egent, ac  
 propter perennem motum, nimiam humectationem  
 desiderant; secus enim instrumenta ipsa redduntur ine-  
 pta motioni. Amplius aqua est potus magis naturalis  
 cunctis videlicet ab ipsa natura ministratus, vinum ve-  
 ro secundum naturam non est, sed potius secundum  
 peritiam, siquidem in illa prima societate vini vsus nō. **C**  
 dum venerat, postea vero cœperunt homines varijs ob-  
 lectari potibus, vt simul sitim sedarent, & coctioni quo  
 ad fieri poterat, opem ferrent fouendo ventris calorem,  
 itaq; alijs placuit usus uini, alij ceruusi, ut plurimis Gal-  
 liæ populis, alijs pomorū succi varij, sicut Antiochenis  
 & aliorū nonnullis. Hoc etiam confirmatur, nam po-  
 tus aquæ est communis cunctis animantibus, quoniā  
 sitis non homini tantum fit, sed etiam alijs animalibus,  
 vinum autem paucissimis eorum placet: non est igitur **D**  
 obiectum sitis naturale, & accommodatum, manifesta  
 quidem est minor propositio, nam etiam multæ homi-  
 num nationes uini potum legum edicto & naturali cō-  
 suetudine auersantur, quemadmodum faciunt Barba-  
 ræ nationes, & plurimi eorum, qui recens inuentas re-  
 giones accolunt, ceterorum autem paucissima inueni-  
 untur,

- A** untur, quibus uinum placeat, atque inter hæc potissimum narrat Aristoteles uiperas, utpote quæ uino inebriati capiantur dolo, & simias præsertim caudatas, quæ adeo fiunt ebriæ, ut ebriorum prope more insanire uideantur. Videmus præterea quod in ingenti siti qualis sit in æstiuis squalloribus, & febrili caumate uinum quantum uis accipiat, uel non placet, uel sitim non sedat, quemadmodum facit aquæ potus. Quibusdam tamen uisum est potius uinum primo loco esse
- B** accommodatum ad desiderium potus, utpote quod longe melius appetentiam illam possit explere, quoniam Aristoteles uigesima octaua problematum quæstione quinta inquit, sitim esse duarum rerum desiderium cibi uidelicet, ac potus, illud ergo est maxime cõueniens obiectum sitis quod potest esse pro cibo simul & potu, uinum uero est huiusmodi, cum plurimum nutriat, igitur uinum præstat aquæ in extinguenda siti. Confirmatur præterea, nam potus ad instaurandum intrinsecum humorem substituitur, sed aqua illum instaurare non potest, ut uinum, cum nullo pacto nutriat, igitur uinũ est magis consentaneum siti: præterea uinum frigidũ est in actu, & humidum sicut aqua fouet etiam calorẽ, coctionem adiuuat, ventriculum roborat, cunctarum partium vires, & substantiam reficit, continuo humorem reparat, & spiritus ipsos consolatur; igitur uinum est per se ipsum magis cõueniens, ac primarium obiectum sitis. Videmus præterea ex moderato uini potu homines fieri alacriores, fortiores, magis viriles, & ad omnes viriles actiones magis idoneos, aqua autem cõtra ventriculum laxat, calorem hebetat, coctiones impedit, & pigerrimos facit homines, ac cæteris paribus magis effeminatos, quapropter vel siti saltem humanæ magis cõueniens, & accommodatum esse uidetur quibus accedit, quod si uini usus modum non excedat




diuturniorem non nihil efficit vitam, quoniam homi- A  
 nes senes cum imbecilles sint, & frigidi prope extin-  
 cto calore vitali, & emarcescente humore nativo huius-  
 cemodi potum desiderant, & cum illo bene habent,  
 quapropter Plato in libris de lege vinum plurimis ve-  
 tar, senibus autem nunquam. Ego arbitror facillime  
 sedari posse hanc controuersiam, nam aqua est conue-  
 nientior potus potionis tantum gratia, vinum autem  
 utriusque simul ratione, cibi nimirum & potus est ma-  
 gis accommodatum, quam obrem aqua est magis con- B  
 ueniens siti per se siue sitis est tantum, vinum au-  
 tem ex accidenti, & hoc modo singula diluuntur  
 rationes, quas non oportet sigillatim recen-  
 sere, uini autem incommoda quot &  
 qualia sint, historiam & causas in  
 aliū locum dimitto, cui ma-  
 gis id proprium esse  
 videatur.

F I N I S.



Errata sic corriges.

Pagina 3. ad vnu, ad vnum. 12. b. appetitu, appetitus. 17. a. gene-  
 re, generi. 27. d. differant, differunt. 48. a. quidpiam, quispiam.  
 54. d. 8. phis. 48. primo phis. 49. 57. c. iucundissimum, iucundum.  
 97. a. inducandos, indicandos. 99. a. retrahit, retrahi. Ibid. c. exe-  
 unt, exuunt. 119. d. quod qui, qui. 126. b. peruigilio, peruigilio.  
 153. a. quietem, quiete. 161. c. cogentur, cogeretur. 190. b. vete-  
 rorum, vterorum. 199. a. cnuclant, cruciant.



REGESTVM.

ABCDEFGHIJKLMNQRSTVXYZ.

Aa Bb Cc Dd Ee.

Omnia sunt folia, præter E e, quod est medium.



ROMÆ,

Apud Franciscum Zanettum. M D LXXX.

PERMISSV SUPERIORVM.

LIBRARY

ALBERTUS MAGNUS

1210-1280

Summa theologiae



ROMA

ALBERTUS MAGNUS

Summa theologiae









